

اجو کی پنجابی نثر

تماہی ”سانجھ“ وچ چھین والیاں لکھتاں دی چون



سودھی: سفیر رامہ، اعجاز

سانجھ رسالے دے چیف ایڈیٹر سفیر رامہ ہوریس امریکہ
رہندے نیں تے پنجابی دے جانے پہچانے کامے نیں۔ کافی
چرتوں پنجابی دی بھرویں تے جگ وچ سب توں مشہور ویب
سائٹ اپنا آرگ (apnaorg.com) دے ناں توں چلا
رہے نیں۔ پنجابی بارے ایہناں دیاں لکھتاں امریکہ تے
پاکستان دے اخباراں رسالیاں وچ چھپدیاں رہندیاں نیں۔



امریکہ وچ پنجابی دی سنگٹری تنظیم اپنا Academy of the Punjab in North America
دے مڈھلے ممبر تے کوآرڈینیٹر (Coordinator) نیں۔

اعجاز دا جنم 25 فروری 1990ء کھڑیا نوالہ، لائل پور (فیصل
آباد) دا اے۔ اوہناں دیاں چھپتاں وچ ”رڑے
دار کھ 2010ء“، ”بے برکتے دناں دی کتھ 2015ء“
آتے لوہا ور 2017ء“ ناں دیاں کتاباں شامل ہن۔ اوہ نظم تے
نثر دوواں کھیتراں وچ لکھن دی یکساں قدرت رکھدے نیں۔
اوہ اجکل بطور پنجابی لیکچرار سرور شہید (نشان حیدر) گورنمنٹ



ڈگری کالج گوجر خان، راولپنڈی وچ پڑھا رہے نیں۔ اوہ لائل پور توں پنجابی اکھراں وچ چھپ
رہے لڑی وار پرچے ”قفنس“ دے ایڈیٹر نیں۔ ایس توں اڈا اوہ اپنا اک آن لائن پنجابی پیپر ”انہد“
دے ناں توں وی چلا رہے نیں۔

سانجھ
SANJH
PUBLICATIONS

Book Street, 46/2 Mozang Road, Lahore, Pakistan.

Phone: +92 3314686276

e-mail: sanjhpk@yahoo.com, sanjhpk@gmail.com

Web: www.sanjhpublications.com

ISBN: 978-969-593-287-2



اجوکی پنجابی نثر

اجوکی پنجابی نثر

تمہاری ”سانجھ“ وچ چھپن والیاں لکھتاں دی چون

سودھی:

سفیر رامہ، اعجاز

اجوکی پنجابی نثر مضامین صفر رامہ / اعجاز

پہلی وار	:	2018ء
ٹائٹل	:	ارشاد حسین
تعداد	:	500
قیمت	:	1000

Ajoki Punjabi Nsar

Contemporary Punjabi Prose Compiled by Safir Rammah/Ijaz)

Copyright © . 2018 1st Edition

Except in Pakistan this book is sold subject to the condition that it shall not, by way of trade or otherwise, be lent, resold, hired out or circulated without the consent of the author or the publisher in any form of binding or cover other than that in which it is published.

Printed by:

Naveed Hafeez Press, Lahore.

Price:

In Pakistan: Rs. 1000.00

Published by:

سانجہ

SANJH
PUBLICATIONS

Book Street, 46/2 Mozang Road, Lahore, Pakistan.

Phone: +92 3314686276

e-mail: sanjhpks@yahoo.com, sanjhpks@gmail.com

Web: www.sanjhpublications.com

ISBN: 978-969-593-287-2

اجوکی پنجابی لہر دے ناں

سرناولی

9

اعجاز

مکھ بول

پنجاب، پنجابی تے پنجابیت

- 17 فاروق ندیم پنجابی زبان تے لہجیاں داسلاٹر ہاؤس
- 30 فاخرہ ریاض / اُلتھا: محمد افضل شاہد بولیاں دے وٹاندرے: پنجابی بولی راہیں
- 42 جمیجا سنگھ جوہل پنجابی بولی کدے نہیں مرے گی
- 47 راجا محمد احمد قطر وچ بھناں نال ملاقات
- 57 ایسا ارز / اُلتھا: ڈاکٹر ظفر اقبال محسن دو پنجاب: جنوبی ایشیا وچ امن دا ثقافتی راہ
- 70 درشن سنگھ آشت ورثہ: وسر رہیاں نیں سانجھے پنجاب دیاں بال کھیڈاں
- 80 محمد افضل شاہد وارث شاہ تے ہیر
- 92 عامر غفار گوری سکھی دور دیاں ہیراں

تواریخ

- 121 چمن لال / اُلتھا: وسیم رامے، ابراہام مظہر بھگت سنگھ دا انقلابی ورثہ
- 145 احمد سلیم کتھا بریڈ لاہال تے اوہدے وسنیکاں دی
- 158 سندھی لوک کہانی / پنجابی روپکار: محمد مرہ سکندر ہاریا
- آصف رضا

کہانیاں

- 167 اعجاز / اُلتھا: نرندر جیت کور بٹ صاحب
- 184 سعادت حسن منٹو / اُلتھا: فالکن گر مکھ سنگھ دی وصیت
- 191 رام لال / اُلتھا: مہیندر بیدی جیتو اک جام لاہور دے نام

سفرنامے

- 205 سید ھو صاحب / اُلتھا: ثناء اللہ گوندل پاکستان یا تریا
- 216 چمن لال / اُلتھا: ثناء اللہ گوندل لہور تے اوہدے آل دوال دا اک جذباتی سفر

بُھتا پیار نہ کریں نہیں تے رُل جائیں گا ہرنیک سنگھ گھڑواں 232

موئے تے وچھڑے کون میلے

245 کتھا اک چوری دی احمد سلیم
260 اُستاد شاعر برکت رام بھمن سُبھاش شرما
279 ایہو جیہا سی لال سنگھ دل بیباکلونت
288 میتھوں میرا برہاؤڈا پریم گمار
300 مرن داشوقین: منیر نیازی مسعود منور
309 گیت گلزار داشنگار: نند لال نور پوری گردیو سنگھ پند وبل
322 نور جہاں خالد حسن / التھا: پونم سنگھ

تماہی سانجہ باہے لکھیاں لکھتاں

359 دُولی سانجھ امر جیت چندن
363 تماہی ”سانجھ“ وچ چھپیاں لکھتاں دی: بلیو گرافی اعجاز

مکھ بول

پنجابی دا شمار جگت بھردیاں پندرہاں وڈیاں زبانوں وچ ہوندا اے۔ ایہدے بولن، پڑھن، سنن تے سمجھن والے دُنیا بھر دے مُلکاں وچ وسیا کیتی بیٹھے نیں؛ جیہناں وچ وڈی گنتی پاکستان، ہندوستان توں باہر کینیڈا، امریکا، برطانیہ، آسٹریلیا تے ہور دو جے ودیشاں وچ وس رہے اوہناں پنجابی پیاریاں دی اے، جیہڑے پردیس بیٹھے اپنی جمن بھونیں تے ماں بولی توں کدے وانجھے نہیں نیں۔ اوہ ودیش بیٹھے ہر پل، ہر گھڑی اپنی دھرتی ماں کولوں دور رہ کے وی ایہدی سیوا کرن وچ رُجھے رہندے نیں۔ شاید ایہہ ای اوہ مُڈھلا کارن ایں کہ جس پاروں مشرقی تے مغربی پنجاب توں وکھاک اوہ پنجاب وی سانوں نظر بند اے جیسے ساری دُنیا نوں اپنے کلاوے وچ لٹا ہویا اے۔

تتاں پنجاباں وچ اُنج تے بہت ساریاں سانجھاں اسانجھاں اہیاں نیں جیہناں نوں مکھ رکھ کے لکھن پیسے تاں کئی کتاباں ترتیب دتیاں جاسکدیاں نیں۔ اوہناں وچوں ای اک اچھی سانجھ نارتھ امریکا وچ بیٹھے اوہناں پنجابیوں دی وی اے جیہناں آودی ماں بولی (پنجابی) نال اپنے موہ دا وکھالا کردیاں گجھ ورھے پہلاں اکیڈمی آف دی پنجاب ان نارتھ امریکا وچ (اپنا) ناں دی تنظیم تے ”اپنا آر جی (apnaorg)“ ناں دی پنجابی دی پہلی وڈی ویب سائٹ لانچ کر کے کیتا۔ ایہناں پنجابی سپتراں جتھے اجو کے دور وچ پنجابی بولی نوں درپیش چنوتیاں نوں مکھ رکھیا، اوہ تھے ای ایہناں چڑھدے، لہندے تے باہر لے پنجاب دے سوجھواناں، پڑھیاں تے پنجابی پیاریاں نوں اک دوئے نال جوڑی رکھن لئی گرکھی تے شاہ مکھی لپی وچ نہ صرف کئی کتاباں چھاپیاں؛ سگوں ”سانجھ“ ناں دا اک تماہی پنجابی پرچاوی کڈھیا؛ جیہڑا اکو ویلے دوہاں لپیاں وچ لہور تے لدھیا نے توں چھپدار ہیا اے۔

پنجابی پرچا کاری وچ ”تماہی سانجھ“ اک نگہروادھا ثابت ہویا۔ ایس بارے اپنے

وچار سانجھے کردیاں ایس پر مندر جیت سنگھ لکھدے نیں:

”ہناں شک سانجھ کئی پکھاں توں نواں، نویکلا تے وکھری ادبی اہمیت والا پرچا ثابت ہو یا ہے۔ بھارت تے پاک وچلے دوہاں پنجاباں دی آپسی سانجھتاں کئی پدھراں تے پیش ہندی آرہی ہے پر دوہاں پنجاباں توں وکھرے تے پردیسیں وسدے پنجاب نوں اپنے نال جوڑ کے گل کرنی ودھیرے اہم ثابت ہو رہی اے۔ پردیس وچ وسدے پنجاب دی گل ہُن تک بھرویں روپ وچ کتنے نہیں سی ہوئی۔“

..... سانجھ دا چھپنا ہناں پنجاباں نوں سانجھے منج تے کھلو کے ہاک مارن دل وچ جاو بی پتن ہے۔“
کسے وی زبان دی ترقی تے ودھائی اخباراں تے رسالے آکسیجن داکم دیندے نیں۔ ایہ وجہ اے کہ کسے قوم، کسے ملک یاں کسے عہد دے معاشرتی، مذہبی، ادبی تے اقتصادی حالات نوں جانن، واچن یاں پرکھن سہ سانوں اوس ویلے دے اڈواڈر سالیان، کتاباں تے روز واراخباراں نوں مکھ رکھنا پیندا اے۔

تماہی سانجھ دا پہلا انک: اپریل، مئی، جون 2007ء نوں چھپ کے ساہویں آیا تاں تہاں پنجاباں دے پنجابی پیاریاں ایہدی سلاہنا لئی بھرواں ہنگرا بھریا۔ ایہنوں ’جی آیاں نوں‘ آکھن لئی اوہ وکھ وکھ شہراں تے ملکاں وچ ہو رہے سانجھ دے مکھ وکھالی اکٹھاں وچ رل بیٹھے۔ ’سانجھ‘ نوں جتھے ودھیا دکھ تے سوہنی پرننگ نال شدگار کے پیش کیتا جاندا رہیا اے، او تھے ای ایس وچ شامل لکھتاں نوں وی اچھتا نال نوازا جاندا رہیا اے۔ ایہدے سودھی سفیر رامہ ہوری سن، جدوں کہ اوہناں دے ہتھ وٹاندرے لئی جاوید بٹنا، ڈاکٹر منوشر ماسوہل، ڈاکٹر جگتار دھیمان تے انت کور موڈھے نال موڈھا جوڑ کے کھڑے رہے۔ ساڈے پاسے ایہناں پیاریاں دے بانہہ بلیاں وچ احمد سلیم، زبیر احمد، محمد آصف رضا تے ساجد ندیم دے ناں سرکدھویں نیں۔ ایس توں مگروں ایس قافلے دے رلتیاں وچ وادھاوی ہو یا تے ایس وچ اجو کے پنجابی سلیکھ دے سرکدھویں سو جھوان تے شاعر احمد سلیم، زبیر احمد، گرچرن کور کوچر تے پریم سنگھ بجاج ہو ریں آ رے؛ ایہناں پنجابی سپتراں اک مُٹھ ہو کے پنجابی زبان تے ادب دے ودھائی اک عرصہ چوکھا کم کیتا۔

تماہی ’سانجھ‘ دی وڈی خوبی ایہہ سی کہ ایہہ اکو ویلے دوہاں لپیاں وچ لہورتے لدھیانے توں ورتایا جاندا رہیا اے، جس پاروں ساڈا واہ دُنیا بھر وچ رچے جارہے اجو کے پنجابی

ساتھ دے نویں لکھن والیاں دے نال نال منے پر منے شاعراں تے لکھیاں اُتے اوہناں دیاں لکھتاں نال پینداسی۔ ’سانجھ‘ وچ نظم، غزل، گیت، کہانی، مضمون، سفر نامے، کتاب تبصرے تے انٹرویوز وی چھپدے رہے نیں۔ دو جے پنجابی پرچیاں وانگ ایہدے چھپن چھپان دے معاملیاں وچ وی کئی اڑچناں آوندیاں رہیاں۔ اپر ایہناں اڑچناں نال بجھدے ایہدے کا مے ہر حال وچ ایہنوں معیاری لکھتاں تے سوہنی دکھ نال شدگار دے رہے نیں۔ ’سانجھ‘ دے مڈھلے مقصد اں وچ دوہاں پنجاباں وچ دوو کھ وکھ لپیاں ہون و جوں لفظاں دے ودھ رہے وکھریوں نوں ڈکالاون توں اڈ، دوہاں پاسیاں دے پنجابی سوجھوان لکھاریاں، دانشوراں تے پڑھنہاراں دی سُر ت اُتے وچار دھارا نوں اک دوئے نال سانجھا کرن دے ای نہیں؛ سگوں پنجابی بولی، ثقافت اُتے ایہدے ورثے دی سانجھ سنبھال تے وادھ لئی نویں سُر ت جگاؤن دے وی نیں۔

تماہی ’سانجھ‘ داپلوٹھی دا پرچا: اپریل، مئی، جون 2007ء وچ چھپیا۔ ایس توں مگروں ایہدے بارہاں شمارے ہو چھپے، جیہناں وچ چھپواں، ستواں تے فرگیا رھواں، بارہواں شمارہ دو دو کر کے اک اک پوتھی وچ شامل نیں۔ ’سانجھ‘ دا آخری انک جیہڑا 2010ء وچ چھپیا: اپریل 2009ء توں لے کے دسمبر 2010ء تک دے تناں پرچیاں تے ادھارت اے۔ انج ایہدے گل ملا کے پندرہاں پرچے چھپ سکے۔ ’سانجھ‘ نوں شدگارن وچ جیہڑے چتر کاراں اپنے فن راہیں ایکتا اُتے سانجھ دے پھل پیش کیتے اوہناں وچ صابر نذر، دیو، امرتا شیرگل، جمیل سنگھ، سکھ پریت سنگھ، رافعہ ضیاء، گلونت بسرا اُتے احمد زوئے دے ناں سرکڈھویں نیں۔ ’سانجھ‘ دے شاہ منگھی وچ چھپے ابتدائی شمارے شرکت پریس لہور دے چھپے ہوئے نیں اُتے بعد والے اعزاز الدین پریس لہور دے۔

ساڈے پاسے بھارتی پنجاب دی نسبت سرکاری سرپرستی تے ہلاشیری نہ ہون کارن بہت گھٹ پنجابی اخبار-یاں رسالے چھپدے نیں۔ جے کجھ چھپدے وی نیں تاں یوتا چر اپنی ساکھ برقرار رکھن وچ سہل نہیں رہندے۔ ایس حوالیوں ویکھیا جاوے تاں پنجابی پرچا کاری دے مسائل وی عجیب نیں۔ پنجابی زبان ہر لحاظ نال دو جیاں علاقائی زبانان دی نسبت سبھ توں مندے حالاں دا شکار اے۔ معاشی مسئلیاں توں وکھ الیکٹرانک میڈیا دی ودھدی یلغار نے تاں

پنجابی زبان دی بیڑی وِچ وٹے پائے ای ہن: ایپر ایس دے اڈواڈ لہجیاں، املاء دے مسئلے
 اتے عام لوکاں دے رویاں ایس نوں کدے ودھن پھلن داڈھکواں موقع ای نہیں دتا۔ ایہو وجہ
 اے کہ اہمیاں کجھ اڑچناں ”سانجھ“ دے پلے پناں تے ایہدی اشاعت دا سلسلہ وی رُک گیا۔
 انج تئاں پنجاباں وِچ ادبی سانجھ دا جیہڑا درگھلیا، اوہ کجھ عرصے بعد اچن چیت! جیہڑے ای بند
 وی ہو گیا؛ جیہڑا تاحال اے تک وی بندش دا شکار اے۔ سفیر رامہ ہوری ہن سانجھ نوں انٹرنیٹ
 تے چھاپن دا آہر کر رہے نیں۔

”اجوکی پنجابی نثر“ تمہا ہی سانجھ وِچ چھپے مضموناں تے کہانیاں دی چون اے جیہڑی لہندے،
 چڑھدے تے باہر لے تئاں پنجاباں دی نمائندہ پنجابی نثر اے۔ ایس کتاب نوں وکھو وکھ (۵)
 تنگھیاں وِچ ونڈیا گیا اے: جیہناں دا ویروا کجھ انج اے:

۱۔ پنجاب، پنجابی تے پنجابیت

۲۔ تواریخ

۳۔ موئے تے وچھڑے کون میلے

۴۔ کہانیاں

۵۔ سفر نامے

۶۔ تمہا ہی سانجھ بارے لکھیاں لکھتاں

جسراں کہ ایہناں وکھ وکھ حصیاں دے سرناویاں توں ای صاف سدھ ہوندا پیا اے کہ
 ایہناں وِچ شامل لکھتاں کیہڑے کیہڑے موضوعات بارے نیں۔ ایپر فروی اسیں اتھے اوہناں
 دا اک سرسری جائزہ پیش کردے ہاں:

ایس کتاب دے پہلے حصے ”پنجاب، پنجابی تے پنجابیت“ وِچ اوہ لکھتاں شامل ہن؛
 جیہناں وِچ پنجابی زبان نوں درپیش مسئلے، ایہدے اڈواڈ لہجیاں، املاء اتے پنجاب وچوں
 الوپ ہونداں جا رہیاں قدریں، رسماں اتے ریتاں رواجاں بارے مختلف سوچھوان لکھاریاں
 دیاں تجویزاں، مشورے اتے کاڈھاں پیش کیتیاں گئیاں نیں۔ ایس حصے دے آخری دو لیکھ
 جگت مشہور پنجابی قصہ ”ہیر“ بارے نیں۔

”تواریخ“ ناں دے حصے وِچ کل تن لکھتاں شامل نیں۔ اوہناں تئیاں

لکھتاں وچوں پہلا لیکھ بھگت سنگھ بارے وے۔ اپنے ایس لیکھ وچ چمن لال ہوراں بڑے سچ نال بھگت سنگھ دے انقلابی ورثے نوں سانبھن، اوہناں جانن، واپن اے تے جھن دی گل کیتی اے۔ ایس حصے دیاں دو جیاں لکھتاں وچ احمد سلیم ہوراں دی بریڈ لالہ اے اوہدے وسیکاں دی کتھا اے محمد آصف رضا ہوراں دی سندھی توں ترجمانی لکھت ”مٹر سکندر ہاریا“ شامل اے۔ ایس توں اگلے حصے وچ اوہناں سفری یاداشتاں نوں تھان دتی گئی اے، جیہناں وچ سن سنتالی دی وڈ دا دکھانت گٹ گٹ کے بھریا ہویا اے۔

”موئے تے وچھڑے کون میلے“ ایس کتاب دا تیجا وڈا حصہ اے۔ ایس حصے وچ دو نہہ پنجاباں دیاں اوہناں سرکڈھ شخصیتاں بارے لکھیاں لکھتاں شامل ہن، جیہناں اک عرصہ پنجابیاں دے دلاں تے راج کیتا اے۔ اوہناں عظیم شخصیتاں وچ امرتا شیرگل، میڈم نور جہاں، نند لال نور پوری، استاد برکت رام یمن، منیر نیازی، شوکار بٹالوی تے لال سنگھ دل دی حیاتی اے اوہناں دے فن بارے لکھیاں لکھتاں شامل نیں۔

اگلے چار حصیاں وچ تن کہانیاں، تن سفر نامے، تہا ہی ”سانجھ“ بارے پاکستان تے ہندوستان دیاں وڈیاں اخباراں وچ چھپن والے مضمون تے تہا ہی ”سانجھ“ وچ چھپیاں لکھتاں دی بلیو گرافی شامل نیں۔

تہا ہی ”سانجھ“ ہر لحاظ نال اک ادبی دستاویز اے۔ ایس وچ زرا دوہاں پنجاباں دے سماجی، اقتصادی، مذہبی اے ثقافتی پکھاں نوں ای نہیں درشایا گیا۔ ہکاں ایس وچ نویں پنجابی نظم، غزل، گیت اے کہانیاں نوں وی تھان دتی جاندی رہی اے۔ ایس چون وچ ایس تہا ہی ”سانجھ“ وچ چھپی شاعری تے فکشن نوں شامل نہیں کیتا، البتہ گجھ سفری یاداشتاں نمونے وجوں پیش نیں۔ ایس چون نوں پیش کرن سمیں ایس اوہناں سبھناں دانشور لکھاریاں دے دھنوا دی ہاں جیہناں دیاں لکھتاں ایس کتاب دی زینت بن رہیاں نیں۔

اعجاز

پنجاب، پنجابی تے پنجابیت

پنجابی زبان تے لہجیاں دا سلاٹر ہاؤس

سقوطِ پنجاب 1849ء وچ ہويا، ایس فتح دے نال گوریاں دا ہندوستان تے قبضہ مکمل ہويا۔ پنجابیاں (سکھاں) دی حکومت ویلے پنجاب دی حدود وچ لہور، پشاور، جلال آباد (موجودہ افغانستان دا علاقہ) ڈیرہ جات، ہزارہ، کشمیر، تبت، لداخ، جموں، کانگرہ، منڈی، سکیت، کلہو، بہاولپور تے کوہ سلیمان تائیں دے علاقے سن۔ بہاولپور تے کشمیر رنگیاں پنجاب دیاں 36 ریاستاں سن۔ برٹش پنجاب وچ دلی، دسار تے انبالا ڈویژن وی پنجاب وچ شامل کردتے گئے۔ 1912ء وچ دلی نوں پنجاب توں وکھ کر کے نویں ضلع دی شکل دے دتی گئی۔ اوس توں پہلاں پنجاب دے دو حصے کر کے 1901ء وچ اک حصے دا ناں شمال مغربی سرحدی صوبہ رکھ دتا گیا۔ 2010ء وچ 18 ویں ترمیم راہیں صوبہ سرحد دا ناں خیبر پختونخواہ ہو گیا اے۔ 1947ء دی ونڈ وچ پنجاب مشرقی تے مغربی پنجاب وچ تقسیم ہو گیا۔ بھارت وچ مشرقی پنجاب نوں تن ٹوٹیاں وچ ونڈیا گیا، اک ہماچل پردیش، دو جاہریانا آتے تیجا پنجاب۔ ایس ویلے بشمول دوہاں پنجاباں پوری دنیا وچ 25 کروڑ توں ودھ پنجابی زبان بولن والے نیں۔ پنجاب دے حجم تے طاقت توں خوفزدہ انگریزاں نے پنجاب نوں تقسیم در تقسیم کرن دے مرحلیاں چوں گزارن دا فیصلہ کیتا۔ طویل مدتی جنگ پاروں لسانی میدان چنیا گیا۔ ٹاسک سوکھاسی، پنجابی زبان دے مختلف لہجیاں نوں وکھریاں زبانناں قرار دتا جاوے۔ ایس عمل دی بنیاد مٹھ بھر سرکاری افسراں نے رکھ دتی۔ کجھ کم باہروں سدے سکالراں نے وکھایا تے کجھ دھکا عیسائی مبلغاں نے لا دتا، کم ایسا رڑھیا کہ اج 21 ویں صدی دی پہلی دہائی دے انت وچ ایسٹ انڈیا کمپنی دی ریسرچ نوں بنیاد بنا کے پنجابی زبان دے مختلف لہجیاں نوں وکھریاں زبانناں قرار دے کے آج ہر کوئی اپنے اپنے وکھرے صوبے دی منگ کر رہیا اے۔

ایس منگ وچ بہتا شور ساوتھ پنجاب دے حوالے نال پنجابی زبان دے لہجہ لہندا
یاں لہندی دا اے۔ ایہہ لہجا ملتان، ڈیرہ جات، مظفر گڑھ تے بہاولپور داسی۔ ایس وچ وی اختلاف
سی۔ ڈیرے والے اپنے لہجے نوں ڈیروی یا ڈیرے والی کہندے سن جدکہ ملتان والے ملتانئی تے
بہاولپور والے بہاولپوری یاں ریاستی۔ یاد رہوئے پئی 1962ء توں پنجابی زبان دے ایہناں لہجیاں
نوں سرانیکی آکھیا جان لکيا اے۔

1928ء نوں فوت ہون والے عیسائی مبلغ ریورنڈ ولیم سینٹ کلیر سٹڈل نے سبھ توں
پہلاں پنجابی زبان دے ایس دکھنی لہجے لئی ”لہندا“ دی اصطلاح ورتی۔ ایہہ اصطلاح اوہنے اپنی
کتاب ”اے سمپلیفائیڈ گریمر اینڈ ریڈنگ بک آف دی پنجابی لینگویج“ وچ پیش کیتی سی۔ ایہہ
کتاب 1889ء وچ لندن توں چھپی۔ ایہدا ڈوجا ایڈیشن 1961ء وچ نیویارک توں چھپیا۔
MS دے ایس عیسائی مبلغ نے اصل وچ 17 ویں صدی دے اک سکھ دے لکھے بابا گرو نانک
دے حالات زندگی بارے لکھی اپنی کتاب وچ پنجابی زبان دے ایس لہجے لئی لہندا یاں لہندی دی
اصطلاح ورتی۔ اصل وچ اوہدا مقصد ایس اصطلاح راہیں ملی جلی ادبی زبان دی وضاحت سی۔
بعد وچ لوکاں نے ایس اصطلاح لہندا نوں صیغہ تانیث وچ لہندی لکھنا شروع کردتا۔ پنجابی زبان
دے مختلف لہجیاں نوں وکھریاں زباناناں منن دے شوقین سر جارج گریئر سن (1851-1914) ڈاکٹر
کرسٹوفر شیکل (پیدائش 4 مارچ 1942ء) تے ڈاکٹر یو اے سمرنوف (پیدائش 1923ء) دے
بڑے حوالے دیندے نیں۔ سر جارج گریئر سن اوہ بندہ سی، جس نوں ”بمفورڈ“ نے اپنی لسانی
ریسرچ دے ”رف نوٹس“ وکھائے۔ چھپن توں کجھ مہینے پہلے جدوں سر جارج گریئر سن نے ایہہ
نوٹس ویکھے، اوہنوں پنجابی زبان دے ڈیروی ملتانئی، بہاولپوری یاں ریاستی لہجے نے انسپائر کیتا۔
گریئر سن نے 1895ء وچ بمفورڈ دے کم دی تشریح تے توضیح کیتے اک مضمون لکھیا، جس دا
سرناواں سی، ”آن پروناٹینل سفکسز ان دی کشمیری لینگویج“۔ سر جارج گریئر سن دا ایہہ مضمون
”جرنل آف دی رائل ایشیاٹک سوسائٹی آف بنگال“ وچ چھپیا۔ بمفورڈ اک کم وی پنجابی زبان دے
لہجیاں نوں وکھریاں زباناناں قرار دینا سی۔ اوہنے وی اپنی سوکالڈ ریسرچ انج نبھائی کہ پنجابی زبان
داجیہڑا لہجا وکھرے وکھرے فرق نال ڈیرے، ملتان تے بہاولپور چلدا سی، اوہنوں بڑے
دھڑلے نال اکھاں تے پٹی بنھ کے وکھری زبان دی کلئی تے ٹنگن دا حیلہ کیتا۔ بمفورڈ دے ایس

ادھورے شوق نوں سر جارج گریئر سن نے پورا کیتا۔ گریئر سن نے جیہڑا کم و کھایا، اوہ ایسٹ انڈیا کمپنی دے مفادات دے عین مطابق سی کہ کسے طرح پنجاب نوں لسانی بنیاداں اُتے تقسیم در تقسیم کر کے مار مکایا جاوے۔

گریئر سن نے اک پاسے تے پنجابی زبان نوں معیاری مبن توں انکار کیتا تے دوجے پاسے ایس داریشتا جنوبی پنجاب وچ رائج پنجابی زبان دے لہجے نالوں توڑیا۔ حتیٰ کہ پنجابی داتعلق سندھی تے کشمیری نال جوڑ کے کنفیوژن پیدا کرن دی کوشش کیتی۔ گریئر سن دیاں ایہناں حرکتاں پاروں اوہد انتقضاء نظر غیر جانبدار نہیں رہیا۔ بلکہ کہتے کہتے تے انتہائی متعصب وی لگدا اے جیہڑا پہلاں توں متھے نچیاں اُتے ریسرچ مڑھی جا رہیا اے۔ گریئر سن دی ریسرچ دی کچیاں تے تضادات اپنی تھاں نیں۔ لگدا اے تحقیق برائے تحقیق ہو رہی اے، جیوں:

”مغربی پنجابی کسے طرحاں وی معیاری پنجابی دالہجا نہیں کہلوا سکدی کیونکہ ایہہ بلکل الگ زبان اے جیہڑی کہ سندھی تے کشمیری نال قریبی تعلق رکھدی اے۔ ایہناں نوں آپس وچ رلان دی کڑی داکم وی دیندی اے۔“

(سر جارج گریئر سن)

”مسٹر بمفورڈ مین ایہہ دسدے نیں کہ ایہہ زبان اوس ویلے اوس جگہ دی نسبت توں جتھے کہ ایہنوں بولیا جاندا سی، ملتان کھلاندی رہی اے۔ کسے طرح وی ایہہ زبان سندھی تے پنجابی دی سرحد دی زبان نہیں۔ ایہہ تے خود پنجاب دی زبان اے جیہڑی اک اندازے دے مطابق دریائے جہلم دے مغربی علاقے توں شروع ہو کے دریائے سندھ اُتے پشتو بولن والے مغربی علاقے تک بولی جاندی اے۔“

سر جارج گریئر سن؛ ”جرنل آف دی رائل ایشیاٹک سوسائٹی آف

بنگال۔“ LXIV پہلا حصہ 1895ء (ص 336-351)

انج پنجابی زبان دی اصلوں ای چھٹی ہوئی۔ ایس نوں ملتان قرار دے دتا گیا۔ ایہہ گلاس مودھامارن داکم گریئر سن نوں واہوار اس آیا۔ ایس تحقیق دے عوضاں وچ 1898ء اندر

اونہوں ”لینکوسٹک سروے آف انڈیا“ داسپریٹنڈنٹ بنادتا گیا۔ اگلے 30 ورھے اوہ ایسے منصوبے تے ہی کم کردار رہیا۔ گریئرسن دے سٹائل نوں اگانہہ اوہدے فالوورز وی لے کے ٹرے۔ جیویں ڈیروی، ملتان، بہاولپوری یاں ریاستی دے حامی مرحوم ڈاکٹر مہر عبدالحق دا کہنا اے:

”پنجابی، پاکستان دے کسے وی حصے دی زبان نہیں اے۔

ایہہ زبان تعصب دے سببوں ودھی۔ وجہ ایہہ سی، سکھاں نے ملتان، حاکم نواب مظفر خان نوں 1818ء وچ شکست دتی۔ ایس طرح ایہہ مسئلہ مذہبی تے سیاسی رنگ اختیار کر گیا۔ کیونکہ سکھ پنجابی بولدے سن جدکہ ساوتھ پنجاب دے مسلمان ملتان بولدے سن۔“

اتھھے ایہہ گل چیتے رہوے پئی صرف زبان دی بنیاد اُتے کجھ برٹش رائٹرز تے سول سرونٹ نے پنجابی زبان دے ملتان، لہجے نوں ویسٹرن پنجابی یاں لہنداداناں دتا اے۔ البتہ ڈاکٹر شیکل برصغیر دے مغربی حصے دی پنجابی نوں لہنداداناں دین اُتے تنقید کردا اے۔

30 سال تک ”لینکوسٹک سروے آف انڈیا“ داسپریٹنڈنٹ رہ کے گریئرسن نے جیہڑی کتاب تیار کیتی اوہ وڈھے سائز دیاں (19) اُنی جلدیں وچ 8000 صفحات تے مشتمل سی۔ گریئرسن نے ایہناں (19) اُنی جلدیں چوں اٹھویں جلد وچ ”لہندالینگوئج“ تے گل بات کیتی اے۔ گریئرسن دے مطابق ”لہندا تے ملتان، شمال مغربی گروہ دیاں انڈو آریں زبانیں“۔

پنجابی زبان دے سرائیکی لہجے نوں وکھری زبان قرار دین دے شوقین اپنے آپ نوں جستی فانی کرن لئی گل، گل اُتے ڈاکٹر کرسٹوفر شیکل نوں کوڑ کر دے نہیں۔ بمفورڈ تے سر جارج گریئرسن نے جس کم نوں ٹوریا سی، شیکل اوہ سہ نوں اگانہہ دھکدا اے۔ 4 مارچ 1942ء نوں جمن والا ڈاکٹر کرسٹوفر شیکل 1972ء وچ ڈاکٹریٹ کردا اے۔ اوہدے تھیسز دا عنوان سی۔

”سرائیکی تے سرائیکی ادب 1750ء تا 1900ء بالائی سندھ تے جنوب مغربی پنجاب وچ“۔ صدر شعبہ انڈیالوجی ڈاکٹر کرسٹوفر شیکل لندن یونیورسٹی دا استاد اے۔ اوہ (1967-68ء) وچ پاکستان آیا۔ اوہ پنجابی زبان دے سرائیکی لہجے تے ایتھوں دیاں دو جیاں زبانیں بارے جانکاری حاصل کردار رہیا۔ پھیرجدوں اوہ 1975ء وچ پاکستان آیا تے اوس سندھ وچ ہون والی کانفرنس توں علاوہ ملتان وچ ہون والی پہلی سرائیکی ادبی کانفرنس وچ وی اپنے وچاراں دا اظہار کیتا۔ ڈیرہ تے

ملتان دے علاقیاں لئی پنجابی زبان دے ڈیروی یاں ملتان لہجے نوں وکھری زبان قرار دینا اوس علاقے دی دیہی تے سیاسی اشرفیائی مطلق العنان حاکمیت دا خواب بن داسی۔ اوہناں نے وی ایس ”علمی کم“ دی کندھوکی، لکھاریاں دی سرپرستی کیتی گئی۔ من مرضی دار یسرچ ورک کروایا گیا۔ ڈیرہ تے ملتان وچ تگڑیاں زمینداریاں تے جاگیرداریاں نیں۔ مغلاں، سکھاں، انگریزاں نے واہوا بھاگ لائے تے گٹھ جوڑ دے سسٹم لئی دیہی تے شہری اشرفیانوں اُچ ٹیسی رکھیا۔ اوہناں دے مطلق العنان اقتدار دے خواب وچ بہاولپور تے رحیم یار خان دی سیاسی اشرفیاد حصہ ضروری نہیں سی۔ ڈیرے تے ملتان والے سمجھدے نیں؛ ریاست بہاولپور بناون والے عباسی نواب ٹبر مقامی یاں لوکل نہیں، بلکہ ایہہ مہاجر نیں۔ کیونکہ عباسی نواب 1723ء وچ سندھ توں کلہوڑیاں دے دربار چوں اٹھ کے ملتان اپڑیا سی۔ اوس ویلے دے ملتان حاکم نے اوہناں نوں ”علاقا چودھریاں“ وچ زمیناں دتیاں۔ بعد وچ اک رحیم نامی عباسی شہزادے دے سڑکے مرن پاروں ”علاقا چودھریاں“ داناں ”رحیم یار خاں“ رکھ دتا گیا۔ ملتان دی سیاسی اشرفیائی (ہیڈ سلیمائی) توں لے کے حاصل پور شہرتائیں، بشمول ضلع بہاولنگر (جنوبی پنجاب دے جنوب دا علاقہ) کنٹرول توں باہر ای رہندا سی۔ مدت تک عباسی نواباں تے شہر فریہ چشتیاں دے لکھویریاں نال علاقے تے قبضے پاروں جنگاں ہوندیاں رہیاں۔ فیر کدھرے بعد وچ جا کے شہر بہاولپور تے حاصل پور آباد ہوئے تے ریاست بہاولپور بناون دا اعلان ہویا۔ ڈیرے تے ملتان والے بہاولپور وچ بولی جان والی پنجابی زبان دے بہاولپوری یاں ریاستی لہجے نوں اے وی اپنے لہجے توں تھلے سمجھدے نیں۔

1962ء توں پنجابی زبان دے ڈیروی، ملتان، بہاولپوری یاں ریاستی لہجے نوں باقاعدہ طور اُتے سرانیکی قرار دے دتا گیا۔ ایس دے باوجود ہن وی بہاولپور تے رحیم یار خاں دی سرانیکی ڈیرے والے تے ملتان سرانیکی نہیں سمجھدے۔ بلکہ اپنے لہجے دی کوئی ماٹھی جیہی شاخ سمجھدے نیں۔ بہاولپوری یاں ریاستی لہجہ رحیم یار خاں تے بہاولپور تیک ای رہیا۔ اُرانہہ حاصل پور ول قائم پورتائیں رہیا۔ جد کہ ہُن وی حاصل پور توں لے کے ضلع بہاولنگر تائیں تقریباً 50 لکھ پنجابی بولن والے نیں۔ پنجابی زبان دے سرانیکی لہجے نوں اپنان والے 0.1 فیصد وی نہیں۔ ڈیرہ، ملتان تے بہاولپور دی اشرفیادے اندرونی تضادات اپنی تھاں! پراہیناں تھاواں دے دانشور جدوں پنجابی

زبان دے لہجیاں نوں وکھریاں زبانان قرار دیندے نیں تے بمفورڈ، گریئرسن، ڈاکٹر کرسٹوفر شیکل تے یو اے سمرنوف دے کماں چوں ای دلیلاں گھڑن دیاں کوششاں کردے نیں، یاں پھیرا ہناں رنگے دوجے لہجہ دے نیں۔

ڈاکٹر کرسٹوفر شیکل چوتھی واری 30 ستمبر 1978ء وچ پاکستان آیا اتے مئی 1979ء وچ واپس پرتیا۔ ایس دوران اوہ ملتان، بہاولپور، ڈیرہ غازی خاں تے ڈیرہ اسماعیل خاں وچ رہیا۔ اوہدا آخری پھیرا 1990ء دے شروع وچ لکیا۔ ایس دوران 1980ء وچ ضیاء الحق دی سرکار پنجابی زبان دے سرائیکی لہجے نوں سرکاری طور اُتے وکھری زبان قرار دے چکی سی۔ اپنے آخری پھیرے وچ ڈاکٹر کرسٹوفر شیکل بڑا مصروف رہیا۔ اوس ملتان، مظفر گڑھ، ڈیرہ غازی خاں تے بہاولپور وغیرہ دا تفصیلی دورہ کیتا اتے ایس دوران اوہ اڈواڈ سرائیکی ادیبان نال ملاقاتاں کردا رہیا۔ ڈاکٹر کرسٹوفر شیکل پنجابی زبان دے سرائیکی لہجے نوں وکھری زبان قرار دین ویلے جیہڑے لفظاں دا حوالہ دیندا اے، اوہناں چوں 80 فیصد توں زائد لفظ تے مرکزی پنجابی زبان یاں سینٹرڈ پنجابی زبان دے نیں۔ ڈاکٹر شیکل نوں گرومن والے سرائیکی گرائمر اُتے لکھی اوہدی کتاب ”دی سرائیکی لینگویج آف سنٹرل پاکستان“ نوں یادگار تے حوالہ جاتی قرار دیندے نیں۔ 198 صفحے دی ایہہ کتاب 1976ء وچ سکول آف اورینٹل اینڈ افریقن سٹڈیز، یونیورسٹی آف لندن نے چھاپی۔ ایس وچ اوہنے سندھی، سرائیکی توں علاوہ سرائیکی دیاں مقامی قسماں تے وی لکھیا۔ ایس لکھت وچ اسم، فعل، جملے وغیرہ تے وی اوس اپنے خیالات دا اظہار کیتا۔

سرجارج گریئرسن نے پنجابی زبان دے لہجیاں نوں وکھریاں زبانان ڈکلیئر کرن داکم بمفورڈ دی لکھت توں شروع کیتا سی۔ ویکھن والی گل ایہہ وے کہ ایورنڈ ٹریور بمفورڈ (1849-1925ء) کون سی؟ اوہ بنیادی طور اُتے مشنری سی۔ مسیحت دی اشاعت پاروں 1881ء توں لے کے 1886ء تائیں ملتان وچ رہیا تے اوس مقامی لب و لہجے دی پنجابی سکھی۔ اوہدی توجہ ملتان لہجے دے قواعد وی رہی۔ ”جرنل آف رائل ایشیاٹک سوسائٹی آف بنگال“ وچ اوہدا مضمون ”رف نوٹس آن دی گرائمر آف لینگویج سپوکن ان دی ویسٹرن پنجاب“ (LXIV، حصہ پہلا، ص 290 تا 355) 1895ء وچ چھپیا۔ اوہنے اپنے مضمون وچ زبان دے قواعد بارے بھرویں بحث کرن دی کوشش کیتی۔ اوہ پنجابی زبان دے مختلف لہجیاں نوں وکھریاں زبانان ای خیالدا

رہیا۔ گرائمر دے حساب نال ضمیری لاحقیاں بارے پہلے لوکاں دے وچاراں دی اصلاح وی کرن دی کوشش کردارہیا۔ بمفورڈ نے ملتان، اُچی تے جنگی دے ناں رد کر چھڈے۔ ایہناں دی تھاں اوس ”مغربی لہندا“ داناں دتا۔ برٹن دے مضمون، او برائن دی گلاسری تے اوس زبان (جس نوں اوہ زبان سمجھد اسی) دے قواعد تے دو جے قلمی اشاریاں بارے اوہدے مضمون دادوحوالیاں نال ویرواہوند اے۔ ایس مضمون وچ او برائن دے اوہ خیالات وی موجود نیں جو اوس نوں نوٹس دی شکل وچ 1885ء اندر او برائن نے دتے۔ ایس توں علاوہ وی بمفورڈ دے سائمنس سپر امپور دے نیوٹنٹا منٹ تے جیوکس دی بائبل دے تراجم سن۔ انگریزاں دے دور وچ عیسائی مشنریاں نے جیہڑے علاقیاں ول بھتا دھیان دتا، اوہناں وچ جنوبی پنجاب دا علاقہ وی شامل اے۔ اک مشنری ہون دے ناطے اوہداوڈاٹارگٹ تے ایہو بن دا اے کہ عہد نامہ عتیقی و جدید دا ترجمہ ودھ توں ودھ لوکاں تیک اپڑے۔ اوہدی لسانی ونڈ، پچھوکڑ اوہدیاں مذہبی مجبوریاں وی نیں۔ بمفورڈ نے 1896ء وچ ہمیش لئی ملتان نوں چھڈیا تے آخری واری پنجابی زبان دے ملتان لہجے اُتے 1897ء وچ بحث کیتی۔ بمفورڈ دا ایہہ مضمون ”جرنل آف دی رائل ایشیاٹک سوسائٹی آف بنگال“ وچ ”پروناٹینل ایڈجنٹس ان دی لینگویج سپیکن ان دی ویسٹرن اینڈ ساؤدرن پارٹس آف دی پنجاب“ (LXVI، حصہ پہلا، مطبوعہ 1897ء ص 146 تا 163) دے ناں توں چھپیا۔ ایس بارے ڈاکٹر کرسٹوفر شیکل دا خیال اے..... ”بمفورڈ نے سرائیکی دے امکانات نوں نقصان پہنچایا اے۔“

پنجابی زبان دے مختلف لہجیاں نوں وکھریاں زبانناں متھن دے مشتاق 1923ء وچ سوویت یونین اندر جس والے ”یو اے سمرنوف“ دے لسانیات اُپر کیتے کہاں چوں وی تصدیقاں، دلیلاں پھر ولدے نیں۔ کالج دی پڑھائی توں ویلھا ہو کے یو اے سمرنوف فوج وچ چلا گیا۔ ماسکو دے غیر ملکی زبانناں دے انسٹی ٹیوٹ وچ سمرنوف نے دوجی وڈی جنگ توں بعد داخلہ لیا۔ پنجابی زبان تے اوہدے سرائیکی لہجے نال دلچسپی پیدا ہوئی۔ یو اے سمرنوف نے اوہناں مہاجرناں توں سرائیکی سکھی جیہڑے کہ 1947ء دی ونڈ توں بعد پاکستان توں ہجرت کر کے بھارت گئے سن۔ ”پنجابی زبان دے نظریاتی انکشافات“ دے عنوان نال جیہڑا مقالہ اوس لکھیا، اوس اُتے 1978ء وچ ڈاکٹریٹ دی ڈگری لیتی۔ 1970ء وچ اوہنے جیہڑی کتاب لکھی، اوہدا انگریزی ترجمہ ”ای ایچ ٹپسن“ نے کیتا۔ ایہہ ترجمہ ”دی لہندی لینگویج“ دے ناں توں 1975ء وچ ”سنٹرل

ڈپارٹمنٹ آف اورینٹل لٹریچر ماسکو تے USSR اکیڈمی آف سائنس انسٹی ٹیوٹ آف اورینٹل سٹڈیز، چھپیا۔ اپنے ڈاکٹریٹ دے مقالے وچ وی اوہ کوئی اولہار کھے بنائے لہندا (سرائیکی) نوں پنجابی توں وکھڑا زبان لکھدا اے۔ اوہ صاف کہندا اے۔ ”ایہہ تھیں سرائیکی زبان بارے ہے۔“

یو اے سمرنوف ہر علاقے دی لہندی دے حوالے دیندیاں ملتان، مظفر گڑھ تے بہاولپور دے علاقے دی لہندی نوں معیاری لہجہ سمجھدا اے۔ کتاب دے تعارف وچ سمرنوف نے جو لکھیا اے، اوہنوں دو پکھوں سمجھنا چاہیدا اے۔ اک پاسے اکیڈمک بحث اے۔ ایس تھاں تے اوہ زبان دیاں باریکیاں، نزاکتاں، رن دیاں وسعتاں ورگے مسئلیاں تے عمیق وچ جا کے لسانی جائزہ لین دی کوشش کردا اے۔ زبان دے لہجیاں بارے بریک بینی توں کم لیندا اے۔ نکلے نکلے فرق نوں وی مثال بنائیاں بغیر نہیں رہندا۔ دو جا کچھ پوٹیکل اے۔ 19 ویں صدی دی چھویں دہائی نظریاتی اعتبار نال بڑی متحرک سی۔ سچے تے کجے پکھ دے اٹلیکچر کمزور پونیاں نظریاتی بحثاں کردے سن۔ سٹالن تے کارل مارکس، اینگلز، لینن تے چیرمین ماؤدے بوشٹاں، کارلاں تے لان والے بیج ملدے سن۔ کجے پکھ دے کامریڈاں وچ ادبی تے سیاسی تحریکاں تے بحثاں عام سن۔ کدی لسانی تحقیق ہوندی تے کدی قومیتاں دے حقوق بارے مکالمہ ہوندا۔ پنجاب دے حوالے نال اردو زبان و لوں جیہڑا دھرو جاری سی، اوہدے ویروے ہوندے۔ کدی ثقافتی انقلاب دے ممکنات نوں بحث دا موضوع بنایا جاندا۔ لسانی ونڈ دے حوالے نال نظریاتی بحثاں دانتجا ایہہ نکلیا کہ فیر کامریڈ، پنجابی کامریڈ تے سرائیکی کامریڈ، ہند کو کامریڈ تے پوٹھوہاری کامریڈ وچ ونڈے گئے۔ ساؤتھ پنجاب وچ USSR نوں کیہ انٹریسٹ سی۔ اوہ دیاں معاشی تے سیاسی جڑھاں لہجیاں جاسکدیاں نیں۔ 19 ویں صدی دی چھویں تے ستویں دہائی وچ ساؤتھ پنجاب دے کئی سٹوڈنٹ چین تے سوویت یونین وی گئے۔ ایس علاقے وچ کجے پکھ دے نظریاتی گروپ وی سن۔ ایہہ اوہ زمانہ سی جدوں سندھی دانشوراں وانگ پنجاب وچ وی صوفی شاعراں دی مارکسی تفسیر ہو رہی سی۔ لہذا جدوں یو اے سمرنوف ”پنجابی زبان دے نظریاتی انکشافات“ وچ سرائیکی نوں وکھری زبان قرار دتا۔ اپنی لکھت دے تعارف وچ ای اوں دے عزماں دا پتہ لگ جاندا اے کہ ایہو جیہیاں تحقیقاں کچھ ریاستی سبب کیہ ہوندے نیں۔ اپنی کتاب دے مکھ بول وچ سمرنوف کلاسکس دے موضوع نوں چھوہندیاں ادبی تے سیاسی تحریکاں تے بحث کردا اے۔ ایس بحث وچ اوہ آبادی، زبان، لسانی نظریات، زبان

دے علاقے، تاریخی تہذیبی پس منظر وچ کلاسکس اندر ہون والی لسانی تحقیق، پنجابی تے سندھی زبانان نال تعلق اُتے پنجابی زبان توں بنیادی فرق دی تفصیل بیان کردیاں؛ اوہناں علاقیاں دے لہجے دی وی گل کردا اے، جتھے پنجابی زبان دا لہندایاں لہندی لہجہ رائج اے۔ پر معیاری لہجہ اوہ ملتان، مظفر گڑھ تے بہاولپور دا تسلیم کردا اے۔

1970ء وچ روسی زبان اندر یو اے سمرنوف دی کتاب ”دی لینگویج“ چھاپے چڑھی۔ اکیڈمی آف سائنسز دے مشرقی زبانان دے ادارے ولوں ایہہ چھاپی گئی۔ ایہہ کتاب 1966ء وچ مکمل ہوئی۔ 150 صفحے دی ایس روسی زبان وچ لکھی کتاب دا ترجمہ انگریزی وچ ای ایچ ٹسپان (E.H.Tsipan) نے کیتا۔ سوویت یونین دے ادارے ”سنٹرل ڈیپارٹمنٹ آف اورینٹل لٹریچر، ناؤکا پبلشنگ ہاؤس ماسکو“ ولوں ایہہ ترجمہ 1975ء وچ چھپیا۔ ایس کتاب وچ صوتیات، فعل، سکرپٹ، ذخیرہ الفاظ، زبان دی گرامر، صرف و نحو تے سرائیکی دے لفظ، حرف تے حرفاں دی بنت بارے سائنسی تجزیہ کرن دی کوشش کیتی گئی اے۔ اتھے ایہہ وی چیتے رکھن دی لوڑ اے، سوویت یونین ولوں ریاستی سطح اُتے جدوں ایہہ مارکسی انقلاب دا نعرہ لگ رہیا سی ”دنیا بھر دے مزدور اک ہو جاؤ“ تے اوس ویلے دنیا وچ موجود انقلابی تحریکاں دی مدد دی ہو رہی سی۔ پاکستان ورگے بہت سارے ایسے مکاں وچ، جتھے کئی کئی ثقافتی اکائیاں سن، او تھے لسانی بنیاداں نوں ورت کے وی نابری ٹوری جا رہی سی۔ ایہہ گل وکھری اے کہ پنجاب ورگیاں تہذیبی تے ثقافتی اکائیاں وچ لہجیاں نوں وکھریاں زبانان قرار دین نال انقلابی عمل اگے ودھن دی بجائے پچھلے پیریں واپس مڑیا۔ محنت کشاں اندر ”میر، تیر“ دی پھٹ پے گئی تے ایس فرسٹریشن ہتھوں اوہ ونڈے گئے۔ ایس ریورس گنیر دے نتیجے ہن تک اسیں بھگت رہے آں۔

غیر ملکی دانشوراں، پروفیسراں تے صاحب علم ہستیاں نے پنجاب، پنجابی زبان تے پنجابیاں نوں نرال لسانی سطح تے نہیں کوہیا، بلکہ اوہناں ایہہ دے نال نال انگریز سرکار دی بیوروکریسی وی ایس سلاٹر ہاؤس دیاں بنیاداں اُسارن وچ پیش پیش رہی اے۔ اتھے ایہہ آکھنا بہت مناسب ہووے گا: سقوط پنجاب 1849ء توں جھبڈے مگروں برٹش پنجاب دے افسر ایسے ”لنگوئٹک ایشو“ اُتے لادتے سن۔ مین ٹاسک پنجابی زبان دے لہجیاں نوں ٹارگٹ کرنا سی۔ اوہناں لہجیاں نوں وکھریاں زبانان قرار دینا سی۔ تانجو ایس بنیاد تے پنجاب نوں تقسیم در تقسیم کیتا جاسکے۔ اصل گل

خاکر کھان والی سی۔ پنجاب اوہ خطہ سی جیہڑا سبھ توں آخروچ فتح ہويا۔ ایس دی فتح نال ہی گوریاں دا ہندوستان تے قبضہ مکمل ہويا۔ سقوط پنجاب دی حقیقت دس دی اے کہ۔۔۔ ”پنجابی نوں پنجابی نہ مارے تے پنجابی نہیں مردا۔۔۔“ برطانیہ وچ وسدے پنجابی، یاں فیر دونواں پنجاباں دیاں سرکاراں چاہن تے انڈیا آفس لائبریری چوں ”پنجابی زبان نوں لہجیاں دے اتار نال وکھریاں وکھریاں زبانان ڈکلیئر کر کے پنجاب نوں تقسیم در تقسیم کرن دے معاملے“۔ لہجے جاسکدے نیں۔ کیونکہ برطانوی قانون دے مطابق تمام سرکاری راز 30 سال بعد اوپن کردتے جاندے نیں۔ برٹش پنجاب داسارا ریکارڈ انڈیا آفس لائبریری وچ محفوظ اے۔ انج تھوڑے جیسے پاؤنڈ فی صفحہ دے حساب نال ایس لسانی معاملے دے سارے تال میل، رابٹے، ٹاسک، ٹارگٹ اینڈ رزلٹ دے پیپر ز دیاں حسب ضابطا نقلال لتیاں جاسکدیاں نیں۔

ایسٹ انڈیا کمپنی دے افسراں دی تربیت، آئی سی ایس دا نصاب، کرسی سنبھالن والیاں دی برین واشنگ تے اوہناں دا طریقہ کار، ڈکیشناں کٹھیاں ساہمنے آسکدیاں نیں۔ کیونکہ سرکاراں لئی ایسے اکیڈمک معاملے سر پھریاں داکم نیں، ایہہ گھائے داسودا نیں۔ برطانیہ وسدے کروڑ پتی پنجابیاں لئی ایہہ فضول کم اے، بس پاؤنڈ کماؤ اتے جان بناؤ، باقی گلاں دے گالڑی پئے باغ اُجاڑن۔ ایس پچھو کڑتوں بعد جے حال حقیقت پھولے تے اصل حقیقت ساہمنے آؤندی اے۔ برٹش پنجاب دی بیوروکریسی دی لسانی ذہانت وکھالی دیندی اے۔ بظاہر ایہہ سارا کجھ ایڈمنسٹریٹو سطح تے ہوندا اے۔ ظاہری طور تے لگدا اے، افسران مقامی کلچر تے زبان نوں سمجھ کے علاقے دی عوام دی سائیکسی سمجھ رہے نیں تانجو اوہناں لئی عوام دے سچے نوکر بن کے وکھائیے۔ دو جے پاسے علمی، تعلیمی، تحقیقی، حقیقی، غیر حقیقی سرکاری رپورٹاں جیہڑیاں میدان ہموار کردیاں نیں۔ اوہ 21 ویں صدی دی ایس پہلی دہائی وچ پولیٹیکل ایشوز بن کے جاگ پیاں نیں۔ اوہناں دا علم دی ڈھال او لھے سیاسی استعمال ہو رہیا اے۔ تاہیوں تے اج ہر کوئی پنجاب نوں ونڈن دے روئے وچ اگے اگے وے۔ لہجیاں نوں زبانان ڈکلیئر کر کے صوبیاں دی ڈیمانڈ ہو رہی اے۔ کسے وی ریاست دیاں انتظامی اکائیاں دا ودھ گھٹ ہونا روٹین میٹراے۔ پر اتھے تے اصلوں ای وکھریاں ہوون دیاں گلاں ٹریاں نیں۔ (اتھے فیر ہُن پنجاب کیہہ کرے؟)۔

بد نصیبی تے ایہہ ہے: پنجاب وچ پنجابی کرنٹ ایشو، پنجابی زبان اُتے کوئی اکیڈمک سطح

دامکالمہ کرن لئی تیار ای نہیں۔ باہر لے ملکاں وچ بیٹھے پنجابی پیارے ٹوپی ڈراما بہتا کردے نیں، عملی کم اگلوٹھا۔ ڈالر تے پونڈ کمان توں فرصت ملے تے ایس ”سو کالڈ تیجے پنجاب“ دا انجما روی اترے اتے متھالان فقیر درویشاں نال۔ اج ویلا اے کہ برٹش پنجاب وچ بیورو کریسی دیاں لسانی رپورٹاں نوں کسے نویں ڈائمنشن توں دیکھ کے زمینی حقائق، معروضی حالات کھوجے جان، سچ نتارا کیتا جاوے۔ پنجابی زبان دے لہجیاں اُپر لکھیاں رپورٹاں نویں کچھوں پھرو لیاں جاوے۔ خاص طور تے پنجابی زبان دے ڈیوی، ملتان، بہاولپوری یاں ریاستی لہجیاں (1962ء توں بعد ایہناں نوں سرائیکی کہن دار و اج پایا گیا اے۔) بارے انگریزی افسراں نے انگریزی زبان وچ جو کم کیتا اے، اوہنوں نویں سرے توں نویں تقاضیاں موجب پرکھیا جاوے۔

اجو کے سمیں لسانیات دے حوالے نال انگریز افسراں دیاں رپورٹاں نوں ٹولن دی لوڑ اے۔ ایس بابت ملن والیاں ڈکشیناں، لوڑاں تھوڑاں تے دو جے معاملیاں دا ڈونگھا انیل سر کیتا جاوے۔ ایس کم نوں مختلف پیریڈز وچ وی ونڈیا جاسکدا اے تے مختلف حالتاں تے سچویشنز دے حوالے نال وی۔ جیویں انگریزی دور وچ مرتب ہون والیاں جیہڑیاں رپورٹاں اج کل وار وار کوڈ ہو رہیاں نیں، اوہناں دا گھر الھیا جائے۔ ایہناں وچ ”ای او براکین“ اسسٹنٹ کمشنر و سیٹلمنٹ آفیسر مظفر گڑھ (1873ء تا 1880ء) دی رپورٹ ”رپورٹ آف لینڈ ریونیو سیٹلمنٹ آف دی مظفر گڑھ ڈسٹرکٹ آف دی پنجاب“ دی لہور وں چھپن والی 1882ء دی انتظامی رپورٹ توں علاوہ ”ای بی سیڈ مین“ سیٹلمنٹ آفیسر جھنگ (1874ء تا 1880ء) دی لاہور وچ 1882ء نوں چھپن والی رپورٹ وی اے، جیہڑی ”رپورٹ آف دی ریوانڈ سیٹلمنٹ آف دی جھنگ ڈسٹرکٹ آف دی پنجاب“ دے ناں توں چھاپے چڑھی۔ ایہہ اوہ انتظامی رپورٹاں نیں، جیہناں وچ مقامی زبانان تے لہجیاں دے حوالیاں نال وی لکھیا گیا اے۔ انج ای پنجابی زبان تے اوہدے مقامی لہجیاں بارے برٹش پنجاب دے سارے ضلعیاں دے ”گزنٹ ایئرز“ وچ وی ڈھیر مواد لہدا اے۔ ہُن تے خیر پنجاب وچ ضلعی گزنٹ ایئرز کڈھن دار و اج ای مک گیا اے۔ خبرے افسراں کیبلر دے نہیں رہے یاں فیر ”مواد“ اوس لیول دامک گیا اے۔ اجو کے پنجاب دے ضلعی افسراں نوں مقامی اسمبلی ممبراں، ناظمیاں، چیئر میناں، سیکٹریاں، چیف سیکرٹریاں، گورنراں، چیف منسٹراں دے پروٹوکول توں ای فرصت نہیں ملدی کہ اوہ کوئی سچ دا کم کر سکن۔ جدوں کہ برٹش پنجاب دے

افسر پنجاب، پنجابی زبان تے پنجابیاں داتیا پانچا اپنا آپ منوا کے کردے رہے، بھائیں ایہہ سارا کم اُتلیاں دے اشاریاں تے ای کیوں نہ ہوندا رہیا۔ اُتے ہن اوہناں دیاں دتیاں لیناں تے ای پنجابی اک دوجے دے گلے پھڑن ڈھے نیں۔ جیوں ”سر رابرٹ ٹنگمری“ جوڈیشل کمشنر نے 1862ء وچ پنجاب دے سارے کمشنراں تے ڈپٹی کمشنراں توں پچھیا کہ پنجاب وچ سرکاری دفتراں تے عدالتاں دی زبان کیہڑی ہونی چاہیدی اے تے ڈپٹی کمشنر گوگیرہ کپتان میکویل نے آکھیا۔ ”ایہہ کوئی زبان (پنجابی) نہیں بلکہ لہجہ اے۔“۔ انج ای دہلی دا کمشنر مسٹر جی ایس میول دا فرمانا سی۔ ”پنجابی اردو زبان دا لہجہ اے۔“۔ ”سراجی ایڈورڈ کمشنر این روئے سٹجیل دے مطابق وی سوئی او تھے ای ٹکی کہ کچھریاں وچ اردو ای چلن دیو۔ پنجابی، پشتو، ملتان تے دوجے لہجے شہادت دی زبان بنے تے کم ٹھپ ہو جانا اے۔

سر رابرٹ اجرٹن دا وچار سی۔ ”ہندی (پنجابی) پنجاب دے لوکاں دی زبان نہیں اے۔“۔ انج ای کمشنر ملتان کرنل پنٹنن دا خیال سی۔ ”ملتان وچ پنجابی/ملتان تے تحریری زبان نہیں سی۔“۔ لہذا اردو ای چلن دیو۔ یعنی گل اوہا سرچارلس اپچی سن والی۔ ”میں پنجابی زبان نوں مڈھلی تعلیم دے قابل نہیں سمجھدا۔“۔ البتہ کمشنر حصار مسٹر لیمشا دا جواب سی۔ ”کچھریاں دی ورینکلر او سے عام مستعمل زبان دے مطابق ہونی چاہیدی اے جیہڑی ایس صوبے دے مختلف حصیاں یعنی صوبے وچ، بخوبی رائج اے۔“


اپروکتی گل نوں سمیٹے تے پنجابی زبان نوں دو محاذ اں تے نقصان پہنچایا گیا اے۔ اک محاذ برٹش پنجاب دے سرکاری ملازماں دا اے۔ جدوں کہ دوجا محاذ اوہناں ماہر لسانیات نے کھولیا جیہڑے پہلاں توں متھے وچاراں دیاں دلیلاں ای گھڑ دے رہے تے گھڑ رہے نیں۔ پرافسوس کہ اُزلے، پرلے تے تیجے پنجاب دا I.Q. بھنگ پی کے سٹا اے۔ لسانی معاملیاں تے اکیڈمک مکالمہ ای کوئی نہیں۔ ایس معاملے وچ کسے پاسے کوئی ہل جھل وکھالی دیندی اے تے نہ کوئی آہر۔ زری گونگلو آں توں مٹی جھاڑن والی گل اے۔ اگوں پنجاب وی مچلا بنی، گونگیاں والا ویہار وکھارہیا اے یاں فیر حکم زباں بندی اے؟

جدوں ایفرو ایشین لینگویجس انسٹی ٹیوٹ لندن وچ پہلی انٹرنیشنل سرائیکی کانفرنس ہوئی، غلطی نال اوہدے مقرر اں دی لسٹ وچ میراناں وی سی۔ پنجابی زبان دے ڈیوی، ملتان،

بہاولپوری یاں ریاستی لہجیاں نوں زبان قرار دین دے معاملے وچ میری اختلافی کھپ اپنی تھاں سی۔ (ایہہ شور شرابا مسعود کھدر پوش ایوارڈ یافتہ، اک امریکن یونیورسٹی دے نصاب وچ شامل میری کتاب ”پہلے پیار دا پہلا بھلیکھا“ وچ شامل اے)۔

دوجی انٹرنیشنل سرائیکی کانفرنس جدوں امریکا وچ ہوئی، غلطی نال اوہناں دناں وچ وی میں اوتھے ای ساں۔ پنجابی زبان دے لہجیاں نوں زبان قرار دیون دے ایس عمل اُتے وی میرا احتجاج ریکارڈ اے جیہڑا ”ویکلی پاکستان پوسٹ“ نیویارک/ٹورانٹو دے کالماں راہیں ساہنے آؤندار ہیا۔ یاد رہوئے پئی میرا جے وی ایہہ کم چالو اے۔

پنجاب، پنجابی زبان تے پنجابیاں نال لسانی حوالے نال جو کچھ ہو رہیا اے، اوہدی سطح علمی نہیں، سیاسی اے۔ مَن لوڑا ایس گل دی اے کہ مشرقی تے مغربی پنجاب اُتے باہر لے ملکاں وچ وسدے پنجابیاں دے تیجے پنجاب وچ کوئی ایسا پلیٹ فارم ہووے جس تے لسانی حوالے نال اکیڈمک سطح تے مکالمہ ہووے۔ نہیں تے فیر پنجابیو: لاؤ گلاسی، پیولسی تے مارو خراٹے..... اکھ کھلھے گی تے ویکھی جائے گی۔



بولیاں دے وٹاندرے: پنجابی بولی راہیں

(نوٹ: ایس لکھت وچ انگریزی لفظ لینگوئج Language دا پنجابی اُلْتھا زبان دی تھاں بولی کیتا گیا اے۔)

جہات: ہتھلا کھوج پرچا اسلام آباد (پاکستان) دے پنجابی وسنیکاں دی ماں بولی دے وٹاندرے (یاں بدلن) بارے ہے۔ پرچے وچ ایہہ کھوج لاؤن دی کوشش کیتی گئی اے پئی پنجابیاں دی ماں بولی دے وٹاندرے دا سبب کیہ اے۔ باقی شہراں وچ وی پاکستانی پنجابیاں وچ اوہناں دی ماں بولی پنجابی دی ورتوں کیوں گھٹ رہی اے۔ ایس کھوج دا مواد لوکاں نال گل بات تے انٹرویو کر کے اکٹھا کیتا گیا اے۔ ایس کھوج دا اک سٹا ایہہ ہے پئی پاکستان دے ساریاں وسیباں تے وستیاں وچ ساریاں دیسی بولیاں اُتے عام طور تے پر پنجابی بولی اُتے خاص کر کے کنیاں وٹاں دا دبائختی تے بھارے جیس پاروں پنجابی لوک اپنی ماں بولی چھڈی جان دے نیں تے ایہدی تھاں پاکستان دی قومی تے سرکاری بولی اُردو اپنائی جا رہے نیں۔ ایس کھوج نے ایہہ وی دس پائی اے پئی پنجابی بولی دی ہوند تے ورتوں نوں سحری تازی تے جیوندی رکھن لئی ہوو چوکی دیر کیتیوں بغیر پکے، پیڈھے تے سکے بند آہر کرن دی اُچھی تے سخت لوڑ اے۔

1۔ کھوج دا مقصد تے مطالعے دی گواہ

چھلی صدی دے چھیکڑے اڈھ وچ کئی عالماں دادھیان بولیاں دے وٹاندرے جیہے مضمون ول گیا تے اوہناں ایس وچ گھبھ کے دلچسپی لینا شروع کردتی۔ ہتھلے مطالعے دا مقصد

پنجابیاں وچ اوہناں دی ماں بولی پنجابی دے وٹاندرے بارے جاننا سی۔ ایس لئی ایس کھوج وچ اک سروے راہیں سٹاکڈھن دا طریقہ متھیا گیا ہے۔ مطالعے نوں مناسب حد وچ رکھن لئی اسلام آباد توں ای نمونے اکٹھے کیتے گئے نیں۔ ایس آہر وچ گوہ ایس چیز تے رہوے گا پئی اوہ کیہ سبب تے گارن ہن، جیہناں پاروں اپنی جدی پشتی رہتل تے وسیب، پنجاب وچ ایہدے اصلی و سنیک اپنی ماں بولی پنجابی نوں چھڈ کے بناں سوچے سمجھے کسے دوجی تگڑی، پردھان تے سانھ بولی ول ٹرے جاندے نیں۔ اُمید کیتی جاندی اے پئی ایس مطالعے دے سٹیاں تے کیتیاں گئیاں سفارشاں پنجابی بولی وٹاندرے نوں ٹھلن تے روکن دے نال نال ایس بولی وٹاندرے دی پسھ دے پاسے نوں چکھانہ موڑن دے کم وی آوسن۔ وچار ایہہ وی اے پئی ایہو ای صلاحواں پنجابی بولی دے ودھاء تے چڑھاء وچ وی مدد کرن۔

2۔ مُڈھلے سوال

- 1۔ ایس کھوج تے مطالعے وچ تھلے لکھے چونہ سوالاں دے پرتاء لبھن دا آہر کیتا گیا ہے۔
 حال گھڑی پاکستان وچ اردو تے انگریزی دے سائے پنجابی بولی دی حیثیت تے اوقات کیہ اے؟
- 2۔ پنجابی بولی دے وٹاندرے نوں ودھان چکھے کیہڑے سبب تے وجہاں ہن؟
- 3۔ پنجابی بارے پاکستانی پنجابی تے دوجے وسنیکاں داروہ کیہ اے؟
- 4۔ پنجابی بولی دے وٹاندرے دی واء دا پاسا موڑن لئی کیہ کیتا جاسکدا اے؟

3۔ کھوج دا پچھو کڑ

بولی انساناں دی مُڈھوں نویکلی صفت تے ہڈوں اُچھا گن اے۔ بولی بناں کوئی وی وسیب نہیں پھل پھل سکدا۔ ساڈی ہوند آن ہوند دی غینہہ ساڈی بولی ای اے۔ دُنیا دی ہر تگڑے کونے تے کوئی نہ کوئی بولی موجود اے۔ بولی انسانی کرن، دھرن، رہتل تے وسیب دا اک لازمی حصہ اے۔ بولی دا سبھ توں وڈا مقصد اک دوجے دی جانکاری تے خبر گیری ہے۔ بولی اوہ تاکی ہے جیہڑی اوس دے بولن والیاں دے وسیب تے رہتل ول کھلدی اے تے اسیں اوس وچوں

اوس وسیب تے رہتل دیاں قدراں، لائبھاں تے لیہاں نوں جھات سکدے ہاں۔ سبھ توں وڈی تے اُچھ گل ایہہ ہے پئی بولی ای انساناں تے جنوراں دافرق دسدی اے۔ فلپ لیرمین دے آکھن موجب: ”ساڈا بولن گن ساڈی عقل، سمجھ تے بُدھ لئی نرالازم ای نہیں سگوں ایہہ کلا گن ای انسان ہون دے برابر ہے۔ بولن گون والے جنور ای انسان نیں۔ کیوں جے جنوراں تے انساناں وچ فرق تے تارے دا پھٹمن بولی ای اے۔“

دُنیا دی ہر بولی اک دوجی توں وکھری تے نویکلی ہون دے نال نال ات ضروری تے اپنے اپنے اُچھے گن والی اے۔ بولیاں دے اُچھے تے نویکلی ہون دے چونہ انگاں دی دس مائیکل کراؤس انج پاؤندائے: پہلا انگ، سوہن تے سُکھ دا انگ ہے۔ ہر بولی دی اپنی خوبصورتی ہے۔ دُنیا وچ جنیاں گھٹ بولیاں ہوندیاں، دُنیا وئی ای گھٹ سوہنی تے من موہنی ہوندی۔ دوجے انگیں بولیاں دا کھلار سائنسی بُنیاداں لئی وی ضروری اے۔ دُنیا دی ہر بولی وچ علم تے عرفان لگیا ہویا اے۔ ایسے لئی کوئی وی بولی نہیں گواچنی چاہیدی۔ جیویں بُوٹیاں وچ طبی علم، کسے رُکھ دی چھل یاں کسے جڑی بُوٹی دے پتے کینسریاں کوڑھ نوں جڑھوں مُکا دیندے نیں۔ پر بولی گواچن پاروں اوس رُکھ داناں وی گواچ جاندا اے۔ بولیاں دے کھلار دا اک کچھ ایہہ وی اے پئی ہر بولی دُنیا تے دُنیا دی ہوند نوں اپنے خاص تے اُچھے انگیں ویکھدی اے۔ کسے بولی دے مُکَن نال دُنیا نوں وکھرے انگیں ویکھن دی ساڈی ایہہ صفت تے طاقت وی مُک جاندی اے۔

تریجا انگ، اخلاقی انگ اے۔ اوہ ایس لئی پئی ہر بولی دے بُلاراں دی فردی تے قومی سمجھان تے پچھان اوہناں دی اپنی ماں بولی نال جُوی ہوندی اے۔ ساریاں توں وڈا اتے ات ضروری انگ ایہہ ہے پئی اسیں ہُن دُنیا نوں جنگی طرحاں جانن پچھانن لگے ہاں۔ حیاتی دے جیس گول چکر وچ اسیں رہنے و سنے ہاں اوہ اصل وچ زندگی تے جیون دا ای اک پھیر اے۔ دیسی بولیاں نوں مرن توں بچاون تے زندہ رکھن لئی ساڈی گھسول تے بے دھیانی دا مطلب ایہہ ہووے گا جیویں ہُن اسیں ذہانت دے بابل منارے دی رئیس تے اپڑ گئے ہوئے، جیس پاروں سانوں ہُن کسے ہوو بولی دی لوڑ ای نہیں رہی تے ایس طرحاں اسیں بناں سوچے سمجھے پچانوں تے لے کے نزنویں فیصد دیسی بولیاں نوں اُکا ای مار مُکا دیئے۔

ایہناں اُتلیاں گلاں تے نُقطیاں توں دُنیا دی ہر بولی دے اُچھے تے ات ضروری

4۔ بولی تے وسیب داجوڑ تے رشتا

بولیاں ہار اک سوادلی تے پکی گل ایہہ وی اے پئی دوجیاں تیکر مطلب پچاون لئی بولی ای نرا نرول ڈھنگ تے ہتھیا نہیں۔ بولی کسے رھتل تے وسیب دا اٹوٹ انگ ہون دے نال نال دوجیاں تائیں وسیب رنگ دسن تے اپڑان دا اک ہتھیا رے۔ ہر میز تے بلانگ دے آکھن موجب: ”وسپاں دے سارے معنے ایہو ای دسدے ہن پئی بولی کسے وی وسیب دا اک لازمی حصہ اے۔ ایس گل تے وی ساریاں دا ایکا اے پئی وسیب سدھی سادھی شے نہیں سگوں بہت وڈا گورکھ دھندا تے ات کجھل دار، ایہو جیہی چیز اے جیہڑی اک مثالی بندوبست نال ای بن سکدی ہے۔ جس وچ علم، لیہاں، قدراں یقین، بولی، آرٹ تے ریت رواج دے نال نال لوکاں دیاں عاداتاں تے وسیباں دے میلاں جولاں تے تجریاں توں سکھے گرا تے جاچاں وی شامل نیں۔ بولی وسیب تے رھتل دے دوجے ہو رچیاں جیویں لیہاں، قدراں تے دین دھرم دے نال نال وسیب تے رھتل دا اک جی اے۔ بولی وسیب توں ای پھٹدی اے تے میل جول راہیں اک نسل توں دوجی نسل نوں نری اپڑدی ای نہیں سگوں وسیب تے رھتل نوں گھڑدی وی اے۔ انج کہہ لئو پئی وسیب دا لشکارا بولی نے ای ڈولیا تے مانجیا ہوندا اے۔ پر وسیب دے دوجیاں جیاں توں اڈ بولی تے وسیب داجوڑ خاص ونڈیں اُچھاوی اے کیوں جے بولی وسیب دی دس پاؤندی اے۔ سبھ توں وڈی گل تے ایہہ ہے پئی ایہہ بولی ای ہوندی اے جیہڑی وسیب وچ رھندے بکراں وچ اوس وسیب دیاں ریتاں، رواجاں تے قدراں رچاؤندی اے۔ بھاویں وسیب تے بولی اک دوجے توں اڈ نہیں رھ سکدے پر ایہہ جاننا بہت ضروری اے پئی ایہہ دوویں اگو چیز نیں۔“

ہُن اسیں ایہہ کہہ سکدے ہاں پئی بولی اوہ چابی اے جیہڑی اپنے وسیب دیاں روایتاں، علماں تے سوں دے گلے تے خزانے کھولدی اے۔

5۔ بولی وٹاندرے دیاں وٹڈاں تے سبب

چھپلی صدی دے چھیکڑ لے ادھ توں لے کے ہُن تیکر کئی عالماں تے سوجھواناں نے بولیاں دے وٹاندرے تے ایہناں وٹاندریاں دیاں سبباں نوں چنگی طرحاں جھاگیا تے کنگھالیا اے۔ ایہناں بولیاں وِچ ڈچ، ٹونگن، یونانی، پولش، اطالوی، فُجی، ہندی، کک آئلینڈ سموآن، گجراتی تے سموآن آتے جاپانی بولیاں شامل نیں۔

فاسولڈ دے آکھن موجب: ”بولی وٹاندرے اوہ جُون اے جیس وِچ کسے وسیب دے وسنیک کسے اوپری بولی دے حق وِچ اپنی ماں بولی نوں اُکا ای چھڈ دین یاں پھیرا وہ اک مُٹھ ہو کے اپنی ماں بولی دی تھاں کوئی دوجی بولی چُن لوں“۔ دوجے بنے ہومین آکھدائے: ”جدوں کسے دھرتی دے وسنیک اپنی ماں بولی نوں سجری، تازی تے جیوندی نہ رکھن دے نال نال اوہ کسے دوجی بولی نوں منن تے قبولن لگ پون تے ایہہ حالت بولی دے وٹپون تے وٹاندرے دی دس پائے گی۔“

اُتلیاں گلاں توں صاف سدھ ہوندا اے پئی کسے اک ماڑی بولی دے کسے دوجی تگڑی بولی دے نال وٹاندرے چھکھے کجھ سیاسی، سماجی تے مالی کارن تے سبب ہوندے نیں۔ عام طور تے لوک اپنی ماں بولی نوں ماڑی سمجھدیاں ہو یاں چھڈ کے کسے دوجی بولی نوں تگڑی سمجھدیاں ہو یاں اودوں قبول کردے نیں، جدوں اوہناں نوں ایس بولی وٹاندرے نال چودھرتے شان و شوکت دے نال نال موٹیاں موٹیاں نوکریاں تیکر پہنچن دی رسائی تے اُمید ہووے۔ ایس حالت بارے ڈورین دا خیال ایہہ اے پئی: ”جدوں تیکر مالی تے سماجی مطلب نکلدے رہن ماں بولی نال وسنیکاں داسچا تے پکا جوڑ جُڑیا رہندائے۔ پر جے کوئی دوجی بولی ایہناں کھیتر اں وِچ ماں بولی توں ودھ فیدے وند ثابت ہوندی نظر آوے تے اوس دوجی او بھڑ بولی دے حق وِچ بولی دا وٹاندرے شروع ہو جاندا ہے۔“

عام خیال وِچ بولی وٹاندرے دیاں دو وٹڈاں ہن تے ایہناں بارے ہومز نے گھل کے بحث کیتی اے۔ ہومز دے خیال موجب، بولی وٹاندرے دا اک کچھ ایہہ ہے جیہدے وِچ دیسی لوک اپنی ماں بولی کسے دوجی تگڑی بولی دے حق وِچ چھڈ دیندے نیں۔ ایس قسم دی بولی وٹاندرے دی مثال نیوزی لینڈ وِچ ماؤری تے شمالی امریکا وِچ ریڈ انڈین قبیلیاں دیاں بولیاں

ہن۔ دو جیاں او بھڑ بولیاں نال وٹاندرے مُو جب ایہناں دیاں دیاں ایہہ دیسی بولیاں آپوں اُکا ای مرکھپ گئیاں ہن۔

بولی وٹاندرے دی دوجی وٹڈتے سبب ایس طرحاں اے پئی کسے وسیب وچ اوس وسیب دے دیسی وسنیک کسے دُوجے او بھڑ، گنگڑے تے زور اور ٹولے یاں قوم دی بولی نوں چنگی طرحاں جانن سکھن تے سمجھن تے مجبور ہو جاوَن۔ ایس قسم دے بولی وٹاندرے وچ دیسی وسنیکاں نوں اپنی ماں بولی نوں پوری طرحاں نہیں چھڈنا پیندا۔ ویکھن وچ ایہو ای آیا اے پئی ایہو جیا بولی وٹاندرے زیادہ تر ملو ملتی تے زور اور نال مجبور کرن پاروں ای ہوندا اے تے معاشرے دیاں ساریاں لوڑاں پوریاں کرن لئی اگُو ویلے دو بولیاں ورتیاں جاندیاں نیں۔ (اک لحاظ نال پاکستانی صوبیاں وچ دیسی وسنیکاں تے پنجابیاں دی ماں بولی پنجابی دے وٹاندرے دا مسئلہ ایسے اٹکل وچ فٹ ہوندا اے)۔

6۔ بولی وٹاندرے دے انجام تے نتیجے

چھٹڑ بولی نوں کئی نتیجے تے انجام بھگتنے پیندے ہن۔ چھٹڑ بولی نوں سبھ توں وڈا نقصان تے ایہہ ہوندا اے پئی اوہ بولی آپوں مرئک جاندی اے۔ ایس بارے جیمز فورڈ آکھدا اے: ”اکثر اوقات جدوں اندر لے تے باہر لے دب دباتے بھار موجب کسے وسیب دے وسنیک کسے او بھڑ بولی نوں قبول کرن تے مجبور ہو جاوَن تے ایہو جیسے بولی وٹاندرے دا سقّا، انت، نتیجے تے انجام اوہناں دی اپنی ماں بولی دی موت ای ہوندا اے۔ دیسی وسنیکاں دیاں ایہہ مجبوریاں زور اوراں نالوں اوہناں دیاں اپنیاں رہتلی قدراں تے روایتاں یاں مالی تے سیاسی زندگیاں وچ وٹھ تے فرق ہے جو تجارت، ہجرت، اک دوجے نال ویاہ شادیاں تے دھرم دی تبدیلی یاں فوجی جتّاں ہو سکدیاں ہن۔“

بولیاں دے عالماں تے سوجھواناں ایس ست نوں اُتانہہ چکيا ہے پئی کسے بولی دا کھس جانا، اک اُچھی تے نویکلی تاکی یاں باری دے بند ہوون دے برابر ہے جیہڑی انسانی دماغ ول کھلدی ہے۔ ایس وٹڈیاں بولیاں دا کھلار چوکھا فیدے وند ہے ایس لئی پئی ایہہ کھلار

علمداری تے سمجھداری دا کھلاری اے۔ دُنیا دی ہر بولی اپنی اپنی تھاں تے اک نو یکلّا تے اُچھا ہتھیار تے سند ہے، جیس وِچ اوس بولی دے بُلا راں دے علم، عرفان تے تجربیاں دے خزانے دے ہوئے نیں۔ تاں ای ایس ہتھیار دا کھُنا اِنجے ای اے جیویں اُسارن والی اوہ حقیقت ای کھُسن جاوے جیہنوں دُولن تے سنبھالن وِچ کنیاں نسلاں دے ہر طرحاں دے آہر تے خزانے خرچ ہوئے ہوں۔

جُون راسر اپنے ”دلیسی بولیاں نوں سہارا دین دے جواز تے لوڑاں“ سرنائیں والے پرچے وِچ ایس بارے اِنج لکھدائے: ”دُنیا وِچ انسانی نفسیاتی وسیب تے قدرتی ہوند دیاں کنیاں ای چابیاں نکلیاں دلیسی بولیاں دے بُلا راں کول ہن۔ جے ایہہ بولیاں مر مٹ جاوَن تے ایہناں دے نال ایہہ چابیاں وی گواچ جاندیاں نیں۔ ساڈیاں بولیاں اوہ سانجھیاں تخلیقی پیداوار ہن جیہناں وِچ ہر نسل تے ہر وسیب دے وسنیکاں نے اپنا اپنا سیر پایا ہویا اے۔ ساڈیاں بولیاں وِچ دُنیا بھر دے علم دا چوکھا حصہ اوہ ہے جیہڑا مڈھ قدیموں انساناں دی لکھ وِچ سمایا ہویا سی تے ہُن وی ہے۔ جدوں اک بولی ختم ہو جاوے تے اوہ دے نال ای اوس بولی دا اپنا اُچھا علم تے عرفان وی مٹ جاندائے۔ نالے بولیاں راہیں کسے اِگوگل تے دکھنوں دَس، آکھن تے سمجھان دے طریقے تے انگ ہر وسیب دے وسنیکاں دے اپنے اپنے، اُچھے تے وکھرے وکھرے ہن۔ ایسے پاروں اسیں اپنے اپنے وکھو وکھ طریقیاں تے ڈھنگاں نال رہنے ہاں، سوچدے ہاں اُتے آہر، کوششاں کردے ہاں۔“

جوشو آفش مین بولی وِچ اندرے کھیتراں اک مشہور عالم اے۔ اوہدا آکھن اے پئی، کسے بولی دی موت اک بنیادی حقیقت دی موت ہوندی اے۔ اوہ آکھدائے: ”بولی تے وسیب دا رشتہ تے جوڑ بہت گُوڑھا اے تے جدوں اک بولی مُک جاوے تے اوس بولی وِچ رچیا وِسیا وسیب وی مُک ویندائے۔ جے تئیں اوس بولی نوں اوس وسیب توں کڈھ دیو، تے تئیں اوس وسیب دی دعا سلام، خیر سلا، دعاواں تے بد دعاواں، بَلّے بَلّے تے ہلا شیری، اصول تے رکھ رکھا، ادب آداب، گیت گانے، بُجھارتاں تے پہیلیاں، اکھان تے محاورے، دواواں تے علاج معالجے، مت تے عقل اُتے عبادتاں وی مکا دیندے جے۔ باقی کجھ نہیں بچدا۔ سوچو تے دُو گجھ بچدائے؟ جدوں تئیں کسے بولی دی گل کردے او، تے حقیقت وِچ تئیں اوس بولی دیاں بُلا راں تے اوہناں دے

وسیب دی گل ای کردے او۔ مطلب ایہہ ہے پئی کسے بولی دے چھٹن نال تسیں پئی طرحاں اوس
وسیب داجیون، حیاتی، زندگی، سوچ و چار دے طریقے، قدرات قیمتاں جاپن تے نبھان دے انگاں
دی ای نہیں اصل وچ انسانی حقیقت تے انسانی ہوند دی گل کردے او۔“

ڈیوڈ کرشل اک پاڑھوتے عالم اے۔ بولیاں دی موت دے کھیت وچ اوہ انج کہندا
اے: ”ہر کسے نوں ایہہ چنتا تے فکر ہونی چاہیدی اے پئی کسے وی بولی دے مکن تے مرن وچ ہر
اک دا نقصان اے۔ ایس لئی پئی ساڈے وچوں ہر کوئی سینکڑیاں دیسی بولیاں توں فیدابو لیندا اے
ایس لئی ہر کوئی ایہناں ساریاں دیسی بولیاں دے ایس ائمکے خزانے دارا کھاتے چوکیدار وی ہونا
چاہیدا اے۔ کئی دیسی بولیاں ساڈیاں اکھاں ساہمنے ہولی ہولی سہک سہک کے مر مٹ رہیاں
نیں۔ وسیباں تے قوماں واسطے نرا ایہہ کافی نہیں پئی اوہ اپنے وچ رہن والے دیسی لوکاں نوں
اوہناں دی وراثتی ہوند اگے ودھان وچ ای اوہناں دا ہتھ وٹڈان تے مدد کرن۔ سگوں وسیباں
تے قوماں دا ایہہ وی ذمہ تے فرض ہے پئی اوہ اپنے وسیبی ورثے دے بچاء تے سانجھ سنبھال لئی
دیسی بولیاں دی دیکھ بھال تے رکھیاوی کرن۔ آؤندے ویلے اجیہے ورثے دی گھنی تے چوکی قدر
تے قیمت ہوسی۔ جیس وسیب پاں حکومت کولوں ایسی سانجھ توں گھنول تے غفلت ہوئی آؤن والا
ویلا اوہناں نال سختی تے گوڑنال جھٹھسی تے کدے نہ بخشسی۔

مکدی گل ایہہ ہے پئی کسے وی بولی دے مکن دے نقصان تے گھائے پوری دُنیا
دے وسزیکاں نوں سہنے پیندے نیں۔

7۔ اجو کے کھوج دا ویروا

پنجابی دُنیا دیاں ویہہ (20) مکھ بولیاں وچوں اک بولی گنی جاندی اے۔ ایس
حقیقت دا ویروا ضروری اے پئی پاکستان وچ پنجابی بولن والے لوکاں دی گنتری سبھ توں چوکی
(پاکستان دی آبادی دا کوئی 56 فیصد) اے۔ پاکستانی پنجاب دی پنجابی بولی دیاں علاقیاں
موجب بولڑیاں وچ پوٹھوہاری، دھنی، چھاچھی، جانگی، ماجھی، سرانیکی، ملتانیاں تے ہور بولڑیاں
ہن۔ اُکا ای نچتی تے نتھائیں گل تے ایہہ ہے پئی پاکستان وچ اُردو تے انگریزی پردھان بولیاں
نیں۔ ایہہ دوویں بولیاں سرکاری تے تعلیمی بولیاں متھیاں گئیاں ہن۔ پاکستانی حکومت دی

انیا نئیں بولی پالیسی انج گھڑی گئی اے پئی سرکاری پدھر تے حکومت نرا اُردو تے انگریزی بولیاں ای اُت انا نہ کردی اے پر ہزاراں ورھے پُرانیاں دیسی بولیاں نوں بند دی اے۔ ایس بے تھہوی حکومتی پالیسی پاروں پاکستان دے وسنیک او لے وسیبی درجیاں وچ ونڈتے ہوئے نیں۔ ایس نوں سماج دی درج بندی دے رُکھ دی ٹیسی تے سبھ توں اُتے انگریزی اے، اوس توں پٹھاں اُردو، پھیر تھلے دیسی بولیاں تے سبھ توں نیچ پنجاہی بولی اے جیہڑی آپوں پاکستان دے سبھ توں چوکھے بلاراں دی ماں بولی اے۔ ایسے حکومتی انیا نئیں لینگو تاج پالیسی پاروں دیسی بولیاں ان پڑھ، جاہل، جانگلی تے گنوار دیہاتیاں دا نشان نیں۔

وسیی نموٹی، شرمندگی تے سُستی دیسی بولیاں دا دوجاناں بن گئیاں نیں، جیہناں وچ پنجاہی بولی سبھ توں ودھ بدنام اے۔ سرکاری بے دھیانی تے بے حسی پاروں کئی دیسی بولڑیاں مر مٹن دے کول اپڑ گئیاں نیں۔ شہراں وچ رہن والے دیسی پنجاہی بلار ہولی ہولی اُردو تے انگریزی بولیاں ول کھسکدے جاندے نیں تے ایہہ معاملہ اوہناں دی ماں بولی پنجاہی لئی چوکھا بھیڑا اُتے گھمبیراے۔

پاکستان دیاں موٹیاں موٹیاں بولیاں تے اوہناں دے بلاراں دا حسابی ویروا انج اے: پنجاہی (سرائیکی رلا کے): چھ پنجاں فیصد (56%)؛ پشتو: سولھاں فیصد (16%)؛ سندھی: پندرہاں فیصد (15%)؛ اُردو: چھ فیصد (6%)؛ بلوچی: چار فیصد (4%)؛ دو جیاں بولیاں رلا ملا کے چار فیصد (4%)۔

ایس پرچے دی کھوج وچ اسلام آباد (پاکستان) وچ رہن والے بچونجا (55) پنجاہیاں نال گل بات تے انٹرویو کیتے گئے۔ ایہناں وچوں سولھاں (16) فوجی، پندرہاں (15) لیکچرار، بارہاں (12) انجینئر، تے بارہاں (12) سکول عمر دے باللاں دے ماپے سن۔ ایہہ کھوج پہلی اپریل توں پہلی مئی 2007ء دے عرصے وچ پوری کیتی گئی۔ انٹرویوز دا سارا گوہ تھلے دتے چونہ سوالاں اُتے سی۔

- 1۔ اُردو تے انگریزی دے مقابلے وچ پنجاہی بولی دا مقام، حیثیت تے اوقات کیہ اے؟
- 2۔ پنجاہی دے وٹاندرے کچھے سبب تے کارن کیہ ہن؟
- 3۔ پنجاہی بولی بارے پاکستانیاں دا رویہ کیہ اے؟

4۔ پنجابی بولی دے وٹاندرے دی لہر دا پا سا پر تن لئی کیہ کیتا جاسکدا اے؟

ایس سچ دے ہوندا یاں سُندیاں پئی پاکستانی پنجاب دے گھٹو گھٹ سارے وسنیکاں دی ماں بولی پنجابی اے، فیروی ساریاں کچھیاں دا پہلے سوال دا پرتاء تے جواب ایہہ ای سی پئی پاکستان وچ پنجابی بولی دی پاکستان دیاں دوجیاں ساریاں بولیاں ساہویں عام طور تے اردو اتے انگریزی دے مقابلے وچ خاص کر پنجابی بولی دی اوقات، حیثیت تے تھاہر ہڈوں نیویں تے تیج اے۔ پنجابی اتے ساریاں پاکستانی بولیاں توں ودھ دبا تے بھارا اے۔

47 لوکاں دا پرتاء سی پئی پنجابی بولی دی اپنی مند حالی دی ساریاں توں وڈی وجہ پاکستانی تے پنجاب صوبے دی سرکار دا پنجابی بولی بارے مترکی ماں جیہا رویہ ہے۔ سرکاری پدھر تے پنجابی بولی دے سر اتے ہتھ رکھنا اتے اک پاسے پنجابی نوں وکھری بولی منن تے ایس بولی نوں اتانہہ چلن توں اکائی وانجھیاں نیں۔ سرکار دے پنجابی لئی ایس منفی ورتارے پاروں پنجابی بولی نوں سہولتاں، سہائتا تے اوہ مواد نہیں لبھدے جو کہ وی بولی دے سحرے تازے رہن توں اڈ، بولی دے ودھاء، چڑھاء تے اگانہہ ودھن لئی ات ضروری ہوندے نیں۔

پاکستان وچ پنجابی پڑھائی دی بولی وی نہیں اتے نہ ای کوئی پنجابی سکول نیں۔ دوجے پاسے انگریزی تے اردو دے لکھاں سکول نیں تے ایہناں نوں سرکار وٹوں ہر قسم دیاں سہولتاں تے سہائتا ملدیاں نیں۔ صوبہ سندھ وچ سندھی سکول وی ہزاراں دی گنتی وچ نیں پر پنجابی نال ایہہ دھرواے پئی پنجابی اک سکول وی پاکستان دے کسے تھاں وی نہیں۔

44 کچھیاں دے موجب پنجابی عالماں لئی کوئی مالی راہ نہیں کھلدے۔ سرکاری نوکریاں یاں پرائیویٹ کم کار پنجابی پڑھیاں لئی کوئی تھاں نہیں بناؤندے۔ ظاہر اے پئی جے کوئی مالی سچ نہ ہووے تے کیہڑے ماپے اپنی تے اپنے بالاں دی پنجابی پڑھائی لئی عمر، وقت تے پیسہ خرچ کرن دی ہمت کرن گے۔

55 وچوں 48 پرتاء ایہہ سن پئی ہوراں نوں تے چھڈو، پاکستان وچ پنجابیاں دا اپنی ماں بولی پنجابی نال ورتار اچنگا تے سلاہن جوگ نہیں۔ خاص کر پڑھے لکھے پنجابی، پنجابی بولی نوں اپنے کردھ تے نفرت نال ویکھدے نیں پئی اوہ اپنی اولاد نوں وی پنجابی ول جاون توں ورجدے نیں۔ ہُن جے پڑھے لکھے پنجابی ای اپنی ماں بولی توں آواز ارہوون گے تے پنجابی

بولی داوٹا ندراتے ہونا ای اے۔ ایہہ معاملہ تے مسئلہ پنجابیاں دے اپنی ماں بولی نال رویے تے ورتارے نال جُویا ہویا اے۔ جے پنجابی آپ اپنی ماں بولی نوں نندن تے ہو رناں نوں پنجابی بولی دا کیہ سیک اے۔

آخری سوال بارے ساریاں پُچھیاں دا اٹھکواں پرتاء ایہہ سی پئی جہاں چر پاکستانی سرکار اپنی بے تکی تے بے بُیا دلسانی پالیسی نہیں بدل دی اودوں تیکر پاکستان دیاں دیسی صوبائی بولیاں تے خاص کر پنجابی دا اگیتز ہنیر ای ہنیر اے۔ پاکستانی تے پنجابی سرکار دا ایہہ فرض تے ڈیوٹی ہے پئی اوہ پنجابی سکول کھولن دے نال نال پنجابی پڑھیاں لئی نوکریاں دے موقعے رنھن۔ ایس کھیتز وچ سرکاری دفتر اں، عدالتاں، تے اداریاں وچ پنجابی بولی وچ سرکاری لکھتاں تے حوالے پیدا کرن دے نال نال پنجابی وچ کاروبار کرن دی لوڑ اے۔ ایہدے نال نال پنجابیاں نوں اپنی ماں بولی بارے اپنا رویہ بدلنا چاہیدا اے تے ہر پدھرا تے کھیتز اُتے پنجابی نوں اک سِکے بند بولی منوان دی منگ کرنی چاہیدی اے۔ تانجو پاکستان دے ہر صوبے وچ دو بولیاں لاگو ہوں: صوبے دی ماں بولی تے سانجھے جوڑ لئی قومی بولی (اردو یاں انگریزی یاں کوئی ہو راکو بولی، مثلاً عربی)۔ ایس دے دو فیدے ہوں۔ سرکاری مانتا پاروں صوبیاں دیاں بولیاں (پنجاب وچ پنجابی) بارے ساریاں دے رویے بدلن گے تے حال موجود نفسیاتی کھچا تانی، نفرتاں، کدورتاں تے اجور ممکن گے۔

ایہہ سارے سئے نویں نہیں پر فیروی ایس گل تے اک واری فیر چانن پیندا اے پئی پاکستانی پنجابی مجبورن پنجابی بولی دے وٹا ندرے دی چکلی وچ پھسے ہوئے نیں۔ مجبوری نہ ہووے تے پاکستانی پنجابی دُنیا دیاں دوجیاں سُنکھیاں تے پُرانیاں قوماں ہار پنجابی نوں ای اپنی رھتل، وسیب، علم، عرفان تے حیاتی دی پچھان بناون۔

8۔ سٹا

ہر دیسی بولی مُڈھ قدیموں اپنی ہڈورتی، تجربیاں تے دکھاں دے نچوڑاں پاروں دھرتی دے سارے وسنیکاں لئی لازمی امر اے۔ ہر بولی اپنے وسیب دے ہر وسنیک دی ہوند دی

دس تے نشان اے۔ کسے وی وسیب تے اوہدے وسنیکاں دی ہوند نہیں مگنی چاہیدی تے ایہہ نرا
ہر دیسی بولی نوں سجری تازی تے جیوندی رکھن نال ای ہوسکد اے۔ اک ناؤ جو وڈیرے دے
آکھن ہار:

جے ساہ نہ لیں، تے واء کوئی نہیں
نہ پٹیں پیر، بھوئیں کوئی نہیں
جے بولیں ای نہ، تے گجھ وی نہیں



حوالے

- 1۔ فلپ لہرمین، ایو سپوک: ہیومین لینگویج اینڈ ہیومین ایوالیوشن، نیویارک: ڈبلیو. ڈبلیو. نورٹن۔ 1998ء
- 2۔ مائیکل کراؤس، سٹیٹس آف نیو امریکن لینگویج اینڈ انجمنٹ (سٹینڈیلزنگ اینڈ انجمنٹ لائو اہجر سرنائیں دی کتاب دے 3
توں 15 پتراں تے) ایریزونا سٹیٹ یونیورسٹی۔ مارچ 2007ء
- 3۔ جوسی این ہیمر اینڈ نیکل بلاک، ہائیڈرولیک اینڈ ہائیڈرولوم، کیمرج یونیورسٹی پریس۔ 1989ء
- 4۔ آر. فاسولڈ، سوشیو لنگوائسٹکس آف سوسائٹی، نیویارک: ہارسل پبلیک، ایک۔ 1985ء
- 5۔ سی. ہامین، این انٹروڈکشن ٹو ہائیڈرولوم، لاگ مین، لندن۔ 1991ء
- 6۔ اسٹن ڈورس، لینگویج لاس اینڈ مینٹیننس ان لینگویج کانٹیکٹ سچو ایشنز (دی لاس آف لینگویج کانٹیکٹ سچو ایشنز دی کتاب
دے 44 توں 59 پتراں تے)
- 7۔ جے. ہومز، این انٹروڈکشن ٹو سوشیو لنگوائسٹکس، لاگ مین، لندن۔ 1992ء
- 8۔ جے. کرافورڈ، اینڈ انجمنٹ نیو امریکن لینگویج: وٹ از ٹوی ڈن اینڈ وہائی، ہائی لنگوائل ریسرچ جرنل، پیڑ 19 پتر 17 توں
38-1995ء
- 9۔ جے. رائنر، ریشنل اینڈ نیڈ فار سٹیل اکنامک اینڈ انجمنٹ لینگویج (سٹینڈیلزنگ اینڈ انجمنٹ لائو اہجر سرنائیں دی کتاب
وچ) ایریزونا سٹیٹ یونیورسٹی۔ مارچ 2007ء
- 10۔ جے. فیش مین، وٹ ڈو یو کوز وین یو کوز یور لینگویج (سٹینڈیلزنگ اینڈ انجمنٹ لائو اہجر سرنائیں دی کتاب
وچ) ایریزونا سٹیٹ یونیورسٹی۔ مارچ 2007ء
- 11۔ ڈیوڈ کرٹل، لینگویج کڈ۔ جھ۔ کیمرج یونیورسٹی پریس۔ 2000ء

پنجابی بولی کدے نہیں مرے گی

پچھلے کچھ چرتوں ہر پنجابی ایس گلوں چتاوچ ہے کہ کتے آؤن والے ویلے وچ پنجابی بولی ختم نہ ہو جاوے۔ اکثر ہی ایس گل نوں اُگھاڑن لئی یونیسکو دے کسے سروے دا حوالہ دتا جاندا ہے کہ آؤن والے پنجاہ سالوں وچ پنجابی بولی ختم ہو جاوے گی، نال دی نال ایہہ وی کہیا جاندا ہے کہ سنسار دیاں 7000 بولیاں وچوں ہر روز اک بولی مر رہی ہے۔ جیکر ہر روز اک بولی مر رہی ہووے تاں ایہہ ساریاں بولیاں، 7000 تقسیم 365 یعنی کہ لگ بھگ 20 سالوں دے وچ ہی ختم ہو جاناں چاہیدیاں ہن۔ ایہناں حقیقتاں نوں سچ منیاں 50 سال تک بولیاں دوواری مر کے پھیر جنم لے چکیاں ہون گیاں۔ دوجی حقیقت ایہہ پیش کیٹی جاندی ہے کہ ایہناں 7000 بولیاں وچ پنجابی بولی دا تیرھواں نمبر ہے۔ ایہہ حقیقت تاں سگوں ایس گل نوں ہو رطاقت دیندی ہے کہ پنجابی بولی دا ختم ہونا کوئی سوکھی گل نہیں۔ جیویں سارے جاندے ہن کہ بھارت وچ فٹ بال کھیڈیا جاند اے، نہ ایہہ ختم ہویا اتے نہ ہی ہووے گا پر فٹ بال وچ ساڈا 200 دیساں چوں اک سو اٹھتالیواں نمبر ہے۔ میرے کہن دا مطلب ہے کہ حساب دیاں جمع بندیاں مطابق بولی وچ گیارھواں جاں تیرھواں نمبر ہونا کیہڑا چھوٹی گل ہے اتے ایہتوں تک بولیاں دامر دے آؤناوی اک قدرتی گھٹنا ہووے گی۔ جیہڑے لوک بولی دے ودھا اتے ترقی نوں نہیں سمجھدے اوہو ہی ایہو جہیاں غیر سائنسی گلاں کر سکدے ہن۔ بولی صرف اکھر ہی نہیں، جاں پھر لفظ ہی نہیں ہندے، جاں پھر حرفاں توں بنے فقرے ہی نہیں ہندے، سگوں ایہہ تاں اپنے روپ اتے بھاونواں نال بندیاں وچ گل بات کرن دی طاقت وی رکھدی ہے۔ بولی دا جنم کسے جغرافیائی

خطے دی دین وی ہندا اے اتے ایس توں وی اگے کسے خطے وچ خاص قسم دے جنیک شکل والے لوکاں نال جڑیا ہندا ہے۔ ایہناں عام لوکاں دی ساری طاقت ہی کسے بولی نوں اگے ٹوردی ہے اتے اوس دی ترقی کردی ہے۔

21 ویں صدی وچ آکے بندیاں دیاں وکھو کھ قسماں آپس وچ رچ رچ رہیاں ہن اتے دُنیا وچ نیڑتا پیدا کر رہیاں ہن۔ نیڑتا توں میرا مطلب لوکاں دی سوچ اتے رہن سہن دے ڈھنگ جاں جیون جاچ وچ اکسارتا آرہی ہے اتے ایہہ اکوجیسے ہندے جارہے ہن۔ جتھے اک مول دے لوک دوسرے مول دے لوکاں بارے جانکاری رکھن لگ پئے ہن او تھے اوہ اوہناں دیاں بولیاں، پہراوا اتے کھان پین نال سانجھ وی ودھاؤن لگ پئے ہن۔ بندے دی مڈھلی سوچ وچ ایہہ شامل ہے کہ ہر کم نوں سوکھے، سستے اتے سرل طریقے نال کر لیا جاوے۔ ایسے لئی اوہ دو جے مول دے لوکاں توں شبد، کپڑے اتے بھوجن منگ لیندا ہے جاں ادھار لے لیندا ہے۔ جو اوس نوں آسانی نال ورتنے، سمجھنے اتے پچاؤنے سوکھے لگدے ہوں۔ ایہہ کارن ہے کہ دُنیا دیاں 7000-8000 قوماں نوں اپنیاں بولیاں نوں خطرہ پیدا ہوا محسوس ہو رہیا ہے۔ ایس توں علاوہ ویہویں صدی دے ادھ توں کمپیوٹر دی ترقی کیتی کھوج نے دنیا دے ایس رلیو وچ اپنا حصہ پایا ہے۔ چاراک دہاکے تاں لوکی کمپیوٹر دے کارنامیاں توں حیران ہی ہندے رہے۔ اوہناں نوں ایہہ پہنچوں باہری وستو (شے) لگدی رہی۔ اوہناں نوں ایس طرحاں لگدا رہیا کہ بہت وڈے ودوان نال جاہل داواہ پے گیا ہووے، پر 1990 توں بعد ہور ناں وانگ پنجابی قوم دی نویں پیڑھی نے ایس نوں اپنا ونا شروع کردتا۔ دساں سالاں دے وچ وچ ہی کمپیوٹر پنجاب دے ہر نوجوان دی سوچ دا اہم حصہ بن چکا سی۔ پنجابی دے ادھی عمر لنگھا چکے ودواناں، کھوجیاں اتے لکھاریاں نوں کمپیوٹر کولوں ڈر لگن لگ پیا اتے اوہ ایس نوں بولی دے لئی خاص کر کے پنجابی بولی لئی وڈا خطرہ منن لگ پئے ہن کیونکہ اوہ کمپیوٹر داکم کرن دا طریقہ اتے ترقی دی شرح نوں چنگی طرحاں نہیں سمجھدے سن۔ ایس لئی اوہناں نوں ایہہ کھیتری بولیاں جیہناں وچ پنجابی وی ہے، نوں وڈا اتے بے روک خطرہ سمجھدے ہوئے کھیتری بولیاں دے مرن دا تو کھلا اتے واویلا کھڑا کردتا جو کافی حد تک اچے وی موجود ہے۔

کمپیوٹر کوئی رب دی بنائی بندے ورگی چیز نہیں جو آپے سوچدی اتے کم کردی ہے،

ایہدے توں کم لیا جاسکدا ہے۔ ایہہ اپنے آپ کم نہیں کرسکدی۔ کمپیوٹر تاں اک مزدور دی کہی وانگ ہے، کسان دے ہل وانگ ہے جاں پھر لکھاری دی قلم وانگ ہے، جس نوں سمجھ نال چلاؤنی نہیں آؤندی، جاں آپ سٹ کھا بہندا اے جاں کسے ہور نوں زخمی کر دیندا ہے۔ کمپیوٹر دے پروگرامراں نے رل مل کے کسے موضوع نوں سمجھ کے جاں گھوکھ کے پروگرام تیار کیتا ہندا ہے، ایس نوں جدوں کوئی اکلا بندہ ورتدا ہے تاں اوہ پروگرامراں دی اکٹھی عقل ورت رہیا ہندا ہے۔ کمپیوٹر دی اپنی کوئی عقل نہیں ہندی۔ کمپیوٹر دے ایہہ پروگرام ویلے دے نال سدھا رے جاندے ہن جاں اوہناں وچ لوڑ مطابق وادھا گھاٹا کیتا جاند اے۔ ایس پرکیر آد ا صاف تے سدھا کارن بندے دی سوچ وچ وادھا ہونا ہے۔ 1990 توں پہلاں ہی کمپیوٹر تے پنجابی وچ کم کرن دی لوڑ پئی شروع ہو گئی سی۔ اوس ویلے اخباراں جاں ہور لوکاں نوں پنجابی فونٹ 90 ہزار دی ملدی رہی۔ پنجابوں باہر دیاں کمپنیاں نے بہتے پیسے کمائے۔ 1990 وچ مینوں یاد ہے، میں وی پنجابی فونٹ 12 ہزار دی خریدی سی۔ 1990 وچ میں آپ پنجابی دافونٹ بنا کے بناں کسے سکیورٹی دے لوکاں نوں وٹڈی شروع کردتی سی۔


ایسے ویلے وچکار ہی کجھ ہور لوک جنہاں وچ ڈاکٹر تھند یو ایس اے والیاں داکم سلاہن جوگ ہے۔ کیونکہ اوہناں دا زیادہ رجھان گربانی پڑھن ول سی ایسے لئی اوہناں ولوں بنائیاں سندرفونٹس نوں چھاپے خانے دیاں ضرورتاں مطابق نہیں سی ورتیا جاسکدا۔ سارے اخباراں اتے میگزیناں وچ ستلج اتے رنجیت پاس ورڈ والی فونٹ چلدی سی اتے مقبول سی۔ ایس دا کی بورڈ (key board) ساڈی پرانی رمنگٹن ٹائپ مشین مطابق سی۔ جتنے وی پنجابی دے ٹائپسٹ سکول چاہے اوہ پرائیویٹ سن جاں بولی شعبے ولوں چلائے جاندے سن۔ اتھے رمنگٹن کی بورڈ وچ ہی پنجابی سکھائی جاندی سی۔ ایسے طرحاں پنجاب دے ہزاراں سرکاری دفتراں وچ اتے سینکڑے پرائیویٹ دفتراں وچ رمنگٹن کی بورڈ تے سکھے ہوئے لکھاں لوک پنجابی ٹائپ داکم کردے سن۔ ایس لئی میرے من وچ آئی کہ کیوں نہ ستلج ورگی فونٹ بنا کے ایس نوں بناں کسے پاس ورڈ دے جاری کر کے ایہناں لکھاں لوکاں نوں ٹائپ رائیٹراں توں کمپیوٹراں اتے کم کرن جوگ بنادتا جاوے۔ کیونکہ مینوں اندازہ سی کہ آؤن والے ویلے وچ کمپیوٹر نے ایہناں ٹائپ رائیٹراں دی تھاں لے لینی ہے۔ ایہناں ادھکھڑ ٹائپسٹاں نوں نواں کی بورڈ سکھاؤنا بڑا اوکھا

ہوویگا۔ ایس داسبھتوں وڈالا جک کیو، ڈبلیو، امی، آرتوں ملیا کہ جدوں کمپیوٹر دے کھوجکاراں نے
 ٹائپ رائیٹرنوں کمپیوٹر وچ تبدیل کیتا تاں اوہناں دے من وچ وی آیا سی کہ کیوں نہ ایس کمپیوٹر
 دے کی بورڈ نوں سدھا اے، بی، سی، ڈی بناتا جاوے۔ پر اوہناں ٹیکنیکل اکثر تا وچ ایہہ فیصلہ لیا
 گیا کہ جیکر ایس ایہناں سکھے ہوئے ہزاراں لکھاں لوکاں نوں کمپیوٹر دے نویں آتے سدھے کی
 بورڈ تے تبدیل کردتا تاں ایہناں نے سبھا مطابق ایہہ جتنی تیزی نال ٹائپ کردے ہن، اوہ سپیڈ
 بہت گھٹ جاوے گی آتے غلطیاں وی ودھ جان گیاں، ہوسکدا ہے ایہہ لوک ذہنی طور تے وی
 پریشان ہو جان۔ ایس طرحاں ایس سماجی تے ذہنی اُتھل پتھل توں بچن لئی ایس کمیٹی نے ایہی
 فیصلہ کیتا کہ انگریزی دے ٹائپ رائٹر والا کی بورڈ کمپیوٹر تے رکھ لیا جاوے۔ میرے خیال وچ وی
 پنجابی لئی ایہو جیہی ہی گل سی۔ ہوسکدا ہے کہ میں غلط ہوواں۔ پر ایس دے چنگے نتیجے نکلے آتے
 پنجابی دے چھاپا خانیاں آتے ڈیزائنراں نے میری فونٹ سمیت 250 فونٹ جو ہورناں لوکاں
 ولوں وی تیار کیتیاں گئیاں سن، اوہناں نوں اپنے کتے دا حصہ بنالیا۔ ایہہ تاں سی اک لوڑ دی گل،
 سہ دے بچن نال پنجابی وچ کمپیوٹر دے کھوجیاں نے بہت ملاں ماریاں ہن۔ فونٹس دا اکھ،
 پنجابی سپیل چیک، پنجابی اوسی آر، پنجابی کرم انک پروگرام، پنجابی ڈیٹا بیس، پنجابی لپی انتر پنجابی
 اکھر بودھ، پنجابی اکھر انٹیمیشن، پنجابی بول چال وغیرہ دے سینکڑے پروگرام بنالئے ہن۔ ایہہ
 سبھا ایسے کر کے ہو یا کہ پنجابی قوم نوں جاں پنجابیاں نے اپنی کم کرن دی لوڑ آتے بولی دی ورتوں
 بارے چتنا نال سوچنا آتے وسیلے لبھنے شروع کردتے سن۔ کمپیوٹر توں ہو کر کم لین لئی ایہہ ضروری ہے
 کہ ایس اپنی سوچ تے سمجھ نوں نکھار دے جائے۔ ارج ہندوستان وچ کھوج لئی پیسہ یونیورسٹیاں
 نوں ہی ملدا ہے، چاہے اوہ پنجابی یونیورسٹی جاں کھیتی باڑی یونیورسٹی جاں پھیر گورنمنٹ نانک دیو
 یونیورسٹی ہووے۔ ہندوستان دی کسے وی سنستھا ولوں اوہ لوک جو یونیورسٹیاں توں باہر کھوجاں
 کردے ہن جاں اوہناں کول نویں نویں خیال (آئیڈیے) ہن، اوہناں نوں پیسہ نہیں دتا جاندا۔
 کسے حد تک یونیورسٹیاں وی پنجابی دی ترقی وچ کھوج کردے لوکاں لئی اڑچن بندیاں ہن۔
 جیویں پنجابی یونیورسٹی دی مثال لے لئیے کہ لوکاں کولوں ٹیکساں راہیں اگراہ کے سرکار ولوں
 یونیورسٹی نوں پنجابی آتے کھوج کرن لئی پیسہ دتا جاندا ہے۔ ایسے پیسے نال جے زیادہ مثالاں نہ وی
 دیئے تاں پنجابی یونیورسٹی نے پنجابی اُردو کنورٹر بنایا، جو اوہ قیمت رکھ کے بیچ رہی ہے۔ گھٹو گھٹ

ایس پروگرام نوں یونیورسٹی لوکاں لئی فری کر دیوے تاں پنجابی تے شاہ مکھی وچ پنجابی ادب دی اتے پنجابی بولی دی ترقی بہت ودھ سکدی ہے۔ ایسے نال ہی یونیورسٹیاں ہور ناں لوکاں توں جو کمپیوٹر تے پنجابی لئی پروگرام بنا رہے ہن، اوہناں نال سندھی کر کے چنگے پروگرام مفت جاری کر سکدیاں ہن، ایس وچاردھارا اتے اگر غور کیتا جاوے تاں پنجابی بولی دی ترقی لئی بہت کارگر قدم سدھ ہوویگا۔

ایس لیکھ دی آخری گل پر اصولوں آخری نہیں کہ جس بولی کول اپنی ترقی کیتی لپی ہووے، صدیاں پرانے علم نال بھرے گرنٹھ ہون، ادب دیاں رمزاں بھریاں رچناواں دے اتھاہ بھنڈار ہون، ساری دنیا وچ پنجابی قوم دے بندے اپنا ڈنکا وچا رہے ہون، مائیکروسافٹ، اڈوب، کورل ورگیاں وڈیاں کمپنیاں وچ مول پروگرامر پنجابی ہون۔ پنجابیاں دیاں ایس وقت ہزاراں کمپیوٹر دے سوفٹ ویئر اتے ہارڈ ویئر دیاں کمپنیاں ہن۔ سبھ توں وڈی گل جیہڑی قوم اپنیاں بولی لوڑاں بارے سچیت ہو چکی ہووے ایس نوں اجوکا کیہ، آؤن والے یگ دا کمپیوٹروی مار نہیں سکدا، سگوں ترقی ہی کریگا۔

جیوے پنجاب، پنجابی، پنجابیت.....



قطر وچ سبناں نال ملاقات

دو جے ملک جاون دا، اوہدا ویسب ویکھن دا اُتے سبھ توں ودھ کاروبار لئی نویں موقعے بھالن دا چاء ای مینوں قطر لے گیا۔ امارات دے دار الحکومت ابو ظہبی وچ ا جے کاروبار ”ٹھنڈا“ ہوون پاروں سبناں بیلیاں وچ قطر دا ذکر عام چلدا رہندا اے کہ جے بزنس کرنا اے تے قطر چلو کیوں جے او تھے اُساری تے ودھادی ٹورا ہوا ترکھی ہو گئی اے۔ اوہدا کارن قطری حکمراناں دی سوچ اے کہ اپنے سارے وسائل ہوندیاں سارا سیں کیوں کچھانہہ رہیے جدوں کہ آہنڈھی گواہنڈھی کتے دے کتے اپڑ گئے نیں۔ ایسے کارن قطر یکم دسمبر توں ایشین گیمز کروان دا سہرا اپنے سر بنھ رہیا اے۔

قطر اپڑیا تے او تھے میں ویکھیا چار چوہیرے لوکاں اپنے کماں کاراں وچ رُجھی ہوئی اے۔ نویں نویں بنگلے تے بلڈنگاں بن رہیاں نیں، پرانے گھر توڑے جارہے نیں۔ نویاں سڑکاں بن رہیاں نیں تے پرانیاں نوں سوہناتے ہوو موکلا کیتا جارہیا اے۔ مکدی گل ایہہ کہ معاشی دوڑ لگی پئی اے۔ بھادیس اوہ نویاں فیکٹریاں لاون دی ہووے تے بھادیس قطر دی سبھ توں وڈی دولت گیس نوں برآمد کرن دی، جاں بحرین ورگی ریاست نوں سمندر وچ پل بنا کے پینڈے گھٹاون، جاں باقی خلیجی ریاستاں نوں ریلوے لائن راہیں اک دو جے نال جوڑن دی۔ قطر واقعی اگانہہ ودھدا جارہیا اے۔ میرامشن وی ایہوسی جو بندہ آپ ذرا نیڑے ہو کے حالات نوں جاچے۔ ایس سلسلے وچ میرامیل گجھ بندیاں نال ہو یا جیہناں وچوں اُگھڑواں ناں وقار بخاری دا اے۔ اوہناں گلاں گلاں وچ دسیا کہ اسیں کاروبار دے نال نال شعر و ادب دا ذوق وی رکھدے آں تے میرانگا بھراز وار بخاری شاعری اے۔ بس پھیر کیہ سی جیویں شاعر آکھدا اے ”مونہہ

آئی بات نہ رہندی اے۔“ مینوں وی اپنے بارے دسنا پیا جو میں وی پنجابی بولی داسیوک آں تے کئیاں کتاباں دا لکھاری وی۔ بس پھیر کیہ سی پٹی بھراواں ہار ساڈی یاری پکی ہوگئی۔ اصل وچ یاری دوستی لئی وی کوئی نہ کوئی سانجھ ضروری ہوندی اے۔ ایہہ دوویں بھرا قطر دی سرحد تے ”شمال“ نامی قصبے وچ رہندے نیں تے اپنے پیو دے کاروبار (برف دے کارخانے) دی سانجھ سنبھال کردے نیں تے پاکستان دے شہر سیالکوٹ دے وسنیک نیں۔

دو جے دن اوہ ملن لئی آئے تے اوہناں دسیا کہ مینوں تے اتھے دیاں ادبی ستھان دے بہت سارے لوک جاندے نیں۔ اوہناں دی ایہہ گل سُن کے میرا پنجابی ہوون داماں ہور ودھیا تے ایس احساس نوں ہور تراوٹ تے حیاتی ملی کہ سیوا کدی بیکار نہیں جاندی۔ میں ایہہ گل سر اُچا کر کے آکھنا کہ میں پنجابی زبان داسیوک آں۔ اوہناں ایہہ وی دسیا کہ تن ستمبر نوں قطر دی آزادی دادن منایا جا رہا اے تے اتھے وسدے شاعر، ادیب اک اکھ جوڑ رہے نیں تے اوس اکھ دا اُچھا پروہنا تسیں او۔ ایہہ گل میرے لئی خوشی دا کارن سی جو ایہدے سببوں مینوں اپنے ہور بھناں نال ملن دا موقع ملے گا۔ مینوں یاد آیا 1984 توں 1987 وچ ابو ظہبی وچ پنجابی ادبی سنگت تے پھیر پنجابی ادبی پرہیاناں دی ستھ دیاں چنگیاں دُھاں سن۔ ساڈے فنکشناں نوں پاکستانی پریس وچ اپنا کورج ملیا سی کہ مینوں پاکستان توں علاوہ سعودی عرب، کویت تے قطر توں ڈھیر خط آئے۔ جیہناں ساڈے کم نوں وڈیا یا تے ساڈی ہمت دی داد دتی۔ مینوں ایہہ وی یاد آ گیا پئی قطر توں جنہاں بھناں نے خط گھلے سن اوہناں چوں ممتاز راشد، رشید نیاز تے جمیل بابر خاص طور تے قابل ذکر نیں۔ میں پنجابی ادبی پرہیا ابو ظہبی دا جنرل سیکریٹری ساں۔

قطر دی یوم آزادی دی تقریب رشید نیاز دے گھر وچ سی جیہڑے ”دوحہ“ دے کافی چر دے وسنیک نیں۔ میرا ایہہ سفر قصبہ شمال توں دوحہ تیکر زوار بخاری دے ساتھ تے اوہناں دی خوبصورت شاعری تے سوہنی گڈی دی مہر نال لگ بھگ اک گھنٹے وچ کٹیا۔ شمال توں دوحہ شہر سو کلومیٹر دی واٹ تے ہونا ایں۔ پراوس دن ایہہ پینڈا تے ویلا بہت چھیتی بیتیا۔ ایہہ وکھری گل اے کہ رشید نیاز دے گھر متھے ویلے اپڑن وچ کچھ کوئل ہوگئی تے ایہدا کارن سڑکاں دے اوہ ڈائیورشن (Diversion) سن جیہڑے قطر وچ ہوون والے وادھے دا ثبوت سن۔

اتھے شاعراں، ادیبوں، سوجھواناں توں اڈرشید نیاز دے پروہنے تے ہور لوکی وی

وڈی گنتی وچ آئے۔ رشید نیاز شاعر، ادیب تے پاکستان کلچرل فورم دے پردھان تے بڑے پے بندے نیں تاں ای تے قطردی آزادی دا جشن اپنے سجناں بیلیاں نال اپنے گھرای منار ہے سن۔ جیہڑے دیس وچ بندہ وسدا ہووے اوہدا وہ قرض دار تے وفادار رہندا اے، کیوں جے اوہ او تھوں اپنی روزی وی کما رہیا ہوندا اے۔ پنجابی وچ ایس طرحاں دے بندے نوں ای بیبا بندہ آکھیا جاندا اے۔

لوجی تقریب شروع ہوئی تے مڈھلی گل بات قطرا تے اوہدی آزادی بارے رشید نیاز نے ای کیتی۔ پھیر ممتاز راشد جیہڑے اُردو تے پنجابی دے مئے پر مئے شاعر کنیاں کتاباں دے لکھاری تے او تھے دیاں ادبی پیٹھکاں دی رُوح نیں، اوہناں نے اپنی گل بات وچ لیکھک نال اپنے پرانے تعلق دا تے اوہناں خطاں دا ذکر کیتا جیہڑے ساڈی سیوا دے کچھوں خوش ہو کے اوہناں سانوں لکھے سن۔ اوہناں گجھ ذکر میریاں کتاباں تے اوہناں کہانیاں داوی کیتا جنہاں اُتے لاہور اُتے اسلام آباد دیاں ادبی پیٹھکاں وچ وچارو ٹاندر اہوندا رہیا۔ اے اوہناں دی گل بات جاری سی کہ محفل وچ موجود ادیبیاں، شاعراں نے مینوں آکھیا جے میں اپنے ادبی پینڈے دی کہانی اپنے مونہوں سناواں۔ میں نکئی موٹی اپنے ادبی پینڈے دی گل کیتی بئی میرا پہلا ناول ”کھیڈ مقدر اں دی“ جدوں چھپیا اوہوں میری عمر اٹھاراں ورھے سی۔ تہانوں پتہ اے کہ ایس عمرے بندہ کیہ لکھے گا۔ پر میرے پہلے ناول نے پاکستان رائٹرز گلڈ انعام جتیا، جیہڈے کارن میرا ناں ادیبیاں وچ رل گیا۔ پھیر پنجابی کہانیاں دا پراگا ”دُکھ دھرتی دے“ چھپیا۔ اوہدے وچ پاکستان دے اُچے شاعراں تے ادیبیاں دیاں تقریراں تے لکھتاں کتاب دی مکھ وکھالی دے اکھ وچ سُنن نوں ملیاں جیہڈے اُتے مینوں وڈا مان اے۔ گلاں کردیاں جدوں میں اپنے آپ نوں پنجابی بولی دا سیوک تے اوہدی پرموشن (Promotion) لئی اک لہر چلاون دی لوڑ تے زور دتا تے او تھے گجھ سجناں دے متھے اُتے تریڑاں پین لگ پیاں تے ایہہ گل بات اک کھٹی مٹھی بحث وچ بدل گئی۔ اک واری تاں میں سوچیا بئی کدھرے میزبان ایہہ نہ سوچن لگ پوے کہ چنگا پردھان آیا اے کہ بے سوادى بن گئی۔ پر ایس مُدے اُتے اک لکھاری، اک ادبی انجمن دے جنرل سیکریٹری تے اک پنجابی ہوون پاروں کئی وکھری سوچ دے پنجابیاں نال میرا واہ پے ہٹیا سی۔ ایس لئی مینوں کسے وی سوال تے کسے وی اعتراض دا جواب دین وچ بھوراوی اوکھیا کی نہیں

سی ہو رہی۔ بحث دی پدھر ایہہ سی کہ مینوں ففٹی ففٹی (Fifty Fifty) دی پوزیشن لگی جیہڑی پنجابی دے حق یاں مخالفت وچ پاکستانی پنجابیاں وچکار پیدا ہو چکی سی۔ رشید نیاز جی ہوراں آکھیا: ”جدوں ساڈا کم چلدا پیا اے تے پھیر کیہ لوڑا اے اک ہور مسئلہ کھڑا کرن دی اک نواں پنگالین دی۔ اگے ہور تھوڑے مسئلے نیں۔ گزارہ چلاؤ نا چاہی دا اے۔“

میں گذارش کیتی: ”کسے زمانے وچ بندہ کئی وچ رہندا سی۔ پر آج اوہدا مکان کہو جہا اے۔ گزارہ چلاؤ نا حیاتی دا مقصد نہیں۔ جے اپنے گھراں نوں سنوارنا، اپنیاں رشتیاں نوں پچھاننا، اپنیاں پنڈاں، شہراں، تحصیلاں، ضلعیاں تے صوبیاں نوں ترقی دوانا، اپنے لوکاں نال دل دی گل اپنی بولی راہیں کہن دا حق دوانا مسئلہ اے تے پھیر ایس مسئلے توں قربان جائیے۔“

تالیاں و جیاں تے ساڈے میزبان ڈھڈوں بخش ہوئے۔ میں ایہہ گل اوہناں دے مُکھ توں پڑھ لئی سی۔ میں پھیر بنیتی کیتی: ”تہاں نوں پتا اے کجھ لوکاں ایہنوں تعصب داناں دتا ہو یا اے۔ جے ایس پنجابی بولی نوں ترقی دین دی گل کراں گے تے متعصب آکھواواں گے۔ تئیں ایہہ لفظ سُن کے ڈر جاندا اے او جیہدے کجھے حقیقت دا کوئی وی نشان نہیں۔ ایس پر اپیگنڈے نے آج دے پاکستانی پنجابی نوں ایہیا ڈکالا دتا اے کہ کوئی کا ڈھ نہیں کڈھدا، کوئی ریسرچ نہیں کردا، بس ایسے سُنی سُنائی نوں دلیل بنا کے اگے اپڑا دیندا اے، اپنی راہ وچ روکاں کھڑیاں کر لیندا اے۔ میں پہلوں گل کیتی اے کہ پیار اپنیاں نال ای ہوندا اے تے اپنیاں نوں ای کیتا جاندا اے۔ تے اپنیاں وچوں ای لبھدا اے۔ بھائیں اوہ اپنا محلہ ہووے، گراں ہووے، اپنی بولی ہووے جاں اپنا وسیب۔ ہور تے ہور ساڈے مذہب نے زکوٰۃ دا جیہڑا تصور پیش کیتا اے اوہدے وچ وی سبھ توں پہلاں تہاڈی زکوٰۃ دے حق دار تہاڈے غریب رشتے دار، پھیر محلے دار تے پھیر دوست آؤندے نیں۔“

”گل ٹھیک اے پر پنجابی بدتمیز بولی اے۔“ پڑ وچوں اک ہور جن بولے۔

”تمیز بولی وچ نہیں بندے وچ ہوندا اے، (میں سہج نال سمجھایا۔) بولی تے ہر جذبے دا اظہار کرن دا وسیلا اے۔ پنجابی تے تمیز داراں وچ سبھ توں وڈی تمیز دار تے بدتمیزاں وچ بدتمیزی اے۔ انسان دیاں سبھے خصلتاں بیاننا ای بولی دا کم ہوندا اے۔ ویکھو جی کئی پیشے، کئی کم کار تے کاروبار ایہو جیسے نیں کہ بندے نوں سردی گرمی دسی پیندی اے مثلاً اتھتھے ساڈے فورمین صاحب چوہدری ریاض موجود نیں، کیہ اوہ اپنی کمپنی وچ سُسست یاں کم چور وکر راں نوں کھریاں

کھریاں نہیں سناؤندے، کیہ اوہ اچھیاں لوکاں نوں آپ جناب کہہ کے کم چلاؤندے نیں؟ میں مذاق نال کول بیٹھے چوہدری ریاض کولوں ایہو سوال کچھیا: ”نہیں چل سکدا۔“ اوہناں جواب دتا۔ ”میرا کم تے صرف پنجابی نال ای چلدا اے جے میں پنجابی نہ بولداتے مینوں ایہہ فورمینی کتھوں لکھنی سی؟“

او تھے پڑوچ پھتے بلی ہسن لگ پئے۔

”ایہہ عالمی بولی نہیں۔“ اک ہور صاحب بول پئے۔ ”ایہدے پڑھن لکھن والے تھوڑے نیں۔“

”جی کیوں نہیں عالمی بولی۔ کیہ کینیڈا جاں امریکا وچ لوک پنجابی نہیں بولدے، کیہ عرب دیس جاں یو کے وچ پنجابی نہیں سمجھی جاندی۔ کیہ بالی ووڈ دیاں فلماں وچ پنجابی ڈائلاگ تے پنجابی گانے ”تبرک“ دے طور تے نہیں پائے جاندے۔ کیہ میں اتھے قطر وچ بیٹھا قطر دی آزادی دا جشن تہاڈے نال پنجابی بول کے نہیں منارہیا۔“

ایس گل تے تھوڑے ہور بھراہے تے تاڑیاں وجیاں۔

”تسیں جے پڑھن دی کوشش نہیں کردے، کتاباں نہیں ویکھیاں، نہ ای خریدیاں نیں، نہ ای لکھن والیاں دا حوصلہ دھایا، تے ایہدے وچ کسے پٹھان، کسے سندھی، کسے بلوچی، جاں کسے گورے دی غلطی تے نہیں کہ اوہ تے سارے اپنیاں بولیاں پڑھدے وی نیں تے لکھدے وی۔ ایہہ صرف ساڈی سُستی اے۔ اتھے گھر دی لکڑی دال برابر اے۔ اپنے نوں لفٹ نہ کراؤن دا صدیاں پرانا پاپ اے۔ اک ہور گل اج تہانوں دساں۔ ایہہ جیہڑے شاعر ادیب یاں سرجن ہار دماغ دے بندے نیں کسے وی وسیب دی وڈی پوٹھی ہوندے نیں۔ ایہو لوک رہتل تے وسیب دے آگؤ ہوندے نیں۔ ایہو اوس معاشرے دے دکھ درد تے خوشیاں غمیاں نوں محسوس کر سکدے نیں تے قدرت ایہناں کولوں اظہار کرواؤندی اے۔ اوہ لوکاں وچ رہندے نیں تے اوہناں دیاں بھاونواں تے لوڑاں تھوڑاں نوں بیان دے نیں۔ جے کسے قوم جاں تہذیب دے ایہہ فطری آگؤ ساہمنے نہیں آؤندے، اوہناں دی پچھان سُجھان ای کوئی نہیں تے سمجھ لوو اوس رہتل نوں جاں اوس وسیب نوں کوئی سڳھ گیا اے۔ اوہ پورا معاشرہ ای گونگا تھتھا ہو گیا اے۔ ایہی ماحول وچ تے لیڈروی پیدا نہیں ہوندے، ایہی لوک تے دو جیاں دے

گھر جا کے بتیاں بالدے نیں تے اپنے گھراں وچ عمراں بدھے ہنیرے۔ ایہہ لوک نہ تیاں وچ نہ تیرھاں وچ۔“

”ایہہ تے سیاسی بیان اے، کدھرے تہاڈا تعلق کسے سیاسی پارٹی نال تے نہیں اے؟“ اک ججن گھر کیا۔

”نہیں جناب! میں کسے پارٹی دا ترجمان نہیں تے نہ ہونا لوڑ داں، پر ایہہ گل ضرور کرداں کہ ایسے لوک شاعر ادیب جاں سوجھوان آؤن والے زمانے نوں چانن دیندے نیں۔ ایہہ لوک معاشرے یاں قوماں دیاں پنہاں رکھدے نیں۔ اوہ انج ای اپنی ہوند اثبوت دیندے نیں۔ زمانے وچ نفرتاں تے کدورتاں نوں مٹا کے اوہی تھاں محبت، امن، بھائی چارے تے بھلائی دا سبق دیندے نیں۔ ٹسیں بابا فرید دا کلام ویکھ لو، ٹسیں بکھے شاہ دی سوچ نوں ویکھو اتے اندازہ لاؤ کہ اج صدیاں گزرن مگروں اوہ لوک کیوں زندہ نیں۔ ایہو زندگی اے تے ایہو سیاست اے کہ زندگی تے روشنی دا ساتھ چولی دامن وانگر اے۔ کوئی کہہ سکدا اے بکھے شاہ تے بابا فرید دے کلام وچوں جیہڑی لو پھندی اے اوہ لو کائی دی بھلائی واسطے ناقص اے؟ پھیر کیوں نہ ایہناں ہستیاں داپلا پھڑ کے ای سیاست کیتی جاوے۔“

ہُن اکھ دی ٹور وچار وٹاندرے توں ہٹ کے سچھ جگاؤن دی حد تک اپڑ آئی سی۔ حاضرین چنگے سُنن والیاں وانگ بیٹھے سن پر پھیر وی اک چُجھد اچھیا سوال سُنن نوں ملیا۔

”خیر ایہہ تے صحیح اے۔ ایہہ صدیاں پرانیاں گلاں نیں۔ اج دا دور علم، سائنس تے کمپیوٹر دا دور اے۔ پچھانہہ کیوں لے چلے او۔“

”جی میں ایس مُدے وٹے ای آرہیاں۔“ میں عرض کیتی۔

”تہانوں پتہ اے کہ ساڈی تعلیم دی ریشو (Ratio) کیہ اے۔ کجھ ورھے پہلاں 100 بندیاں چوں ستارھاں پڑھے لکھے سن۔ خیر ہُن ایس حسابوں دونا کردیو تے گنتری کرو جو 34 فیصد بندے پڑھے لکھے ہو گئے نیں۔ ہُن ایہہ 34 فیصد اوہ نیں جیہڑے اپنی ماں بولی وچ نیں، باقی دے 66 فیصد بندیاں نوں سائنس دی زبان سمجھا دین، اتے یقین کرو کجھ ورھیاں وچ تہاڈا سارا معاشرہ، تہاڈی ساری قوم سیانی، سمجھدار تے پڑھی لکھی ہو جاوے گی۔ بس شرط ایہہ اے کہ اپنیاں نال اپنیاں وانگ اکو جیہا ورتار رکھن، درجا بندی نہ ہووے اکو جیہا تعلیمی نصاب

ہووے۔ میں چھوٹی جیہی مثال پیش کرناں: کسے لیڈی ڈاکٹر دے کلینک وچ میں بیٹھاسی کہ اک وڈیری عمر دی زنانی بڑے مندے حالیں اندر آئی تے آکھن لگی: ”بچیا! میں مرچلی وے۔ میرے ڈھڈ پیراے، مینوں کولنج ہوگئی وے۔“

مینوں اوہ ویلا یاد کر کے اج وی گجھ ہو جاندا اے۔ لیڈی ڈاکٹر نے اوس وچاری بڈھڑی زنانی نوں آکھیا: ”بی بی یہ ڈھڈ کیا ہوتا ہے۔ یہ پڑ کیا ہوتا ہے۔“ جے ساڈے سبھ توں ذمے دار شعبے میڈیکل دا ایہہ حال اے پھیر میرے پنجاب دا اُتے میری پنجابی دارب ای راکھا اے۔ سوچیا جاوے تے اوس لیڈی ڈاکٹر داوی کیہ گناہ اے؟ جیہنوں دسیا ای نہیں گیا کہ ڈھڈ کیا اے تے اوہی پڑ کیا اے۔

یقین کرو اجیہے پنجابی ماں پو جان بُجھ کے جاں انہول ایس ٹرینڈ (Trend)، ایس رواج دا شکار ہو گئے نیں۔ اوہناں نوں آپ تے چنگی اُردو آؤندی نہیں اُتوں اپنے بچیاں نال ایس طرحاں دی ٹٹی بھگی اردو بول کے اوہناں نوں گونگا تھتھا کر دے پئے نیں۔ جیہدا اثیجا ایہہ ہویا کہ بال سکولوں وی سن لگ پئے نیں۔ تہانوں پتہ اے یونائیٹڈ نیشن (United Nation) دا اک مُٹھ فیصلا اے کہ بالاں دی مُڈھلی تعلیم اوہناں دی ماں بولی وچ ای ہونی چاہی دی اے۔ ایس مگروں اوہ بال بھاویں جگ دیاں ساریاں بولیاں سکھ لوے اوہنوں کوئی اوکھت نہیں ہووے گی۔ ایس لئی اسیں بڑے مان تے آدرنال پنجابی بولے، پنجابی لکھیے۔ ایہدے وچ پنے ہوون والی کوئی گل نہیں۔ سانوں کسے چیز دی تھوڑ نہیں۔ پنجاب نے تاں باہروں آؤن والے بھُکھے دھاڑویاں دے ڈھڈوی بھرے نیں۔ اُتے اسیں اپنے آپ نوں وساری بیٹھے آں، اپنی ذات اُتے ہوندی نفی کرن لگ پئے آں۔ گل کردیاں کردیاں میں جذباتی ہو چلیاں کہ اک آواز ہو اُبھری۔

”کدھرے تسیں اردو دے خلاف تے نہیں؟ اُتے پاکستان دی قومی زبان تے وار کر رہے او۔“

”نہیں جناب، اردو ساڈی رابطے دی بولی اے تے نالے اپنی مخلوق اوہنوں بولدی اے تے جیہنوں اللہ دی مخلوق بول رہی اے، سمجھ رہی اے اوہ پیاری بولی اے۔ ایہہ ساڈی لوڑ اے، پر ایہد ا ایہہ مطلب نہیں کہ اسیں پنجابی دا حلیہ وگاڑ دیئے تے لیہنوں گھروں باہر کڈھ دیئے

تے ایہدے خلاف محاذ کھول لئے۔ ایہد حق تے سبھ توں وڈا اے۔ ایہہ کروڑاں پنجابیاں دی بولی اے۔ ایہہ سارے اردو بول سکدے نیں۔ ایس لئی ایہنوں بھروسے ترقی ملنی چاہی دی اے۔ ایہدے وچ بہتا سارا کم ہونا چاہیدا اے۔ لکھن پڑھن ایہدے وچ ہونا چاہی دا اے۔ کسے دی ایہہ جراثنت نہیں ہونی چاہیدی کہ اوہ کہوے: ”تسیں تاں پنجابی بولدے او۔ ایس لئی تسیں ان پڑھ او۔“ ایس تاثر نوں ختم ہونا چاہیدا اے بلکہ جیہڑا جتنی ودھیا پنجابی لکھے پڑھے تے بولے اوہ بھت پڑھیا لکھیا مٹیا جاوے اوہنوں بہتی عزت لہے۔ میں تہانوں دساں کہ پرل کاٹنیل لاہور وچ میریاں کتاباں دامونہہ وکھالی اکھڑی سی۔ او تھے پنجاب اسمبلی دی ممبر تے مشہور لکھارن بشری رحمن نے آکھیا سی کہ میں پنجاب اسمبلی وچ اجازت منگی کہ جناب سپیکر صاحب سانوں پنجابی وچ تقریر کرن دی اجازت دیو، اوہناں فرمایا۔

”بیگم صاحبہ! آپ تو بہت اچھی اردو لکھتی ہیں، بولتی ہیں۔ آپ کو کیا ضرورت ہے؟“

”جناب سپیکر تہاڑی ایہہ گل سُن کے میں اینیاں کچھیاں وٹنی آں کہ تہانوں کیہ دساں۔“ ایہہ بشری دا جواب سی۔ ایہہ گل اے جوی میرے کول ویڈیو کیسٹ وچ ریکارڈ اے۔

بشری کہہ رہی سی کہ ہُن تسیں آپ دسو کہ ایس جذبے نوں جاں ایس خیال نوں جاں ایس اکھان نوں کوئی ہو رہی کیویں ادا کر سکدی اے۔ ایہہ میری پنجابی ای اے کہ جیہدے وچ میں ایس طرحاں دی گل کر سکنی آں۔ کوئی مینوں کچھیاں وٹن دا ترجمہ کر کے وکھا دیو۔ اجیہی مثال اردو ادیب احمد ندیم قاسمی دے اک افسانے ”گنڈاسا“ دی دتی جاسکدی اے۔ ایس افسانے وچ اک اجیہا پنجابی کریکٹر پیش کیتا گیا اے جیہڑا صرف پنجابی وچ ای پیش کیتا جاسکدا اے۔ ایس لئی ایہہ افسانہ دے دے حساب نال بڑا نویکلا، پر اظہار دے حساب نال قاسمی صاحب ورگے ادیب دے گلیاں وچ بہہ گیا، اتے ویکھو جدا ایسے کہانی تے پنجابی فلم ”مولا جٹ“ بن دی اے تے اوہ کریکٹر اینا یادگار بن جاندا اے کہ فن دی ٹیسی نوں چھوہ لیندا اے۔ کہن دا مقصد ایہہ وے کہ ایہہ ممکن نہیں کہ پنجابی کلچر دی گل نوں اوہ سے چس نال کوئی ہو رہی پیش کر سکے۔ ایہہ اوس کلچر دا تت ست اے تے اوس بولی نال انصاف، تاں جے دوویں نال نال رہن۔“

مینوں گل کر دیاں ایہہ احساس ہو گیا سی کہ ہُن بحث کرن والے گجھ تسلی وچ ہو گئے نیں۔ تھوڑا جتا ہو راضا فا کرنا ضروری لگا۔

”تسئیں کہندے او علامہ اقبال نے پنجابی وچ کیوں نہیں لکھیا۔ تہاڑی اطلاع واسطے عرض کراں کہ اک قدیم ادبی رسالے ”سارنگ“ وچ اوہناں دا انٹرویو چھپیا سی۔ علامہ اقبال نے کہیا سی کہ ایہہ میری مجبوری سی کہ میری تعلیم تے تربیت اردو وچ ہوئی۔ ایہہ وی ممکن اے جو بھلکے پنجابی بولی نوں وی کوئی گونے ورگا بندہ مل جاوے جیہنے اپنی جرمن زبان وچ کم کر کے ساری جرمن قوم دا سر اُچا کر دتا سی۔ تے نالے علامہ اقبال صاحب نے اوس ویلے دی منگ نوں ساہمنے رکھیا کہ اک مقصد موجود سی۔ ایس گل توں اکھ نہیں چرائی جاسکدی کہ اوہ قبول تے مقبول وی تاں ہوئے سن کہ اوہناں دا مزاج اک پنجابی دا مزاج سی۔ فیض احمد فیض دا ناں لین دی لوڑ نہیں کیوں جے اوہناں نے کافی پنجابی نظماں لکھیاں تے ایہہ کہہ کے ہار من لئی کہ جتھے وارث شاہ تے میاں محمد ورگے موجود نیں او تھے فیض دی کیہ مجال۔“ جا پدا سی جو ساہمنے بیٹھے ہوئے شاعر ادیب قائل ہو گئے نیں۔ میں ایس گل بات نوں لمکا نا نہیں سی چاہندا کہ اک ہوڑ محترم بول پئے۔

”گلاں ساریاں صحیح نیں پر سانوں تے سرانیکی وچ کم کرنا آؤندا اے۔ ساڑی شاعری وی ساری سرانیکی وچ اے۔ ساڑے کول شاعری ہن تے ہن قاری وی لہدے نیں۔ سرانیکی وچ لکھی ہوئی کتاب پڑھی وی جاندی اے۔ ساڈا اصل نقصان تے مرکزی پنجاب جاں لاہوری پنجابیاں نے کیتا اے اسیں پنجابی تے نہیں پر شاید سرانیکی نوں ترقی ضرور دیاں گے۔“

”جناب تسئیں سرانیکی سناؤ۔ پنڈی والے پوٹھوہاری نوں آؤن دین۔ تسئیں چنے مرضی ناں رکھ لوو۔ ہن تے سارے پنجابی ماں دے۔ سرانیکی ترقی کرے، پوٹھوہاری ترقی کرے تے لازماً پنجابی دا اک مرکزی لہجہ تتر کے ساہمنے آوے گا۔ صرف لوڑاے دیو بالن دی۔ دیوے نال دیوے بالو تے ویکھو چان ہووے گا۔ ایہہ ویلا قربانی منگدا اے۔ پنجابی صدیاں توں ایس دیس دی بولی اے، ایہنوں مارن والے آپوں مارے گئے۔ ایہہ صدیاں توں اے تے صدیاں تاں نیں رہوے گی۔ چھڑی تاریخ اپنے رنگ وکھاؤندی رہوے گی۔ ہن تے خیر نال سیٹلائٹ چینل آ گئے نیں تے سبھ دی ایہہ کوشش اے کہ ودھ توں ودھ لوکاں تیکر اپروچ (Approach) ہووے۔ تسئیں آپ دسو کہ اپنیاں نوں کیہ کرنا پوے گا۔ ایہناں نوں گودڑی وچ لعل لہسنے پین گے تاں ای گل بنے گی۔“ میں اپنی گل جاری رکھی۔

”نکو جی اسیں تے من گئے آں۔ تہاں واہو چانن پایا اے ایس مُدے اُتے۔ ہن

کھاندے آں ڈنرتے ایس توں مگروں دوجی بیٹھک ہووے گی مشاعرے دی تے اج سارے شاعر چھڑا اپنا پنجابی کلام ای سناؤن گے۔ جدوں کہ ایس تہاڈے کولوں پنجابی نثر دے پکھوں اک کہانی ضرور سُننی اے۔“ ایہہ گل رشید نیاز صاحب نے پروہنیاں نوں ڈنرول سینت کردیاں آکھی۔

ڈنرتوں مگروں مشاعرہ ہویا، شاید ایس گل بات دا اثر سی کہ صرف پنجابی نظماں، غزلاں تے سرائیکی شاعری سُنن نوں ملی۔ پھیر مینوں کہانی سناون دی فرمائش کیتی گئی۔

اینا سوہنا کلام تے اپنی مثبت گل بات توں بعد ماحول اپنا چنگا ہو گیا سی کہ مینوں کہانی سناون وچ وی بڑا چس آیا تے ایہدے وچ شک والی گل ای کوئی نہیں بئی اپنی بولی تے مٹھری بولی وچ جی چس آؤندی اے کسے ہو وچ نہیں۔

ٹرن ویلے سبھ پنجابی اک دو جے نوں گھٹ گھٹ چھیاں پار ہے سن۔ ایس رشید نیاز دے گھروں نکلے تے ساڈے سنگ شوکت ناز، محبوب قاضی، رشید نیاز، ممتاز راشد، زوار بخاری، قاضی اصغر، شفیق اختر تے طاہر چوہدری دا مٹھرا کلام تے ممتاز راشد دیاں کتاباں دا تحفاوی سی۔

رات فجر ول سفر کر رہی سی۔ روڈاں تے قطر دی ترقی دیاں سپیڈاں دے جلوے عام سن۔ دوحہ توں واپس شمال ول جان دیاں ساڈے دل وچ وار وار ایہو سدھر چنگھیاں بھر رہی سی کہ کاش کدے پنجابیاں دیاں پنجاب تے اوہدی بولی دی ترقی لئی انج ای سپیڈاں لگ جاوَن تے اوہ کروڑاں بندے اپنی بولی وچ لکھدیاں پڑھدیاں کوئی جھجک یاں اڑچن نہیں سگوں مان، فخر تے ناز محسوس کر سکن۔

(نوٹ: قاضی صاحب دے افسانے ”گنڈاسا“ اُتے فلم ”وحشی جٹ“ بنی سی۔ ”مولا

جٹ“ نہیں۔)



دو پنجاب: جنوبی ایشیا وچ امن دا ثقافتی راہ

پچھلے ورھے، پاکستانی کرکٹ ٹیم اپنے ڈھائی مہینیاں دے بھارت دے دورے تے سی۔ ایہہ اوہد اچھلے چھ ورھیاں مگروں پہلا دورہ سی۔ پاکستان دا پہلا میچ بھارتی پنجاب دے اک چھوٹے شہر موہالی وچ سی تے ویکھن ہاراں دا چوکھار ش سی۔ پر ایہہ پہلے دی طرحاں صرف بھارتی ویکھن ہاراں دا اکھ ای نہیں سی۔ ہندوستانی حکومت نے پاکستانیاں نوں وی میچ ویکھن دی اجازت دتی تے گھٹو گھٹ ترے ہزار پاکستانی میچ ویکھن لئی آئے۔ دو دناں وچ، پاکستانی پنجاب توں تماشائیاں نال بھریاں اٹھتی (38) لاریاں سرحد پار کر کے ہندوستان پہنچیاں، جدوں ہونٹلاں وچ وی جگہ گھٹ پے گئی تاں پنجابیاں نے مہماناں لئی اپنے گھراں دے بوہے کھول دتے۔ ایٹھو تیک پئی پنجابیاں دے بھائی چارے دے جذباتی قصیاں نال اوٹھوں دے اخباراں دے ورقے بھر گئے۔ اک پاکستانی گوی، جیہڑی ہندوستانی خاندان دے نال ٹھہری ہوئی سی، اوہنے اخباری رپورٹراں نوں دسیا کہ ایہہ لوک اپنے گرم جوش تے چنگے نیں کہ اوس دا جی کر دالے کہ اوہ اُکا پکا ای اتھھے ای رہ جاوے۔

چڑھدے پنجاب دے دکانداراں نے اپنے مہماناں نوں چیزاں رعایتی قیمتاں دے نال نال سگوں کجھناں نے تاں مفت وی ورتائیاں۔ دوستی دی ایہہ لہرائی اُچی سی کہ کجھ تماشائیاں نے دوہاں ٹیماں نال اپنی یکجہتی دا اظہار کیتا۔ خورے ایہہ پہلی واری ہو رہیا سی۔ پنج دناں دے ٹیسٹ میچ دیاں جیہڑیاں تصویراں نشر کیتیاں گئیاں اوہناں وچ کئی نوجواناں دے مومنہ دے اک پاسے بھارتی تے دوجے پاسے پاکستانی جھنڈے بنے ہوئے دکھائے گئے۔

صرف ترے ورھے پہلاں دوویں ملکہ آہمنے ساہمنے جنگ لئی تیار کھلوتے سن۔ پر

ہُن گُوڑھے ثقافتی رنگ دا، امن تے سلامتی دا اک نواں جذبا سامنے آرہیا اے۔ پاکستانی وزیر اعلیٰ توں جد ایس جذباتی اظہار بارے کچھیا گیا تاں اوہناں آکھیا: ”ایہدے توں پنجابیاں دے اوس جذبے دا پتا چلدا اے، جیہڑا دوہاں پاسیاں دے پنجابیاں نوں آپس وچ جوڑدا اے۔ ایہو جیہے میل ملاپ نال دوہاں پاسیاں دیاں حکومتاں نوں وی فیصلے دی طاقت ملے گی کیوں جے ایہدے نال پتا چلدا اے کہ لوک کیہڑے پاسے جانا چاہندے نیں۔“

دو پنجاب جیہناں ول وزیر اعلیٰ ہوراں اشارہ کیتا، انگریز راج ویلے اکوای سن۔ 1947ء وچ اوس ویلے دا پنجاب تن کروڑ آبادی والا سبھ توں وڈا صوباسی، جیہنوں انگریزاں مذہبی بنیاداں تے دو حصیاں وچ ونڈ دتا۔ مسلماناں دی بھتی آبادی والا لہندا حصا پاکستان تے ہندوواں تے سکھاں دی بھتی آبادی والا چڑھدا حصا بھارت وچ شامل کیتا گیا۔ پینھ تے اکہتر دیاں جنگاں تے اسی دی دہائی وچ بھارتی پنجاب وچ سکھاں دے فسادات توں وکھ، پچھلے سٹھ ورہیاں توں دوویں پنجاب بین الاقوامی حد بندی دے آر پار اک دوجے توں دورای رہے۔ پر ہُن برف پگھل رہی اے تے ایہدی گونج دوہاں پاسے سُنیدی پئی اے۔

2004ء توں لے کے ہُن تک دوویں مُلک کئی مشکل مسئلیاں تے گل بات کر رہے نیں۔ ایہناں وچ تنازعہ کشمیر دی حیثیت تے ایٹمی ہتھیار شامل نیں تے دنیا دی توجہ ایس گل بات تے ایہناں کوششاں ول کافی اے۔ پر ایس مرکز توں ذرا ہٹ کے، دلی تے اسلام آباد توں وکھ امر تر تے فیصل آباد، لاہور تے لدھیانا وچ ہون والیاں تبدیلیاں دوہاں دیاں دے آپسی رشتیاں دی نوعیت ای بدل کے رکھ سکدیاں نیں۔ ایہو جیہیاں تھاواں تے دوہاں بنے دے پنجابیاں دے ملن دے نال نیوکلیائی گوانڈھیاں دے درمیان پرانی دشمنی، دوستی وچ بدل سکدی اے۔ ایس کوشش دا سرکاری نعرہ اے ”پنجاب، پنجابیاں تے پنجابیت دے جذبیاں نوں فیر توں زندہ کرنا۔“

پنجابیاں دے ایس نویں رشتیاں نوں کجھ لوک صرف ’جذباتیت‘ کہہ کے جھٹلا دیندے نیں۔ سچ تے ایہہ اے پئی اوہ مسئلے جیہناں نے دوہاں مُلکاں وچالے امن دیاں کوششاں نوں کامیاب نہیں ہون دتا (جیہناں وچوں دہشت گرداں دے حملے واضح مثال نیں)۔ امن دیاں کوششاں نوں نیویاں کر سکدے نیں۔ پاکستان دی طاقتور فوج، بھارت نوں اپنا دشمن سمجھدی اے۔

بھارت اندر سکھ فساداں والے پھٹا جے تیک سجرے نیں، ایس تحریک دے ملے
 جُلے اثرات سہمنے آرہے نیں۔ پرائس قسم دے شک شبہ دے نال سانوں ثقافتی سفارت کاری
 دے مخفی خزانے ولوں اکھاں بند نہیں کرنیاں چاہیدیاں۔ دوویں پنجاب اپنے اپنے مُلکاں وِچ
 جیہڑا اثر رکھدے نیں اوہ بہت ڈونگھا اے، تے ایہہ دوویں مغرب وِچ پھیلن والی پنجابی وسوں
 دی خشالی تے ثقافتی ترقی لئی بہت کجھ کرسکدے نیں، جتھے پنجابی موسیقی تے دُوبے ثقافتی
 تہواراں دی ودھدی ہوئی شہرت، ایہناں مُلکاں دے وِچ پائی جان والی پنجاب دی ونڈ تے تصور
 توں اُچی اے۔ سبھ توں چنگی گل تے ایہہ وے پئی دوواں پنجاباں دے لوکاں دے درمیان شروع
 ہون والا رابطہ، ایہناں مُلکاں دے سبھ توں وڈے مسئلے مطلب اک دُوبے تے اعتماد نہ کرن نوں
 ختم کرن وِچ مدد دیوے گا۔

سبھ توں وڈی ونڈ

پنجابیاں دے بھائی چارے دی گل شاید اوہناں لوکاں نوں عجیب لگے جیہناں دیاں
 برصغیر دے بارے وِچ معلومات دی بنیاد پر ڈیٹا بروغ دی فلم ”گاندھی“ اے۔ ایس فلم دے
 اخیر لے دیش وِچ پناہ گیراں دے دو وکھو وکھ دھڑے مختلف پاسیاں نوں جان دے وکھائے گئے
 نیں، جیہڑا ونڈ دے ہون والے بہت وڈے انسانی اُکھاڑ پچھاڑ نوں ظاہر کردا اے۔

پنجاب دی ایس وڈھ ٹک دا وڈا اثر ایس واسطے ہو یا کیوں جے بنگال وانگوں پنجاب
 وی مذہبی آبادی والا صوبہ سی، جیہدے وِچ مسلماناں دی تعداد بہت سی۔ 1947ء دے پنجاب وِچ
 54 فیصدی آبادی مسلماناں دی سی تے باقی ہندو تے سکھ سن، جدوں انگریز ایستھوں جان لگے تے
 اوہناں نے پنجاب تے بنگال دا بھارت تے نویں ملک پاکستان وِچ بٹوارہ کردتا۔ ایس ونڈ دا
 مقصد دوواں قوماں دیاں تحریکاں، ہندوستان دی آزادی دی تحریک تے تحریک پاکستان دے
 وکھرے وکھرے تصور نوں ہوا دین دی کوشش سی۔

مہاتما گاندھی دی انڈین نیشنل کانگریس برطانوی سامراجی نظام توں آزادی دی جنگ
 لڑ رہی سی تے ایہہ ای کم محمد علی جناح دی مسلم لیگ وی کر رہی سی۔ پر کانگریس سارے مذہباں
 والی، سیکولر ریاست بنان دی کوشش وِچ سی جدوں کہ لیگ دا مطالبہ اک وکھرے مُلک داسی جیہڑا

کہ اوہناں دے خیال وچ برصغیر وچ مسلماناں دے سیاسی مفادات نوں بچاؤن دا اکوای رستہ سی۔ مسلم لیگ، اسلام نوں ای اپنی قومیت دی بنیاد سمجھدی سی تے اوہدے پردھاناں دا خیال سی پئی جے اوہ ہندوستان وچ اقلیت بن کے رہن گے تے اوہناں دی قومیت نوں خطرہ رہوے گا۔ ایس طرحاں بٹوارے تے اصل وچ قومیتاں دے مفادات دا گورھا اثر سی۔

انگریزاں دے جان توں پہلے، پنجاب نوں ضلع دی سطح اُتے ونڈ دتا۔ مسلماناں، ہندوواں تے سکھاں نوں گھرتوں بے گھر ہون تے مجبور کر دتا گیا۔ ونڈ دی خونی کھیڈ نے پنجاب نوں ٹوٹے ٹوٹے کر دتا تے گوانڈھی، گوانڈھیاں کولوں وچھڑ گئے۔ اُنج اکلے پنجاب دے اعداد و شمار دا پتہ نہیں پردس لکھتوں ودھ لوک مارے گئے تے اک کروڑ تے 20 توں 80 لکھ لوک بے گھر ہو گئے۔ کئی عورتاں نال زیادتی ہوئی، بے شمار لوک زخمی ہوئے تے کئی قتل ہوئے۔ ایہہ زخم ایس علاقے دے لوکاں دے حافظے وچ سڑ کے راکھ ہو گئے۔ دُکھ بھرے اوہناں دناں وچ امرتا پریتیم نے نویں پنجابی ادب دی اپنی اک مشہور نظم وچ لکھیا:

اج آکھاں وارث شاہ نوں کتوں قبریں وچوں بول!

فیراج کتاب عشق دا کوئی اگلا ورقا پھول

اک روئی سی دھی پنجاب دی توں لکھ لکھ مارے وین

اج لکھاں دھیاں روندیاں تینوں وارث شاہ نوں کہن:

وے درد مندیں دیا در دیا! اٹھ تک اپنا پنجاب

اج بیلے لاشاں وچھیاں تے لہو دی بھری چناب

کسے نے پنجاں پانیاں وچ دتی زہر لا

تے اوہناں پانیاں دھرت نوں دتا پانی لا

ایس زرخیز زمین دے لُوں لُوں پھٹیا زہر

گٹھ گٹھ چڑھیاں لالیاں پھٹ پھٹ چڑھیا قہر

ویہو ولسی واء پھرون وں وگی جا

اوہنے ہر اک وائس دی وچھلی دتی ناگ بنا

پہلا ڈنگ مداریاں منتر گئے گواچ

دُوجے ڈنگ دی لگ گئی جئے کھنے نوں لاگ
 لاگاں کپلے لوک مُونہہ پھر ڈنگ ہی ڈنگ
 پلو پکی پنجاب دے نیلے پے گئے انگ
 گلیوں ٹُٹے گیت پھر تر کلیوں ٹُٹی تند
 ترنجنوں ٹُٹیاں سہیلیاں، چرخوے گھو کر بند
 سنے سچ دے بیڑیاں لُڈن دتیاں روڑھ
 سنے ڈالیاں پینگھ اج پپلاں دتی توڑ
 جتھے وجدی سی پھوک پیاردی وے اوہ وِجھلی گئی گواچ
 رانجھے دے سبھ ویراج بھُل گئے اوہدی جاج
 دھرتی تے لہو وِسیا قبریں پپیاں چون
 پریت دیاں شاہزادیاں اج وِج مزاراں رون
 اج سبھے کید و بن گئے حُسن عشق دے چور
 اج رکتھوں لیا یئے لہجہ کے وارث شاہ اک ہور
 اج آکھاں وارث شاہ نوں رکتوں قبریں وچوں بول!
 تے اج کتابِ عشق دا کوئی اگلا ورقا پھول

ایہناں ورھیاں وِچ، ایہہ حقیقت پئی وِٹڈ نال پنجاب دی مذہبی تے نسلی شکل تباہ ہوئی،
 لوکاں نوں بھُل گیا تے ایہہ سمجھ لیا گیا پئی دوویں قوماں قدرتی طور تے دوہاں پنجاباں وِچ یعنی مسلمان
 پاکستانی پنجاب تے ہندو تے سکھ بھارتی پنجاب وِچ وس رہے نیں۔ پر پنجابی ثقافت تے سیاسی تاریخ
 دے تناظر وِچ دیکھیے تاں وِٹڈ ٹھیک نہیں سی۔ وِٹڈ ویلے پنجاب وِچ مذہبی تشدد بہت شدید سی کیونکہ
 مذہبی طور تے ایہہ لوک پہلوں اکٹھے رہندے سن۔ کیوں جے تریوے قوماں، مسلمان، ہندو تے سکھ
 آپس وِچ اپنے کول کول سن پئی ایہناں نوں الگ وی چھری نال ای کیتا جاسکد اسی۔

وِٹڈ توں پہلاں دا پنجاب، خاص طور تے 1920ء توں لے کے 1947ء تک جدوں
 اتھے مذہبی فسادات بہت گھٹ سن۔ اوس ویلے دی تاریخ نوں مذہبی فرقاں دی تھاں ثقافتی
 رشتیاں دی نظر نال دیکھیا جاسکد اے۔ 1946ء تیکر پنجابیاں نے اپنیاں وفاداریاں مختلف قومیتاں

والی یونینسٹ پارٹی نال جوڑی رکھیاں۔ یونینسٹ پارٹی دی مجوزہ پاکستان وچ کوئی دلچسپی ایس واسطے نہیں سی کہ ایہد امطلب پنجاب دی ونڈ سی۔ پروہ انڈین کانگریس دے تھلے ہن والے متحدہ ہندوستان دے نال وی شامل نہیں ہونا چاہندے سن۔ پنجاب دی یونینسٹ پارٹی پنجاب دی اک وکھری ریاست دے حق وچ سی، جیہدا اپنا وکھرا وزیراعظم ہووے۔ پنجاب دی تاریخ دے ایس حصے نوں پاکستان تے بھارت دیاں سرکاری تے سیاسی تاریخاں وچ بہت گھٹا کے دکھایا گیا اے۔ ویہویں صدی دے ادھ توں پہلے والے پنجاب دے لوکاں وچ مذہبی رواداری دیاں بہتیاں نشانیاں ویکھن نوں ملدیاں نیں۔ ایس علاقے وچ موجود صوفی ازم دی مضبوط ریت اک چنگی مثال اے۔ صوفی ازم انسان دا خدادے نال سدھا تعلق جوڑن تے زور دیندا اے۔ ایہدی مراقبہ دی ریت، ایس علاقے دیاں محاوریاں تے تشبیہاں تے وڈا اثر چھڈ دیاں نیں تے ثقافتی لحاظ نال اوہ بہت ڈونگھیاں نیں۔

ایس دیس دے مقامی، مذہب سکھ ازم نے اسلام دے اک خدادے تصور نال ہندوواں دے او اگون تے ایس حیاتی دے تجربات دے غیر حقیقی ہون دے فلسفیاں نوں ملا لیا۔ خورے سبھ توں اہم گل ایہہ اے پئی سکھ ازم دے بانی نے اسلام تے ہندو ازم دے اکٹھے تے زور دتا تے اپنے نویں دین دی بنیاد دوہاں مذہباں نوں ملا کے رکھی۔ پنجابیت دی تحریک ایس ای تاریخی ورثے تے زور پاؤندی اے، جیہدے وچ کسے دی وکھری کوئی پہچان نہ ہووے۔ ایس تحریک ول سدن والی چیز پنجابی ادب اے جیہدا ایکا، میل ملاپ تے اکٹھے رہن تے زور دیندا اے۔ انج ایہہ لوکاں نوں ونڈ توں اتانہہ ہو کے اپنی سانبھی ثقافت ول فیر توں مڑ جان دی راہ دکھاؤندا اے۔

پنجابی اپنے ادب نوں بہت سنجیدگی دے نال لیندے نیں سگوں بڑا مقدس سمجھدے نیں تے ایہد خاص کر کجھ پرانیاں مذہبی روایتاں دا اثر مذہبی اختلافاں نوں ختم کردا اے۔ پنجابیت دے ایس طرحاں دے سلوک پیار دی اک ایہو جیہی مثال جیہدی اکثر دتی جاندی اے، اوہ اُدھم سنگھ دی کہانی اے۔ اج وی بھارت وچ، اُدھم سنگھ نوں انگریز راج دے خلاف جدوجہد کرن والے آزادی دے مجاہد دے طور تے یاد کیتا جاند اے۔ اُدھم سنگھ اُتے پنجاب دے برطانوی لیفٹیننٹ گورنر مائیکل اوڈویر دے قتل دا مقدمہ چل رہیا سی۔ مائیکل اوڈویر نے 1919ء وچ

ہون والے بدنام زمانا جلیانوالا باغ دے واقعے نوں نظر انداز کردتا سی، جیہدے وچ انگریز فوجیاں نے امرتسر دے وچ احتجاج کرن والے بے گناہ تے نہتے لوکاں تے گولیاں چلا دتیاں سن۔ ایہدے نتیجے وچ گھٹ توں گھٹ چار سو آدمی، عورتاں تے نیانے مارے گئے سن۔ عدالت دے کٹھرے وچ اُدھم سنگھ نے اپنا اصلی ناں دسن توں انکار کردتا۔ ایہدی تھان اوہنے اپنا ناں ”رام محمد سنگھ“ اکھوایا، جیہدا مقصد اکٹھے پنجاب دے تنان مذہباں دانان لینا سی۔

ایس توں وی اگے، اوہنے قرآن، بھگوت گیتا یاں سکھاں دی مقدس کتاب تے ہتھ رکھ کے قسم کھان توں انکار کردتا تے اٹھارویں صدی دی وارث شاہ دی عشقیہ داستان ”ہیر رانجھا“ نوں اپنے واسطے مقدس قرار دتا۔ ”ہیر رانجھا“ دو وکھو وکھ قبیلیاں دے گڑی منڈے دی دردناک عشقیہ کہانی اے۔ ایس کہانی دے مرکزی کردار ہیر تے رانجھا جیہڑیاں مذہبی عبادتاں کردے نیں، اوہ اسلامی وی نیں تے ہندو وی۔ سبھ توں وڈی گل ایہہ اے پئی ایہہ کہانی سارے مذہباں نوں منن والے لوکاں وچ خاص پنجابی کہانی دے طور تے مشہور اے، جدوں پنجابی ایس کہانی نوں یاد کردے نیں تے اوہ پُرانیاں نفرتاں دی تھان پرانے رشتیاں نوں یاد کردے نیں۔

پنجابیت دانوالا جذبہ

ایس سانجھ دی پرانی تاریخ دے سہارے، دوہاں پاسیاں دے نہ صرف دانشور تے کرتا دھرتا لوک سگوں ودیس و سدے پنجابی وی پنجابیت دے نویں جذبے نوں اگے ودھارے نیں۔ اوہناں دیاں کوششاں وچ موسیقی، ادب، ڈرامے تے کھیڈاں دے تبادلے دے نال نال آپسی رابطیاں تے تجارت دے موقعیاں دا جائزہ لینا شامل اے۔ ایہناں وچوں کجھ کوششاں نوں دوہاں پاسیاں دیاں حکومتاں ولوں صوبائی سطح تے تعاون وی ملیا اے۔ اکٹھیاں مل کے اوہ ہولی ہولی ثقافتی اکٹھ دے ایہو جیسے پُل بنارے نیں، جیہڑے چوکھے عرصے توں پکے سمجھے جان والے مذہبی تفرقیاں نوں ختم کرن گے۔ 1970ء دی دہائی دے بین الاقوامی پنگ پونگ کھیڈ دی طرحاں، پنجابیت دے ناں تے شروع ہون والے ایہہ چنگے تعلقات، آن والے ایس توں وی چنگے وقت دی نشاندہی کردے نیں۔

رلدیاں ملدیاں دلچسپیاں دا اک اہم شعبہ علاقے دی زرعی معیشت تے ترقیاتی

ضرورتاں نہیں۔ پنجاب جیہڑی پنج دریاواں دی قدرتی زرخیز دھرتی اے، بڑے عرصے توں برصغیر نوں غذا دی فراہمی لئی مشہور اے۔ ونڈ توں بعد وی دوویں پنجاب، اپنے اپنے ملکاں وچ زراعت دے مڈھ سمجھے جاندے نہیں۔

پاکستانی پنجاب دے مرکز لاہور وچ یونیورسٹی آف مینجمنٹ تے بھارتی پنجاب دے مرکز چندی گڑھ وچ سنٹر فار ریسرچ اینڈ رورل اینڈ انڈسٹریل ڈویلپمنٹ نے دوہاں پنجاباں وچالے ممکنہ تجارت تے زراعت 'صحت' صنعت تے مواصلات دی ترقی تے مشترکہ تحقیق کرن دا منصوبہ بنایا اے۔ ایہنے ایہہ وی منصوبہ بنایا اے پئی ثقافتی تے ادبی سرگرمیاں دی مالی امداد کیتی جاوے تاں جے دوہاں پاسے زرعی تے تجارتی گل بات لئی سنجھی بنیاد بنائی جاوے۔ ایس منصوبے نوں دوہاں پاسیاں دیاں صوبائی حکومتاں دا تے فورڈ فاؤنڈیشن دا مالی تعاون حاصل اے۔

اک دوجا ادارہ 'دی ورلڈ پنجابی سنٹر' دے ناں توں بھارتی شہر پٹیلہ وچ بنایا گیا اے جیہدہ مقصد پنجابی ثقافت دا ودھا اے۔ فروری وچ ایس ادارے دے افتتاح ویلے، ایس ادارے دے کامیاں نے کمپیوٹر دے اک نویں پروگرام دی نمائش وی کیتی، جیہڑا اک پنجابی رسم الخط نوں دو جیاں وچ بدلدا اے۔ (پاکستان وچ لکھی جان والی پنجابی فارسی رسم الخط وچ جدوں کہ بھارت وچ لکھی جان والی پنجابی گورمکھی وچ لکھی جاندی اے۔ دوویں رسم الخط لکھن وچ ایک دوسرے نالوں مختلف نہیں پر بولن وچ اکو جیسے نہیں)۔

دوہاں پنجاباں دیاں دو یونیورسٹیاں تے زرعی کالجواں دے اک جوڑے دے تعلیمی تبادلے دے پروگرام شروع کرن تے گل بات وی ہو رہی اے۔ ایس طرحاں دے تبادلیاں وچ فن وی اہم کردار کر رہیا اے۔ فنکار پنجاب دے ورثے نوں محفوظ کرن تے مذہب توں اتانہہ ہو کے علاقے دیاں روایتاں تے زور دے رہے نہیں۔ پاکستانی تھیٹر گروپ 'اجوکا' اٹھارویں صدی دے مشہور شاعر بکھے شاہ، جیہڑے مذہبی رواداری دے اپنے فلسفے دی وجہ نال مشہور نہیں، اوہناں دے کم نوں پیش کر چکے نہیں تے ایہوای بھارت دے اُبھر دے ہوئے پاپ گلوکار رنبی شیر گل وی کر رہے نہیں۔ اجوکا تھیٹر نے پہلی واری 2003ء وچ بھارت وچ اپنے فن دا مظاہرہ کیتا تے دوجی واری ایس مال جون وچ۔ پچھلے مارچ وچ، پاکستانی تے بھارتی گروہاں نے مل کے پاکستان وچ اک ہفتے دا پنجابی ڈرامیاں دا میلہ منایا۔

بھارتی پاپ سٹار دلیر مہندی وی پاکستانی پنجاب وچ اپنا فن دا دکھالا کر کے پاکستانیاں دا دل جت چکے نیں۔ پاکستان دے دانشور تے سیاستدان جناب فخر زمان ہوراں دی تنظیم ”عالمی پنجابی کانفرنس“ بھارت، پاکستان تے پوری دنیا وچ بہت سارے پنجابی دے ادبی پروگرام منعقد کرا چکی اے، جیہدے وچ لوکاں دی وڈی تعداد نے شرکت کیتی۔ 1996ء وچ ایہدی پہلی کانفرنس ہون توں بعد ”عالمی پنجابی کانفرنس“ دیاں سرگرمیاں وچ چوکھا وادھا ہو گیا اے۔ ہُن ایہہ ہر ورھے کئی پروگراماں دی مالی مدد وی کردی اے۔ پچھلے ورھے، ایہنے پاکستان وچ اک کانفرنس مئی دے مہینے، دوسری جولائی وچ وارث شاہ ہوراں دی یاد وچ تے تیسری ستمبر دے مہینے وچ بھارت وچ کیتی۔

فلم سازاں نے وی پنجابیت دے جذبے نوں اُبھار یا اے۔ کجھ ای ورھے پہلے، ہالی وڈ وچ کشمیر دے موضوع تے فلماں بنائیاں جارہیاں سن، جیہناں وچ پاکستانیاں نوں دشمن دکھایا جا رہیا سی۔ جدوں کہ ہُن جیسے ہن والی فلم ”ویرزرا“ وچ اک بھارتی پنجاب دے مُنڈے دا اک پاکستانی پنجابی کڑی نال پیار دکھایا گیا اے۔ ہُن جیسے پاکستان وچ ہن والی اک فلم ”خاموش پانی“ وچ پنجاب دی ونڈ دی دردناک ہونی نوں دکھایا گیا اے تے ایہدے وچ مسلمان تے سکھ کردار اپنے سانجھے ماضی بارے سوالاں دے جواب تلاش کردے نظر آؤندے نیں۔

ایہہ نواں جذبا کھیڈاں دے میدان تک وی جاند اے۔ دسمبر 2004ء وچ ”نویں سطح“ دے اولمپک وانگوں ”پنجاب گیمز“ ہوئے جیہناں وچ کبڈی سمیت کل بارہاں کھیڈاں وچ دوہاں پنجاباں دے کھلاڑیاں نے حصا لیا۔ انڈین اولمپک ایسوسی ایشن نے ہُن کھیڈاں دا مستقل مرکز قائم کردتا اے تے ایہدو جا حصا ہُن لاہور، پاکستان وچ آن والی فروری نوں ہووے گا۔ ایس دوران بھارت وچ پنجاب کرکٹ ایسوسی ایشن نے سابق پاکستانی باؤلر تے کپتان انتخاب عالم نوں بھارتی پنجاب دی کرکٹ ٹیم دا کوچ مقرر کیتا اے، جدوں انتخاب عالم ہوراں نوں اوہناں دے ایس تجربے بارے پچھیا گیا تے اوہناں نے آکھیا کہ اوہ اتھے اپنے آپ نوں غیر محسوس نہیں کردے کیوں جے اوہناں دا جم پل وی بھارتی شہر ہوشیار پور دا اے۔ اوہناں دا ایہہ آکھنا سی: ”مڈھوں میں اک پنجابی آں تے ساڈی بولی، ساڈا کھانا پینا تے رسماں ریتاں اکو جیہیاں نیں۔“

دوہاں پنجاباں دے شہراں تک دوویں دیں بس سروس چلان تے وی راضی ہو گئے
 نیں۔ پہلی سروس جیہڑی جنوری وچ شروع ہووے گی۔ بھارتی پنجاب دے شہر امرتسر تے پاکستانی
 پنجاب دے شہر لاہور دے درمیان ہووے گی۔ لاہور تے امرتسر جیہڑے اک دوجے توں صرف
 25 کلومیٹر دور نیں، کدی جڑواں شہر اکھواندے سن۔ پر پچھلے سٹھ ورہیاں توں سرحدیں نے ایہناں
 نوں اک دوجے توں دور کیتا ہو یا سی۔ اک واری ہوٹل بن جان تے سڑکاں پوٹیاں ہو جان
 تے دوجی بس سروس سکھاں دے مقدس شہر امرتسر توں بابا گرو نانک جی ہوراں دے جنم سٹھان
 ننکانہ صاحب تک چلائی جاوے گی۔

کیہ دوویں پنجاب ایویں کر سکیں؟

شکی مزاج لوک آکھدے نیں پئی بھایں دوہاں پنجاباں نے چنگے رشتیاں نوں شروع
 تے کیتا اے پر اوہناں دوہاں دی اپنے علاقے تے توجہ اپنی وکھری اے پئی ایہہ دوہیں
 پاکستان تے بھارت دے تعلقات تے بیٹھا ڈونگھا اثر نہیں پاسکدے۔ ادبی اکھ تے چنگیاں لگن
 والیاں کھیڈاں کنج دوہاں ملکاں دے رشتیاں نوں بہتری ول لے کے جاسکدیاں نیں؟ سچی گل
 تے ایہہ اے پئی جدوی سرحدی امن امان دے مسئلے ساہمنے آؤندے نیں تے ثقافتی سفارت
 کاری ہمیشہ ای روایتی سفارت کاری توں پچھے رہ جاندی اے۔ ایس لئی ایہہ کسے اتفاق دی گل
 نہیں پئی دوہاں پنجاباں وچکار رشتے اودوں ای فیر توں ودھنے شروع ہوئے جدوں نئی دلی تے
 اسلام آباد نے آپسی رشتیاں نوں شروع کیتا۔ پر ایس دے باوجود، پنجابیت دی تحریک بارے
 آن والے چنگے وقت دی آس لان لئی ساڈے کول کافی وجوہات نیں۔ ایہہ تحریک سدھے طریقے
 نال فرقو فرقی قوماں دے مسئلیاں توں حل کرن دی کوشش کردی اے۔ ایہہ، پنجابی اپنے اپنے
 ملکاں وچ فیصلیاں تے اثر انداز ہوندے نیں۔ ایہناں کوششاں دے صاف نتیجے وی ساہمنے
 آ رہے نیں تے دونہہ پاسے اوہناں حلقیاں دی تعداد ودھ رہی اے جیہڑے مسئلیاں داخل امن
 راہیں چاہندے نیں۔

جیویں کہ انڈیانا یونیورسٹی دی سمیت گنگولی ہوراں آکھیا اے پئی بھارت تے

پاکستان دے تنازعیاں وچوں وڈا مسئلہ فرقہ فرقی قوماں دا اے، جیہناں وچوں اک نان سیکٹرین تے دوجی اسلامی اے۔ سچ کچھو تے مسئلے صرف سرحدیں دے سن تے جے گل بات کرن والے ماہر ہوندے تے ایہناں مسئلہاں داخل گلیں باتیں ہی نکل سکد اسی۔ پر جے پاکستان تے بھارت وچ ہمیشہ رہن والا امن چاہیدا اے تے متنازع سرحدیں تے پانی دے حق دے نال نال قومیتاں دے مسئلہاں داوی حل کڈھنا پئے گا جیہڑا نہ ممکن والی لڑائی دامنڈھا اے۔ بھاریں چھوٹے پیمانے تے ای سہی، پر دوہاں پنجاباں نے ایہو کچھ کرن دی کوشش کیتی اے۔

سنٹالی دی ونڈنوں پاسے کرن یا مٹاون دی کوئی ضرورت نہیں، پنجابیت تے دوہاں دا اکوجیہا حق اے تے دوہاں دا ماضی اکٹھا اے جیہدے نال اکٹھے رہن دا ایسا قدرتی طریقہ اختیار کیتا جاسکدا اے پئی جیہدے ہوندیاں دوہاں ملکاں دے پنجابیاں نوں اپنے اپنے ملکاں نال وفاداری وی بدلن دی کوئی ضرورت نہیں۔ جیہڑے لوک پنجابیت دیاں علاقائی مجبوریاں دا ذکر کردے نیں، اصل وچ اوہ ایہہ محسوس نہیں کر سکدے کہ دوویں پنجاب اپنے اپنے ملکاں وچ کتنا زیادہ اثر رکھدے نیں۔ پنجابی، پاکستان دی گھٹو گھٹ پنجہ فیصد آبادی دا حصہ نیں تے پاکستانی فوج وچ اوہناں دی بہت وڈی تعداد اے۔ بروکنگز انسٹیٹیوٹ دے سٹیفن کوہن کہندے نیں پئی (پاکستان دی فوج دا) پنجمتر فیصدی حصہ پنجاب دے ترے تے شمال مغربی سرحدی صوبے دے دوسلےیاں وچوں ہوند اے۔ جدوں کہ فوجی افسراں دی بہت وڈی تعداد داتعلق وی پنجاب دے مختلف شہراں نال ہوند اے۔

سماجی حلقیاں وچ وی پنجاب دے سیاستدان تے کاروباری لوک چھائے ہوئے نیں۔ بھاریں دوجے پاسے، پنجاب بھارت دیاں اٹھائی ریاستاں وچوں اک اے۔ پر بھارت دی ایس ویلے دی سیاسی حالت دی وجہ نال ایہد اثر چوکھا بہتا اے۔ ایس ویلے وزیراعظم، آرمی چیف تے پلاننگ کمیشن دے ڈپٹی ڈائریکٹر (جیہناں نوں دوجے نمبر تے طاقتور ترین آدمی سمجھیا جاند اے)۔ بتوں پنجاب توں تعلق رکھدے نیں۔ ایس توں علاوہ پنجابیت دی تحریک دے بہت سارے آگواں دے بھارتی سیاست دے پردھان لوکاں نال بڑے چنگے تعلقات نیں۔ ایہدی صرف اکو مثال کافی اے۔ سنٹر فار رورل اینڈ انڈسٹریل ڈویلپمنٹ دے ممبراں تے ایہدے صلاح کاراں وچ وزیراعظم، وزیر خارجہ، اک منیا پر منیا بھارتی صنعت کار تے اک منیا پر منیا بھارتی


معیشت دان شامل ہوندا اے۔

امریکا، برطانیہ تے کینیڈا وچ پنجابیاں دی باہر وسدی اک وڈی وسوں آباد اے تے اوہ ثقافتی طور تے بڑی متحرک اے۔ اکیڈمی آف دی پنجاب ان نارٹھ امریکا (اپنا) تے ایہدے نال ملدی پنجاب ہیرٹج فاؤنڈیشن نے دوہاں پنجاباں نوں کول لیان واسطے کجھ نشریاتی منصوبے شروع کیتے نیں (پنجابی ادب دے اک رسم الخط نوں دو جیاں وچ ترجمہ کرنا)۔ ایہناں نے پنجابی ثقافت تے ادب نوں اُجاگر کرن واسطے تے دوہاں پنجاباں دیاں اکوجیہاں چیزاں نوں ساہنے لیان واسطے کئی کانفرنساں وی منعقد کیتیاں نیں۔ 2001ء وچ 'اپنا' نے پہلی واری پاکستان وچ سکھاں دی مذہبی کتاب دا پنجابی دے فارسی رسم الخط وچ ترجمہ کر کے شائع کیتا اے۔

پنجابیت دی ایس تحریریک دا پاکستان تے بھارت دے دوجے علاقیاں تے وی اثر ہو رہیا اے، جیہدے نتیجے وچ دوہاں ملکاں دے بہت سارے شہری آپسی ملاقاتاں کر رہے نیں۔ بھارتی شہر بمبئی وچ رہن والے سندھیاں دے پاکستانی صوبے سندھ نال گُوڑھے ثقافتی رشتے نیں۔ پنجابیاں ہار، سندھی زبان داوی بہت وڈا ادبی ورثا اے جیہدے تعلق اوتھوں دی صوفی روایت نال اے۔ سندھی شاعراں دی روحانی شاعری، سندھی مسلماناں تے ہندوواں لئی بڑی تاثیر رکھدی اے۔ اجیہے رشتے مغربی بنگال تے بنگلادیش دے درمیان وی تلاش کیتے جاسکدے نیں۔

جے پاکستان تے بھارت نے چنگے تعلقات بنانے نیں۔ تے پھیرا ایہہ یاد رہوئے پئی کہ ایہناں دوہاں ملکاں نوں سرحد دے دونہہ پاسے امن نال اکٹھے رہن دی واج اُچی کرن والے حلقیاں دی چنگی وڈی تعداد ہونی چاہیدی اے۔ ہُن تک پاکستان تے بھارت دے امن پسند لوک مرکزی دھارے توں پریرے سن پر ہُن صورتحال بدل رہی اے۔ بھارت وچ، خارجہ پالیسی بنان والے کجھ لوک پہلوں پاکستان بارے چنگا خیال نہیں سی رکھدے جیویں کہ اک منے پر منے پالیسی تجزیہ کار سی۔ راجا موہن داس خیاں ایہہ ہے پئی پنجابیت دوہاں ملکاں وچ چنگے رشتیاں دی وجہ بن سکدی اے۔ امن لئی پاکستان دے کردار دا جائزہ لوو تے فوج دے کردار دی وجہ نال اوہدی صورتحال کافی مشکل دکھالی دیندی اے، جتھے فوج نے بھارت نوں اپنے لئی مستقل خطرہ قرار دیندیاں ہویاں سیاست وچ دخل دتا ہویا اے۔ پر فوج وچ پنجابیاں دی بہتی تعداد نال ایہہ امید پیدا ہوندی اے پئی پنجابیت پاکستانی فوج تک وی اپنا اثر ودھاوے گی۔

اکٹھے پنجابی ورثے نوں بنیاد بناؤندیاں ہو یاں پنجابیت دی تحریک وچ 1990ء دے
 اخیر توں ہولی ہولی وادھا ہو رہیا اے۔ پنجابیت سرحد دے دوہاں پاسے دے پنجابیاں وچ پیار
 دے جذبیاں نوں اگے ودھان وچ کامیاب رہی اے کیوں جے ایہدے کرتا دھرتا لوکاں اُتے
 پاکستان تے بھارت دے تنازعیات داخل کڈھن دا کوئی دباؤ نہیں۔ بھاریں دوہاں پنجاباں دی
 لوکائی وچالے زرے میل ملاپ نال پاکستان تے بھارت دے مسئلے دے حل دی کوئی ضمانت
 نہیں دتی جاسکدی۔ پرفیروی دوہاں ملکاں وچ کارلمیرے جھگڑیاں داخل اوس اک صورت وچ
 ممکن ہووے گا جیکر زیادہ توں زیادہ عام لوک سرحدیں توں پار دشمنیاں دی بجائے پُرانے رشتیاں
 ول ویکھن گے۔



ورثہ

وسر رہیاں نیں سانجھے پنجاب دیاں بال کھیڈاں

ان ونڈے پنجاب دی رہتل اپنی مثال آپ ہے۔ ہڑپہ دی وراثت دس دی ہے کہ ایتھوں دی دھرتی صدیاں توں زرخیز رہی ہے جس نے گورواں پیراں، یودھیاں، دانشوراں اُتے مختلف کلاواں دے رچن ہاریاں نوں پیدا کیتا ہے۔ ایہناں مہان ہستیاں نال پنجابی سماج دی مضبوط اُساری ہوئی ہے۔ پنجابی رہتل دیاں جڑھاں مٹی وچ لکیاں ہوئیاں ہن۔ پنجابیاں نے اپنی رہتل دی رکھی کر کے ایس دی پچھان عالمی پدھرتے کروائی ہے۔ پنجابی لوک من داد رخت اینا وسیع ہے کہ اس دیاں لوک دھرم، لوک وشواس، گُرمیت اُتے صوفی فکر، لوک کلاواں، لوک سنگیت، لوک ادب، لوک پرپرا، لوک ناچ اُتے لوک ناٹ ورگیاں ٹہنیاں اُتے لگے ریتاں دے پھلاں دی خشبوئی دُور دُور تک کھنڈی ہوئی ہے۔ ایہناں نال زندگی وچ جوش پیدا ہوندا ہے۔

پنجابیاں دی رہتل دا خاص حصہ لوک منورنجن ہے۔ چڑھدے اُتے لہندے پنجاب دیاں لوک کھیڈاں ایسے منورنجن دی اک اہم کڑی نیں۔ ایہہ کھیڈاں بندے نوں سڈول بنا کے رکھدیاں ہن۔ ایہہ اکھان لوک مؤنہہ تے عام چڑھیا رہیا ہے کہ کھیڈاں کھیڈدے رہن والے پنجابیاں دا نہ من تے نہ سریر بڈھا ہوندا ہے۔ ایس حوالے وچ پنجابی لوک دھارا دے ماہر سردار ونجار ابیدی نے پنجاب دے جواناں اُتے بالاں دیاں لوک کھیڈاں دا نکھیرا کردیاں لکھیا ہے، جے جوان گھرو کبڈی، گشتی تے نیزا بازی وچ مزہ لیندے ہن تاں چھوٹے بچے گلے ڈنڈا، کوٹلا چھپاکی تے کھدو کھونڈی وغیرہ نال اپنیاں ویلھیاں گھڑیاں رسیلیاں بنالیندے ہن۔ وڈیری عمر دے لوک ٹاہناں جاں چوپٹ کھیڈ کے اپنا سماں بتاندے ہن۔ ایسے طرحاں چھوٹیاں

گڑیاں گڈیاں پٹولیاں نال تے وڈیریاں گڑیاں کھدو گئیاں تے کھلی نال جیون دے پلے
اُتے رنگ مارلیندیاں ہن۔

بالاں دیاں کھیڈاں دے حوالیوں گل کرینے تاں اسیں ویکھدے ہاں کہ اوہناں
دیاں اپنیاں خاص کھیڈاں ہوندیاں ہن۔ مڈھ قدیم توں ہی بال پن دا کھیڈاں نال تعلق جُڑیا
ہویا آ رہیا ہے۔ جدوں بال دا جنم ہوندا ہے تاں اوہ اپنے جنم توں گجھ ہی عرصے چکھوں نکلے نکلے
ہتھ پیر ماردا ہویا اپنے اندر لگے ہوئے کھیڈ جڈے نوں ظاہر کرن لگدا ہے۔ جدوں اوہ ہور وڈا
ہوندا جاندا ہے تاں ماں، دادی، نانی، ماسی جاں بھوآ وغیرہ رشتے لوک شاعری دے اک رُوپ
”لوری“ نال اوس دامنور نجن کردے ہن۔ لوری سندا ہویا بال پلاں چھناں وچ ہی پریاں دے
دیس دے خواہاں دے مزے لین لگ جاندا ہے۔

بچیاں دیاں ون سونیاں کھیڈاں اوہناں دی شخصیت دی اُساری کردیاں ہن۔ ایہہ
کھیڈاں نہ صرف جسمانی ورزش دا کارن بندیاں ہن سگوں ایہہ بالاں نوں ذہنی اُتے جسمانی
طاقت وی دیندیاں ہن۔ ایہناں لوک کھیڈاں دا مڈھلا اثر ایہہ ہے جو ایہناں نوں کھیڈ کے
آرام کرن مگروں بال اپنے اندر بھرا اُتے نرویا پن محسوس کردا ہے۔

بچپن وچ کھڈونیاں دی اپنی تھاں ہے پر نفسیاتی طور تے ایہناں کھڈونیاں دا بہت تعلق
اوس دی سؤ جھنال ودھیرے جُڑیا ہوندا ہے۔ موٹنجو داڑو اُتے ہڑپہ دی گھڈائی وچوں نکلے بالاں
دے کھڈونے ایس گل دی گواہی بھر دے ہن جو کھڈونیاں دا بالاں دی زندگی وچ اک وڈا رول
ہوندا ہے۔ خاص کر کے چڑھدے اُتے لہندے پنجاب دے عجائب گھراں وچ گھڈائی دوران
نکلے کھڈونے اُج وی بیتے سمیں دیاں کہانیاں پاؤندے محسوس ہوندے ہن۔ سانجھے پنجاب دے
بہت سارے اجیہے کھڈونے اُتے قدیم وقوعے اُج وی لہندے پنجاب وچ لاہور دے اُتے
چڑھدے پنجاب وچ لدھیانا، چنڈی گڑھ اُتے پنڈ سنگھول دے عجائب گھر وچ سنبھالے پئے
ہن۔ ون سؤ نے رنگاں نال سچے پھبے ایہہ کھڈونے وچ داکارن بنے ہوئے ہن۔ لہندے پنجاب
دے پنجابی لکھاری سیف الرحمن ڈار نے اپنے اک مضمون لاہور عجائب گھر جو کھوج درپن (گورو
نانک دیو یونیورسٹی، امرتسر دا پنجابی کھوج رسالہ) دے جنوری، 1980ء انک وچ چھپیا سی، وچ
لکھیا سی کہ ایہہ کھڈونے دراصل مٹی دے چھوٹے رنگدار ماڈل نیں جیہناں وچ ہندوستان اُتے

پاکستان دے مختلف لوکاں دی رہتل، ریتاں رسماں، مذہبی تہوار، اوہناں دے لباس، کم کاج وغیرہ کھائے گئے نیں۔ ایہناں توں علاوہ سبزیاں، پھلاں، جانوراں تے پرندیاں دے اجیے نمونے رکھے ہوئے نیں کہ اوہناں نوں ویکھ کے ذراوی شک نہیں ہوندا کہ ایہہ اصلی نہیں بلکہ مٹی دے بنے ہوئے نیں۔ چھوٹی عمر دے بال اجیے کھڈونیاں نال من پرچا وے کردے ہن جیہڑے سادی بنتر والے ہوندے ہن۔ لہاراں اتے ترکھاناں ورگیاں پیشہ ور ذاتاں بالاں دے ون ون دے لوہے جاں لکڑ دے کھڈونے بناؤندیاں ہن۔ گھمیاں ولوں بنائے جان والے مٹی دے کھڈونیاں نوں لوک بولی وچ آ لے بھولے داناں دتا جاندا ہے۔ کلا پکھوں ایہناں کھڈونیاں وچوں پنجابی لوک ریت نظر آؤندی ہے۔

پچیاں دیاں کھیڈاں کئی طرحاں دیاں ہن جیہناں وچ دوڑ کے کھیڈیاں جان والیاں اتے بہہ کے جاں گھیرا گھت کے کھیڈیاں جان والیاں کھیڈاں شامل ہن۔ مُنڈیاں دیاں کھیڈاں وکھ اتے گڑیاں دیاں کھیڈاں وکھ ہوندیاں ہن۔ کئی کھیڈاں دوواں دیاں سانجھیاں ہوندیاں ہن جیہناں راہیں اوہناں دے جذبات آپ مُہارے ظاہر ہوندے رہندے ہن۔ ایہناں کھیڈاں وچ گیند گیلے، شاپو، تھال جاں کھدو، اینگن مینکن، سمنڈرتے مچھی، دو منزلی، اڈ اڈ چوئے اتے تووے توڑیاں ورگیاں کھیڈاں شامل ہن۔ مُنڈیاں دیاں کھیڈاں نالوں گڑیاں دیاں کھیڈاں دی خاصیت ایہہ ہے کہ ایہناں وچوں بہتیاں کھیڈاں نال کوئی نہ کوئی گیت وی گایا جاندا ہے جس کر کے ماحول ہو روی سنگیت مئی ہو جاندا ہے۔

”ککلی“ چھوٹیاں معصوم گڑیاں دی من بھاؤندی کھیڈ ہے۔ دوہم عمر گڑیاں، اک دوجے دے ہتھاں وچ اپنے اُلٹ ہتھاں دیاں کلنگڑیاں پا کے، اپنا بھارت چکھانہ نوں سُندیاں، پہاں بھار لاٹواں گگھمدیاں ہونیاں گاؤندیاں ہن:

ککلی کلیر دی

پگ میرے ویر دی

دُپٹہ میرے بھائی دا

فٹے مونہہ جوانی دا

ایس کھیڈ وچوں بالڑیاں دے جذبیاں دی ڈونگھیاں وچ جا کے ویکھیا جاوے تاں

ایہہ گل ظاہر ہوندی ہے کہ جیہڑی آزادی اُتے کھلھ ڈلھ مایاں دے گھر وِچ بالڑیاں نوں ہوندی
ہے، اوہ آزادی سوہرے گھر جا کے نہیں مل سکدی۔ سوہرے گھر تاں اوس نوں اپنا گھگھر اٹنگن
واسطوی صحیح ٹکانا نہیں ملدا:

گنی ساں میں گنگا
چڑھائی لیا ئی ونگاں
سمانی میرا گھگرا
میں کیہڑی رکلی ٹنگاں؟
نی میں ایس رکلی ٹنگاں
نی میں اوس رکلی ٹنگاں

وڈی گل ایہہ ہے کہ رکلی کھیڈ دیاں اُتے گاؤندیاں دوویں گڑیاں آپس وِچ ساواں
بھار بنا کے رکھ دیاں ہن۔ ایہہ کھیڈ آج وی چڑھدے اُتے لہندے پنجاب دیاں گڑیاں وِچ
کھیڈی جاندی ہے۔ بالڑیاں دی ایہہ کھیڈ اپنی قسم دالوک ناچ ہے۔
رکلی وانگ ہی تووے تو ترٹیاوی چھوٹیاں گڑیاں دی اک ہو رمن بھاؤندی کھیڈ
ہے۔ اس کھیڈ وِچ وی دو گڑیاں آہو ساہمنے کھڑے آپو اپنے ہتھاں نال اکھیاں ہی اک تاڑی
مار کے سُر تال پیدا کر دیاں ہن پھر ہتھاں نوں اُتتا نہہ چُک کے اک دوجی نال تاڑی مار دیاں
ہوئیاں گاؤندیاں ہن:

تووے تو ترٹیا
تو تا شہر سکندر دا
پانی پیوے مندر دا
کم کرے دو پہراں دا
کجل پاوے لہراں دا
چٹی چادر کا کے دی
گڑیاں والے کا کے دی
کا کڑا کھڈاؤنی آں

چار چھلے پاؤنی آں

اک چھلا کا ہی دا

وڈا ویو یا ہی دا

اک چھلا رہ گیا

سپاہی پھڑ کے لے گیا

ایس طرحاں معصوم گڑیاں اپنیاں پہلیاں جوڑیاں توڑ کے ہو رگڑیاں نال بدل بدل
کے ایس کھیڈ راہیں اپنا من پر چاوا کر دیاں رہندیاں ہن۔ آہر لگیاں گڑیاں اپنا منور بجن کرن
دے نال نال ماحول نوں وی رنگین بنا دیندیاں ہن۔ ایہناں گیتاں نال کھیڈیاں جاندیاں
کھیڈاں دو جیاں گڑیاں نوں وی کھیڈاں دامزہ لین لئی اُشکل دیندیاں ہن۔

بالڑیاں عام طور تے ماواں نال گھر دے کماں کاراں وچ ہتھ وٹاؤندیاں رہندیاں
ہن۔ جدوں وی سماں ملیا، جاں من وچ کھیڈن دی اُلیل آؤندی اے، اوہ اکٹھیاں ہو کے
کھیڈن لگ جاندیاں ہن۔ بس، اوہناں نوں کھیڈن لئی تھوڑی جیہی کھلی تھاں دی لوڑ ہوندی
ہے۔ ایس طرحاں گڑیاں کھیڈ دماحول بنالیندیاں ہن:

آؤ بھینوں کھیڈ یے

کھیڈن ویلا ہویا

روٹی کون پکائے گا؟

ہیرے دی بھانجی

سبھے گلاں جاندی

اک گل بھُل گئی

بروٹے وانگ پھُل گئی

گڈے گڈی دی کھیڈ چڑھدے اتے لہندے پنجاب دی بڑی دلچسپ کھیڈ رہی
ہے۔ بھاویں ایہہ کھیڈ گڑیاں دی ہی ہے، پر کئی وار ایس وچ مُنڈیاں نوں وی شامل کر لیا جاندی
ہے۔ ایہہ کھیڈ کھیڈن توں پہلاں بالڑیاں آپو اپنے گھراں وچ بچیاں کھچیاں پیاں لیڑیاں دیاں
کاتراں اکٹھیاں کر دیاں ہن جیہناں نال گڈی گڈا اتے اوہناں لئی پٹو ہلے مطلب لیڑے تیار

کردیاں ہن۔ پھیر اوہناں دیاں دو دھراں ونڈیاں جانڈیاں ہن اک دھرمندے والیاں دی
 تے دوجی دھرمگدی والیاں دی۔ گڈی نوں اک خوبصورت مٹیارتے گڈے نوں اک خوبصورت
 نوجوان دی شکل وچ تیار کیتا جاندا ہے۔ دوویں دھراں گڈے گڈی دی ویکھ وکھائی توں بعد
 اوہناں دی گڑ مائی کر کے ویاہ رچاؤندیان ہن۔ ایہہ ذکر یوگ ہے کہ اس دوران گڑ مائی آتے ویاہ
 دیاں جڈیاں وی اہم ریتاں جاں رسماں ہن، اوہ ساریاں نبھانیاں جانڈیاں ہن۔ ایس طرح
 گڈا گڈی میاں بیوی بن جاندا ہن۔ اصل وچ گڈے گڈی دے ویاہ دے سانگہ راہیں
 گڑیاں سانجھے پنجاب دے ویاہ دی رسم نبھانڈیاں ہن آتے ایس کھیڈ راہیں اوہناں نوں ویاہ
 بارے مختلف کارجاں، رسماں آتے رشتیاں وغیرہ دی واقفیت ملدی رہندی ہے۔ کھوج درپن
 رسالے دے ہی اک ہورانک وچ پنجابی ادب دے کھوجی تے پارکھ عبدالغفور درشن نے اپنے
 اک مضمون گڈے گڈی دی کھیڈ وچ ایس کھیڈ دی تفصیلی صورت حال پیش کردیاں اک جگہ
 لکھیا ہے، ویاہ توں مگروں ولیمہ ہوندا اے، جیہدے وچ زرداپلا پکا کے پروہنیاں نوں کھوایا جاندا
 اے۔ نیاں ایہہ روٹی اپنے نکلے نکلے بھانڈیاں وچ رل رل کے پکاؤندے نیں آتے ویاہ شادی
 دے سارے خرچے وی ایہہ رل رل کے پورے کر دے نیں۔ اوہ آپو اپنے گھراں توں تھوڑیاں
 تھوڑیاں چیزاں اکٹھیاں کر کے لیاؤندے نیں۔ بالاں دے ماپے بڑے شوق نال گڈی گڈے
 دے ویاہ لئی اپنے نیاں نوں آٹا، چول، گھبھو آتے گڑشکر وغیرہ دیندے نیں۔ ایہہ چیزاں گھلھے
 ڈلھے دل نال بالاں نوں دین وچ اوہناں دے مایاں دی رضامندی دی سمجھ توں وڈی وجہ ایہہ
 ہوندی اے پئی اوہناں دیاں دھیاں ایسے بہانے گھر گھر ہستی سکھ لیندیاں نیں۔ ایسے کھیڈ نال
 گجھ حد تک ملدی جلدی اک ہور کھیڈ گڈی گڈے دی قربانی وی ہے، جیہڑی سوکا پین دی
 صورت وچ دتی جانڈی ہے۔ ایس کھیڈ ذریعے مینہہ دے دیو تے اندراگے مینہہ پاؤن لئی
 دُعاواں کیتیاں جانڈیاں ہن تاں جو سوکے دی مار جھل رہیاں فصلاں نوں پانی مل سکے آتے
 چونہہ پاسیں ہریاول کھنڈ سکے۔ ایس موقعے تے گلگلے جاں مٹھے چول وی ونڈے جاندا ہن۔
 شناپو، جس نوں پیچوداناں وی دتا جاندا ہے، بالڑیاں دی اک ہور من بھانڈی کھیڈ
 ہے۔ ایس کھیڈ نوں وی دو گڑیاں ہی کھیڈ دیاں ہن پر دو توں ودھیرے گڑیاں، جیہناں دی گلتی
 دس تک بچ سکدی ہے، ایس کھیڈ نوں کھیڈ دیاں ہن۔ اڈی ٹپہ جاں سمندر پٹواوی ایسے کھیڈ

دے ہی دُوجے ناں ہن۔ گھر دے کھلھے ویڑھے، گلی۔ محلے جاں سکولاں اُتے ہو رکھیڈ دے
میداناں وِچ ایہہ کھیڈ کھیڈی جاسکدی ہے۔ ایہہ کھیڈ دھرتی اُتے کسے چاک، ٹھیکری، اُنگل،
جاں تیلے نال اک توں تن دُٹ لے اٹھ خانے بنا کے کھیڈی جاندی ہے۔ ایس دے آخری سرے
تے پنجویں خانے نوں اک گھر بنایا جاند اے جس وچ کار کوئی لیک نہیں کچی جاندی۔

ایس کھیڈ نوں کھیڈن لئی ساریاں گڑیاں پہلاں پگڈیاں ہن اُتے پھر جیتو ہون دی
صورت وِچ آپو اپنی واری مٹھ لیندیاں ہن۔ جیتو گڑی پچو (شاپو) دے نقشے دے پہلے خانے
وِچ ٹھیکری سٹ کے اپنی کھیڈ شروع کردی ہے اُتے پھر اک لت دے بھار دُوجے پاسے ولوں
داخل ہو کے ٹھیکری والے خانے وِچ آ کے اپنے پیر دے پنجے نال ٹھیکری نوں ٹھڈا مار کے باہر
کڈھدی ہے۔ اپنی وار پُگا رہی بال کھڈارن شاپو دے نقشے دے آخر وِچ بنے گھر وِچ دوویں
پیر رکھ کے آرام کرسکدی ہے۔ سارے خانیاں وچوں جدوں اوہ ٹھیکری نوں باہر کڈھن وِچ
کامیاب ہو جاندی ہے، تاں اوہدی اک بازی پوری ہو جاندی ہے۔ پھر اوہ ٹھیکری نوں شاپو
دے نقشے یعنی گھرتوں وی باہر چلا کے سُدی ہے وارو واری اوہناں خانیاں وچوں ہوندی ہوئی
نقشے توں باہر جاندی ہے اُتے پھر ٹھیکری نوں چُک کے خانیاں ول پڑھ کر کے ٹھیکری نوں اپنے
سرتوں چکھانہ ول سُدی ہے۔ ٹھیکری جس خانے وِچ دُک جاندی ہے، اوہ اوس وِچ کاٹا مار
دیندی ہے مطلب ایہہ اوس دا اک ہو ر گھر بن جاند اے جس وِچ اوہنوں دوویں پیر رکھن دی
سہولت مل جاندی ہے۔ باقی کھڈارناں نوں ایس خانے وِچ کوئی پیر رکھن دی اجازت نہیں
ہوندی اُتے اوہ ٹھیکری نوں وی ایس خانے وِچ نہیں لیا سکدیاں۔ سارے خانیاں نوں جتن والی
کھڈارن جیتو ہوندی ہے۔ ایس لوک کھیڈ دے اپنے نیم ہن۔ مثال دے طور تے جبکہ کھیڈ دی
ہوئی گڑی اپنا ہتھ جاں دُوجا پیر وی دھرتی نال چٹھہا بیٹھے تاں اوس دی واری ختم ہو جاوے گی۔
ایسے طرحاں خانانمبر وِچ یعنی گھر وِچ دوویں پیر نہ رکھن والی کھڈارن اُتے نقشے دی کسے لیک تے
پیر رکھن دی غلطی کرن والی کھڈارن وی اپنی واری ختم کر بہندی ہے۔ ایہہ کھیڈ ٹولیاں دے روپ
وِچ وی کھیڈی جاسکدی ہے۔ ایہہ کھیڈ لڑکی دے گھریلو جیون دی صورت حال نوں وی
اشاریاں دی شکل وِچ پیش کردی ہے۔

گڑیاں نالوں مُنڈیاں کول کھیڈن دے موقعے اُتے کھلھ دُلھ ودھیرے ہوندی

ہے۔ جدوں وی اوہناں دا دل کیتا، بس آئڈھ گُو آئڈھ جھوکا ہی دینا ہوند اے:

دو لکڑیاں دوکانے۔

آ جو منڈیو کسے بہانے

ٹولی دی شکل وچ کھیڈیاں جان والیاں پچیاں دیاں عام کھیڈاں وچ کھدو کھونڈی،
خان گھوڑی، کلی۔ جوٹا، پل چوٹ، کھدو، ڈنڈا ڈک، گلیل بازی، تیلھو چلاؤنا، کوٹلا چھپاکی، شکر
بھجی، کانھاں کانھاں شیرجوانا، کھتی پاؤنے، پڑھا گولی، گنڈل کھیڈنا، شناپو، بھنڈا بھنڈا اریا، باندر
کلا، پٹھو گرم، دایاں دُکڑے، لکڑ کاٹھ، ناگرویل، اوچ۔ نیچ، راجے تے نوکر، راجا منگے بکری توں
علاوہ بل۔ پچیاں دی ماں، کیڑ۔ کڑانگا جاں جنڈ کھڑنگ آد شامل ہن۔ ایہناں ون سونیاں لوک
کھیڈاں دی خاصیت ایہہ ہے کہ ایہناں نوں کھیڈن واسطے نہ تاں کسے کھلھے میدان دی
ضرورت ہوندی ہے اتے نہ ہی ایہناں نوں کھیڈن لئی مہنگیاں چیزاں دی۔ اوہ عام جہیاں چیزاں
نوں ہی کھیڈاں دا ذریعہ بنا کے من پرچاوا کرن لگ جاندے ہن۔ مثال دے طور تے گلی ڈنڈا
کھیڈ کھیڈن واسطے پنج کو انچ لمبائی اتے ڈیڑھ دو انچ موٹائی والی لکڑی یعنی گلی اتے ڈیڑھ دو کو
فٹ لمبائی والا اک ڈنڈا چاہیدا ہے۔ ڈنڈا ڈک اتے ڈنڈ پرنبل کھیڈاں واسطے چھڑی چھوٹے جیسے
ڈنڈے دی ضرورت پیندی ہے۔ ایس طرحاں چھٹاپو واسطے اک ٹھیکری، مشکنا مشکو نیائی اک
چھوٹا جیہا تیل، کوکاں کانگرے واسطے چاک، سلیٹی جاں کونکے دا ٹوٹا، باندر کلا واسطے چارک میٹر
رسی تے اک لکڑی جاں لوہے دا کلا تے جتیاں اتے انھے جھوٹے لئی کوئی چنی جاں زکا کپڑا آد دی
ہی لوڑ پیندی ہے۔ کئی کھیڈاں وچ تاں کسے عام وسٹو دی وی ضرورت نہیں پیندی۔ بڈھی مائی کیہ
ٹولدی، تیرا میرا میل فی، اینگن مینگن تلی تلینگن، دو منزلی، دایاں دُکڑے، اٹھک، بیٹھک، ڈومنا
کھیال، ست تاڑیاں، راجا منگے بکری، اوچ نیچ اتے اُنکی کھنی آد جہیاں ای کھیڈاں ہن۔ جتھے
جی کیتا، پچیاں دی ٹولی ایہناں کھیڈاں نوں کھیڈ سکدی ہے۔ ہنگ لگے نہ پھٹکوی۔

عام کھیڈاں وچ بال کھڈا ریاں دی گنتی کوئی پکی نہیں ہوندی۔ ایہناں وچوں کئی
تاں جہیاں کھیڈاں ہن جو اک نلے کمرے وچ بیٹھے بٹھایاں کھیڈیاں جاسکدیاں ہن۔

ہر لوک کھیڈ دا کوئی نہ کوئی نیم ضرور ہوند اے۔ پچیاں دی جانی پچھانی کھیڈ کوٹلا چھپاکی
اصل وچ قاضی کوٹلے دی مار دا ہی دوجاناں ہے جس لئی پچیاں دی گنتی کوئی ٹھوس نہیں۔ چند چاننی

وِج ودھیرے چنگی لگدی ایہہ کھیڈ کھیڈن لئی بچے اک گول چکر وِج بیٹھ جاندے ہن۔ اک بچہ اپنے ہتھ وِج کوٹلا جاں کوٹڑا، جو کسے پگ جاں ہور کپڑے نوں وٹ چاڑھ کے تیار کیتا جاند اے، ہتھ وِج لے کے، کوٹلا چھپا کی جُمعے رات آئی اے گاؤندا اے دوڑدا ہویا بیٹھے بچیاں دو آ لے چکر لگاؤندا ہے۔ اوس ولوں بولے گئے ایس بول دا جواب پٹھاں مونہہ کر کے بیٹھے بچے دیندے ہن، جیہڑا اگے تچھے ویکھے، اوبدی شامت آئی اے۔ کوٹڑے والا کھڑاری گھیرا گھت کے نیویاں پائی بیٹھے کھڑاریاں وچوں کسے اک دے تچھے اچانک ہی ہولی جیہی کوٹڑا رکھ دیندا ہے۔ پھر کوٹڑے والا کھڑاری مڑ چکر لا کے رکھیا کوٹڑا چک کے اوس دے مارن لگ جاند اے، جس دے تچھے اوس نے کوٹڑا رکھیا ہوندا ہے۔ کوٹڑیاں دی مارتوں بچن لئی اوہ کھڑاری دوڑدا ہے تے اوس تے کوٹڑے تہ تک برسدے رہندے ہن جد تک اوہ مڑ اپنی اوسے تھاں تے دھتھوں اوہ اٹھ کے دوڑیاسی نہیں بیٹھ جاند۔ کئی وار جدوں چکر وِج بیٹھے کھڑاری نوں اپنے تچھے سٹے کوٹڑے دا پتہ لگ جاوے تاں اوہ خود پھرتی نال اٹھ کے کوٹڑا چکدا ہے تے سٹن والے دے تچھے دوڑدا ہویا اوس نوں ماردا ہے۔ ایس طرحاں ایہہ طریقہ جاں ڈھنگ وار وار دہرایا جاند اے اے بچے ہاسا ٹھٹھا کر دے رہندے ہن۔ ایس کھیڈ دے وی اپنے نیم ہن۔ مثلاً چکر وِج بیٹھے کھڑاری تچھے نہیں دیکھ سکدے۔ کوئی ہور کھڑاری اپنے ساتھی کھڑاری نوں اوس چکھے پئے کوٹڑے بارے نہیں دس سکدا اے تے کوٹڑے دی مار کھارہیا کھڑاری چکر پورا کر کے ہی بیٹھ سکدا ہے۔ ایوں ایہہ بچیاں دی اک دلچسپ اے منورنجن بھرپور کھیڈ ہے جس ذریعے اوہ اپنے ویلھے سمنوں ورت دے ہن۔

ایہناں لوک کھیڈاں وِج کئی کھیڈاں ایہیاں ہن جنہاں نوں مُنڈے گویاں دوویں مل کے کھیڈ دے ہن جو یں اُوچ نیچ، پُوچھ پُوچھ، انھا جھوٹا، کھوکھو، اُنگل جکھنی، لکڑ کاٹھ، کوٹلا چھپا کی، پٹھو گرم، لنگڑ اشیر، کھتی پاؤنے، ٹھیکری لکاؤنا، کوکاں کانگرے اے رومال چکنا آد۔

ایہناں توں علاوہ ہور کئی طرح دیاں نکلیاں وڈیاں کھیڈاں ہن جیہڑیاں سمنے داڑگ بندیاں جا رہیاں ہن۔ اصل وِج ٹیلیویشن دے آؤن نال ایہناں کھیڈاں دی ہوند نوں خطرہ ہویا ہے۔ اجو کے بال گھنٹیاں بدھی ٹیلیویشن اگے بہہ کے اوس وچوں منورنجن لبھدے ہن جدوں کہ ایہہ حقیقت ہے کہ ٹیلیویشن پاروں بالاں دی جسمانی ودھا وِج کھڑوت آئی ہے۔ اوکھیاں بھاریاں نصابی کتاباں نے اوہناں نوں عام زندگی دی کھیڈ، حرکت نالوں توڑ کے رکھ دتا ہے کیوں

جے اوہناں داودھ توں ودھ سماں ”ہوم ورک“ کھا جاندا ہے۔ دُوجا، باللاں دیاں کھیڈاں دے خاتمے واسطے ٹُٹ رہے ٹبراں دا اثر وی گھٹ ذمے وار نہیں۔ البتہ لوڑ ہے جوجو کے بال نوں پنجاب دی مان متی کھیڈ۔ ورثے نال جوڑن دی، تانجواوس نوں جسمانی اُتے دماغی خوراک برابر ملدی رہے اُتے سانجھے پنجاب دے مان متی ورثے نوں جیوندیاں رکھیا جاسکے۔



وارث شاہ تے ہیر

وارث شاہ کون سی؟ اوہنے ہیر کیوں لکھی؟ وارث شاہ دی ہیر دی کلاسیکی پنجابی ادب وِچ کیہ اُچھ ہے؟ اوہدی ہیر دا اوہدے ادبی ثمریداں کیہ حال کیتا ہے؟ حال گھڑی وارث شاہ دی ہیر دُنیا دے ادب دی کیس پڑھرتے کھلی ہے؟ ایہہ تے ایہو جیسے کئے ہی ہور سوال وارث شاہ تے اوہدی جگت مشہور ہیر بارے کجھ ادبی کھوجکار تے عالم کچھدے رہے ہن تے اج وی کچھ رہے نیں۔

ہیر وِچ وارث شاہ نے لکھیا ہے: 'وارث شاہ وسنیک جنڈیا لڑے دا' (بند 628)۔ پُرانے ویلے دے صندل بار (جاں ساندل بار) دا ایہہ پنڈ جنڈیا لہ شیر خان اج ضلع شیخوپورہ دے انتظامی حلقے دا اک مشہور قصبہ ہے۔

ہیر وِچ بند 594 دا اک مصرعہ اِنج ہے: 'پناں عمل دے نہیں نجات تیری پیامار نیں' قطب دیا بیٹیا وے ایس مصرعے وِچ 'قطب' دالفظ صوفی مسلک دے اک درجے جیویں ولی، غوث تے ابدال ہن، دی دس پاندا ہے۔ کجھ لوکاں ایس مصرعے توں ایہہ سمجھ لیا ہے پئی وارث شاہ دے پیو داناں سید قطب شاہ سی۔ حالاں اوہناں دے خاندانی شجرے موجب وارث شاہ دا باپ سید گل شیر شاہ سی۔

وارث شاہ دے جمن دیہاڑ وانگر اوہدے مرن دن بارے وی کوئی ٹھکویں جانکاری نہیں ملی۔ ہیر وِچ اک مصرعہ اِنج ہے: 'وارث شاہ جوانی دی عمر گزری اے طبع نہ حرص تھیں باز آئی' (بند 439)۔ وارث شاہ نے ہیر وِچ حیاتی، لوکائی دے وسن جوگ، ہڈورتیاں تے حیاتی دے نچوڑنوں پکے تے پیڈے ڈھنگلیں ٹھکویں تے سچے انگلیں بیان کیتے ہن اوہناں توں پتہ لگدا ہے پئی ہیر لکھن ویلے اوہ پنجاہ پچو نجاورھیاں داضرور ہوئی۔ (وارث شاہ نے ہیر 67-1766 وِچ نظم کیتی سی، بند 626)۔

وارث شاہ دی شخصیت بارے ڈھکویں جانکاری وی نہیں لہی۔ اوہدی حیاتی دے ٹھیک ٹھیک حال احوال تے اوہدے بارے پگی جانکاری دانہ ملنا کجھ لوکاں لئی کسے وڈی نعمت توں گھٹ نہیں جنہاں ایس وڈے سچیاں پنجابی ویسی حکیم، عالم تے شاعر اُتے کئی افسانوی رنگ چارہن دے آہر کیتے ہن اتے اُکا ای بے تگے عجیب غریب، بے تھوے تے بے بُناد قصے گھڑے ہن۔ ایہہ سگوں اُنھیاں وچکار افسانوی ہاتھی والی گل ہے، اُنھے پورا ہاتھی ویکھن جوگے ہوندے نہیں پر ہاتھی دے جیہڑے انگ نوں اوہناں دا ہتھ لگے اوہ اپنے ولوں اوہو ای ہاتھی سمجھدے تے دسدے رہندے نیں۔

وارث شاہ دے اپنے زمانے دی ریت مُوجب اوہدی مڈھلی تعلیم یقیناً گھر جاں مدرسے وچ ہوئی سی۔ ہیر توں ایضا ضرور پتہ لگدائے پئی اوہ اپنی اگلی تے اعلیٰ تعلیم لئی قصور گیا سی۔ قصور (پاکستان دا اک مشہور شہر) اُبھر دے نو جوان پنجابیاں دی اعلیٰ تعلیم لئی بہوں من پسند تے مشہور سی۔ خاص کر حافظ غلام مرتضیٰ او تھے اک دینی مدرسے وچ منیا پر نیا استاد سی تے پورے پنجاب وچ مشہور سی۔ وارث شاہ توں ویہہ بچے سال پہلاں پنجابی دا مشہور تے مقبول صوفی شاعر بگھے شاہ ایسے دینی عالم کولوں فیض یاب ہوون لئی قصور گیا سی۔ کئی سال مکروں وارث شاہ وی ایسے دینی عالم کولوں علم تے عرفان دا فیض لین قصور گیا تے او سے بزرگ نوں اپنا استاد مندیاں ہویاں اوہناں علم تے عرفان دے ایس وگدے کھوہ توں اپنے علم دی تریہہ رج کے بجھائی۔ وارث شاہ اپنے استاد دا چوکھا عقیدت مند سی۔ ہیر وچ وارث شاہ نے اپنے ایسے استاد دا ذکر بڑے خلوص، پیار، چاہ تے محبت نال کیتا ہے (بند 628)۔

وارث شاہ نے ہیر وچ کئیاں تھانواں تے قصور دا ذکر کیتا ہے۔ مثلاً نادر شاہ تے احمد شاہ ابدالی دیاں واہراں تے ہلکیاں توں پنجاب وچ اُن کہنی تباہی مچی تے بہوں ظلم ہو یا۔ قصور دے آسے پاسے ہوون والی تباہی توں وارث شاہ نوں بہت دکھ ہو یا (بند 628)۔

اوس زمانے وچ مدرسیاں تے مسیتی سکولاں وچ پڑھایاں جاوَن والیاں تعلیمی کورساں دیاں نصابی کتاباں عربی تے فارسی زبانان وچ ہی ہندیاں سن۔ ایسے پاروں تعلیم دے پڑ وچ سہل ہوون لئی پڑھیاں نوں عربی تے فارسی زبانان نوں چنگی طرحاں سکھنا تے جاننا پیندا سی۔ وارث شاہ نے اپنے زمانے دے سکولاں تے کالجاں وچ پڑھائیاں جاوَن والیاں کتاباں،

مضموناں دی ونڈ، اُستاداں تے شاگرداں دامیل جول تے ورتارا ہیر وِچ کھول کے دسیا ہے
(بند 33-36)۔

اک گجھا، دُونگھاتے منجھیا ہو یا دین تے دُنی دا عالم ہوون دے نال نال وارث شاہ
نگھی سوچ تے دکھرکھن والا کھوجکار تے اپنے ویلے دی نبض دا جاٹو ہوون دے نال نال وسیب
دے سماجی روگاں تے مرضاں دا حکیم وی سی۔ ایسے پاروں وارث شاہ دی حیاتی دیاں ون سونیاں
ونڈاں تے کڈھے سٹے بھوں ٹھکویں ہن تے اج وی او سے طرحاں سجرے تے تازے ہن جیویں
اوہدے اپنے ویلے سن۔ اوہنے اپنے ویلے دی چندی جاگدی تصویر لفظاں وِچ من کھچویں انگلیں
انجواہی ہے پئی پڑھن تے سُنن والیاں دے دلاں تے اثر ضرور ہوندا ہے۔ ہیر وِچ انسانی میل
جول، ہڈورتیاں تے اوہناں توں کڈھے نچوڑ تے سٹے اوس دے تجربے کار جاٹو تے سماجی
مرضاں نوں پچھانن والا تجربہ کار حکیم ہوون دی دلیل ہن۔ وارث شاہ اوہ نویکلا ادبی سیانا ہے
جیس دی ہیر دی کہانی دے ہر اوقات، درجے تے رُتبے دے کردار اپنیاں گلاں باتاں تے کماں
کاراں توں اوہدے وڈا تے مہان ادیب، سیانا، کہانی کار، شاعر تے من کھچواں بیان گوہوون
دیاں یقینی گواہیاں دیندے ہن۔ اوہ اپنے زمانے دی سچ مچ دی ایسی تصویر واہندا ہے پئی
ہر پاٹھک تے سُنن والا بیان کیتے قصے دی ہر لڑی وِچ اپنے آپ نوں ذاتی طور آپ خود شامل
محسوس کردا اے۔ اوس دے صاف، سدھے تے اُگھڑویں بیان مٹن گوچرے، جائز، انسانی
پدھر نال جُویاں ریتاں دی دس پاوون توں اڈا اوہناں دے جائز ہوون دی پچھان وی کراندے
ہن۔ نالو نال ہیر دے کردار اں توں ٹھٹھے، غلط، دھکڑوری، مکڑوہ تے زرے بدعمر اں دی پچھان
وی ہو جاندی ہے۔

وارث شاہ اپنے ویلے دیاں چالو ریتاں، رسماں تے رواجاں دا ڈھکواں تے دُونگھا
جانوسی۔ اوس ویلے دی رہتل تے وسوں وِچ وی بہوں ساریاں اجوڑ رسماں، ریتاں، رواج، دھرم
تے اوہناں نال جُویاں اُچھیاں رسماں، اخلاقی تے حیاتی دے جیون نال جُوے طور طریقے چالو
سن۔ ہندو، بدھ، سکھ، مسلمان تے ایہو جیسے ہور کئی دھرماں تے مذہباں دے پیروکار امن تے
آرام دی زندگی مان رہے سن۔ رلوں اجوڑاں دی ماننا سا نجھے امن امان لئی کھڑے متھے سہن تے
برداشت کرن دی ریت نری چالو ہی نہیں سگوں اُچی، پردھان تے اُچھی مٹی جاندی سی۔ کھلھے دل

تے دماغ دی ایس وسوں دا کوئی جی اک دھرتوں دو جی دھریں آسانی نال وٹی سکر اسی ایس لئی پئی
 سانجھی وسوں دے امن تے آشتی وچ ایہو جیسے ادل بدل دی نری گنجائش ہی نہیں سگوں لوکاں تے
 رہتل دی ات ضروری لوڑوی سی۔ ایس دی مثال دھیدورا نچھا ہے جیہڑا وقت پین تے اپنی لوڑ تے
 کم کڈھن لئی جوگی داروپ وٹالیندا ہے پر پھیر وی رنگپور دے پر دیسی مُلک والیاں لئی قبول
 ہے۔ ایس لئی پئی اوس غلط ملط دُنیا وچ امن رکھن لئی ایہو جیہیا ادل بدل تے ہیر پھیر کوئی وڈی گل
 نہیں سی گنی جاندی۔ پر اُکا ہی غیر تے ظالم ات بھرے بدلیسی دوجے داما معاملہ اُکا ہی پُٹھاتے
 اجوڑواں ہے جیہڑا نادر شاہ دُرّانی تے احمد شاہ ابدالی دیاں مکروہ تے ڈراونیاں شکلاں وچ بدلیسی
 دھاڑو بن کے پنجابیاں تے پنجاب وایاں دا امن امان اُکا ہی تباہ کر دیندا ہے۔

وارث شاہ ہیر دا قصہ لکھن والا پہلا شاعر نہیں۔ ایس توں پہلاں ہری داس ہریا،
 گنگ بھٹ، باقی کولابی، دمودر داس، سعید سعیدی، احمد گجر، مہتا چنابی، گرداس گنی، گرداس
 کھتری، چراغ اعوان، احمد یار خاں یکتا، فقیر اللہ لاہوری، منسارام خوشابی، میر قمر الدین، حافظ
 شاہ جہان مُقبل تے سُندر داس پنجابی ہیر دے قصے لکھ گئے سن۔ ایہہ وارث شاہ دانویکلا تے من
 کچھواں آکھن ڈھنگ ہے جیہنے وارث شاہ دے قصے نوں امر بنایا تے دائمی شہرت دتی۔ ہیر دے
 ناں نال وارث شاہ دانان انج جو یا پئی دوجے سارے شاعراں تے کہانی کاراں دے نانواں دا
 چوکھے لوکاں نوں پتہ ہی نہیں۔ لوکاں وچ مانتا، ہر دلعزیزی تے امرتا وارث شاہ دا ہی نصیب تے
 حصہ بنی۔

علم سکھن لئی تے سچ دی کھوج تے تلاش لئی وارث شاہ نے پنجاب دے دُور دُریڈے
 علاقیاں دا سفر کیتا چپہ چپہ کھنگالیا تے زیارتاں کیتیاں۔ ایہو جیہیا اک سفر ہی سی جیہڑا وارث شاہ
 نوں ملکہ ہانس دے پنڈ لے گیا تے ایسے پنڈ وچ گجھ چر رہندیاں ہویاں 1180 ہجری وچ
 وارث شاہ نے ہیر دا قصہ 'سوہنی جیہ' پنجابی وچ نظم کیتا (بند 626, 627)۔ ملکہ ہانس وچ وارث
 شاہ اوتھوں دی مسیت دے اک بُجے وچ رہیا تے اوتھے رہندیاں او سے مسیت وچ پنڈ دا
 پیش امام وی سی۔ ایسے بُجے وچ وارث شاہ نے اپنی جگت مئی تے دُنیا بھر وچ جانی پچھانی ہیر
 مکمل کیتی۔

ہیر دے قصے دا پلاٹ سدا ہا سادہ ہے۔ رانجھا قوم دامو جو چوہدری پنڈ تخت ہزارے دا

مالک سی۔ اوس دے اٹھ پتر تے دو دھیاں سن۔ سبھ توں چھوٹے منڈے دانناں دھیدوسی۔ دھیدو
کنوار اسی پر اوہدے وڈے ستے بھراویا ہے سن۔ پیونوں دھیدو نال ساریاں توں چوکھا پیارسی جیس
پاروں بھراواں وچ حسد تے ساڑ رہندا سی۔ اللہ دی قضا نال موجد فوت ہو گیا۔ وڈے بھراتے
اوہناں دیاں تیویاں رڑا تے کھلا میدان ویکھ کے دھیدو نوں مندے بولاں تے میہنیاں نال
ایناں اکاء دیندے نیں پی اوہ گھرتے اپنے حصے دی وراثتی بھوئیں چھڈ کے جھنگ ول ٹر پیندا
ہے۔ راہ وچ اوہنوں کئی کڑیاں، ازمانشاں، مصیبتاں تے امتحان سہنے تے جرنے پندے نیں۔ پیار
داتھڑیا تے محبت دا ٹولن ہار دھیدو جھنگ اپڑ کے جدوں ہیر نوں ویکھدا ہے تے دونوں پہلی نظر وچ
ہی اک دوجے نوں دل دے بہندے ہن۔ ہیر اپنے نویں پیار دی گڈی نوں ودھان لئی دھیدو
راجھے نوں اپنے پیو پو چک جو قوم داسیاں ہے کول سفارش کر کے دھیدو نوں ڈنگر مال چروان لئی
مہینوال رکھوالیندی ہے۔ ہیر راجھے لئی بھٹا لیا ون دے بہانے راجھے نال ملدی رہندی ہے تے
انج اوہناں دی محبت عشق دی منزل تے پہنچ جاندی ہے۔ پنڈ دے اک کیدوناں دے وڈیرے
نوں ہیر تے راجھے دا لگ چھپ کے ملنا چنگا نہیں لگدا۔ اوہ دی مخبری تے اکسان تے ہیر
دے ماپے ہیر دا ویاہ رنگپور دے سیدے کھیڑے نال متھ دیندے نیں۔ ہیر ایس ویاہ توں اگا ہی
انکاری ہو جاندی ہے۔ اوہ راجھے نال ہی اپنا ویاہ کرن دی اڑی تے اڑی رہندی ہے۔ پر ہیر دے
سیدے کھیڑے نال ویاہ توں انکار دے باوجود تے ہیر دے ایس شادی نوں قبول کرن توں بغیر
ہیر دا ویاہ جبراً تے دھکو زوری سیدے کھیڑے نال کر دتا جاند ا ہے۔ مجبور، محروم تے ناکام
دھیدو راجھے اُتے دکھ، درد، غم تے غصے دے پہاڑ ٹٹ پیندے نیں۔ ہیر سیدے کھیڑے نال اپنے
ویاہ نوں کدے وی نہیں مندی تے ایس طرحاں اک کنواری مغویہ ہار ہی رنگپور وچ کھیڑیاں دے
گھر یں اپنے دن گزاردی ہے۔ ہیر دے سنیے تے راجھا جوگی بن کے ہیر دے کاغذی پیکے
پنڈ رنگپور جاند ا ہے۔ اوہ تھے اوہدا ویاہ ہیر دی ننان سہتی نال پیندا ہے۔ سہتی نال ایہہ پہلا ٹاکرا راجھے لئی
بہوں اوکھا ثابت ہوندا ہے پر کجھ چر تپچھوں سہتی تے راجھے وچ صلح ہو جاندی ہے۔ سہتی تے ہیر
اپنے اپنے عاشقاں نال اڈھل جاون دا متاپکا ندیاں نیں۔ ایس متے دے مڈھ تے ہیر نوں اک
زہر یلا سپ لڑن دا جھوٹا ڈراما چایا جاند ا ہے۔ راجھا (جوگی) سپ دے توڑ لئی سد یا جاند ا ہے۔
ایس موقعے دا فائدہ لیندیاں ہیر راجھے نال تے سہتی اپنے عاشق مراد بلوچ نال نکل جاندیاں

نیں۔ کھیرے دونوں دا پچھا کردے نیں۔ ہیر تے رانجھا پھڑے جاندے نیں۔ رانجھا علاقے دے راجے اگے ہنتی تے فریاد کردا ہے۔ جوگی رانجھے دیاں کرامتاں ویکھ کے راجہ رانجھے نوں ہیر سوئپ دیندا ہے۔ ہیر دے ماپے رانجھے نال اک اخیر لاء کھیڈ دیاں اوہنوں آکھدے نیں پئی تُوں جنج بنا کے لیا تے اسیں ویاہ دے سارے شگن مناندیاں ہیر دا ویاہ تیرے نال کر دیاں گے۔ رانجھا تخت ہزارے جنج دی تیاری لئی جاندائے۔ پچھوں ہیر نوں زہر کھوا کے مار دیندے نیں۔ رانجھا ہیر دے مرن دی خبر دے صدے نال مر جاند ا ہے۔ ایس طرحاں ہیر دے دوسرے قصے کاراں تُوں ہٹ کے وارث شاہ اپنی ہیر دی داستان نوں اک منطقی تے نہ بھلن والا المیہ اخیر بخشدا ہے۔

وارث شاہ توں بہت پہلاں احمد گجر (1682) تے حافظ شاہ جہان مقبل (1741) نے فارسی شاعری دی ونک 'بیت' جیہنوں پنجابی وچ 'بیت' کہندے نیں، وچ اپنی اپنی ہیر دی کہانی لکھی سی۔ وارث شاہ نے وی ہیر دے قصے لئی اوہی شعری ونڈ چنی۔ پروارث شاہ دے بیان اتے ہیر دی داستان دیاں کڑیاں نوں رواں تے من موہنے ڈھنگ نال جوڑن دا کمال ہے جیہناں ہیر دے پاٹھکاں، گایکاں تے سُنہاراں دیاں دلاں اُتے رانجھ کیتا ہے۔ ایس توں اڈ، وارث شاہ نے اپنے کلام نوں فیوسفی اتے روحانی رنگ وچ وی رنگیا تاں جو بدیسی بُلہا بازاراں تے ولہڑواں دے ظلم، جبر تے است توں ڈکھی پنجابیاں دے دلاں نوں تسلی دین دا تیج وی بنے۔

ایس بحر یا چھند وچ لکھی ہیر اک نویکلے، اُچھے تے خاص ڈھنگ نال محفلاں وچ گائی جاندی ہے جیہنوں ہیر انگلیں ہیر گاؤں دا طریقہ (جو اصل وچ راگ بھیرویں وچ ہے) کہیا جاند ا ہے۔ ہیر پڑھن تے گاؤں دا ایہہ ڈھنگ لوکاں دا بہت من پسند، مقبول تے جانیا پچھانیا ہے۔ وارث شاہ دی ہیر نوں ایسے لے وچ گاؤں، پڑھن تے سُنن دی من پسندی وارث شاہ دے کلام وچ رلے تے ملاوٹ دے رُحمان دی وجہ وی بنی۔ خاص کر 1865 توں مگروں تے لاچھی شاعراں تے دولت پرست چھاپے خانیاں دیاں مالکاں تے ناشران نے وارث شاہ دے ناں تے ہیر دیاں کتاباں چھاپ کے اوس دے اصل کلام وچ لکھے واہ رلا انج کیتا پئی وارث شاہ دے اصل کلام توں رلواں شعری مواد چھاننا، چھٹنا تے باہر کڈھنا ہُن بیوں اوکھا کم لگدا ہے۔

وارث شاہ نے ہیر کیوں لکھی؟ ایس سوال دا پرتا ہیر وچ کسے حد تیکر دوہاں

تھاواں تے آکھے حوالیاں توں ملدا ہے۔ ہیر دی کہانی دے شروع وِچ وارث شاہ آکھدا ہے کہ اوہدے یاراں (جمع دے صیغے نال) نے اوہنوں ہیر دے قصے نوں نویں سِروں لکھن دی فرمائش کیتی (بند 6)۔ ہیر مکمل کرن تے ہیر دے اخیر لے حصے وِچ وارث شاہ لکھدا ہے پئی اوہنے اپنے پیارے یار (ایس واری واحد صیغے نال) دی فرمائش پوری کردتی ہے (بند 629)۔

چوکھے دھیان تے گوہ نال ہیر پڑھیاں پتہ لگدا اے پئی ہیر لکھدیاں وارث شاہ دے ساہمنے اپنی سوں تے معاشرے وِچ چالو تے پرچلت بدیاں اُتے اُنکل دھر کے اوہناں بُرائیاں دی سُدھار جیہیا نیک مقصدی۔ ایس نیک کم لئی اوہنے پنجاب دی اک جانی پچھانی لوک کہانی دا پلاٹ چُنیا۔ اک درد مند تے سچیار ناظر ہوندیاں وارث شاہ اپنے معاشرے وِچ کھلریاں تے چالو بدیاں توں کیویں وانجھارہ سکدا سی؟ انسانی قدراں، عظمت تے وقار دی نت ڈگدی چال، مُڈھے حق تے قدراں دا بندن خاص کرسوانیاں تے ایمانیاں گڑیاں دے حق منن تے پچھانن توں انکاری عام سی۔ ایک گجھا دُنیا جانو تے نگھتا عالم ہوندیاں وارث شاہ چنگی طرحاں جاندا تے سمجھدا سی پئی معاشرے وِچ رچیاں اخلاقی تے وسیبی بدیاں سدھارن لئی سِدھیاں ساہویاں نصیحتاں فائدے دی تھاں پٹھیاں پیندیاں نیں تے نقصان وند ہٹ دھرمی تے کٹڑ پئے دیاں جڑھاں بندیاں نیں۔ ایسے پاروں ہیر دے قصے دے ہر طرحاں تے ہر اوقات تے نکلے وڈے رُتبے دے کرداراں نوں وارث شاہ نے اپنے معاشرے دے سدھار لئی بہوں مثالی ڈھنگ نال ورتیا ہے۔ ایہناں کرداراں وِچ وڈے خاندان دے بھار پٹھ دیا مَوجو چودھری، پیار تے نازاں نال وِگڑیا راجھے بُردا چھوٹا بھرا بیکار دھیدو، چوکی محنت مشقت کرن والے تے وِچوں خار تے کینہ رکھن والے دھیدو دے وڈے بھراتے اوہناں دیاں نک چڑھیاں تے تڑتڑ ترکھیاں تیویاں، موقع پرست، بدنیت تے وِک جاون والے مسیتی مُلاں، اپنی دُنیا وِچ مست تے مرضیاں دے مالک عام شہری، ساہوکار ورتارے والا مَختی پر پیسے دا پیر لڈن ملاح، سوہنی، چنیل، البیلی تے حسین جمیل ہیر تے اوہدیاں گوڑھیاں تے وفادار سہیلیاں، جھنگ دا مالک مہر چوچک سیال تے اوہدی دُنیا شناس تے دُنیا دار بیوی ملکہی، ہیر دا جوشیلا بھرا سلطان، مشکوک تے سازشی ذہن دے کردار والا کیدو، مذہبی وڈیرا قاضی شمس، تانے بانے والی رازدارنی مٹھی نائین، ڈھور ڈنگر تے جنگل بیلے، بھاڑیاں تے ڈنگر مال تے منگو چار مہینوال، جہاں دیدہ

تے دُنیا شناس جوگی، سازشی پر بے صبرے چیلے، سیانے تے مین میکھ کڈھن والے ایالی، سخت، مغرور تے بد لحاظ سہتی، سہتی دا بھراتے ہیر دا کاغذی خاوند سید اکھیرا، سیدے داپو اڈو کھیرا، راجہ عدلی تے اوہدا درباری مُلاں، وِٹک وِٹک دی طبعی تے مالی دولت نال بھری بھرائی دُنیا، وہم، مصیبتاں تے اوکڑاں، فرشتہ سیرت روحانی پنج پیر، وغیرہ۔ ایہہ سارے کردار عام حیاتی دے چلدے پھر دے نمونے سن جیہناں راہیں عام بندہ اوس ویلے دی وسوں تے راتل نال اپنا جوڑ تے رشتہ آسانی نال ویکھ تے سمجھ سکدا اسی۔ ایہہ سارے کردار انسانی کمزوریاں نال لدے تے لہڑے تے خود غرض انسانی خامیاں نال بھرے پئے سن جیویں کہ جہالت، لالچ، کینہ، کرودھ، حسد، نفرت، دکھاوا، ٹوہر، بُزدلی، وغیرہ۔ نالو نال ایہناں کرداروں وِچ سلاہن جوگ تے چنگیاں انسانی قدراں تے خوبیاں وی ہے سن جیویں پیار، محبت، ہمدردی، صبر، شکر، سُدھ بُدھ، عقل تے مت، بہادری، وغیرہ۔ ہمیشہ وانگر چنگیاں تے ہدیاں وِچ اجوڑ وی صاف دسد اسی۔

ایسے پاروں وارث شاہ نے اپنے سچی سچی یا من گھڑت یار جاں یاراں دا حکم منڈیاں ہویاں جیو وِچ بہت تدبیر کر کے نویں سرے توں ہیر دا قصہ جوڑیا (بند 7)۔ ہیر دی کہانی ودھانڈیاں ہر چنگے تے بھیرے موقعے تے وارث شاہ اپنا وسیب سدھارتا دانیک مقصد نہیں بھلیا۔ لوڑ تے ویلے موجب وارث شاہ ہیر کہانی دے کھید کاراں دے مونہوں لچر، فُش تے گندیاں گالھاں وی بکواندا ہے تاں جے جیندی جاگدی تے سچی سچی دی وسوں دے ایہو جیسے لوکاں نوں وی اوہ اپنے نال رلا کے اوہناں نوں اوہناں دے طور طریقے دا شیشہ دکھانڈیاں اوہناں دی سوچ سمجھ بدلن دا موجب بن سکے۔ انجے موقعے دی لوڑ تے وندو موجب ہیر کہانی دے کھید کار قرآن، حدیثاں، نیک بزرگاں دے قول وی سناندے نیں تے منے پرمنے تاریخی حوالے وی دیندے نیں۔ وارث شاہ داوڑا تے وچلا مقصد ہمیشہ ایہو ہی رہیا پئی ہیر نوں پڑھن تے سُنن والے اوہدی ہیر کہانی نوں کوئی اینویں گھینویں تے سستی چنی عیاشی نہ سمجھی نہ سگوں ہیر وِچ مُد گھڑ تے لگا تار دھرایا اعلیٰ، چنگا، پگّا، پیڈا تے نیک مقصد ہمیشہ پڑھنہاراں تے سُننہاراں دے ساہمنے رہوے۔ ایسے لئی ہیر دے دھکو زوری تے جبری ویاہ دے واقعے نوں وارث شاہ ضائع نہیں جاون دیندا سگوں ہیر نوں قاضی دے ساہمنے کھلھار دوہناں دھروں بے زبان تے مایاں دی لُج پاروں تقریباً تے اُکا ای بے زبان تے گولگیاں، ایلیاں بالڑیاں

تے جوان گویاں دے جماندروا انسانی حقّاں اُتے بھرویاں دلیلاں نال بحث تے ڈی بیٹ دی پرہیا تے عدالت سجاندا ہے (بند 205-215)۔ قبولن توں بغیر گویاں دی مرضی تے رضاؤں بناں اوہناں دے ویاہ تے شادیاں رچاون دی نامعقول تے ظالم ریت، رسم تے رواج وارث شاہ دے زمانے وچ عام سی اتے پھوں وڈی حد تک راج وی ہے۔ حالاں مذہب وچ ایسا ظلم نہ تے جائز ہے نہ ہی ایہدی کوئی تھاں ہے۔ ایہو وجہ ہے پئی ہیر وچ وارث شاہ دے آکھے درجنّاں مصرعے عام بول چال دا حصہ بن گئے تے اج وی ورتے جارہے ہن۔ وارث شاہ دے کلام تے اوہدے آکھن ڈھنگ دا ایہہ بہت وڈا کمال ہے۔

وارث شاہ دی ہیر وچ ملاوٹ تے رلے دا سلسلہ پنجاب وچ پرنٹنگ پریس آون تے اُنیویں صدی دے وچلے سے شروع ہويا۔ وارث شاہ دی ہیر دے سرنا نویں پٹھاں پہلی کتاب ہوپ پریس (Hoop Press) لاہور توں سن 1865 وچ چھپی سی۔ ایس کتاب دا کوئی نسخہ ہن کدھرے وی نہیں ملدا پر دعویٰ کیتا جاندا ہے پئی ایسے کتاب دی عبارت 1973 تے مڑ 1988 وچ چھاپی گئی سی۔ ایس کتاب توں پتہ لگدا ہے پئی وارث شاہ دے ناں نال چھپی ہیر دی ایس کتاب وچ بہت زیادہ جعلی رلویں تے ملاوٹی مصرعے ہن۔ ایس توں چکھوں تے چھاپے خانیاں دے لالچی مالکاں، ناشرّاں تے شاعرّاں نے وارث شاہ دے ناں پٹھاں ہیر دے ملاوٹی کلام نال بھریاں کتاباں چھاپن دی دوڑ نوں ہور تیز کر دیتا۔ مالی فائدے لئی کیتی جاون والی ادبی بددیانتی دیاں ایہہ کتاباں بدترین مثال ہن۔ ہیر تے وارث شاہ دے گجھے تے سنجیدہ کھوجکار، ریسرچر تے عالم ایس گل نوں چنگی طرحاں جاندا تے سمجھدا ہے ہن پئی وارث شاہ تے اوہدے کلام دے نال کیہ کیہ نا انصافی تے ظلم ہويا ہے تے اجے تیکر ہو رہیا ہے۔ وارث شاہ داناں لے کے رلے تے ملاوٹی کلام تے جعلی ہیرّاں دے سرنا نویں تے لکھن لکھان دے آہر تے کم کار نوں میں وارث شاہ دے نال ظلم تے نا انصافی نوں ہو رو دھان دے برابر سمجھدا ہاں۔

ویہویں صدی دے مڈھوں وارث شاہ دے گجھے تے سچیاں پاٹھکاں تے عالماں نوں اُچھ ہوئی پئی ہیر وارث شاہ وچ رلے دی لہر پنجابی ادب، تریخ تے ثقافت لئی ڈھیر نقصان بن گئی ہے۔ انج پنجابی دے کلاسیکی ادب وچ ملاوٹ تے ادبی رلے دی چال تے لہر نوں موڑن تے اوس توں ہوون والے گھائے نوں گھٹاؤن دی ینہہ دھرتیجی۔ ایس لہر دا وڈا تے

سچا مقصد وارث شاہ دے نزول تے سچے کلام دی لکھی سی۔ ایسے بچوں وارث شاہ دے کیاں عالماں نے چھپے ہوئے تے ہتھ لکھے پُرانے نسخیاں دے مقابلے تے مطالعے شروع کیتے۔ ایسے کم دے سٹے وچ وارث شاہ دی ہیر دے کئی نسخے چھاپے گئے۔ ایہناں کتاباں دے ہر لکھن ہار تے ناشر نے ایہو ہی دعویٰ کیتا پئی اوس دی سودھی ہیر، وارث شاہ دے نزول تے اصلی کلام ہے۔ پر ایہناں کتاباں دی گوہ نال کیتی جانچ پڑتال اوہناں دے دعویاں دی راج کے تے ٹھکویں بندیا کر دی ہے۔

وارث شاہ دی ہیر دے سبھی ناشر اگو مقصد لے کے ٹرے سن پئی وارث شاہ دے کلام دی اصلی تے نزول لکھت کڈھی جاوے۔ بد قسمتی نال وارث شاہ دے اپنے ہتھ دال لکھیا نسخہ اج تیکر نہیں ملیا۔ ساڈی خوش قسمتی ایہہ ہے پئی چھاپا خانیاں توں چھپن توں پہلوں کئی پُرانے، مکمل تے اعلیٰ ہتھ لکھے نسخے موجود ہن۔ سبھ توں پُرانا تے شروع توں اخیر تیکر پورا تے مکمل قلمی نسخہ فارسی اکھری پنجابی وچ 1821 وچ لکھیا دسیا جاندا ہے (ساریاں نوں پتہ ہے پئی وارث شاہ مسلمان سی تے اوہنے فارسی انگی پنجابی لکھائی وچ ہیر لکھی سی۔ اتھے ایہہ گل وی یاد رکھن جوگ ہے پئی سکھ دربار دی سرکاری زبان وی فارسی ہی سی)۔ کئی ہتھ لکھے پُرانے قلمی نسخے گورمکھی رسم الخط وچ لکھے وی ملدے نیں پر گورمکھی وچ لکھے قلمی نسخیاں دی خامی ایہہ ہے پئی فارسی تے عربی تے اوہناں توں نکلے جاں کڈھے لفظ گورمکھی وچ ٹھیک طرحاں نہیں لکھے جاسکدے۔

اُنج فارسی رسم الخط وچ لکھی کلاسیکی پنجابی پڑھنا وی بہوں اوکھا ہے۔ اوس زمانے وچ پنجابی زبان دیاں خالص تے نزول پنجابی آوازاں نوں لکھن لئی نشان تے حرف حالے نہیں سی مٹھے گئے ایس واسطے شکستہ رسم الخط وچ ہتھ لکھی پنجابی عبارت پڑھنا وی بہوں اوکھا ہے۔ ایس توں اڈ وارث شاہ دی ہیر وچ ورتی گئی کلاسیکی پنجابی دانہ جاننا وی ہتھ لکھے جاں قلمی نسخیاں نوں پڑھن وچ چوکھیاں مشکلاں پاوندا ہے۔ وارث شاہ نال عقیدت تے سچی لگن دے ہونداں ہو یاں چوکھے پاٹھک وارث شاہ دا کلام پڑھن توں وانجھے رہندے ہن۔ بد قسمتی نال ہُن تیکر کیتیاں گئیاں کوٹشاں وچ ایہو ہی سبھ توں وڈی گھاٹ رہی ہے۔

میرے کول 1859 توں لے کے ہُن تیکر ہتھ لکھے تے چھاپا خانیاں توں چھپے تقریباً سارے نسخے ہن۔ میں ایس نتیجے تے اپڑواں پئی اسیں خوش قسمت ہاں کہ کئی اعلیٰ تے مکمل قلمی نسخے پنجابیاں کول ہن۔ ایہناں وچوں اک بہت ہی معتبر تے شروع توں لے کے اخیر تیکر ہر

پکھوں پورا تے مکمل ہتھ لکھیا قلمی نسخہ پنجاب پبلک لائبریری لاہور وچ موجود ہے۔ سکھ حکومت دے اک وزیر ہر دیو سنگھ دی مدد تے فرمائش اُتے ایس نسخے نوں حافظ آباد دے کر پارام نے چوکھے گوہ، احتیاط تے پریم نال صاف تے سوہنے فارسی انگ پنجابی خط وچ 1859 وچ کسے بہوں پرانے ہتھ لکھے نسخے توں نقل کر کے لکھیا سی۔ ایس نسخے نوں پڑھدیاں ہر پاڑھونوں پکا یقین ہو جاندا ہے پئی کر پارام فارسی دا ایک منجھیا ہو یا عالم سی کیوں جے اوہنے نسخے وچ عربی تے فارسی دے حوالے بالکل ٹھیک ٹھیک لکھے ہن۔


وارث شاہ دی ہیر دا اک ہور قلمی نسخہ جس اُتے 7 شعبان 1277 (1861) دی تاریخ لکھی ہے وی موجود ہے۔ ایہہ نسخہ شروع توں ٹھیک ہے پر ایس نسخے دے اخیر لے 9 بند ضائع ہو چکے نیں۔ ایس نسخے دی عبارت کر پارام دے نسخے دے ہڈوں نیڑے ہے۔ ہوسکدا اے پئی ایہہ دوویں نسخے کسے اگو ہی پرانے نسخے توں نقل کیتے گئے ہوں۔ ایس گل توں ایہہ سٹہ نکلا اے پئی اوس زمانے وچ ادبی لکھتاں وچ اپنے وکوں جان بچھ کے رلا کرن دارُ حمان بہوں گھٹ جاں نہ ہوں دے برابری۔

میری سودھی کتاب دی عبارت کر پارام دے قلمی نسخے نوں مُڈھ بنا کے لکھی گئی ہے۔ ایس توں اڈ اُتے دسے دو جے قلمی نسخے توں وی پورا پورا فائدہ لیا گیا ہے۔ ایس کتاب وچ 61 بند ہن تے ایہناں بنداں وچ کل 4260 مصرعے ہن۔

اپنے بارے میں نرا ایہہ دسنا چاہواں گا پئی میں شاہ کوٹ وچ پیدا ہویا۔ شاہ کوٹ بہت پرانا قصبہ ہے جو پہلاں ضلع شیخوپورہ دے انتظامی حلقے وچ سی تے ہن ضلع ننکانہ صاحب دی تحصیل ہے۔ میرے وڈکے کنیاں نسلاں توں ایسے دھرتی تے آباد رہے ہن۔ باراں دے آباد ہوں توں پہلاں توں اسیں ایس جانگی، دھرت نال جُوے ہوئے ہاں۔ اساں وارثی کلاسیکی پنجابی کتاباں تے ڈکشنریاں توں نہیں سیکھی سگوں کلاسیکی پنجابی بولی ساڈی مٹی تے ساڈا ذخیرہ ہے۔ میرے لڑکپن دے کئی سال شاہ کوٹ، گرتھی، پکا کھوہ (نانکا پنڈ)، جھنگڑ، پھنڈر، چوتھو رانہ، کوٹ اللہ دیتا، میر پور بھٹیاں جیسے پنجاب دے نزول جانگی پنڈاں تے تھیں ہواں وچ کھیڈ دیاں ملدیاں لنگھے ہن۔ ایہناں پنڈاں وچ مینوں سوورھیاں دی عمر دے کئی بزرگاں نوں دیکھدیاں اوہناں کولوں اوہوی نزول تے ڈھکی جانگی، کلاسیکی پنجابی بولی سُنن، بولن تے سکھن داماں ہے

جیہڑی وارث شاہ نے اپنی ہیر وِچ لکھی تے ورتی ہے۔ ایس پکھوں مینوں گھٹو گھٹ 150 سالوں دا جیوندی جاگدی حیاتی دے تجربے مانن داماں ہے۔ ہُن میں 63 ورھیاں داہاں۔

وارث شاہ دی ہیر بارے سانوں کیہ کرنا چاہیدائے؟ ایہہ اک ات ضروری سوال ہے اتے ایس سوال اتے پنجابیاں نوں ایمانداری تے سچے دلیس سوچنا چاہیدا اے۔ وارث شاہ دی ہیر پنجاب تے برصغیر ہندوستان تے پاکستان دی دھرتی دے اُتر تے دکھن دی تاریخ دا مکمل انسائیکلو پیڈیا ہے۔ ایسے بھوکس توں انسانی تاریخ دے موہر لے پتر لکھچے تے انسانی رہتل دی نینہہ دھرتی۔ میری اپنی رائے ایہہ ہے پئی سانوں وارث شاہ دے ناں پٹھاں چھپیاں ہیر دیاں ساریاں کتاباں نوں گلی مُکی رد کر دینا چاہیدائے۔ ایس لئی پئی ایہہ ساریاں کتاباں رلوں تے ملاوٹی کلام نال بھریاں تے لبریاں ہن۔ ایہناں دی تھان سانوں نرے مکمل، معتبر تے چنگے قلمی سُخیاں نوں نینہہ رکھدیاں ہویاں وارث شاہ دا کلام جوڑنا چاہی دی اے۔ ایس پکھوں پنجاب پبلک لائبریری لاہور وِچ پیا ہیر دا قلمی سُخہ ایک بہت وڈی نعمت ہے۔ سانوں ایہو جیسے ہور پُرانے قلمی سُخیاں کولوں فائدہ لیندیاں وارث شاہ دی ہیر دی نزول، اصلی تے معتبر لکھت جوڑنی چاہیدئے۔ ایس توں اڈ وارث شاہ دی ہیر دے اُلٹھے تے ترجمے دُنیا دی ہر معتبر زبان وِچ کر کے وارث شاہ تے اوہدے کلام نوں ساری دُنیا وِچ کھلارنا چاہیدائے۔ ایہہ پنجابیاں دی سبھ توں وڈی ذمہ داری ہے۔



سکھی دور دیاں ہیراں

(1850ء.....1801ء)

کسے وی جوہ دے لوک قصے کہانیاں اوس علاقے دے اجیہے وسیب دی سیہان ہوندے
نیں، جیہناں دے وسیلے نال اوتھوں دیاں معاشی، تاریخی، سماجی، وسیبی اُتے مذہبی سوچاں اُتے
ریتاں روایتاں دا تھوہ لگدا اے۔ ایہہ قصے حسن عشق، اخلاق عرفان، جرت دلیری، ہمت حوصلے
اُتے رسماں رواجاں دے راکھے ہوندے نیں۔ ایہناں قصیاں دی لکھ وچوں لوکاں دے دُکھ
سُکھ اُن متھیاں کہانیاں دے روپ وچ ڈھل کے اصل قصے دے ڈونگھیاں پانیاں اندر ویکھے
جاسکدے نیں۔ اک لوک قصہ بے شمار اندر لیاں لوک کہانیاں دا اک کڑا ہوندا اے۔ پنجاب دی
دھرتی وی لوک داستاناں نال مالا مال اے۔ اتھے دیاں لوک داستاناں اندر لوکاں دے سانجھے
سفنے لبھدے نیں۔ انسانی محبتاں دے ایہہ قصے اپنے آکھن سنن والیاں دے آسے پاسے اک
طرحاں دارومانی سماں بدھی کھڑے نیں۔ ایہناں قصیاں وچوں جیہڑی مقبولیت ہیرا رانجھانوں ملی
اوہ کسے ہور قصے نوں نصیب نہ ہوئی۔ قصہ ہیرا گھٹوگٹ چالی پنجاہ شاعراں نے لکھیا، سگوں صوفی
شاعراں جیویں شاہ حسین اُتے بلھے شاہ نے ہیرا اُتے رانجھانوں اپنی شاعری وچ تصوف دیاں
علامتاں لئی وی ورتیا اے۔ ایہہ قصہ پہلے پہل لوک گیتاں دی شکل وچ مقبول ہو یا جیویں باوا بدھ
سنگھ لکھدے نیں:

”ہیرا اُتے رانجھا مغلاں دے راج توں تھوڑا پہلے سمیں وچ ہوئے سن۔ ایہناں دی
پریم کتھاسارے دیس وچ مشہور ہوئی۔ پہلے تاں گاؤناں اُتے واراں وچ ای رہی۔“ (1) عشق
اُتے محبت دی ایس داستان نوں جنیاں شاعراں اُتے لکھاریاں نے لکھیا اونا راج تاں ہور کسے

داستاں جاں قصے نوں نہیں لکھیا گیا۔ ایس پریم کتھانوں پنجابی شاعری وچ پہلی واری قصے دے روپ وچ اکبر بادشاہ دے سہ دمودر نے اُلکیا۔ دمودرتوں کوئی ڈیڑھ سو ورھے مگروں احمد گجر نے اورنگ زیب دے سہ ”ہیر“ بینتاں وچ لکھی۔ ایہہ ہیر اورنگ زیب دے 34 ویں سن وچ جاں 1693ء وچ لکھی گئی جیویں احمد لکھدا اے:

”سن چار تے تہہ اورنگ شاہی کتھا ہیر تے رانجھے دی ہوئی پوری“

احمد کوی دے تیراں ورھیاں مگروں 1709ء بمطابق 1121ھ وچ ہیر رانجھے دا قصہ پنجابی دے شاعر چراغ دین اعوان نے رچیا۔ (2) چراغ اعوان دی ”ہیر“ توں مگروں حافظ شاہجہان مقبل نے ”ہیر“ لکھی (3)۔ مقبل نے محمد شاہ دے عہد وچ ”جنگ نامہ“ 1160ھ (4) وچ لکھیا۔ کوی نے ”ہیر“ جنگ نامے توں پہلوں لکھی۔ مقبل توں مگروں پنجابی زبان دے مہاں کوی سید وارث شاہ نے 1180ھ وچ ہیر دے قصے نوں امر کردتا۔ وارث توں بعد بہل نے 1190ھ وچ ہیر دا قصہ لکھیا۔ (5) بہل توں مگروں باگا قادری نے ایس قصے نوں نظمیا۔ وارث شاہ توں مگروں بوہت سارے شاعر ایںہویں صدی عیسوی وچ ایس قصے نوں لکھیا پر ”ہیر“ وارث شاہ موہرے کسے دادیوانہ جگیا۔

سکھی دور (1801ء تا 1850ء) وچ چار وڈے شاعر ایں حامد شاہ عباسی (1805ء) ہاشم شاہ، ویر سنگھ (1812ء) اُتے احمد یار مرالوی (1823ء) نے ایس قصے نوں نظمیا۔ سکھی دور دیاں رچیاں گکیاں ”ہیراں“ بارے گل کرن توں پہلاں لبہ دے تاریخی پچھو کڑ اُتے اک جہات پاوندے ہاں تاں جو اوس دور دے ادب دے مہاڑاں تے سوجھ تیکر اپڑیا جاسکے۔ اورنگ زیب عالمگیر دی وفات مگروں مغلیہ حکومت کمزور ہوندی چلی گئی۔ نادر شاہ افشار اُتے احمد شاہ ابدالی دے ہلیاں دے سٹے وچ مغل حکومت دیاں جڑھاں کھوکھلیاں ہو گکیاں۔ مغلاں اُتے سکھاں دا اٹ کھڑکا چراں توں شروع سی۔ پرہن سکھ پہلی واری حاکم بن کے سامنے آئے۔ سکھ سرداراں پنڈاں اُتے قصیاں اُتے تل مارنی شروع کردتی۔ ایہناں جھتیاں دے باراں دھڑے بن گئے، جیہناں نوں تاریخ وچ ”باراں مسلاں“ دے ناں نال یاد کیتا جاند اے۔ مسلاں دے سردار آپس وچ بانہہ بلی سن۔ سکر چکیہ مسل دے سردار مہان سنگھ دے مرن ویلے اوہدے پتر رنجیت سنگھ دی عمر باراں ورھے سی۔ اوس ویلے ریاست دا انتظام رنجیت سنگھ دی والدہ مائی ملوئن دے حوالے کیتا

گیا۔ رنجیت سنگھ دی سس سدا کو روی ریاستی معاملیاں دا انتظام کردی رہی۔ ستاراں ورھیاں دی عمر وچ رنجیت سنگھ نے حکومتی ذمے داری سنبھال لی۔ رنجیت سنگھ نے اپنی ماں اُتے اوہدے عاشق دیوان لکھپت رائے نوں قتل کروادتا۔ 1808ء وچ رنجیت سنگھ نے مہاراجہ دالقب اختیار کیتا۔ (6) رنجیت سنگھ نے شاہ زمان دیاں توپاں دریائے چناب چوں کڈھ کے گھلیاں اُتے زمان نے رنجیت سنگھ نوں لہور دا حاکم بنا دتا۔ رنجیت سنگھ لہور اُتے قبضہ کرن مگروں دن بدن ترقی کر دا گیا۔ اوڑک اوہدی حکومت دیاں سرحدیں کشمیر توں ملتان تیکر کھل گئیاں۔ مہاراجہ رنجیت سنگھ چٹا اُن پڑھ ہونداں وی بڑا سیانا سیاستدان سی۔ حکومت برطانیہ نال معاہدہ سلج کر کے اوہنے اپنی حکومت نوں مضبوط کیتا۔ مہاراجہ نے اک ٹکڑی فوج فرانسیسی اُتے اطالوی جرنیلاں دی نگرانی وچ تیار کیتی۔ ایہہ ای وجہ سی کہ مہاراجہ دی زندگی وچ انگریز حکومت نوں پنجاب ول ودھن دی جرت نہ ہوئی۔ سید عبداللطیف ”تاریخ پنجاب“ وچ لکھدے نیں:

”رنجیت سنگھ نے سکھوں کی سیاسی حالت کو نئے قالب میں ڈھالا تھا اور متعدد چھوٹی ریاستوں کو ایک سلطنت میں یکجا کیا۔ ہندوستان کی غالب حکومت کے ساتھ اس کے تعلقات انتہائی دوستانہ تھے۔ اگرچہ پہلے اُن کے متعلق اس کے دل میں کچھ وسوسے پیدا ہو گئے تھے۔ لیکن جب اُس نے اپنے مقام کو تسلیم کر لیا توں حکومت کے ساتھ نہایت دیانت داری سے معاہدہ کی پاسداری کی“۔ (7)

1839ء وچ رنجیت سنگھ دے مرن مگروں اوہدے پتریں کھڑک سنگھ، نونہال سنگھ، اُتے دیپ سنگھ نوں محلاتی سازشاں راہیں حکومتی ذمے داریاں دتیاں گئیاں اُتے اوہ قتل ہوندے گئے۔ رانی جنڈاں (چند کور) نے باغی فوج نوں سبق سکھاو لئی انگریز نال رل کے سازش بنائی اُتے سکھ فوج نوں تباہ کروادتا۔ سکھ فوج نے انگریزوں نال پنج لڑائیاں لڑیاں پر کامیابی نہ ہو سکی۔ چیلیا نوالی دی آخری لڑائی مگروں سکھ فوج مُک گئی۔ اُتے انگریز نے 29 مارچ 1849ء نوں پنجاب اُتے قبضہ کر لیا اُتے ایسٹ انڈیا کمپنی دے قبضے وچ پنجاب وی آ گیا۔ (8)

1801ء تا 1850ء دے سکھی دور دی سیاست دا مہاڑ سوانی دا سیاست وچ اگھڑواں کردار اے۔ مائی ملوان اُتے سدا کور نے رنجیت سنگھ دی تربیت کیتی۔ سدا کور باقاعدہ رنجیت سنگھ دی فوجی امداد کردی رہی۔ سید عبداللطیف لکھدے نیں:

”سدا کور کی عقلندی اور توانائی نے رنجیت سنگھ کے ابتدائی کارناموں میں حقیقی

طور پر اس کی بھرپور مدد کی۔“ (9)

رنجیت سنگھ دیاں رانیاں اُتے کنیراں بوہت ساریاں سن۔ پر مہاراجے دی
چہیتی معشوق موراں بوہت مشہور ہوئی۔ اوہدے بارے تارنخ مخزن پنجاب دے لکھاری دے
آکھن موجب:

”سلطنت پنجاب کی اس کے گھر میں تھی وہ رنجیت سنگھ کو سر دربار جو چاہتی
سخت و نرم کہہ دیتی تھی اور بخلاف بے مرضی اس کے جو چاہتی سو کرتی کسی اہل دربار کا یا رانہ تھا کہ
اس کی مرضی کے خلاف کوئی کام کر سکے۔“ (10)

سکھی دور دی سیاست وچ سوانیاں دا اہم کردار رہیا۔ مغلاں بیگم توں چند کور
تائیں سوانیاں مرداں دے برابر سیاست وچ حصہ لیندیاں نظر آوندیاں ہن۔

ہن اسیں سکھی دور دیاں رچیاں گئیاں ”ہیراں“ دا ویروا کردے ہاں۔ ہاشم
شاہ اُتے ویر سنگھ دیاں لکھیاں گئیاں ”ہیراں“ مکمل طور اُتے سانوں نہیں لہ سکیاں۔ اوہناں
دیاں ”ہیراں“ وچوں کجھ شعر لکھے نیں جیہناں توں اوہناں ”ہیراں“ دے اسلوب دا پتہ لگدا
اے۔ اتھے اسیں ترتیب وار اوہناں شاعراں دا ویروا دیندے آں۔

ہاشم شاہ

(1821ء.....1752ء) ہاشم شاہ پنجابی دے کلاسیکل شاعراں وچوں اک سرکڈھواں

ناں اے۔ اوہناں پنجابی زبان وچ ”سسی پنوں“، ”ہیرا رانجھا“، ”سوہنی مہینول“، ”شریں فرہاد“،
قصہ شاہ غزنوی“، دوہڑے، ڈیوڑھے ”لیلیٰ مجنوں“ اُتے سی حرفی لکھی اے۔ ہاشم شاہ دی شہرت
داوڈا کارن تاں قصہ ”سسی پنوں“ ای اے۔

ہاشم شاہ دا قصہ ”ہیرا رانجھا“ اے تیکر چھاپے نہیں چڑھیا۔ اوہناں دی رچی ”ہیر
رانجھا“ دا ذکر ”چشمہ حیات“ اُتے ”پنجاب دے ہیرے“ وچ وی ملدا اے۔ ”سی حرفی ہیرا رانجھا“
بارے ہر نام سنگھ شان ہوراں ”سسی پنوں“ وچ دس پائی اے۔ اوہ لکھدے نیں:

”کچھ دیاں کچھ دیاں اخیر کیول ہاشم دی ہی رچنا دی اک اجیہی ہتھ لکھت پراپت ہو گئی

جس وچ اوکت ”سی حرفی ہیر رانجھا“ وی شامل سی (11)

ہاشم شاہ نے قصہ ”ہیر رانجھا“ پنج سی حرفیاں شکل وچ لکھیا۔ سی حرفیاں دکھو وکھو کھ بھرو وچ
نیں۔ ہاشم شاہ نے ”ہیر رانجھا“ دا انجام سکھانت کیتا اے۔ راجے عدلی نے نیاں کیتا راجے عدلی
دی عدالت وچ ہیر دا بیان انج اے:

الف: آکھیا ہیر نوں ”دس ہیرے!

تیرا نال رانجھے کیہا ساک ہے جی؟“

ہیر آکھیا ”ساک نہ عاشقاں دے

میرا دین ایمان ایہہ چاک ہے جی“

”جھوٹھ بولنے تھیں کجھ نفع ناہیں

ہوای جاونا انت نوں خاک ہے جی

ہاشم آکھیا ہیر نے ”رب جانے

میرا کھیریاں تھوں پلاک ہے جی“

ہر نام سنگھ شان دے آکھن موجب: (12)

”جس دی اک اک سطر وچ کناں کجھ لکھیا پیا ہے۔ سُن دیاں ہی اوس نوں رانجھے دے

حوالے کردتا اتے کھیریاں نوں اپنے راہ پادتا“۔ (13)

ایسے ای ”سی حرفی“ دیاں دو ہورونگیاں پیٹھ دتیاں جاندیاں نیں:

ب بوہت حکایتاں چھوڑ کے میں

رنگ رس دی ہے تھوڑی بات جوڑی

قصہ بوہت بے درد دا کجھ ناہیں

درد وندی مار دی بات تھوڑی

ہاشم شاہ لوک جھوٹھ آکھے

رانجھے نال سہتی جھیرا پایا سی

(14)

ہاشم شاہ دی دوجی ”سی حرفی ہیرا نجھا“ لمی بحروچ اے۔ ایہدے کجھ نمونے ویکھو:

ف فال کتاب دی ویکھ میاں ! میرا چاک کدوں گھر آوندا ہے؟
 سُتے پئے نصیب اساڈڑے نوں مولا کدوں کو پھیر جگا وندا ہے؟
 مینوں تتری نوں لیکاں لکڑی نوں کس واسطے دُکھ سہا وندا ہے؟
 ہاشم شاہ پیارے نوں مہر ناہیں دُکھیا ریاں ڈھیر دُکھا وندا ہے؟

الف ا ج نصیب اساڈڑے نیں سوہنا یار میرے گھر آیا ہے
 دکھ سول پئے گھر دو تیاں دے رانجھا راج تے بھاگ لے آیا ہے
 سیو آن کے دیو مبارکاں فی میرے راو لے نے پھیرا پایا ہے
 ہاشم شاہ میاں حرف ہو ر پایا میرا سکدا چاء بُزایا ہے (15)

ظ ظلم کیتا اساں عاجزاں تے، کدے مہر کرو ایس جیوئے جی
 بھورا درد وی چاہیے آدمی نوں، مولوں سخت فولاد نہ تھیوئے جی
 نہیں دیو جواب شتاب سانوں، گھول زہر پیا لڑا پیوئے جی
 بناں پریت دے عمر خراب ہاشم، لکھ جُگ جے جگت تے جیوئے جی (16)
 ایہہ سی حرفی پٹھ لکھ بندناں مکدی اے:

ی یاریاں کرن آسان ناہیں، نال جوگ بیراگ سنیا سیاں دے
 کون لا بھجھوت ملنگ ہووے، دلاں گھائلاں نال اداسیاں دے
 آکھے لگ کے اسیں خراب ہوئے، ایہناں اکھیاں درس پیا سیاں دے
 ہاشم شاہ میاں ہن بہت ہوئی، چھڈ خیال رسیلیاں ہاسیاں دے (17)

اُتلے نمونیاں توں ہاشم شاہ دی ”سی حرفی ہیرا نجھا“ دے اسلوب دا پتہ لگدا اے۔

ہاشم شاہ دی مہانتا مونہوں بولدی اے۔ ہاشم شاہ دی تیجی ”سی حرفی“ دی اک ونگی ویکھو:

الف آجانی تیرا عشق میرا پیا جالدا جیا کباب وانگوں
 بھاویں آن کے ویکھ لے جوش لگے نینیں چو وندا نیر گلاب وانگوں

سینے وچ لکھایا نام تیرا پئی واچدی روز کتاب وانگوں
 ہاشم شاہ جو ساس آرام داسی یاد آوند اے کوئی خواب وانگوں (18)
 ہاشم شاہ نکلے ویروے اتے مختصر گل دادھنی اے۔ اوہدے دوہڑے اتے سسی پنجابی
 ادب دامان نیں۔ ایہہ سی حرفی وی بھاویں نامکمل اے پراوہد اُمڈ ہلا گن گل نوں گھٹ توں گھٹ
 لفظاں وچ بیاننا وی دکھالی دیندا اے۔ اوہ دمودر اتے وارث وانگوں گلے پہن سکا ون نہیں بہندا
 سوتر دی تردی گل کردا اے، جیہڑی جی دے من وچوں رُگ بھر لیندی اے۔

ویر سنگھ: (1812ء)

پنجابی ادب وچ کسے سکھ کوی دا ایہہ پہلا قصہ ہے۔ کوی نے ایہہ ہیر 1869 بکرمی
 (1812ء) وچ لکھی اتے 24 سال پچھوں (1836ء) وچ پٹیالہ شہر وچ لکھی گئی۔ جیویں کوی آپ
 دس پائی اے:

کتنھی اٹھاراں سے اُنہتر میں، لکھی آن ترانویں سال بھائی
 اسو دی کھت پی سُبھ وار منگل، لکھی شہر پٹیالے سدھائی بھائی (19)
 ایس قصے بارے جانکاری ڈاکٹر اجیر سنگھ ہوراں دتی ہے اوہ لکھدے نیں:
 ”ایہہ قصہ اے جے تک اُن پرکاشت اتے اُن گولیا ہی رہیا ہے ایس دی ہتھ لکھت کاپی
 ایس داسر لیکھ رانجھے ہیر دا پریم برن لکھیا ہویا ہے پر کوی ایس نوں لکھدا ہے۔“ (20)
 ویر سنگھ سہایتا کرے ست گر، قصہ جوڑیے رانجھے ہیر دا جی
 قصے دے شروع اتے انت وچ ویر سنگھ گورو گوہند سنگھ دی استت کیتی اے۔
 کوی تھاں تھاں گورو گوہند سنگھ نوں یاد کردا اے۔ کوی آکھدا اے:

میری بندنا گورو گوہند سنگھ نوں، جیتا مالک سرب سریر دا جی
 جان نال قربان گورو گوہند سنگھ اُتے، سانوں زور گوہند سنگھ پیر دا جی
 سدا آسرا گورو گوہند سنگھ دا، جیکوں میں نوں آسرا نیر دا جی (21)
 ویر سنگھ دی ہیر وارث شاہ دی ہیر توں متاثر ہو کے لکھی گئی اے۔ وارث دی ہیر وچ جتھے
 اسلامی رنگ اتے صوفی مت دا نظریہ سمجھا ون دا جتن کیتا اوہ ایس وچ نہیں اے۔ سگوں ویر سنگھ دی

ہیر، رانجھا جاں ملکی کہانی موجب تاں مسلمان تاں مسلمان نہیں پر اوہ رام دیاں سونہاں کھاندے
نیں۔ ڈاکٹر اجمیر سنگھ لکھدے نیں:

”کہانی انوسار نکاح اُتے شرع دا جھگڑا ہے پر کوی نے ساری پر بھاشک سنکیتا ولی
گورمت دی ورتی ہون کر کے ایہہ رچنا ہندو، سکھ، مسلماناں دے سبھیا چار دی سانجھ جیہی بن گئی
ہے۔ ایسے کر کے قصے آدوچ دسم گرنتھ دے ”چرتراپا کھیان“ دے انوسار ہیر اُتے رانجھے دا
متھاسک چھو کڑ دسیا ہے کوی رانجھے نوں اندر دا اوتار اُتے ہیر نوں مُنیکا دس دا ہے۔“ (22)

اندر اوتار رنجھیرا، ہیر مونیکا جان

ساپ بعد ہومن کلپ کا، کتھا آن کی آن (23)

ہیر رانجھا ویر سنگھ دیاں کجھ ونگیاں ویکھو:

ملکی آکھیا چاک دی رن ہو کے، کتھوں پہنیں گی والیاں نتھ کنڈی
کتھوں گھتسیں ہار جمیل چوڑا، کتھوں لہیں جھرو کے دی پون ٹھنڈی
دنیں رات لیٹے رانجھا ستھراں تے، کتھے لوں گی پلنگ نوار ٹھنڈی (24)

.....

رانجھا کو کداسی ہیر داناؤں لے کے، نعرے ماردا سنیا سی جگ میاں
جتھے ہیر رانجھا مل کھیڈ دے سی، رووے بوٹیاں گل لگ میاں
ہرے گھاہ تے رانجھا جے رکھے، لگے لکھاں نوں بھڑک کے اگ میاں (25)
رانجھا رام ہی رام پکاردا ہے کھلی بانہہ کو کے منصور وانگوں.....

مارے برہوں دے ہوش نہ رہی مولے، لگے پنڈے نوں ککھ کپور وانگوں
کھور دے کے ویر ویاہیا میں، رانجھا آکھدا الپ شہور وانگوں
ویر سنگھ، رنجھیٹے دے نین پورے، نیر پھور ہے لال سندور وانگوں (26)

جیویں ایس پہلاں لکھ آئے آں کہ اوہناں نے سکھ مت دی وچار دھارا اُتے گورو
گوبند دی تعریف نوں لیا وندا اے اُتے نکاح اُتے شرع دا جھیرا جھیرا یا اے، پر پھیر وی ویر

سنگھ کول قصے دے مڈھلے گن سہج سبھاوکھالی دیندے نیں۔

ہیر رانجھا۔ جوگ سنگھ (1882 بکرمی 1825ء)

ہیر جوگ سنگھ کبتاں دی دھارناں وچ لکھیا پنجابی دا پہلا قصہ کہیا جاسکدا اے۔ ایہہ 1873ء وچ چھاپے چڑھیا۔ اوس دے متن وچ قصہ لکھن دے سے ول کوئی اشارہ نہیں ملدا۔ ڈاکٹر اجمیر سنگھ لکھدے نیں:

”شمشیر سنگھ اشوک نے اپنے نسخے دے ادھار اُتے ایس دارچن کال 1882ء بکرمی (1825ء) نچت کیتا ہے۔“ (27)

کوی مڈھلے بند وچ شاردا دیوی دی تعریف کردا اے۔ کوی نے قصے دی اوہی جانی پچھانی کہانی بیان کیتی اے۔ ڈاکٹر اجمیر سنگھ دے آکھن موجب:

ایہہ قصہ لگھو آکار دی رچنا نہیں۔ ایہہ چارچن والے دو سو چھتر (276) پداں وچ ہے۔ ہیر جوگ سنگھ وچ ہیر دی کتھا دے متھاہاسک کچھ ول سنکیت کیتا گیا ہے۔ کوی انوسار کسے نے سادھ، سنت، رشی منی نوں دُکھا کے سکھ نہیں پایا۔ اندر اُتے مونیکا نے کپل منی دادل دکھایا مڈے ای اوہناں نے رانجھا اُتے ہیر بن کے کشت جھلے۔“ (28)

جوگ سنگھ آپ فقیر سی ایس لئی اوہ سادھ، سنت دی تعریف کردا اے۔

سورگ پتال مِرت کئے نہیں پایا سکھ
رکھی منی سدھ، سادھ، سنت نوں دُکھا کے
لنکا پتی راون رکھیسر دکھا سن
سوئی رن رام چند مار یار ساء کے
مونیکا تے مان دیور رانجھے نے دکھایا رکھ
جوگ سنگھ ہیر رانجھے ہوئے سوئی آء کے (29)

جوگ سنگھ انت وچ رانجھے نوں اندر بنا کے سنگھاسن اُتے بٹھاوند اے۔ رشی منی اوس دی پوجا کردے نیں۔ دیوتے اوس اُتے پھلاں دامینہہ ورھاوندے نیں۔ کوی ”ہیر“ دی اُساری وارث دی ”ہیر“ اُتے کیتی پر، انت وچ ہیر دی موت دا کارن تاپ نوں دسیا ہے۔ کوی نے ”ہیر ویر

سنگھ، توں وی لا بھ چکیا اے۔

ہن کجھ کلام دیاں ونگیاں ویکھو:

بنسری بجائی سیو رانجھے نے موہ لئی
زلف زنجیر والی پائیکے تے پھاس نی
جوگ سنگھ متا کتے ہیرے سہیلیاں نے
رانجھے نال کھیڈیئے بنائیکے راس نی



گیت گاؤں اپار وچ ہیر سردار
رانجھے بنسری بجائی راگ تان نوں سوار کے
جوگ سنگھ ماہی صفت کیتی چوچکے نے
مُری وجا ایہہ موہندا سنسار کے



سر چیرا نی گلابی بھنے نین نی شرابی
منگھوں بولیاں جھڑن پھل ہار لے بناوندی
پھرے لکیندا سوہنا، چت نوں جھریندا سیو
مُری آواز نی کلچرے نوں کھاوندی



دیکھ صورت تیری جمال ہیر ہوئی ہے نہال
دس ناؤں تے گراؤں کون دیس کون تل کے
کھ سوہنا شہاب، مینوں دے توں جواب
جوگ سنگھ پریم بن گئے تن سلھ کے (30)

حامد شاہ عباسی

حامد شاہ عباسی موضع چونہ پنڈ واقعہ پرگنہ پٹھان کوٹ ضلع گورداس پور دے رہن والے

سن۔ اوہناں دیاں لکھتاں ”جنگ نامہ حامد“ ”اخبار حامد“ ”ہیر حامد“ مشہور نیں۔ ایہناں توں چھٹ حامد دیاں ہور لکھتاں وچ ”گلزار حامد“ ”تفسیر حامد“ ”فقیر نامہ حامد“ ”احکام الصلوٰۃ“ وی شامل نیں۔ حامد شاہ دا جنم 1161 ہجری وچ ہویا۔ کیوں جے اوس دے اپنے قول موجب جنگ نامے دے شروع کرن ویلے اوس دی عمر ویہہ ورھے اُتے ختم کرن ویلے تریہہ ورھے سی اُتے ”جنگ نامہ“ 1191ھ وچ دس ورھیاں دی محنت دے بعد پورا ہویا۔

کیتا سی ایہہ شروع جاں عمر آہی سی ویہہ
کیتا جدوں تمام سی عمر آہی سی تریہہ
دساں برساں وچ آکھیا قصہ جوڑ تمام
آہا سن اکانوے اک سو اک ہزار
ہجرت بعد رسول دے جدن تھیا تیار (31)

حامد دا ”جنگ نامہ“ تاں مشہور سی پر 1908ء وچ اوس کوی دی ہیر وی چھپی جس نوں میاں امام الدین سنیا رے بٹالے والے حامد دے وارثاں کولوں خرید کے چھپوایا۔ حامد شاہ عباسی نے 1220ھ (1805ء) وچ ایہہ قصہ مکایا۔ جدوں رنجیت سنگھ لہور دے تخت اُتے سی۔ حامد شاہ عباسی لکھدے نیں:

سن باراں سو ویہہ سی خاص ہجری اُتے جانو ویروار میاں
رجب ستویں جاں تاریخ آہی پورن کتھا جان ہوئی کار میاں
سمت جان باٹھ اٹھارہ سینکڑے سا مگھر ماہ سورج دی کار میاں
انی جان پریشی دی مانگھ دی جیوں لگا کتھا دا رنگ بہار میاں (32)
حامد نے ستر ورھے دی عمر وچ ایہہ قصہ لکھیا حامد لکھدا اے:

حامد عمر ستر کدے نہ ایہہ ڈٹھا ایہو کہے چلے مہیں نال میاں
ایس ہیر حامد اُتے احمد ہیر، احمد یار مرالوی دا ٹکراواں تول اگے جا کے کراں گے۔

احمد یار مرالوی

احمد یار مرالوی 1768ء نوں ضلع گجرات دے اک پنڈ وچ پیدا ہوئے۔ ڈاکٹر شہباز

ملک ہو ریں لکھدے نیں:

”شاہنامہ رنجیت سنگھ 1838ء وچ شروع کیتا او دوں عمر ستر (70) ورھے سی۔ ایس

حساب نال 1768ء تارخ پیدائش بن دی اے۔“ (33)

احمد یار مرالوی ہوراں ستر سال دی عمر وچ 1845ء نوں وفات پائی۔ (34) احمد یار مرالوی ہوراں دیاں لکھتاں وچ قصہ ہیر رانجھا، سسی پنوں، لیلی مجنوں، سوہنی مہنوال، کام روپ و کام لٹ، چندر بدن، راج بی بی، سیف الملوک، قصہ حاتم، تفسیر سورۃ یوسف، طب احمد یار، قصہ تیتڑ، قصہ تمیم انصاری، حضرت محمد ﷺ صاحب کا تولد نامہ، وفات نامہ، جنگ بدر، جنگ اُحد، جنگ خندق مشہور نیں۔ احمد یار مرالوی ہوراں ”شاہنامہ رنجیت سنگھ“ وی لکھیا۔ ارجن داس لکھدے نیں:

”اُن کی علمی لیاقت کا شہرہ سن کر 1840ء میں جب آپ کی عمر ستر سال سے متجاوز تھی مہاراجہ گلاب سنگھ نے دربار لاہور میں طلب فرما کر آپ کو تارخ خالصہ شاہنامہ لکھنے کا ارشاد فرمایا۔“ (35)

احمد یار مرالوی ہوراں ”قصہ ہیر رانجھا“ تقریباً 1818ء نوں لکھیا۔ (36) ایہہ قصہ 1928ء وچ لہور وں چھپیا۔ اتھے اسیں ”ہیر حامد شاہ“ اُتے ”ہیر رانجھا“ احمد یار مرالوی دا لکراواں تول کردے ہاں۔

حامد شاہ عباسی ہوراں ”ہیر“ دا قصہ 1805ء وچ لکھیا، اُتے 1908ء وچ پہلی وار چھاپے چڑھیا۔ احمد یار مرالوی ہوراں قصہ ”ہیر رانجھا“ 1818ء وچ حامد عباسی توں تیراں ورھے مگروں لکھیا۔ ایہہ قصہ 1928ء وچ چھپیا۔ حامد شاہ عباسی ہوراں قصہ دامدھ ریت موجب حمد یہ اُتے نعتیہ شعراں توں بدھا۔ اوس توں مگروں خلفائے راشدین اُتے پیر پیراں محی الدین دی مدح وچ شعر لکھے۔ پھیر عشق حقیقی دی اہمیت بارے شعر لکھے اُتے فلسفہ وحدت الوجود نوں سوہنے ڈھنگ نال بیان کیتا۔ حامد عباسی لکھدے نیں:

اول عشق مراتبے خبر نہ سی جدوں اپنی وچ ہاہوت میاں
عشق ہو یا تاں اپنا آپ لدھا اندر خاص مکان لاہوت میاں
بند بند وجود دی عشق جانے وچ پاک مقام جبروت میاں
حامد عشق بنیاد ملکوت رکھے پیا لذتی عشق ناسوت میاں

آپے عشق ہو یا آپے جان عاشق آپے خاص معشوق مطلوب ہو یا
عاشق پاک ہو آپ معشوق کیتا احمد نام جو خاص محبوب ہو یا
آدم نوح خلیل تے جان موسیٰ کتے زکریا کتے ایوب ہو یا
سلیمان کتے ہے داؤد یوسف حامد کتے یونس تے یعقوب ہو یا (37)

حامد ہوراں اپنے مکھ بند وچ کجھ ہیر لکھاریاں دا ذکر کیتا اے۔ اُتے دسیا اے جے
میں مقبل گورداس اُتے احمد شاہ دیاں کتاباں ویکھ کے اپنی کتاب دی نینہہ رکھی سی۔ حامد عباسی
لکھدے نیں:

چاول اپنے منگ کے مقبلے توں لون احمدے دا وچ پاوساں میں
گھيو ہٹ گرداس دا وچ پاواں کچھڑی جوڑ کے دیگ رنھاوساں میں (38)

حامد نے ہیر رانجھے دے قصے دی تصنیف بارے اک بوہت سوادہی گل بیان کیتی
اے۔ جس توں اوہناں ساریاں گلاں دا پتا چلد اے۔ جیہناں حامد نوں ایس قصے دے لکھن اُتے
مجبور کیتا۔ جیویں اوہ لکھدا اے:

مینوں ضد مڈھوں رانجھے ہیر دی سی نت بولدا بری زبان میاں
جٹی جٹ لے گیا ادھال سی جی، مندے کرم سی وچ جہان میاں (39)

حامد لکھدا اے کہ ایس قصے دے خلاف کرو دھ جدوں حدوں ودھ گیا تاں اوڑک
1840 بکرمی وچ اک دیہاڑے گھروں نکل کے موضع ”سکارہ“ دے ارادے نال ”نور پور راج“
توں اگے ودھیا جاندا سی۔ عشاء دا ویلا سی چاننی رات سی، میں کلم کلا جاندا پیا ساں جے ”درہ
بوہلاں“ دے کول بجلی وانگن کجھ لشکار پیا اُتے ایہہ آواز سن کے تر بھک اُٹھیا:

نت چبھ تلوار چلا وندا اے، سانوں دین گالھیں لیہدی کار جانوں
بھلے بُرے دارب نیاؤں کرسی کبھی نال ساڈے ایس خار جانوں (40)

ایہہ سن کے مینوں بڑے ہول پئے اوڑک ہمت کر کے اگے ودھیا اُتے بولن والے دا
پتہ تھوہ پُچھیا۔ جواب وچ دو آوازاں آئیاں اک نے کہیا ”میں ہیر“ اُتے دوجی نے کہیا ”میں
رانجھا“ ہاں۔ اوس دن توں مینوں پک ہو گیا کہ ”ہیر اُتے رانجھا“ دونویں نیک پاک اُتے پھنچے
ہوئے سن۔ اُتے میری غلطی سی جے میں اج تائیں اوہناں نوں بُرا کہند ارہیا۔

اوسے روز توں دل میرے شوق پیا، ایس کتھا دا تدوں ارنہ چایا
 سن بارہاں سو دوسی جان پورا جدوں ایہہ قصہ ڈھوں لکھن لایا (41)
 احمد یارمرالوی ہوراں ”قصہ ہیر رانجھا“ دا آغاز وی حمدیہ شعراں توں کیتا اتے فلسفہ
 وحدت الوجود نوں بیان کیتا۔ اوہ لکھدے نیں:

وحدت دے دریا دیاں موجاں کیتا شور کارا
 کن آواز کانگے تھیں اٹھیا کیتوس راز پسارا
 زمیاں اسماناں وچ چڑھیا دینہہ چن دا چمکارا
 تاں فیکون کہیو سو جاں ہویا ظاہر عالم سارا
 اکسے واجب دیوں وجودوں موجودات اوپائی
 تاں احمد بی میم ہوراں نے آن دتی دکھائی
 عاشق تھیں معشوق دکھائی ہوئی وچ لوکائی
 دھرت فلک وچ احمد یارچمک گئی روشنائی (42)

احمد یارمرالوی ہوراں قصہ داپلاٹ اتے کہانی وارث شاہ دی بیان کیتی اے۔
 حامد عباسی ہوراں قصہ دے شروع وچ ای رانجھے نوں حقیقی عاشق، کراماتی فقیر دسیا
 اے اتے اوسے خیال نوں ای توڑ نبھایا اے۔ رانجھا سہتی دی مدد نال ہیر نوں ملیا۔ سہتی دا پیار مراد
 بلوچ نال سی۔ رانجھے نے کرامات نال اوس نوں سد بلایا۔ اوہ تاں سہتی نوں ڈاچی اتے بٹھا کے تیر
 ہویا پر ہیر اتے رانجھا راہ وچ ناہراں دے پنڈ کول پھڑے گئے۔ ناہراں اتے کھیڑیاں دی لڑائی
 ہوئی۔ چھوپیاں چلیاں، لہوڈ لھے انت نوں اک سید پیر رولا مکایا اتے دوہاں نوں کوٹ قبولے
 انصاف کرن لئی اپڑایا۔ راجے ابوالفتح دے مقدمہ پیش ہویا جس ہیر کھیڑیاں نوں دوائی۔ پھیر
 رانجھے دی بددعا نال کوٹ قبولے دے شہر نوں اگ لگی۔ راجے نے پھیر کھیڑے منگوائے اتے ہیر
 رانجھے نوں دوا کے انصاف کرایا۔ اگ بجھ گئی۔ سارے ٹھنڈ پے گئی۔ ہیر اتے رانجھا عشق مجازی
 توں پرے لنگھ گئے سن۔ کوئی اٹھوارا دیوان گرداس دے گھر رہے۔ پھیر شہروں ٹر گئے، کوک و دیا
 کرن گئے پر کجھ دور جا کے دونویں غائب ہو گئے۔ پھیر شاعر ہیر رانجھے نوں جھنگ اپڑاند اے۔
 اتے چوچک دے گھر جاندے نیں پر ہن دونویں عشق حقیقی وچ مست۔ ہیر نوں ہیر کر کے بلاؤ

اُتے بولدی نہیں۔ رانجھا رانجھے داناں نہیں پچھاندا۔ ہیر رانجھے دے ناں اُتے رانجھا ہیر دے ناں
توں بولد اے۔ شاعر لکھدا اے:

اک دوئے دے وچ دھیان لایا آپس وچ تصویریں جیوں دوئے
محو ہویا اک دے وچ دوجا ہیر رانجھے نے اپنے آپ کھوئے
رانجھا ہیر ہویا، ہیر بنی رانجھا خودی دور کر دوئی توں ہتھ دھوئے
کامل عشق حقانی دے وچ دونویں واصل ذات الہی دی ذات ہوئے (43)

ایسے مستی وچ دونویں سریر تیاگ دیندے نیں اوہناں دی قبر بن جاندی اے۔ پھر
چراں پچھوں مکے دے راہ وچ حاجی دوہاں نوں اک بوری مجھ دے نال ویکھدے نیں۔ ایہہ
حاجیاں نوں مکے داراہ دسدے نیں اُتے لنگر کھواوندے نیں۔ اک حاجی دے ہتھ جھنگ مایاں
نوں سیہنا گلدی اے کہ میرے روضے دا بوہا جیہڑا کھیڑیاں دے پاسے ہے بند کر دیو کیوں جو
اودھروں دوزخ دی واء آوندی اے۔ انج ایس قصے دا انجام ہوند اے۔ کوی لکھدا اے:

دفن ہیر رانجھا کیستے وچ قبریں جدوں گزریا سی اک سال بھائی
جعفر نام بھائی اک چوچکے داست نال سی ہور سیال بھائی
گئے حج نوں سی جدوں پھرے گھر نوں منزل اک پچھانہ چال بھائی
رانجھا ہیر تے بوری مجھ تنے مکے ول جاندے خوش حال بھائی (44)

مولوی احمد یار مرالوی ہوراں قصے دا انت دکھانت کیتا اے۔ احمد یار مرالوی ہوراں
نری وارث دی کہانی بیان کیتی اے رانجھا سہتی دی مدد نال ہیر نوں کھسکا وندا اے۔ سہتی نوں
کرامت راہیں مراد بلوچ مل جاند اے۔ رانجھا ہیر نوں لے کے اپنی راہ پیندا اے۔ دن نوں
کھیڑیاں دی واہر چڑھدی اے۔ رانجھا راہ وچ سوں جاند اے۔ ہیر ترے کردی اے پر رانجھا
بے فکر اہو کے سوں جاند اے۔ کوی لکھدا اے:

بیلی سونے دا نہیں ویلا کنگ نو نیزے دھانی
احمد یار قضا نہیں ہوندی لکھی قلم ربانی (45)

سر ہیرے دی جھنوں اُتے دھر رانجھا سو جاندا
 وس چلدے منتاں کر تھکی حکم نہ موڑیا جاندا
 گھوک ستا اک گھڑی ہوئی تے کھڑک آیا کٹکاندا
 کھیڑے آن ستے نوں پھر دے جاگ آئی پچھوں تاندا (46)

کھیڑے ہیر اُتے رانجھے نوں پھر لیندے نیں۔ جوگی رولا پاوند اے اُتے لوک اکٹھے
 ہو جاندا نیں۔ راجے دے ملازماں نوں خبر ہوندى اے اُتے اوہ پھر کے راجے دے دربار وچ
 پیش کر دیندے نیں۔ راجے نے شریعت دی روح نال ہیر کھیڑیاں نوں دے دتی۔ رانجھے نے بد
 دعا دتی راجے دے شہر نوں اگ لگ گئی۔ راجے نے وجہ پچھی اُتے اوہوں دسیا گیا کہ جوگی نال نا
 انصافی ہوئی۔ راجے نے ہیر کھوہ کے جوگی نوں دتی اُتے شہر دی اگ بجھ گئی۔ ہیر آکھیا ہن
 ہزارے نہ لے جالوک آکھن گے ادھالا کر لیا۔ ایس لئی مینوں جھنگ چھڈ دے اُتے جنج بنا کے لیا۔
 رانجھا من گیا۔ سیالاں ہیر نوں زہر دے دتی۔ کوئی لکھدا اے:

ایہدے خوشی رانجھے دے دل وچ کیتی کاج تیاری

اودے ہیر سیال سیالاں موہرا دے کے ماری (47)

رانجھے نوں ہیر دے مرن دی خبر پہنچی اُتے رانجھا وی مر گیا:

خط پوہتا جاں سُنیا رانجھے ماری آہ قہر دی

وانگ فرہاد ہوا ہوئی دھس گئی سانگ زہر دی (48)

رانجھے نوں فرشتے چک کے جھنگ لے جاندا نیں اُتے ہیر دی قبر دے برابر دوجی
 رانجھے دی قبر بن جاندى اے۔ اخیر اُتے کوئی نے اک کتاب وچوں حاجیاں دے مکے جان دا
 واقعہ اُتے راہ وچ ہیر رانجھے نال ملاقات ہوون دی دس پائی، اُتے حضرت شاہ رکن عالم نوری
 ہوراں وی ہیر نال ملاقات دی دعا کیتی اُتے اوہناں دی دعا قبول ہوئی۔ اک دن شاہ رکن عالم
 نماز پڑھدے پئے سن نہر دے کنارے اوہناں دے اگوں اک گوی لنگھی۔ اوہناں نماز توں فارغ
 ہو کے پچھیا تُوں میرے اگوں کیوں لنگھی۔ اوس آکھیا جے تہاڈا دھیان خدا ول ہوندا تاں تسیں
 مینوں نہ ویکھدے۔ اک دن میں ساگ چیر دی پئی ساں اُتے میرا ماہی مینوں دس پیا اُتے داتر
 نال میرا پونا وڈیا گیا۔ اوس ویلے توں میری جند جان رانجھے وچ اے۔ جے تُوں مست الست

عاشق ہوندوں تاں میرے اگوں لنگھن دا پتہ وی نہ لگدا۔ شاہ رکن عالم ہیر دی ایہہ گل سن کے
بوہت متاثر ہوئے اُتے ہیر رانجھے دے عشق دے قائل ہو گئے۔ اخیر اُتے احمد یار مرالوی ہوراں
وارث شاہ جنڈیالے والے دی بوہت تعریف کیتی، لکھدے نیں:

وارث شاہ جنڈیالے والے واہ واہ ہیر بنائی
میں بی ریس او سے دی کر کے لکھی توڑ نبھائی
جوا نکل مضمون بنھن دی اُس سو میں نہیں کائی
وڈا تعجب آوے یارو ویکھ اُس دی وڈیائی (49)

ہیر ریت دے شاعراں وچوں حامد شاہ عباسی ہوراں دمودر دی کہانی توں لا بھ چکيا
اے اُتے اوہناں دے پاتر اُتے کہانی حیران کن حد تائیں ملدے نیں۔

رانجھے دے بھرا طاہر خاں، جیون خاں، ظاہر خاں، دھید و دی کڑ مائی دولت خاں وڈا نچ دے
گھر ہوئی۔ ہیر دے وڈے ویر پٹھان، خان اُتے سلطان، ہیر دا کھسم شہداد، ہیر دا سوہرا عالی خان اُتے
کوٹ قبو لے داراجہ ابوالفتح خان۔ کوی نے ہیر دا کردار بڑا جاندار وکھایا اے، اُتے سانبھ دیس دے ظالم
راجے طور خان نال ہیر دی لڑائی وکھائی اے۔ سانبھ دیس داراجہ طور بڑا ظالم سی کوی لکھدا اے:

ڈردا کوئی نہ کھا وندا وچ ویرھے اُتے کدے پوشاک نہ مول دھوتی
ڈردے ناؤں نہ کسے دا مول ہیرا حالی اُتے دھنوں ہور لال موتی
راجہ بنھ لئے ناہیں ناؤں سن کے اندر لئے غریباں دا نہ سوتی
گھوڑا، اوٹھ، مہیں، گائیں، نہ چھڈے ویکھ لئے کمہاراں دی کھوہ کھوتی (50)

طورے خاں نے اک وڈا سوہنا بیڑا بنوایا سی۔ اوس اُتے لڈن ملاج نوکر سی اے راجہ
بیڑے وچ چڑھیا وی نہیں سی کہ لڈن نے لاچ وچ آکے کسے ہور نوں اوس دی سیر کرائی۔ طورے
نوں پتہ لگا۔ اوہ لڈن نوں مروانا چاہندا سی پر لڈن نوں پتہ لگ گیا اُتے اوس نے اک رات
بیڑے نوں ادھ دریا وچ لے جا کے روڑھ دتا۔ جد بیڑا جھنگ کولوں لنگھیا تاں ہیر نے پھڑکے بنھ
کھلاریا۔ اوس پاروں خاں نے اپنی گھلیا تاں سیال نہ منیا۔ انت طور خاں اپنے سپاہی لے کے
آ گیا کہ بیڑا کھوہ کے لئے جائے۔ اگے ہیر نوں خبر مل گئی۔ اوہ وی تیار سی، اوس بیڑا ادھ دریا وچ جا
کھلاریا۔ خوب گھمسان دی جنگ ہوئی۔ دوہاں پاسے لاشاں ڈگیاں۔ طورے دے اسی موئے

اُتے پھڑاں دا پتہ نہیں۔ ہیر دیاں اکی گڑیاں مویاں اُتے ترہہ پھڑ ہو پیاں۔ ہیر کیہ سی، فوج دی سردار سی جد طورے دی فوج ہیر دیاں سہیلیاں دے ساہمنے آؤندی اے تاں کوی لفظی مقابلہ کر کے مرداں دا محول اُڈاؤندا اے:

اوتھے چوڑیاں دی چھنکار میاں	اوتھے ذرہ سنجو جھنکار سی جی
اوتھے ہار آیا گل سار بھائی	اوتھے لٹک دی گلیں تلوار سی جی
اوتھے چشم نگاہ دی مار میاں	اوتھے کمر دے وچ کٹار سی جی
اوتھے حسن دے باغ بہار بھائی	اوتھے عاشقاں نوں انت ہار سی جی
ایدھر جگنیاں دا ابھان سی جی	اودھر دلاں اندر نری تان میاں
ایدھر ہس کڑیاں نک نتھ سی جی	اودھر چکراں دی چوکی شان میاں
ایدھر پلک تے بھواں کمان بدھے	اودھر لکدے تیر کمان میاں
ایدھر زلف نچی ہتھ حسن دے سی	اودھر عشق کمند سیان میاں (51)

اُتے کتھا دی سوہنی بولی اے:

ایس توں وکھ کوی نے سہتی نوں چنگے رنگ وچ نہیں دکھایا۔ سہتی عالی خاں دی رنڈی دھی سی کوی ایس دی بد معاشی ول اشارہ کرا دے۔ سہتی چھند بکت دی سی۔ ایسے کر کے رامو باہمن دے گھر آؤندی سی رامو وی شاعر سی۔ رانجھا کھیریاں توں ڈردارامو کول رہیا۔ اوہدی سہتی نال صلح ہوئی۔ اُتے سہتی دی مدد نال ہیر نوں ملیا۔ سہتی دا پیار مراد بلوچ نال سی۔ رانجھے نے کرامات نال اوس نوں سد بلایا اُتے اوہ سہتی نوں ڈاچی اُتے بٹھا کے تتر ہو گیا۔ سہتی بارے کوی لکھدا اے:

رامو باہمنے دے سہتی کدے کدے آئے بہندی سی سماں پائیے جی
 سن دی بوہت بکت تے دوہڑے سی رس رنگ بھرے دلوں لائیے جی
 پھر دی آپ سناؤندی شوق دل دا بھا کھا سوہنی آپ بنائیے جی
 ہس کھیڈ کے جیو پر چا سہتی جاندی گھر اپنے تائیں دھائیے جی (52)

ہیر اُتے سہتی دے کردار اں توں چھٹ کوی نے باقی کردار روایتی انداز وچ ای اُلکیے نیں۔ احمد یار مرالوی ہوراں کہانی ای ساری وارث شاہ والی بیان کیتی اُتے کردار وی سارے وارث دے کردار اں اُتے اُسارے اُتے لفظالی وی نری وارث شاہ دی بیان کیتی۔ ہیر اُتے رانجھا دریا

اُتے اکٹھے ہوندے نیں۔ ونگی ویکھو:

ایدوں ہیرندی تے جاندی لیکے ڈارسیاں دا
اودوں رانجھا مجھیں ڈھو کے کدھی آن بہاندا
کڑیاں نہاؤن جاں وچ نالے رانجھاوی وڑ جاندا
کوئی مار بی لنگ پھڑ دی اپنا آپ گھوساندا
کوئی بنے مچھی کوئی کومہاں بلھن ویکھ ہٹاندا
اک نسل پے مردے تاری آوے چلی اگھاندا
احمد یار سنسار رانجھا ہیرے نوں جا پاندا (53)

احمد یار مرالوی ہوراں سارے کردار سگوس وارش والے ای اُلیکے ہن۔ احمد یار
مرالوی ہوراں وارث اُتے سبھتوں پہلاں چوٹ لکھی:

وارث شاہ سخن دا وارث کتوں نہ ہٹکيا ولیا
پر مزاہی چکی وانگوں اُس نکا موٹا دلیا
اخیر زور لا کے ویکھ لیا اُتے منایا۔

وارث شاہ جنڈیا لے والے واہ واہ ہیر بنائی
میں بھی رپس او سے دی کر کے لکھی توڑ نبھائی

احمد یار مرالوی ہوراں رپس تاں وارث دی کیتی۔ کرداراں دی اُساری وی وارث
دے کرداراں اُتے کیتی سگوس لفظالی وی وارث دی ہی ورتی پر بوڑھ تھلے رُکھتاں نہیں اُگدے۔
ہیر حامد شاہ دے قصے دا پلاٹ دمودر اُتے احمد والا ہے۔ ہیر اُتے طورے خاں دی
لڑائی دا واقعہ گورداس توں لیا اُتے بحر قبل دی ورتی سگوس مقبل دے سگوس شعروی سستے سبھا حامد نے
لے لئے۔ ونگی ویکھو:

کہیا بھابیاں پیاریا جاناہیں منت دار تیرے اگے ہونیاں ہاں
تیرے مکھوں گلاب دے پھل کردے اسیں گند کے ہار پرونیاں ہاں
تیرے نام توں رانجھیا لکھ واری گھول گھتیاں جوگناں ہونیاں ہاں
اساں جیو جامہ تیرے پیش کیتا حکم کریں سومن کھلونیاں ہاں (54)

ہیرمقبل دا بند ویکھو:

کیہا بھایاں رانجھیا چھوڑ ناہیں تیری تھاؤں اسیں ہل جونیاں ہاں
تیرے مکھ بولیندیاں پھل کر دے اسیں گند کے ہار پرونیاں ہاں
کل جیو جامہ تیرے پیش کیتا حکم کریں سومن کھلونیاں ہاں
تیرے نام توں مقبلا لکھ واری گھول گھتیاں چو کھنے جونیاں ہاں (55)

حامد شاہ نے قصہ بینتاں وچ لکھیا۔ پر کدھرے کدھرے دوہڑے وی دتے نیں۔
جتھے نواں حال شروع کیتا اک دوہڑا وی دے دتا۔ ایہہ پرانی بھاکھا دا طریقہ اے۔ اُتے ایہہ کوتا
دے رنگ نوں دونا چکاوند اے۔ مقبل اُتے وارث وانگر عنوان فارسی وچ دیوان دی تھاں عنوان
دوہڑیاں دی شکل وچ ورتے نیں اک دوہڑے دی ونکی ویکھو:

عشق شہنشاہ جانیوں اندر دوہاں جہان
عرش تائیں تا فرش تک غالب عشق سیہان
در در منگدے بھکھیا ہن راجے تے سلطان
حامد عشقے باجھ جو ہیگا اوہ حیوان (56)

انج تاں ساری کوتا ہیر دے قصے دی اُچے درجے دی اے پر دوہڑے تاں خاص کر
رس دے بھرے ہوئے ہن اُتے بیتاں نالوں اُچیری تھاں رکھ دے نیں۔ کوی پچھلی عمروچ عشق دا
بھیت جاتا اُتے سارے قصے وچ عشق مجازی نوں عشق حقیقی وچ پلنا دین دی کوشش کیتی۔ صوفیانہ
خیال جاں عشق دی فلاسفی دوہڑیاں وچ بھردتی۔ کجھ دوہڑے ویکھو:

جس نوں مزا عشق دا، اُس نوں کھان کیہ آکھ
سویں نہ راتیں نیند وچ، دے مصیبت لاکھ
نہ ہسدا نہ روند، سروچ پاوے راکھ
حامد عشق حقیقی، پکے ویلیں داکھ (57)

.....
علموں باجھ عبادت ناہیں، مردانا گجھ کھٹ
بے ایمان مرے گا جاہل، یا دیوانہ خالی ہتھ

اُن نہ کو لے ہووندے، سن نہ ہووے سپ

علمے باجھ فقیری حامد، جانیں چوڑ چپٹ (58)

حامد عباسی ہوراں وارث شاہ وانگوں ”ہیر“ نوں تمثیلی رنگ دتا اے پروارث نے تمثیل
انت اُتے سنائی۔ حامد ہوراں تمثیل شروع وچ ای بیان کردتی لکھدے نیں:

رانجھا روح تے ہیر ہے عقل کلی عاشق پاک معشوق سیہان میاں
عقل کلی عاشق نت روح دا ہے تَس نوں نہ ہوو دھیان میاں
ایسے تمثیل وچ اگے لکھدے نیں:

پنچ پیر حواس پنچ ظاہری نے اُتے باطنی پنچ حواس جانی
مدد روح دے نال ہین ایہہ کردے اُتے بخششاں نال قیاس جانی
کیدو لنگا ہے وہم شیطان جانو تابع روح دے عقل دا مول ناہیں
رات دینہہ وسواس ہے کم جس دا مجلس روح دی کرے قبول ناہیں (59)

حامد شاہ عباسی دا دور سیاسی اُتے سماجی طور اُتے افراتفری دا دور سی۔ رنجیت سنگھ دی
شاہی توں پہلوں پنجاب وچ سکھاں دیاں باراں مسلاں قائم ہو گئیاں سن گھر و گھری نویں سرکار
سی۔ راجے رعیت نوں لٹ دے پئے سی۔ کوی نے اوس عہد دی سیاسی سماجی حالت دا نقشہ خوب
کھچیا ہے۔ ظالم دی بدنیتی اُتے ظالم دی حد اُلکی۔ کوی دی سیاسی سوجھ داوی اندازہ ہوند اے۔

طورے دیس تاں لٹ خراب کیتا پائی ملک دے وچ سی آپ لوئی
کسے پاس ہتھیار نہ رہیا مولے کسے ہتھ نہ آوندی نظر سوئی
تیزوں لئی لنگوئی تے سروں ٹوپی ڈر دانہ پکڑے کوئی ہتھ روئی
کدوں فتح پائی ایہا کسے رعیت نال ہووے جس دی نیت کھوئی
رعیت پر جانوں ہین گے راجیاں دے رعیت راجے دی ہے وڈی شان میاں
رعیت راجیاں دی آبرو ہیگی رعیت راج دا ہے وڈا تان میاں
رعیت خاص سپاہ ہے راجیاں دی رعیت راجیاں دا وڈا تان میاں
پراپنی کھو ہندا لٹ رعیت شامت پہنچ دی اے جیہدی آن میاں (60)

حامد نے قصوج خالص پنجابی محاورہ ورتیا اُتے چال صاف اے حامد شاہ گڑ داس پور دے جم

پل سن ایس لئی اوہناں دے قصے وچ ماجھے، دوآبے دالہجہ خاص جھلکاں ماردا اے۔ سوانیاں دالہجہ اُتے بالکل دوآبناں دالہجہ معلوم ہوندا اے۔ رانجھے نوں بھابھیاں نے بے حال پئے نوں ویکھیا تاں بولیا:

”ہائے ہا! میتھے پیارے کیہ ہو یا؟ اک آکھدی رنگ سہیلڑے نوں
 ”جوکھن جانییاں کیہ ہوئی آباب تیری“ دوجی آکھدی گرب گہیلڑے نوں
 ”گھمھی جانی ہاں تیرے کھرے دیدن کچھے“ رانجھنے اوس البیلڑے نوں
 ”جدوں پکڑ بھورڑا گیا باہر، پچھوتا وندیاں نے اوس ویلڑے نوں (61)

احمد یار مرالوی ہوراں ”قصہ ہیر رانجھا“ وچ دوہڑے وچ دا چھند ورتیا اے۔ قصے دا مضمون وارث شاہ والا اے اُتے کوتا وچ ٹھیٹھ پنجابی ورتی اے۔ اوس عہد دے زمینداراں دی معاشرت دی سوہنی تصویر کھچی اے۔ مولوی ہوراں مبالغے توں کم نہیں لیا سگوں ایس نوں لفظاں دی بندش نال پورا کیتا اے۔ جیویں رانجھے دی تعریف کردیاں آکھدے نیں:

کنیں بندے پٹا گل لنگی بودیاں دھو چھنڈ کائیاں
 رانجھا رانجھا کردی احمد یار امو نہہ سکدا بھر جائیاں
 شام رسیلا روپ رانجھے دا سر جھنڈ بھنھیلیا
 خونی نین سیلے سُر میلے لعل لبیاں دی لالی
 ہتھیں کنگن گل وچ ہسی مونڈھے لوئی کالی
 احمد یار سنہری مرلی کھونڈی شاماں والی (62)

احمد یار مرالوی ہوراں اپنی کوتا وچ خوبصورت تشبیہاں اُتے رمزاں ورتیاں نیں جیہناں پاروں کوتا دا اثر ودھ گیا ہے۔ کوی ہیر دی تعریف کردیاں لکھدا اے:

مُونہ مہتاب شکار حسن دا پھسیا زلف کندل وچ
 قطرہ شبنم دا گل اُتے کنیں موتی گل وچ
 زلفاں خم درخم رخ اُتے لپٹے نانگ صندل وچ
 نہ کوئی حور پری سرجی اُسدی ڈول شکل وچ
 وینیاں ویل سواریاں کسبی کنگن پٹھی دل وچ
 احمد یار سونے دی پتلی آئی کسے اول وچ (63)

ہیر دے جُسے دی تعریف وی رمزیاں اُتے سینتاں وچ کیتی گئی اے۔
 سوہا گرتا لہراں مارے جیویں بجلی شفق وچ
 دو مرغائیاں بحرِ حسن دیاں تردیاں غرقِ عرق وچ
 یا دو میوے پھل اناریں شبنم لعل ورق وچ
 یا دو فرنگی جنگی خونی درد منداں دے حق وچ
 یا قطب دکھن پر بت دے گئی سیر زمینے
 یا جڑے ہوئے دو لعل بدخشاں والے اُپر سینے (64)
 لک دی سوہی چادر وچوں بھکھن طلے دیاں پھاٹاں
 ساق بلوریندے لشکارے حسن ندی دیاں ٹھاٹھاں (65)

احمد یار وی وارث شاہ دی ریس وچ کرداراں توں مکالمے فطری انداز وچ
 لکھواوندے نیں۔ جیویں جوگی دے مکالمے وچ مولوی صاحب جوگ توں چنگے جانو معلوم
 ہوندے نیں۔ بالنتہ دارا پنجے نال مکالمہ ویکھو:


نا تھ کہے سن بچے بالے جوگ سکھن گل کھوٹی
 بھونیں سونا اُتے منگ کھانا نیت نہ رکھنی کھوٹی
 استری پور کھا جے کوئی ویکھئے منگ لئے اک روٹی
 ویکھ روپ نہ چت بھر مایے چاڑیئے کھج لنگوٹی (66)

کوی دی کوتا وچ پنجابی کہاوتاں دی ورتوں وی ملدی اے۔ کدھرے فارسی شبد اولی
 دارنگ وی اُگھڑواں ملدا اے۔ پر احمد یار مرالوی ہوراں ”قصہ ہیر رانجھا“ وچ منڈی بہاء الدین
 اُتے پھالیے دی ہُوہ دی بولڑی ورتی اے۔ اک ونگی ویکھو:

راتیں چاک مسیتی گھلیا ظلیاں جیو بھایاندا
 پچھلے سوتے ہیر دُدھے دا چھناں بھر کے آندا (67)

ہیر نوں سد کول بھایا اکس دیہاڑے ماؤ
 دھینے کملے کوک وگاڑن گلیں لاگھو ساؤ (68)

مکدی گل ایہہ ہے کہ سکھی دور وچ وی دمور دی ٹوری ہوئی ہیر ادب دی ریت نوں
 حامد عباسی آتے احمد یارمرالوی ہوراں نبھایا۔ اوہ دور پنجابی کویتا وچ قصے لکھن داسی۔ ایہناں
 شاعراں وی ہیر ادب وچ اپنا سیر لایا۔ حامد دی کویتا دارنگ تاں احمد گجری کویتا دارنگ اے۔ پر
 زبان، محاورے آتے شعری رس پاروں احمد یارمرالوی نالوں اوس دی ہیر چنگیری اے۔ اوہدی
 بولی وچ بھاشا دامیل اے جدوں کہ احمد یار کوں فارسی شہد اولی وی موجود اے۔ ہور اتے ہور احمد
 یارمرالوی ہوراں قصے دے عنوان وی وارث آتے قبل وانگوں فارسی وچ دتے نیں۔ پنجابی نوں
 ایہناں دی دین ایہہ ہے کہ ایہناں سکھی دور وچ قصہ ادب دی ریت نوں اگے ودھایا۔



حوالے

- (1) بدھ سنگھ، باوا، پریم کہانی لاہور: پنجند اکیڈمی، 1988ء، ص 245
- (2) اوہی، ص 201
- (3) سید اختر جعفری، ڈاکٹر، نويس زاویے لاہور: پبلشرز ایمپوریم (رجسٹرڈ)، 1992ء، ص 102
- (4) بدھ سنگھ، باوا، پریم کہانی، ص 232
- (5) محمد افضل خاں، ”ہیر رانجھا داقصہ وارث توں پہلاں آتے پچھوں“، چٹّ دریا وارث نمبر، جلد 12 لاہور:
 اکتوبر۔ نومبر 1969ء، ص 360
- (6) سید محمد لطیف، تاریخ پنجاب لاہور: تخلیقات، 1994ء، ص 680
- (7) اوہی، ص 912
- (8) اوہی، ص 1044
- (9) اوہی، ص 669
- (10) غلام سرور، مفتی، تاریخ مخزن پنجاب لاہور: دوست ایسوسی ایٹس، 1996ء، ص 490
- (11) ہرنام سنگھ شان، سسی ہاشم، دلی: دھنپت رائے اینڈ سنز، 1959ء، ص 367
- (12) اوہی، ص 368
- (13) اوہی، ص 369
- (14) اوہی، ص 368
- (15) اوہی، ص 374

- (16) اوہی، ص 375
- (17) اوہی، ص 375
- (18) اوہی، ص 375
- (19) اجیر سنگھ، ڈاکٹر، پنجابی سائت دا آلوچنک اتھاس (1801 1805ء)، جالندھر: بھاشا و بھاگ پنجاب، 1983ء، ص 167
- (20) اوہی، ص 167
- (21) اوہی، ص 167
- (22) اوہی، ص 168
- (23) اوہی، ص 168
- (24) اوہی، ص 170
- (25) اوہی، ص 171
- (26) اوہی، ص 171
- (27) اوہی، ص 175
- (28) اوہی، ص 175
- (29) اوہی، ص 175
- (30) اوہی، ص 176
- (31) فضل حق، قاضی، نکھیرے، لاہور: پاکستان پنجابی ادبی بورڈ، 1985ء، ص 65
- (32) بدھ سنگھ، باوا، پریم کہانی، ص 310
- (33) شہباز ملک، ڈاکٹر، مولوی احمد یار: فکر تے فن، لاہور: مکتبہ میری لائبریری، 1984ء، ص 45
- (34) اوہی، ص 70
- (35) احمد یار مرالوی، قصہ ہیرو رانجھا، لاہور: درمطبع مفید عام با اہتمام لالہ موتی رام، 1928ء، ص 4
- (36) شہباز ملک، ڈاکٹر، مولوی احمد یار مرالوی: فکر تے فن، ص 104
- (37) حامد شاہ عباسی، ہیرو حامد شاہ، لاہور: درمطبع رفاه عامہ سٹیم پریس، 1908ء، ص 3
- (38) اوہی، ص 4
- (39) اوہی، ص 5
- (40) اوہی، ص 5
- (41) اوہی، ص 6
- (42) احمد یار مرالوی، مولوی، قصہ ہیرو رانجھا، ص 2

- (43) حامد شاہ عباسی، ہیر حامد شاہ، ص 206
- (44) اوہی، ص 208
- (45) احمد یار مرالوی، مولوی، قصہ ہیر و رانجھا، ص 143
- (46) اوہی، ص 143
- (47) اوہی، ص 147
- (48) اوہی، ص 147
- (49) اوہی، ص 149
- (50) حامد شاہ عباسی، ہیر حامد شاہ، ص 11
- (51) اوہی، ص 18
- (52) اوہی، ص 181
- (53) احمد یار مرالوی، مولوی، قصہ ہیر و رانجھا، ص 41
- (54) حامد شاہ عباسی، ہیر حامد شاہ، ص 29
- (55) فقیر محمد فقیر، ڈاکٹر، مرتب: ہیر مقبل، لاہور: عزیز بک ڈپو، 1997ء، ص 4، 5
- (56) حامد شاہ عباسی، ہیر حامد شاہ، ص 174
- (57) اوہی، ص 149
- (58) اوہی، ص 177
- (59) اوہی، ص 7
- (60) اوہی، ص 11
- (61) اوہی، ص 26
- (62) احمد یار مرالوی، مولوی، قصہ ہیر و رانجھا، ص 3
- (63) اوہی، ص 7
- (64) اوہی، ص 7
- (65) اوہی، ص 8
- (66) اوہی، ص 89
- (67) اوہی، ص 18
- (68) اوہی، ص 37

خالی

تواریخ

خالی

بھگت سنگھ دا انقلابی ورثہ

نوٹ: (بھگت سنگھ دی حیاتی (28 ستمبر 1907ء توں 23 مارچ 1931ء)، اوس داکم تے اوس دی فکر سرمایہ داری نظام، سامراج، ذات پات دے نظام تے مذہبی گروہ بندیاں دی مخالفت اُتے سمجھوتہ نہ کرن والی جدوجہد نال بھری پئی اے۔ ہتھلے مضمون وچ اوہدے جذبے انقلابی سرگرمیاں، خیالات، نظریات اُتے اوہدے انقلابی ورثے دا بھرواں جائزہ لیا گیا اے۔ ایہہ 8 اپریل 1929ء سی جد بھگت سنگھ اُتے بی۔ کے۔ دت نے سینٹرل اسمبلی وچ ”انقلاب زندہ باد“ تے برطانیہ دی توسیع پسندی مردہ باد“ دے نعریاں نال لوکاں دے ذہناں نوں کیل دتا۔ شاید 1947 توں ہُن تک دی ہندوستان دی تواریخ وچ ایہناں دوہاں نعریاں دی اہمیت کدے اپنی نہیں سی جی جی اہ اے۔ جدول اسیں بھگت سنگھ داسوواں جنم دن منارہے ہاں۔

امریکہ دے خطرناک مکمل ماروارادے نہ چھڑا بھارت سگوں پورے جگ لئی اُچھے طور نال ایشیا، افریقہ، عرب اُتے لاطینی امریکہ دیاں قوماں خلاف حقیقت داروپ دھار دے پئے نیں۔ عراق، لبنان اُتے فلسطین وچ ایس خطرے نے سدھاساواں امریکہ اُتے اسرائیل دی فوجی مداخلت داروپ دھار لیا اے۔ ایران اُتے شمالی کوریا نوں دھونس دھپھے داسا ہمنائے جد کہ کیوبا اُتے وینزویلا ہر ویلے ایہدیاں سازشاں اُتے مجرمانا کارروائیاں نال جو جھ رہے نیں۔ ہندوستان اُتے کجھ دوجے مکاں نوں دباؤ داسا ہمنائے جو خارجہ پالیسیاں دے ناں اُتے صرف ایہناں دی آزادی لئی خطرہ نہیں سگوں اپنے لوکاں دیاں لوڑاں لئی اپنی ملکی پالیسیاں بناون وچ وی مداخلت داسا ہمنائے کرنا پسند اے۔

ایہہ اوکھا ویلا سانوں بھگت سنگھ اُتے جی گویا دی یاد دواندا اے جیہناں مل مارو سامراج دے خلاف جنگ لڑی۔ جی گویا دی کہانی کل جگ جاندا اے پر برطانوی سامراج

دے خلاف بھگت سنگھ دی جدوجہد نوں ساہمنے لیا ون دی لوڑ اے کیوں جو چچی گویا دی داستان وانگوں ہر تھان آزادی لئی جھوجھدے لوکاں نوں متاثر کرن دی صلاحیت رکھدی اے۔

ایہہ 8 اپریل 1929ء سی جد بھگت سنگھ اُتے بی۔ کے۔ دت نے اپنی گل کہن لئی سینٹرل اسمبلی، جیہنوں اجوکا پارلیمنٹ آکھیا جاندا اے، وچ بے ضرر بم سٹیا۔ ایہہ اوہ ویلا سی جدو نعریاں ”انقلاب زندہ باد“ ”سامراج مردہ باد“ نے برصغیر دے لوکاں دے خیالات نوں بدل کے رکھ دتا۔ اصل وچ ایہناں نعریاں برصغیر وچ جاری انقلابی تحریک وچ وڈی تبدیلی دا احساس اُجاگر کیتا۔ ایہناں دو نعریاں نے انقلابیاں دے پرانے مشہور نعرے ”بندے ماترم“ دی تھان لے لئی۔ ایہہ تبدیلی چھڑی زبان دی نہیں سی کہ سنسکرت دے الفاظ والے نعرے دی تھان ہندی اُتے انگریزی الفاظ والے نعرے نے لے لئی سگوں ایہہ دیس اندر انقلابی تحریک دے شعور دی بیداری دا احساس ودھن دی علامت سی۔ ایس تبدیلی دی کرنی دا آگ بھگت سنگھ توں علاوہ کوئی نہیں سی۔ اوس اپنے انقلابی تحریک دے تجربات اُتے ساری جگت اندر چل رہیاں انقلابی تحریکاں نوں گوکھن توں بعد سوویت یونین دے تجربات توں ایہہ سٹاکڈھیا ”ایہہ کافی نہیں بئی دھرتی ماں نوں باہر لے حاکماں توں آزاد کروایا جاوے سگوں ایس توں وی ودھ اہم گل ایہہ ہے جو غلامی دے ایس سارے نظام نوں سمجھیا جاوے جیہڑا قوماں دی بربادی دی وجہ اے۔ مطلب سامراجی نظام اُتے پھیر ایہہ گل سمجھن دی لوڑ بئی ایہنوں مکایا کیوں جاوے؟“

ایہہ گل سمجھنی بڑی دلچسپ اے جو بھگت سنگھ نے اپنی عمر دے چودھویں جاں پندھرویں سال ہی ایس جدوجہد دامنڈھ بدھا۔ 1947ء توں ہُن تیک ہندوستان دی تواریخ وچ اجیہا ویلا نہیں آیا جدوں ایہناں دو نعریاں دی اتنی اہمیت ہووے۔ کیوں جے اجوکی سامراجی قوت آج ماضی توں بہتی بھیریں شکل اختیار کری بیٹھی اے۔

جانکاری

بھگت سنگھ 28 ستمبر 1907ء نوں لائل پور (فیصل آباد) دے اک پنڈ بنگے، وچ جمیا۔ اوسے دن دوجی خوشی دی خبر ایہہ ملی بئی اوہدے چاچے اجیت سنگھ اُتے سورن سنگھ نوں برطانیہ

دیاں جیلاں وچوں رہا کر دتا گیا۔ سورن سنگھ جس نوں جیل وچ ٹی بی ہو گئی سی، 24 سالوں دی عمرے مر گیا۔ اوہدا انقلابی چاچا اجیت سنگھ، جیہڑا بھارت ماتا سوسائٹی دا آگوائی سی، اتے لالاجیت رائے نال 1909ء وچ اوہنوں دیس نکالا دتا گیا سی۔ اوس ویلے بھگت سنگھ اے دو گورھیاں دا ای سی۔ اجیت سنگھ دیس اوس ویلے پرتیا جدوں دیس آزاد ہو رہیا سی اتے اوہدے اگلے دیہاڑے 15 اگست 1947ء نوں ڈلہوزی وچ چلانا کر گیا۔

12 سال دی عمرے بھگت سنگھ اپریل 1919ء وچ جلیانوالہ باغ وچ قتلام توں مگروں گیا تاں رت وچ بھگی ہوئی ریت چک لیا۔ 14 ورھیاں دی عمرے جدوں اوہ لہور دے اک سکولے پڑھدا سی اوس اپنے دادے نوں ریلوے ملازماں دی 1921ء وچ ہون والی ہڑتال دی خبر دتی۔ 15 سال دی عمرے نیشنل کالج وچ داخلہ لیا۔ ایس توں پہلاں اوہ اپنے پنڈ وچ اکالی دے کامیاں دے دکھا لے نوں جی آیاں توں آکھ چکیا سی۔ جس دا کارن 4 فروری 1921ء دی اوہ ہونی اے جس وچ مہانت نرائن داس نے انگریزاں نال رل کے 140 سکھاں نوں نکانہ صاحب دے گوردوارے وچ مار دتا سی۔

بھگت سنگھ دے اندر وسدے انقلابی نوں قابو کرن لئی اوہدے گھر والیاں خاص کر اوہدے پیو نے اوہدے ویاہ بارے وچا ریا۔ ایس توں پہلاں ای گھر وچ دوزناتیاں سن اک اوس دے چاچے سورن سنگھ دی بیوہ اتے دوجی بی بی ہرنام کور جیہڑی اوہدی دیس نکالے چاچے اجیت سنگھ دی تیویں سی۔ سوال تاں ایہہ سی ہی جے ویاہ اجیت سنگھ نوں وس وچ نہیں کر سکیا تاں بھگت سنگھ نوں کیوں قابو وچ رکھے گا؟ بھگت تاں پہلاں ای چاچیاں لئی دکھی سی اتے اوہدا موہ اپنی چاچی نال بہت سی۔ بھگت سنگھ دے سنگی جے دیو پتنامو جب، بھگت سنگھ نوں ماں پیو نے چاچی نوں دتا ہو یا سی کیوں جو اوہدے چاچے نوں لمدا دیس نکالا ملیا ہو یا سی۔

اوہ اپنے چاچے اجیت سنگھ دا سیاسی پُروی سی جیہڑا اخیر ویلے تیکر اوس نال جویا رہیا۔ اجیت اپنے وچاراں مو جب پنجاب دے کانگریسی لیڈراں وچ بہت اُچیارا سی کیوں جو اوس نوں انڈیادی آزادی دے مطلب دا چنگا گیان سی۔ اوس دے وچار عام کانگریسیاں نالوں ہتے انقلابی اتے سامراجی نظام پاروں ہون والیاں اوہناں دیاں معاشی بد حالیاں بارے دس پاؤندے سن۔ بھگت سنگھ نے اپنے چاچے دیاں اُچیاں سوچاں توں وی پار لنگھ کے آزادی لئی مارکسٹ دے

آزادی نظام نوں اپنایا۔

اوس پندرہاں ورہیاں دی عمرے اپنے پوتوں چوری چورادے واقعے توں پہلاں ای مہاتما گاندھی دی NON-COPRATION دی تحریک دی واپسی بارے سوال کیتا سی۔ اصل وچ 1922ء وچ چوری چوراتوں مگروں NON-COPRATION نوں مکاون نال پورے ہندوستان دے نو جواناں اُتے انقلابیاں نوں کراہے پادتا سی۔ چندر شیکھر آزاد اوہناں جواناں وچوں ای اک سی جیہیں مہاتما گاندھی کی جے داعرہ لاون اُتے مارکھا ہدی سی، پر اوس نوں ایس تحریک دے مکاون دا ایندھن ہو یا دکھ ہو یا جو اوس مُردے وی انقلابی سرگرمیاں وچ گاندھی اُتے اعتبار نہ کیتا۔ شیکھر دی ایس توں مگروں، آرداس، جواہر لال نہرو، سبھاش چندر بوس، لالاجپت رائے اُتے مدھن موہن ملویا نال جُوت رہی پر گاندھی نال نہیں۔ گاندھی ولوں سُکھ دیو دے خط دا جواب اوس دے پھاہے لگن توں مگروں 'ینگ انڈیا' وچ ساہنے آیا۔ اصل گل تاں ایہہ اے بئی گاندھی نے اوہ پتر وصولیا ہی اوہوں سی جیہڑا سُکھ دیو اُتے بھگت سنگھ نے راج گرو دے پھاہے لگن توں تھوڑا چر پہلاں لکھیا گیا سی۔

1922ء وچ سول نافرمانی دی تحریک دے خاتمے نے پورے دیس وچ انقلابی تحریک نوں بدل دتا، جس دیاں شاخاں پہلاں توں ای سانجھے بنگال وچ ایوشلن اُتے یوگنتر اُتے ہندوستان ریپبلکن ایسوسی ایشن (HRA) دے ناواں توں چل رہیاں سن۔

1923ء وچ بھگت سنگھ کانپور۔ آ گیا اُتے اپنے پیونوں اک چٹھی راہیں ایہہ سنیہا دے آیا بئی ہُن اوہ ویاہ دے بارے کوئی وچار نہیں رکھدا کیوں جے اوس نے اپنا جیون قوم دے ناویں لا چھڈیا اے۔ اوس دے نیشنل کالج دے اک اُستاد جے چندر و دیا نکر نے کانپور دے رسالے 'پرتاب' دے ایڈیٹر اُتے سانجھے صوبیاں دے کانگریسی لیڈر دے ناویں اک تعارفی خط وی لکھ کے بھگت سنگھ نوں دتا سی۔ اوہنے نہ صرف 'پرتاب' وچ کم کیتا سگوں اوہ زیر زمین انقلابی تنظیم HRA وچ جارلیا۔ اوس تنظیم دے آگوستینار ناتھ سنیاں سن، جیہناں نے 'باندھی جیون' لکھیا سی اُتے انڈیمان وچ کالے پانی دی سزا بھوگی سی۔ بھگت سنگھ ایس توں پہلاں وی اک وار لہور وچ لیہناں نوں مل چکا سی۔ کانپور وچ اوہدی ملاقات بجوئے کمار سنہا، شوورما، جیدر کپور، بی۔ کے۔ دت نال ہوئی۔ لہور وچ اے جے گوش، سُکھ دیو اُتے بھگت ونٹی چرن وورا اوس دے سنگی کامریڈ

سن۔ چھ مہینے پر تباہ و برباد دے قلمی نال توں لکھن، وقتی طور اُتے ہڑدے ماریاں دی امداد لئی علی گڑھ دے نیشنل سکول دے ہیڈ ماسٹر دے طور اُتے کم کرن توں مگروں اپنی دادی دی بیماری دی خبر سن کے لہور پرت آیا۔ ایس توں وکھ اوس گھر دیاں نوں ویاہ نہ کرن اُتے وی راضی کر لیا۔

ستارھویں ورھے ای اوہ ایڈاسیانہ ہو چکیا سی جو اوس نوں پنجاب وچ بولی دے مسئلے بارے ہندی وچ مضمون لکھن پاروں اک انعام وی دتا گیا سی۔ 1924-25ء وچ اوس نے دو مضمون وشو پریم (جگ نال پیار) اُتے ’یوک‘ لکھے جیہڑے ”مٹ والا“ وچ بلونت سنگھ دے نال توں چھپے سن۔ ایس توں وکھ اک آرٹیکل جیہڑا 1926ء وچ چھ بھرتیاں نوں پھاہے لاون اُتے لکھیا، جس داناں ہولی کے دن رت کے چھینے ”اک پنجابی نسل“ دے نال توں چھپیا۔ 1930ء وچ اوس ”میں بے دین کیوں آں“ لکھیا جس وچ اوس نے 1926ء دے اخیر وچ لادینیت نوں اپناون بارے اپنے وچار لکھے جدکہ اوس ویلے اوس دی عمر مسال 19 ورھے سی۔

1924ء دے زمانے دور کا داس لائبریری لہور وچ بہت وڈی گنتی وچ مارکسٹ ادب اپڑیا، بھگت سنگھ اوس ویلے او تھوں دا پڑھیا رسی۔ اوس نے صرف لادین ہی نہیں سگوں انسان دی آزادی دے بنیادی وچاراں اُتے وی گوہ کیتا۔ اوہ پنجاب دے کرتی گروپ دے ذریعے، جیہڑا گدھ رائٹ انقلابیاں دا حصہ بن چکیا سی، مارکسٹ بن گیا۔ اوس نے کرتی وچ مختلف موضوعات اُتے وی لکھیا جس وچ ’کیونز م اُتے ایس داخل‘، ’اچھوتاں دا مسئلہ‘ اُتے دین اُتے ساڈی آزادی دی کوشش شامل سن۔ جے کوئی گدھ رائٹ دے انقلابیاں نال بھگت سنگھ دا اختلاف سی اوہ انقلابیاں دے پروگراماں بارے سی۔

اوس دے سنگی کامریڈاں ایس گل نوں من لیا سی بئی دلیس نوں ایس نیندر توں جگاؤن لئی اُتے غیر کالونی نظام دی تحریک نوں اگے ودھان لئی جو اناناں نوں قربانی دے جذبے نال انقلابی کم کرن دی لوڑاے۔

سوشلسٹ ایجنڈا

1928ء وچ نہ صرف بھگت سنگھ سگوں سکھ دیو اُتے بھگوتی چرن ووہرا پنجاب توں بی جے کمار سنہا، شو ورماتے جے دیو کپوریو پی توں ایس گل اُتے راضی ہو گئے سن جو انقلابی پارٹی لئی

اک سوشلسٹ ایجنڈے دی لوڑ اے۔ ایس گل نوں توڑ پچاؤن لئی اوہناں HRA دی سنٹرل کمیٹی دا کھ فیروز شاہ کوٹلہ دلی وچ ستمبر 1928ء نوں ہنگامی طور اُتے سدیا۔ بھگت سنگھ دے نال لمے صلاح مشوریاں مگروں سکھ دیو بی جے کمار سنہا، شو ورماتے جے دیو کپور دی حمایت دے نال HRA دا ناں (HSRA) ہندوستان سوشلسٹ ری پبلکن ایسوسی ایشن رکھ دتا گیا۔ ایس دے وچ سوشلسٹ دے اکھراوا دھاگان دھی دے ایمر جنسی دے دوران انڈین آئین دے ناں وچ سوشلسٹ دے وادھے وانگوں بناوٹی نہیں سی۔ ایس نوں چنگی طرحاں انڈین انقلاب دے خاص مقصد لئی ورتیا گیا سی۔ ایس دی حمایت چندر شیکھر آزاد جیسے سوجھوان نے بھگت سنگھ اُتے پورا اعتبار کردیاں ہو یا کیتی سی۔

HSRA دے بناون توں پہلاں بھگت سنگھ نے لوکاں نوں منظم کرن دی تربیت حاصل کر لئی ہوئی سی۔ اوس نے اٹلی دے جواناں دی تنظیم وانگ نوجوان بھارت سبھا (NBS) 1926ء وچ بنائی۔ بھگت سنگھ ایس دا جنرل سیکرٹری اُتے بھگوتی چرن ووہرا ایس دا پروفیسر سیکرٹری سی۔ دو جے کماں دے نال NBS دا اک کم ایہہ سی جو اوہ دلش بھگتاں دیاں فوٹواں داشوآر گناز کرن۔ ایہہ لوک کرتار سنگھ سرا بھاتوں بہت متاثر سن جس نوں 1915ء وچ لہور وچ اُنھی ورھیاں دی نکی عمرے پھاہے لادتا سی جس دی فوٹو ہمیشہ بھگت اپنے بٹوے وچ رکھدا سی۔ ایس ویلے وچ ای گدھرائٹ کمیونسٹ ماسکو توں کمیونسٹ تھیوری بارے چنگی طرحاں تربیت لے کے پرت آئے سن اُتے اوہناں کرتی جتھا بنالیا سی۔ سنتوک سنگھ نے اک پنجابی رسالہ 'کرتی' کڈھیا جس دے نال بھگت سنگھ وی لکھاری دے طور اُتے جُویا ہو یا سی۔ سنتوک سنگھ دی بے وقتی موت توں مگروں سون سنگھ جوش ایس دے ایڈیٹر بنے تاں بھگت سنگھ نے کچھ چرتاکیں 'کرتی' دے کامے دے طور اُتے وی کم کیتا کیوں جو اوہ سون سنگھ دے نال NBS دے کماں وچ جُڑے ہوئے سی۔

NBS دے لہور وچ بنائے جاون توں پہلاں ای اوہ کانپور دے کمیونسٹاں نال جُڑے ہوئے سی جیہڑا اوس ویلے اک ورکنگ کلاس داشہر سی۔ اوہ ستیا بخت رادھا موہن گھلک جی اُتے شوکت عثمانی ورگے کمیونسٹاں نال جوڑ رکھدے سن۔ بھگت سنگھ عملی طور اُتے انڈیا دی کمیونسٹ پارٹی نال جُویا ہو یا سی۔ اوس دے بعد دے کماں توں لبھدا اے جے اوہ کمیونسٹ پارٹی دے شروع دور وچ اوس دامبر نہیں سی پر اوہنے مظفر احمد نال جیہڑے 1924ء وچ کانپور کیس توں مگروں جیل

بھوگ کے آئے سن لہور وچ ملاقات کیتی سی۔ جس ویلے بھگت سنگھ دے کول کمیونسٹ پارٹی وچ رلن دا کوئی جھا کاوی نہیں سی، اوس ویلے اوس دے سنگی اپنی انقلابی تنظیم HSRA اُسارن دا وچار رہے سن۔ اوہنوں ایس گل دا چنگی طرحاں چائن سی بئی آخر کار HSRA نوں کامیاں کساناں پڑھیاں اُتے دو جے سوسائٹی دے انقلابیاں نال بھرنا اے۔

بھگت سنگھ اُتے اوہدے جتھے دا خیال سی بئی لوکاں دی ماڑی سیاسی حالت دی وجہ نال ایہو جیسے انقلابی کم دی لوڑ اے جس وچ جوان انقلابیاں راہیں برطانوی سامراج دے خلاف سُستی لوکاں نوں کھڑا کیتا جاسکے۔ سون سنگھ جوش نے بھگت سنگھ نال اپنیاں چار ملاقاتاں وچ ایس لوڑ نوں مندیاں ہویاں اپنی لکھت وچ شامل کیتا۔ پر ستمبر 1928 وچ HSRA دے بن مگروں کجھ سیاسی بدلا آیا جس پاروں HSRA نوں اک مگڑی لوکاں وی تنظیم بناون دا ویلا نہ لبھیا۔ پر NBS توں وکھ لہور سٹوڈنٹ یونین، بال سٹوڈنٹ یونین اُتے بال بھارت سبھا جیہیاں لوکاں دیاں تنظیمیں بن گئیاں۔

بڑی اچرج گل اے جو NBS نے بھارت سبھا دی مدد کیتی جس وچ بارہاں توں سولھاں ورھیاں دیاں عمراں دے پڑھیاں رلے سن۔ ساڈے کسے تواریخ دان اِج تک ایس گل اُتے کوئی توجہ نہیں دتی۔ بال بھارت سبھا دے امرتسر دے صدر خان چند نوں، جس دی عمر صرف گیارھاں ورھے سی، ترے مہینے دی جیل ہوئی۔ اُتے ایس توں مگروں لیش نوں جیہڑا صرف دس ورھیاں دا سی اُتے بال بھارت سبھا دا سیکرٹری جنرل سی۔ اوہ بعد وچ روزنامہ ”ملاپ“ اردو دا ایڈیٹری رہیا۔ اوس اُتے ترے مقدمے بنائے گئے سن جیہناں وچ لہور سٹی کانگریس اُتے NBS دی حمایت دا مقدمہ وی سی۔ اوہنیں دینس 1192 انقلابیاں نوں جیہناں دیاں عمراں پندرہاں سالوں توں گھٹ سن پھڑیا گیا۔ بال بھارت سبھا توں ہٹ کے بال بھارت سٹوڈنٹ یونین وی فعال سی۔ اوس ویلے بھگت سنگھ نے پنجابی جواناں نوں ایہناں تنظیمیں وچ شامل ہون لئی تیار کیتا سگوں لہور سٹی کانگریس وی ایس دے کردار توں بہوں متاثر سی۔ بلدیور اِج دا پوترالالہ چیت رائے بال سٹوڈنٹ یونین دا سیکرٹری سی اُتے دیہانت رائے صدر۔ ایہہ ساری دیش بھگتی، بھگت سنگھ اُتے اوس دے کامریڈ ساتھیاں دے کارن پھیلی سی۔

سامراجی دھڑے اُتے کھور

جوان نسل اُتے بھگت سنگھ دا اثر دیکھدیاں ہوياں پنجاب پلس نے اوہنوں مئی 1927ء وچ دشرابم کیس (اکتوبر 1926ء) دے چکروچ پھڑلایا۔ اوس نوں چھ ہفتیاں لئی جیلے پا دتا۔ اوس سہ بھگت سنگھ نے پنجاب اندروڈیاں سرگرمیاں پلان کیتیاں پر ایہناں کماں لئی پہلاں توں کچھ راہ ہونی چاہیدی سی۔ اُتے اوہنیں دینس ای سائنس کمیشن انڈیا پڑیا۔ لالہ لاجپت رائے نال ایہناں دے سامراجیاں نال جوڑ بارے اختلاف توں وکھ اوہناں کول ایس گل دی بنیتی کیتی گئی جو اوہ 30 اکتوبر 1928 نوں NBS ولوں کڈھے جان والے وکھالے دی اگوائی کرن۔ بھگت سنگھ آپ ایس جلسے وچ نہیں سی پر NBS دے لوکاں نے لالہ جی نوں بچاون دا آہر کیتا ہو یا سی جدوں برطانوی پلس نال پھڈا ہو یا اوس ویلے لہور دے ایس پی مکان نے لاٹھی چارج دا حکم دے دتا اُتے اوس دے ڈپٹی سائڈرس نے لالہ جی اُتے تشدد کیتا جس دی وجہ نال زخمی ہون توں مگروں اوہ 17 نومبر نوں جگ توں مونہہ موڑ گئے۔

ایس ہونی دے جواب وچ بسنتی دیوی، جیہڑی سی۔ آر۔ داس دی بیوہ سی، دیس دے جواناں نوں ہلا شیری دوائی جو اوہ دیس دے نال ہون والے دھرو دا بدلا لین۔ بھگت سنگھ ایس طرحاں دا موقعہ ہتھوں نہ جان دتا اُتے HSRA نے ایس گل دا فیصلہ کیتا بئی سکاٹ جس لالہ جی ہوراں اُتے حملے دا حکم دتا سی اوس توں بدلا لیا جاوے۔ بھگت سنگھ اُتے راج گرو نوں سکاٹ نوں گولی مارن لئی مقرر کیتا گیا۔ جے گوپال دے ذمے اوہدی پچھان کروانا اُتے چندر شیکھر آزاد دے ذمے پورے جتھے دی دیکھ بھال دا ذمہ لایا گیا۔ بھگت سنگھ نے پہلی گولی چلانی سی پر جے گوپال دا اشارہ ملن توں مگرو راج گرو اوس اُتے گولی چلا دتی۔ جد بھگت سنگھ نے آزاد نوں واج دے کے دس دی کوشش کیتی بئی ”ایہہ سکاٹ نہیں“ (لہور کیس دیاں خاص گلاں) ”سکھ دیو“ پر اوس دی گل پوری ہون توں پہلاں ای راج گرو ڈپٹی سائڈرس نوں گولی مار چکیا سی۔ ہُن بھگت سنگھ کول کوئی راہ نہیں سی اوہنے وی سائڈرس نوں چار گولیاں مار دتیاں تاں جے اوہ دے بچن دا کوئی راہ نہ رہوے۔

اگلے دیہاڑے سویرے لہور وچ اشتہار لگے ہوئے سن جیہناں وچ انقلابیاں ڈپٹی

سائڈرس دے قتل دافتمہ قبولیا ہو یا سی۔ کیوں اوہ وی لالہ جی دی موت داسکاٹ دے نال برابر دا بھائی وال سی اُتے سامراجی طاقتاں داسا جھے دار۔ ایس کم پاروں بھگت سنگھ نوں ایس گل دا پک ہو گیا سی جو اوس نوں مقدمے وچ پھانسی ہو جائے گی۔ پھیر بھگت سنگھ نے ایس گل نوں متھ لیا بی باقی دی حیاتی وچ بہتے توں بہتا انقلابی کم کیتا جاوے۔

HSRA دے بہت سارے انقلابی خاص کر چندر شیکھر آزاد کا کوری دی ٹرین ڈکیتی وچ نامزد ہون پاروں روپوش سن۔ اُتے سائڈرس دے قتل نگروں بھگت سنگھ راج گرو، سکھ دیو اُتے دو جیاں نوں وی لگنا پیا۔ بھگت سنگھ دُرگا بھر جائی نال کلکتہ نکل گیا، جتھے اوہ بنگالی انقلابیاں نال جڑیا رہیا اُتے پھیر اوہناں چندر ناتھ نال ہو ر آ گیا۔ تاں جے اتھے کامریڈاں نوں بم بناو ناسکھایا جاوے۔ ایس موقع اُتے HSRA اک تھاں ہی بچھی رہ گئی۔ انڈیا دی آزادی لئی سوشلسٹ ایجنڈا رکھن پاروں ایہہ چاہوندے سن بی کامیاں، کساناں، پڑھیاراں اُتے جواناں نوں اکٹھا کیتا جاوے پر سائڈرس دے قتل اُتے دو جے ایہو جیسے مقدمیاں پاروں اوہناں نوں گھل کے کم کرن دا موقع نہ لبھا۔ اُتے نہ ای اوہناں نوں کانگریس دی چھاں لبھی جو اوہ سیاسی کم کر سکن کیوں جے اوہناں دیاں بہت گلاں اُتے پارٹی نال مُدھلے اختلافات سن۔

انج دے اوکھے حالات وچ بھگت سنگھ اک ہی راہ ویکھ سکیا، اُتے اوہ سی گھٹ توں گھٹ جانی نقصان کیتے ہنا لوکاں نوں جگاؤن لئی انقلابی کم کیتا جاوے۔ اوہنے اُتے اوہدے ساتھیاں اپنیاں جاناں انج قربان کیتیاں جو پورے دیس نوں اوہناں دے وچاراں اُتے مقاصد دا پتہ لگ گیا۔ بھگت سنگھ نہ صرف HSRA توں سگوں ہر بندے دے ناں نال جُویا ہو یا ”ات واد“ دادا غ دھونا چاہوند اسی۔ ایس کم لئی اوہناں انج دیاں تھاواں لبھن دی خواہش کیتی جیہناں راہیں لکھاں لوکاں تیکر اپنی واد اپڑا سکن۔

بھگت سنگھ ایس گل اُتے غور کر داپیا سی بی اوہ اپنی جو بن رُت ایس طرحاں قربان کرن جو دلش وچ بہت سارے لوکی اوہناں توں متاثر ہو جاؤن اُتے دن دیہاڑے سائڈرس دے قتل نے HSRA نوں سدھے راہے پادتا جس پاروں اوہناں توں لکھاں لوکی متاثر ہوئے۔ ایہو گل اوس نے اپنے عدالتی بیان وچ گھل کے آکھی، اوہناں دی کسے نال ذاتی دشمنی جاں عداوت نہیں۔

بولے دے کنیں واج

جتن داس لہور آیتاں کرائے دے کجھ گھراں وچ بم بنائے گئے۔ سائنڈرس دے قتل دے جواب وچ لوکائی دے جوش دی اگ نوں ہورتاوں لئی ایس نال رلد املد اکوئی انقلابی کرم کرنا چاہوند اسی۔ برطانوی سامراجی سرکار نے لوکائی دے تحفظ داپل اُتے وپار دے بل نوں قانون بنا دتا اوہناں ایس قانون دے خلاف لوکائی دی وڈی مخالفت اُتے سنٹرل اسمبلی دے ممبراں دی مخالفت دی کوئی پرواہ نہ کیتی۔ بھگت سنگھ اُتے اوہدے کامریڈ سنگیاں ایس گل دافصلہ کیتا بنی اسمبلی وچ پٹا کے چھڈے جاوَن جیہناں دامتقصد صرف رولا پاوناسی۔ ایس گل بات اُتے HSRA دی سنٹرل کمیٹی وچ سکھ دیو دی غیر حاضری وچ بحث کیتی گئی۔ بھگت سنگھ دی اپنے آپ نوں کارروائی توں مگروں گرفتار ہون دی گل نوں کمیٹی نے رد کردتا کیوں جو اوہ پہلاں ای سائنڈرس دے قتل دے مقدمے وچ مطلوب سی اُتے پارٹی ایس اوکھے ویلے وچ اپنا چنگا لیڈر نہیں سی گوانا چاہوندی۔

جدوں سکھ دیونو بھگت سنگھ دے اک قریبی سنگی راہیں ایس گل داپتہ لگاتاں اوہ بہت پریشان ہو یا، اوس نے بھگت سنگھ نوں ایس گل دامتہنا ماریا بنی ”اوہ اپنی حیاتی بچانا چاہوند اے“ حالاں جے اوس نوں ایس گل داپک سی جو بھگت سنگھ توں اڈ کوئی وی بندہ پارٹی دے وچاراں نوں کھل کے پیش نہیں کر سکدا۔ سنٹرل کمیٹی دامتُر اجلاس ہو یا تاں بھگت سنگھ نے ایس گل اُتے زور دتا بنی اوہ تاں ایس کارروائی مگروں گرفتاری دے دیوے گا۔ پارٹی چاہوندی سی اوہ فرار ہو جاوَن پر اخیر بھگت سنگھ دی صلاح نوں من لیا گیا۔

ایہہ کم فرانس دی پارلیمنٹ وچ بولی جاوَن والی اک لائن توں متاثر ہو کے کیتا گیا جس دامتقصد غربت ول دھیان دواووناسی۔ ”اک دھماکے دی لوڑ اے تاں جو بولیاں تک واج اپڑ سکے“ ایہہ اوہ نعرہ سی جیہڑا بھگت سنگھ اُتے بی۔ کے۔ دت نے اسمبلی دے خالی میزاں اُتے بے ضرر بم سنٹن توں مگروں لایا سی۔ پردھماکے نے اسمبلی وچ بھاڑ پادتی اُتے صرف پنڈت موتی لعل نہرو مدن موہن ملاویا اُتے جناح ورگے کجھ ممبر اپنی تھاں اُتے کھلوتے رہے، بہتے جیہناں وچ ہوم

سیکرٹری وی سی انھے واہ نس پئے کئی تاں اپنیاں میزاں پیٹھ ہی لگ گئے۔ استھے اوہ دو تاریخی نعرے وجود وچ آئے ”انقلاب زندہ باد“ اُتے ”سامراج کا ناش ہو“ تھوڑے چروچ ای نعرے خاص کر ”انقلاب زندہ باد“ نہ صرف ساریاں انقلابی تنظیمیں سگوں دو جیاں تنظیمیں داوی نعرہ بن گیا جس وچ کانگریس وی شامل سی حالاں جے راشٹریا سماج سیوک سنگ (RSS) ہندو مہاسبھا اُتے دو جیاں کمیونسٹ تنظیمیں دا ایس دے نال کجھ لینا دینا نہیں سی۔

اصل وچ ”انقلاب زندہ باد“ Long live Revolution دا ترجمہ سی جیہڑا مزدور تنظیمیں دا نعرہ سی۔ ایس دا ایس توں پہلاں ہندی وچ ”کراچی چرا جیو ہو“ دے طور اُتے ترجمہ ہو یا پر لوکائی دے دلاں وچ گھر نہ کر سکیا۔ انقلاب زندہ باد نے نہ صرف ہندی بولن والیاں دیاں سوچاں وچ گھر کر لیا سگوں ایہہ نعرہ آگرہ توں چنائی اُتے سری نگر توں ممبئی تیک پھیل گیا۔ ایہہ نعرہ نہ صرف انڈیا سگوں دوجے کئی ملکاں وچ بہت مشہور ہو یا۔ بھگت سنگھ نے ایس گل اُتے فخر کیتا کہ اوس نے اپنی نکی جیہی حیاتی وچ کروڑاں ہندوستانی تیکر ایس نعرے نوں اپڑا دتا۔ بھگت سنگھ اُتے دت دے نعرے ”انقلاب زندہ باد“ نے بندے ماترم دے نعرے نوں بدلا دتا جیہڑا ایس توں پہلاں نیشنلسٹ تحریک دا 1905ء توں اپریل 1929ء تیکر نعرہ سی۔ قومی تحریک وچ بھگت سنگھ دے حصے ول ویکھیا جاوے تاں ایس سبھ توں مشہور انقلابی نعرے دا سہرا اوہناں دے سر اُتے نظر آ وندا اے۔

عدالتاں اُتے جیلاں اندر

اسمبلی وچ کیتے جاوے والے دھماکے نوں بہت چنگے ڈھنگ نال پلان کیتا گیا سی۔ بھگت سنگھ اُتے دت دیاں فوٹو اں پہلاں ای لیاں جا چکیاں سی اُتے ایس موقعے اُتے بیان وی پہلاں ای تیار کر کے رکھیا گیا سی جس دے کارن اوسے دن 8 اپریل 1929ء نوں اخباراں تک ایہہ خبر اپڑا دتی گئی سی۔

برطانوی پُلِس اوہناں تے ہتھ پاوے توں گھبرار ہی سی کیوں جے اوہناں دے ہتھیاں وچ پستول سی۔ پر نعرے لاوندے ہو یاں اوہناں پستول میزاں اُتے رکھ دتے جیہڑی ایس گل دی نشانی سی جو اوہ گرفتاری دین لئی تیار نیں۔ اُتے پُلِس اوہناں ول اوس ویلے ای ودھی جدوں

او ہناں پستول رکھ دتے۔ ایس وچکارای جے دیو کپور اسمبلی ہال توں باہر جا چکیا سی۔ انقلابی جتھے دا بنیادی مقصد پورا ہو چکیا سی اُتے ہُن او ہناں داکم انقلاب دے پیغام نوں دیس دے لوکاں تک اپڑانا سی۔ پر بھگت سنگھ ایس بارے وی چنگا منصوبہ بنا چکیا سی۔ او ہناں عدالتاں وچ اپنا دفاع کرن دی تھاں برطانوی عدالتاں نوں سیاسی بیاناں دے پھیلان لئی ورتیا۔ او ہناں اپنے لئی کوئی وکیل نہ کیتا پر وکیلاں دیاں صلاحواں مندے رہے۔ نیشلسٹ وکیل آصف علی دیاں خدمات او ہناں دے نال سن۔ ایہہ آصف علی اوہ سی جیسے 6 جون 1929 نوں بھگت سنگھ اُتے دت دے تاریخی بیان نوں سیشن کورٹ وچ پڑھیا جس وچ او ہناں اُتے دہلی بم دھماکے دا مقدمہ چل رہیا سی۔ ایہہ بیان انقلابی تحریک دے مقاصد نوں چنگی طرحاں بیان کردا اے ”(شو ورمائیڈیشن) شہید بھگت سنگھ دیاں چوٹیاں لکھتاں، نیشنل بک سینٹر نی دہلی 1986ء صفحہ 71)۔“

”اسیں بڑی عاجزی نال آکھنے آں بئی اسیں اپنے دیس دی تاریخ اُتے ایس دے حالات دے پڑھیاں اُتے ایس دے بہت چاہن والے آں۔ اسیں فریب دے جال وچ آں۔ ساڈا ایہہ عملی وکھالا اوس ادارے دے خلاف اے جیہڑا اپنے بن توں مگروں بہت ودھیرے پن نال اُتے انمول ڈھنگ نال چلدا پیا اے پر انصاف توں بہت دور چلا گیا اے اسیں جتا وچارنے آں سانوں اونا ای پک ہو رہیا اے ایس دا وجود جگ نوں انڈیا دیاں غیر انسانی قدراں بے یار و مددگاری وکھارہیا اے۔ ایہہ لا قانونیت اُتے ناقابل مزاحمت دیاں علامتاں نیں۔ شاہی قانون گھر وچوں پاس کیتا جاوے والا سلومن قانون نام نہاد انڈین پارلیمنٹ دی بے عزتی اُتے پیراں پٹھ رولن والی گل اے۔“

بھگت سنگھ اُتے دت اگے اپنے مقصد نوں ہو رواض کر دے نیں: ”اسیں جان بُجھ کے اپنے آپ نوں حوالے کیتا اے تاں جے سانوں اوس دی سزا دتی جاوے جو اسیں کیتا اے تاں جو ہتھ ٹھو کے مفاد پرستاں نوں ایس گل دا چاٹن ہو جاوے جو بندیاں نوں مارن نال اوہ وچاراں نوں نہیں مار سکدے۔ دو عام بندیاں دی روح نوں کچلن نال قوم دی روح نوں کچلیا نہیں جاسکدا (ibid, P-73)“ او ہناں ایہہ سوال پچھدیاں ہو یاں سامراجی طاقتاں نوں للکاریا۔ ”کیہ قانون اُتے حفاظتی بلاں راہیں انڈیا وچ بلدا ہو یا آزادی دا بھانبر بھاسکدے او۔ سازشی کیس راہیں سارے جواناں نوں اسیری دتی جاوے گی جیہناں اُچیرے وچار وکھائے پر انقلاب دی تحریک نال

نہیں چل سکہے۔ پروفی طور اُتے اک چتاوئی اے جے توجہ نہ دتی گئی تاں ایس راہیں لوکاں دیاں جاناں اُتے دو جے نقصان نوں ہون توں بچایا جاسکہ اے۔ ایس ایس چتاوئی نوں اپنے سر اُتے لیا اے ہُن ساڈا فرض پورا ہو گیا اے۔ (ibid- pp-73-74)۔

بھگت سنگھ اُتے دت نے اپنے بیان وچ ایس گل نوں واضح کر دتا جو کج اوہناں سوچ سمجھ کے خالی تھاں اُتے بے ضرر بم سنیا جس دا مقصد کسے نوں نقصان پہنچانا نہیں سی۔ صرف خالی میزاں نوں نقصان ہو یا جاں درجن توں وی گھٹ لوکاں نوں خراشاں آئیاں۔ ایس دے باوجود وی اوہناں کولوں نکلیاں عدالتاں وچ ایہہ سوال کیتا جا رہیا سی جو اوہناں دا اکھر انقلاب دا کیہ مطلب اے اُتے بھگت سنگھ سیشن کورٹ وچ اپنے بیان وچ ایس دے مطلب نوں چنگا کھلار کے بیان دتا اے۔ اوہناں سرمایہ دارانہ نظام اُتے لوکاں دی آمریت بارے انقلاب دے وچاردی گل کہتی۔ اوہناں ایہہ وی برطانوی سامراج نوں دسیا بی مارکسسٹ دی خوبی اے جو تبدیلی پر امن طریقے نال وی لیائی جاسکہ دی اے۔ ایہہ اوس ویلے ای ممکن اے جدوں زور دے نال ایس بارے دسیا جاوے اُتے ایس طرحاں ای کیتا گیا اے۔ بیان دے اخیر وچ اک واری فیر ”انقلاب زندہ باد“ دا نعرہ لایا گیا۔

اصل وچ بھگت سنگھ لئی انقلاب دا مطلب ایسا واضح ہو گیا سی جو اوس دی ساری توجہ اُتے طاقت نہ صرف اپنے آپ نوں سگوں اپنے کامریڈ دوستاں نوں اپنے لوکاں نوں اُتے سامراجی طاقتاں نوں سمجھاوے اُتے لا دتا۔ جدوں ماڈرن ریویو دے ایڈیٹر راما نند چٹرجی نے Long Live Revolution دے نعرے نوں مندیا تاں بھگت سنگھ اُتے دت نے ایس دا جواب دتا: جیہڑا اوہناں دے پتر راہیں 'The Tribune' وچ 24 دسمبر 1929ء نوں چھپیا۔

”انقلاب لئی کدی وی خونخواری دی ضرورت نہیں رہی۔ ایہہ ہماں اُتے پستولاں دا حصہ نہیں رہیا۔ کدی کدی ایس نوں توڑ چاڑھن لئی دو جے راہ ورتنے پیندے نیں پر ”بغاوت“ انقلاب نہیں ہوندی۔ ایہہ اپنے اخیر ول ٹرجاندی اے (shive verma- deip-81) بھگت سنگھ دا آکھنا اے انقلاب اک روح دا چنگیائی لئی بدلاؤ ہوندا اے اُتے اوہناں دی آس اے انقلاب دی روح ہمیش توں انسانیت دامنڈھ ہوندی اے تاں جے رد عمل دیاں طاقتاں باہر لیاں طاقتاں دے زور پیٹھ نہ آجاوے۔“

بھگت سنگھ اُتے اوس دے سنگی کامریڈاں نے عدالتاں وچ جو کجھ جان بکھ کے کیتا اوس دے دو مقاصد سن:

- 1۔ عدالتاں نوں مڈھ بناوندیاں ہوياں برطانوی سامراج نوں ننگا کرنا۔
 - 2۔ برطانوی سامراج دی ہوس پرستی ول لوکائی دی توجہ دوان لئی جیل وچ بھگھ
- ہڑتال۔

برطانوی راج ایہناں حرکتاں توں بے خبر نہیں سی پر بھگت سنگھ اُتے اوس دے سنگی کامریڈاں دا اپنی حیاتی نوں تسیے دین دے جذبے پاروں اوہناں دیاں دلاں وچ اگ لگ گئی سی۔ تیجی شے سی بھگت سنگھ دے اندر واندیری پلدے ہوئے وچارا۔ ایہہ گل بڑی حیرانی والی سی مرن گھاٹ ول نت دن ودھدی ہوئی حیاتی والے بندے نے ایہناں اوکھے حالات وچ اپنے آپ نوں جگ دی انقلابی توارنخ پڑھن وچ غرق کر لیا سی۔ عدالتاں وچ دتے جاون والے بیاناں لئی اوس دی مارکسزم بارے پڑھائی نے بہت مدد کیتی۔ اوس نے رل کے کئی مہینے بھکھ ہڑتالاں کیتیاں۔ پلس دیاں ماراں اُتے جیل دے اندر زخمی ہون بعدوں وی اوس پڑھیا اُتے اوہناں کتاباں وچوں بہت کجھ لکھ کے لکھیا۔

جیل دیاں لکھتاں

بھگت سنگھ نے جیل وچ چار کتاباں لکھیاں:

- 1۔ آئیڈیل آف سوشلزم
- 2۔ جیون کتھا۔
- 3۔ انڈیا وچ انقلابی تحریکاں دا اتہاس۔
- 4۔ موت دے بُو ہے اُتے۔ شو ورمادے موجب ایہہ کتابچے، کماری لاجپتی آف جلندھر راہیں جیل وچوں لکا کے باہر لیاندے گئے، جیہڑے 1938ء وچ انڈیا مان جیل وچوں رہائی توں مگروں بی جے کمار سہنادے حوالے کر دتے گئے۔ سہنادے ایہہ کاغذات اپنے کسے متر کول حفاظت پاروں رکھوادتے سن، پر بعد وچ پلس دے چھاپے دے ڈروں ایہناں نوں ساڑ دتا گیا۔ جیل دیاں نوٹ بگس، کلیر سنگھ اُتے بھگت سنگھ دے گھر والیاں وی کٹھیاں کیتیاں سن۔

کماری لاجنتی، جیہڑی کانگریس دی ایکٹیوسٹ اُتے بھگت سنگھ ڈیفنس کمیٹی دی سیکرٹری سی، اکثر لہور جیل وچ اوہناں نال مقدمے دے قانونی پہلوواں اُتے گل کرن لئی جاندی رہندی سی۔

نہرو میموریل میوزیم دے اورل ہسٹری سیل، نوں انٹرویو دیندیاں ہوياں، اوہناں یاداں تازہ کردیاں ہوياں دسیا: اوہ اپنے نال بھگت سنگھ دے دتے ہوئے کجھ کاغذ لیاپاں سن، جیہڑے اوہناں نے ”پیپلز“ اخبار دے ایڈیٹر فیروز چند لالہ لاجپت رائے دی اخبارتوں، وکھائے سن۔ فیروز چند نوں ایہہ آکھیا گیا سی، اوہ اخبار وچ چھاپن لئی کجھ کاغذ چن لین، اوہناں کجھ کاغذ چن لئے اُتے باقی دے لاجنتی نوں پر تادتے، جیہڑے اوس نے 1938ء سے بی جے کمار سہنا نوں دے دتے۔ فیروز چند نے 27 ستمبر 1931ء نوں بھگت سنگھ دی سالگرہ اُتے اوس دا مضمون ”میں بے دین کیوں آں؟“ چھاپ کے اوس دی ایس ورھے 23 مارچ دی شہادت نوں سلام پیش کیتا۔ ایس توں پہلاں بھگت سنگھ دی شہادت توں کجھ دن مگروں 29 مارچ نوں ”نوجوان سیاسی کامیاں لئی خط“ وچ کجھ ٹوٹے وی شائع کیتے۔ انج جاپدا اے فیروز چند نے ”موت دے بوہے اُتے“ وچوں وی کجھ شور و مادی صلاح پاروں پسند کیتا سی۔ دوجے کاغذاں وچ بھگت سنگھ داسزائے موت سُنائے جان بارے اوہ خط وی سی، جیہڑا نوجوان انقلابی ہری کرشن نوں دتا گیا سی۔ ایہہ خط وی بعد وچ ”پیپلز“ اخبار وچ چھاپے چڑھیا۔ ایس پوری کتھادی سبھ توں حیرانی والی گل تاں ایہہ اے، نئی کماری لاجنتی نہ ای فیروز چند بلکہ بے جے کمار سہنا، جیہناں نوں بھگت سنگھ نے اوہناں کاغذاں دا والی مقرر کیتا سی، ایہناں نے ایہناں وچوں کجھ لہے کے نوٹ کرن دی تکلیف ای نہیں کیتی۔ اُتے شور و ماتی ایں ایہناں لکھتاں دے حصے کنج اپڑے، ایہہ وی اک بھیدی اے۔ خبرے ایہہ جیل وچ بھگت سنگھ راہیں آپ ای ایہناں تیکر اپڑے ہوون گے، پر کیہ ایہہ پورے کتاچے سی جاں جیل دی نوٹ بک سی۔ ایس بارے کوئی گل یقین نال نہیں آکھی جاسکدی۔ انج جاپدا اے، نئی ایس بھیت توں کدے وی پردہ نہیں چایا جاسکدا۔ کیہ ایہناں لبھے ہوئے کاغذاں دی بنیاد اُتے بھگت سنگھ دے وچاراں بارے کم نوں اگے ودھایا جاسکدا اے؟ جیہڑے خاصے مشکوک وی نیں۔

8 اپریل 1929ء توں 23 مارچ 1931ء دے دو ورھیاں دے تھوڑے جیسے سہ ماہی دی بنیاد اُتے ایہہ وچارناں اوکھا لگدا اے، نئی بھگت سنگھ نے پوریاں چار کتاباں کیوں لکھیاں ہون

گیاں؟ جدوں اوہ بھکھ ہڑتالاں اُتے مقدمیاں وِچ وی اُلجھیا رہیا۔ دسپاں جان والیاں چار کتاباں وچوں دو کتاباں اک دو جے نال میل کھاندیاں نیں، اک تاں اوہناں دی ”جیون کتھا“ اے دو جی ”موت دے یو ہے اُتے“ پر دو جیاں دو کتاباں جے چھوٹے پمفلٹ نیں، تاں لگدا اے اوہناں ای لکھے ہون گے۔ پرائڈیاں انقلابی تحریکاں دے اتہاس اُتے پوری کتاب لکھنا اوہ وی حیاتی دے دو اوکھے ترین ورھیاں وِچ، مشکل لگدا اے پر بھگت سنگھ نے ”سائنس آف سٹیٹ“ دے ناں توں اک مکمل کتاب لکھن دا منصوبہ بنایا سی، اُتے اوس بارے تفصیلی نکتے اوہدی جیل دی نوٹ بک وِچ لکھے ہوئے نیں۔

ایس کتاب اندر بھگت سنگھ ایس گل دی کوشش کر رہیا سی۔ اسٹیٹ دے تاریخی ارتقاء توں لے کے نویں سوشلسٹ سٹیٹ بنن تک کھوج کیتی جاوے۔ کیہ اوہ ایہہ کتاب لکھن لئی ویلا کڈھ سکیا، پر اوس دے کتاب بارے لکھے گئے نوٹس اُتے جے کوئی کم کردا تاں ایہہ ریاست بارے مارکسٹ تجزیے دی بہترین کتاب ہوندی۔ اوہناں دی ہتھ لکھت دے کجھ نوٹس، جیہڑے پنج گئے سن، بھوپندر بھوجا نے ایڈٹ کر کے 1994ء وِچ چھاپے، جیہڑے اپنی تھیں اُتے بہت ودھیا نیں۔ ایہہ نوٹ بک جیل وِچ لکھی جاوَن والی گرامسکی جاں لینن دے فلسفے ورگی نوٹ بک تاں نیں۔ نہ ای جی گورادیاں ڈائریاں وانگوں جا پدی اے۔ ایہہ اوہناں کتاباں بارے نوٹس نیں جیہڑیاں بھگت سنگھ نے پچھلے لگن توں پہلاں جیل اندر پڑھیاں سن۔

اپنی چون موجب ودھیا ہون توں وکھ ایہہ نوٹس بھگت سنگھ دے پروان چڑھدے ہوئے وچاراں دا بنیادی اظہار وی نیں۔ ایہناں نوٹساں وِچ لکھیاں گئیاں جگت ادب دیاں چونیواں گلاں بھگت سنگھ دے انقلابی ہون دے نال نال خاص ہرکھ وی وکھاندیاں نیں۔ پڑھائی توں مگروں اوہدی فلماں وِچ دلچسپی بارے اوس دے کئی نیڑ لے سچاں اُتے کامریڈاں وی دس پائی اے۔ اوہ چارلی چپلن دیاں فلماں دا شوقین ہوون دے نال نال، انکل ٹامز کیبن، اُتے تھری مسکیٹرز ورگیاں فلماں وی پسند کرداسی۔ اک چنگا گویا ہوون توں وکھ اوس نے کالج دے نائٹ وی کیئے۔ جیہڑے اوس دی ادب اُتے دو جے آرٹس دے نال دلچسپی ظاہر کردے نیں۔ ایہو ای کارن اے جو پُرانے انقلابی رام سرن داس ورگے جیہناں بھگت سنگھ نوں اپنے شعری پراگے ”ڈریم لینڈ“ دا پیش لفظ لکھن لئی آکھیا۔

ایہہ بڑی دلچسپی دی گل اے بئی بھگت سنگھ دیاں جیل دیاں لکھتاں نوں انڈیا دے دانشوراں دادھیان گوچرے ہون توں پہلاں روسی انڈیا لوجسٹ آئی۔ وی۔ میتھر وکن نے 1981ء وچ لکھی جان والی کتاب ”انڈیا آن لینن“ وچ بڑی تفصیل نال لکھیا اے۔ ایس کتاب دا ہندی ترجمہ 1990ء وچ چھاپیا گیا۔ ایس کتاب وچ اک پورا باب ”بھگت سنگھ دے اخیر لے دن“ دے ناں اُتے لکھیا گیا اے۔ ایس کتاب وچ پہلاں توں بھگت سنگھ بارے چھپن والے مضموناں دے حوالے وی دتے گئے نیں؛ جیہناں وچ اے۔ وی راکوف دا 1971ء وچ ”بھگت سنگھ تے اوس دے وچاراں دی وراثت“ دے ناں اُتے لکھیا گیا مضمون، مترن کوف دا اپنا مضمون ”بھگت سنگھ دیاں پڑھیاں ہونیاں کتاباں“ 1971ء وچ چھپن والی کتاب ”انڈیا آن لینن“ دے حوالے وی شامل کیتے گئے نیں۔ ایہناں روسی کتاباں وچ بھگت سنگھ دی عقلی ترقی دی مارکسٹ انداز وچ پروان بارے مُڈھلے اندازے لائے گئے نیں۔

میں 1984ء وچ نہرو میوزیم اُتے لائبریری (NMML) وچ بھگت سنگھ دی جیل دی نوٹ بک دیکھی اُتے ایہہ گل جان کے افسوس ہويا جو ابے تیکر ایس نوں چھاپیا نہیں گیا اُتے میں ایس بارے ہندی رسالیاں وچ لکھنا شروع کر دتا۔ NMML نے ایس نوٹ بک دی نقل نوں بھگت سنگھ دے نکلے بھرا کلبیر سنگھ کولوں ایس نوں نہ چھاپن دی شرط اُتے لیا سی۔ ایہہ 1992ء دی گل اے جدوں مرحوم بھوپندر ہو جا جیہڑے ”انڈین سرگزشت کتاب“ دے چیف ایڈیٹر سن اپنے ماہنامے وچ قسط وار چھاپنا شروع کیتا۔ میرے ایس بارے تعارفی خط نے ہو جانوں ایہناں دے ٹھیک ہون بارے ہو پُر اعتماد کر دتا اُتے اوس نے 1994ء وچ اوہناں نوں اپنے ایڈیٹوریل نوٹس دے نال کتابی شکل وچ چھاپ دتا۔ کجھ چنگے تجزیے اُتے اک تاریخی کاغذات ہون دیاں ہویاں وی نوٹ بک اوئی توجہ حاصل نہ کر سکی جنی ایس نوں لکھنی چاہیدی سی۔ نوٹ بک دے ہندی اُتے دو جیاں زبانناں وچ چنگے ترجمے ہون دے باوجود وی کسے نے ایس نوٹ بک اُتے کیتے گئے محنت والے کم نوں نہیں سراہیا۔ پر باہمت بھوپندر ہو جا ایس گل دی آس رکھدے نیں جو ایہناں کاغذات دانواں ایڈیشن تواریخ دانوں، انڈیا دی آزادی دے انقلابی کچھ دے پڑھیاں اُتے سیاسی کامیاں دی اکو جیہی توجہ حاصل کر لئے گا۔

ایس لکھت نوں بھگت سنگھ دیاں دو جیاں لکھتاں ”میں بے دین کیوں آں؟“ ”عدالتی

بیان“ ”نوجوان انقلابیاں دے ناں اک خط“ وغیرہ دے نال رلا کے پڑھنا چاہیدا اے جیہڑے انڈیا دی انقلابی تحریک وچ اہم درجہ رکھدے نیں۔ اصل وچ نوٹ بک وچ لکھیاں گئیاں دو جیاں کتاباں دیاں چونویاں گلاں جمہوری سیاسی نظریات دے پروان کلاسیک یونانی سمے توں لے کے اوس ویلے تیکر دے بہترین مارکسسٹ لکھتاں بارے رہنما دا درجہ حاصل اے۔ اک طرحاں ایہہ نوٹ بک بھگت سنگھ دی شخصیت نوں اجاگر کردی اے، بئی کنج اوہ 23 مارچ 1936ء نوں اپنے مرن دیہاڑے لینن نوں پڑھدا رہیا۔ پنجابی انقلابی شاعر پاش نے بھگت سنگھ دے اخیر لے ویلے نوں ایہناں اکھراں وچ سلام پیش کیتا اے ”انڈین نوجواناں نوں لینن دی کتاب دا اوس توں اگلا ورقہ پڑھنا چاہیدا اے جیہڑا بھگت سنگھ نے اپنے جیون دے اخیر لے دیہاڑے پلٹیا اے۔

بھکھ ہڑتال دا سیاسی ہتھیار

بھگت سنگھ اُتے اوہدے ساتھیاں ولوں جیل وچ غیر مشروط بھکھ ہڑتال بہت تگڑی سی جس دی اک مثال اوہناں دے اک بہت پیسے کا مرید جتن داس دا وچھوڑا سی جس نے اپنا جیون 13 ستمبر 1929ء نوں جیل دے 63 ویں دیہاڑے قربان کر دتا۔ زبردستی دُده پین نال اوس دے پھمپھڑے بہت متاثر ہو گئے سی۔ اپنے دو بے سنگیاں ولوں ترلیاں دے باوجود اوہنے بھکھ ہڑتال توڑن توں نا نہہ کر دتی۔ اوس نے بہت پکے ارادے اُتے لگن نال اپنی حیاتی انڈیا دی آزادی لئی قربان کر دتی۔ بھگت اُتے دت نے جتن دے مرن مگروں وی بھکھ ہڑتال جاری رکھی اُتے ایس نوں اکتوبر دے پہلے ہفتے 115 دناں بعد مکایا۔ بھگت سنگھ اک واری پھیر بھکھ ہڑتال کر دتی جدوں سُندر دے مقدمے دی کارروائی چل دی پئی سی، جس دے بدلے وچ وڈے جج دے آکھن اُتے اوہناں دی بہت کٹائی ہوئی، جس توں مگروں انڈین جج آغا حیدر ہوراں اپنے آپ نوں ٹریبونل توں وکھ کر لیا اُتے بھگت سنگھ اُتے اوہدے ساتھیاں بھکھ ہڑتال دے سیاسی ہتھیار نوں بہت چنگی طرحاں ورتیا۔ اصل وچ ایس گل نوں سمجھن دی لوڑ اے اپنے آپ نوں بھکھا رکھن دی روحانی طاقت ہمیشہ توں سارے معاشریاں وچ آج تک وی اپنا گتھا اثر رکھدی اے۔ آپ مار دھاڑ کرن والے اُتے بھکھ ہڑتال کرن والے وچ ایہہ فرق اے کہ آپ مار دھاڑ کرن والا

اپنے مقصد لئی نہ صرف اپنی جان دیندا اے سگوں اوہ دوجیاں دی حیاتی مکاون نال لوکائی دیاں
 ہمدردیاں گوا دیندا اے۔ بھکھ ہڑتال کرن والا اپنی صحت جاں جیون دان کر کے پوری قوم دی
 حمایت حاصل کر لیندا اے۔ بھگت سنگھ اُتے اوس دے سنگی کامریڈ ایس گل دے چنگی طرحاں جانو
 سن اُتے اوہناں ایس نوں اپنے آپ اُتے لگے قتلّاں اُتے اُت واددے داغاں نوں دھون لئی
 ورتیا۔ ایہہ گل بھگت سنگھ دی پکی سیاسی سوجھ نوں دکھاوندی اے۔ بھکھ ہڑتال دا ہتھیار راج وی
 بہوں اثر رکھدا اے اُتے بھکھ ہڑتال کرن والے دی طاقت دکھاوندی اے۔

مقدمہ اُتے سزائے موت

بھگت سنگھ اُتے اوس دے کامریڈاں نے سندر دے مقدمے دا بائیکاٹ کر دتا، جیویں
 بھگت سنگھ راج گرو اُتے سکھ دیونوں ٹریونل نے موت دی سزائے ایس نوں اے جی نورانی نے
 اپنی کتاب ”بھگت سنگھ دا مقدمہ“ وچ کھل کے لکھیا۔ برطانوی سامراج ولوں کیتے گئے موت دے
 فیصلے دا سدھا مطلب انڈین انقلابیاں دا قتل سی۔ بھگت سنگھ نے اپنے پھاہے لگن توں ترے دن
 پہلاں 20 مارچ 1931ء نوں اک خط وچ لکھیا کہ اوہ برطانوی سامراج نال جنگ کر رہے سی ایس
 لئی اوہناں نال جنگی قیدیاں والا سلوک کیتا جاوے اُتے اوہناں نوں پھاہے لاون دی تھاں گولی
 ماری جاوے۔ پر برطانوی راج بہتا ڈرپوک نکلیا اُتے اوہناں سویرے 6 توں 7 بجے پھاہے
 لان دا ویلا وی نہیں سنبھل سکيا۔ اوہناں جگ دے سارے قانون توں ہٹ کے بھگت سنگھ راج
 گرو اُتے سکھ دیونوں 23 مارچ نوں شامیں ست بجے پھاہے لا چھڈیا۔ ”نوجوان بھارت سبھا“
 ولوں اک جلسے دا پر بندھ کیتا گیا، جیہڑ 24 مارچ نوں اوہناں دی سزا ویلے ہوناسی۔ پر برطانوی
 سامراجیاں لوکاں دے ایڈے وڈے کھ نوں لہور دی سینٹرل جیل موہرے کٹھیاں ہون توں
 ڈردیاں ہوياں ایہہ کم 23 مارچ نوں شامیں ست بجے ای نبیڑ چھڈیا۔ پر ایہہ خبر لہور دے لوکاں
 توں لکائی نہ جاسکی اُتے ایس جلوس دے اخیر لے ویلے اوہناں دی پھانسی دی خبر لوکاں وچ پھیل
 گئی اُتے لوکاں جیل دے بوہے اُتے ہلے بول دتا۔ بھارتی افسراں ڈردیاں شہیداں دے جُٹے
 وڈھ کے اوہناں نوں بوریاں وچ بند کر کے جیل دے پچھلے بوہیوں باہر کڈھیا اُتے فیروز پور
 دریائے ستلج دے کنڈھے وسدے پنڈ گنڈ والا دے نیڑے جنگل وچ مٹی دا تیل پا کے لُہ دتا۔ پر

لہور اُتے فیروز پور دے ویہرے لوکاں نوں تھان دا پتہ لگ گیا۔

24 مارچ داسو راج ڈبنوں پہلاں لوکاں اوہناں دے ادھسڑے جسمیں اُتے ہڈیاں

لہور لے آندیاں اُتے راوی دے کنڈھے اوہناں دا اتم سنسکار کیتا۔

اوس ویلے پنجاب دی کانگریس پارٹی نے شہیداں دے جُٹیاں دی بے حرمتی بارے
اک سچ بھال کمیٹی بنائی۔ اوہناں دناں وچ الہ آباد توں چھپن والے اخبار ”بھوشیا“ وچ ایس کمیٹی
دیاں رپوٹاں چھپیاں پر اوہ لوکاں نوں متاثر نہ کر سکیاں۔ جدوں کانپور توں ایس ہونی دیاں
رپوٹاں لوکاں دی توجہ حاصل کر چکیاں تاں مڈ کے نیشنل بک ٹرسٹ والیاں کانگریس دی ایس
رپورٹ نوں مڈ کے چھاپیا، بڑی اچرج گل اے کانگریس دی ایس رپورٹ بارے پہلاں کسے گوہ
نہ کیتا۔ کانپور دے فساد ایس ہونی توں بعد شروع ہوئے سن اُتے بد قسمتی نال ایہناں دنگیاں نے
کنیش شکر (جیہڑے پتر کار قوم پرست اُتے کانگریسی لیڈر سن) جیہڑے بھگت دے بڑے چاہن
والے سن اوہناں دی ہتیا ہو گئی۔

ایہو حال شہیداں دیاں یادگاراں نال کیتا گیا۔ اصل وچ ’نوجوان بھارت سبھا‘ نے
شہیداں دیاں یادگاراں بناون لئی اک کمیٹی بنائی سی جس نوں کانگریس نے برباد کر دتا۔ ایس توں
بعد فیروز پور نیڑے ’حسینی والا‘ وچ شہیداں دی اک یادگار بنائی گئی، جس نوں قومی تحریک وچ کوئی
اہمیت نہ دتی ایہہ اوہوای تھان سی جتھے بھگت سنگھ اُتے اوہدے ساتھیوں نے سیاست دا منڈھ بدھا
سی پھیرا تھے ای اوہناں دیاں جُٹیاں نوں لُہیا گیا اُتے ایہہ اوہ تھان اے جتھے لالہ لاجپت رائے
ہوراں داوی اتم سنسکار کیتا گیا۔ اصل کرن والی گل ایہہ اے جو لالہ لاجپت رائے بھگت سنگھ اُتے
راج گروہوراں دی یادگار راوی کنڈھے ہونی چاہیدی اے جیہڑی پنجاب دے نوجواناں لئی
ایہناں شہیداں دیاں یادگاراں داسر چشمہ ہون۔ ہُن توں 75 ورھے پچھانہہ ویکھیے کڈی حیرت
دی گل اے جو بھگت سنگھ اُتے سکھ دیو دیاں لائل پور وچ جنم بھونئیں اُتے نہ کوئی یادگاراں بنائیاں
گئیاں اُتے نہ ای ایہناں دی یاد وچ کوئی یادگار اُساری گئی۔ اسیں آس کر دے آں جو اجو کے
پاکستانی، ہندوستانی رل کے نہ صرف لہور وچ سگوں فیصل آباد وچ وی ایہناں شہیداں دیاں
یادگاراں بناون۔ پر خبرے اوہ اکوای سی جس نے دیس دے لوکاں وچ سامراجیت اُتے
بادشاہت بارے نا بری دا جذبہ جگایا۔

ونڈے ہوئے پنجاباں وچ بھگت سنگھ اک ڈورائے جیہڑی امریکی سامراجیت بارے
ساڈی مزاحمت وچ مدد دے سکدا اے۔

انقلابیت دی نشانی

بھگت سنگھ دی داستان دے کجھ ہور وی دلچسپ کچھ نیں۔ اوس دے سبھاش بوس جواہر
لعل نہرو لالہ لاجپت رائے، مدن موہن ملاویا اتے دُوئے قومی لیڈراں نال چنگی جڑت سی۔ اک
دو جے توں وکھ وچار رکھدیاں ہوياں وی اوہ اک دو جے نال جُوئے ہوئے سن۔ الہ آباد وچ ہون
والی چندر شیکھر آزاد تے نہرو وچکار ملنی بارے نہرو آپ آکھیا جواہر کوئی خوشگوار ملاقات نہیں سی۔
آزاد نہرو نوں پر بھاوت نہ کر سکیا پر پھیر وی نہرو نے روس دے انقلابیاں لئی 1000 روپیہ چندہ
دتا۔ آزاد دی موت کارن ایہہ چندہ او تھے نہ اپڑ سکیا۔ سبھاش اتے نہرو بھگت سنگھ توں متاثر سن جد
کہ آزادی دی تحریک وچ کانگریسی لیڈراں اتے نوجوان انقلابیاں اپنیاں وکھو وکھ راہواں اتے
طریقیاں راہیں جتن کیتے۔ جدوں لالہ لاجپت رائے نے سامراجی طاقتاں نال گل بات کیتی تاں
بھگت سنگھ اتے اوہ دے ساتھیاں نے ایس گل دی کھلم کھلا مخالفت کیتی۔ ایس دے باوجود وی
اوہناں دے تعلقات وچ کوئی تریڑ نہ آئی۔ لالہ جی ہوراں دا پوتا بال سٹوڈنٹ یونین، داسکریٹری
سی جیہڑی بھگت توں متاثر ہو کے بنائی گئی سی۔ جواہر لال نہرو، مدن موہن ملاویا اتے دیوان چمن
لال ہوراں سینٹرل اسمبلی وچ بھگت سنگھ ہوراں ولوں کیتی کارروائی دی نندیا کیتی۔ گاندھی نے ایس
بارے اپنے اک بیان وچ آکھیا: ”ایہہ دونو جواناں دا اک پاگل پن سی۔“

بھگت سنگھ نے کورٹ وچ دتے گئے بیان وچ دیوان چمن لال نوں ”جھوٹے ترقی
پسند“ آکھیا۔ تاج بہادر سپرو توں وکھ جواہر لال نہرو، سبھاش چندر بوس اتے جناح عدالتاں وچ
انقلابی جواناں دے نال کھلوتے رہے جدوں اوہناں بھکھ ہڑتال کیتی ہوئی سی۔ اوہناں نے
ایہناں دی زندگی بچاون دی ہر ممکن کوشش کیتی۔

ایہہ صرف قوم پرستی دی طاقت ہی سی جس نے ایہناں نوجوان انقلابیاں اتے قومی
لیڈراں نوں کٹھیاں کیتی رکھیا۔ اوہ اک دو جے نوں نندے تاں رہے پر اوکھے ویلے مڑ کٹھے
ہوندے رہے۔ آصف علی، کیلاش ناتھ کھتجو، چندر بھان گپتا، موہن لال سکسینا ورگے وکیل ایہناں

جواناں نال کھلوتے رہے۔ خاص کر اوس ویلے جدوں وی انڈیا دے لوکاں نوں برطانوی سامراجیت دے خلاف کُجھ کرنا ہوند اسی۔

بھگت سنگھ اُتے انقلابی تحریکاں دا دو جا سبھ توں وڈا پہلو ذات پات دے نظام اُتے جاگیرداری نظام دی بھرپور مخالفت سی۔ جے دلتی تحریک، اج اسبید کرتوں وکھ کسے نوں اپنا قومی ہیرو مندی اے تاں اوہ بھگت سنگھ اے۔ بھگت سنگھ دیاں لکھتاں اُتے اوس دے کماں دلتی لوکاں وچ اپنے لئی بہت محبت اُتے حمایت بھر چھڈی اے۔ جیل وچ پھانسی گھاٹ جان توں پہلاں نہ صرف اوہ لینن نوں پڑھ رہیا سی سگوں اوہنے اوہ ویہاروی اپنا جیہدے نال وِتھاں میلیاں جاسکدیاں سن، جیل دے دلتی کا مے بھوگے نوں اوہدی بے بے دے ہتھ داپکيا ہویا کھان دی وی فرمائش کیتی۔ بھگت سنگھ جیل دی صفائی کرن والی نال اپنی ماں سمان ویہار کرداسی۔ جدوں بھگت سنگھ، سکھ دیو اُتے راج گرو ہسدے ہوياں اُتے گیت گاندیاں ہوياں پھانسی گھاٹ ول پئے جان دے سن اوہوں اوہناں دے کچھ اوس ویلے چراٹ سنگھ اُتے دو جے قیدی انقلاب زندہ باد دے نعرے لا رہے سن۔

استھے ایہہ گل نوٹ کرن والی اے کیمونل تنظیمیاں بھاویں اوہ ہندو، مسلمان، جاں سکھاں دیاں ہون، اوہناں ایہناں انقلابیاں دی حمایت وچ اک اکھروی نہ آکھیا۔ ایہہ سنہری اکھراں وچ لکھن والی گل اے جو ایہہ کجے دھڑے دی اکھری تنظیم سی جس نے سچے ڈھنگ نال دیس وچ انقلابی تحریک نوں موڈھا دتا۔ ایس آزادی دی جدوجہد وچ ایہہ تنظیم کجے دھڑے دی سچی وارث سی۔ ایس گل دا صرف گاندھی اُتے بھگت سنگھ نوں پتہ سی جو انقلابی دی موت نوں کوئی نہیں ٹال سکدا۔ گاندھی دے اپنے نظریات سن اُتے بھگت سنگھ دے اپنے۔ دوویں اپنے اپنے نظریات اُتے پکے کھڑے سن۔

برطانوی سامراج نے اخیر ایہہ فیصلہ کیتا بئی جواناں نوں مار دتا جاوے خاص کر بھگت سنگھ نوں، کیوں جو اوہناں نوں بھگت سنگھ دی شخصیت وچ اک بھارتی لینن بندہ وکھالی دیندا پیا سی۔ برطانیہ نوں کانگریس پارٹی نال مک مکاوارے کھاوند اسی کیوں جو اوہ سیاسی طاقت کانگریس نوں انج ای دے دیندے تاں اوہناں دے معاشی فائدیاں نوں وی سٹ و جدی۔ ایس لئی اوہناں نوں بھگت سنگھ دا جیون وارے نہیں سی کھاندا۔ اوہنے برطانوی سامراج اُتے سرمایہ داری

نظامِ نوں جڑھوں مکاونا ای حیاتی دامتقصد بنالیا سی۔

انجے بھگت سنگھ کول اپنی راہ سی انجے ای جیویں برطانیہ کول نوآبادی طاقت سی۔ ایہو ای وجہ سی جو بھگت سنگھ نے سوتوں وی گھٹ لوکاں دے نال جگ دی سبھ توں تگڑی شہنشاہت نوں مکاوں لئی شہادت دی راہ پئی اُتے لکھاں لوکاں نوں ہلا دتا۔ پاتھانی ستیا مایا، جیہڑے گاندھی ولوں سبھاش چندر بوس دے تری پوری کانگریس دے تاریخی امیدوار سن اوہناں نوں ایہہ گل منی پئی جو بھگت سنگھ گاندھی نالوں گھٹ مقبول نہیں سی اُتے ایہہ پجی ورھیاں دی نیکی عمر دے اوس بندے لئی کوئی نیکی جیہی کامیابی نہیں سی جیہدے کچھ صرف چھ توں ست ورھیاں داسیا سی کیریئر سی۔ سزائے موت دے اعلان توں پہلاں جے دیو پور نے بھگت سنگھ کولوں پچھیا: ”کیہ اوس نوں نیکی عمرے مرن دا کوئی پچھتاوا ہے؟“ پہلاں تاں بھگت سنگھ ہسیا اُتے پھیر بڑی سچ وچ جواب دتا: ”انقلاب دی راہ اُتے پیر پاؤندیاں ہویاں میں ایہہ سوچ چکیا ساں جے کر میں اپنی حیاتی قربان کر کے پورے دیس وچ ”انقلاب زندہ باد“ داعرہ پھیلا سکیا تاں مینوں ایہہ محسوس ہوئے گا جو مینوں میری حیاتی دامل لہ گیا، اج کال کوٹھڑی دیاں سلاخاں کچھ بہہ کے میں کروڑاں لوکاں دیاں ایس نعرے والیاں واجاں سن سکدا ہاں میں ایس گل اُتے یقین رکھدا ہاں جو میرا ایہہ نعرہ آزادی دی جدوجہد دے اخیر لے ویلے تیکر سامراجیت اُتے چڑھدی ہوئی طاقت وانگوں حملہ کردا رہوے گا۔ ایس نیکی جیہی حیاتی دا ایس توں وڈا کیہ مل پے سکدا اے۔“

شو ورمہ جولائی 1930ء داک واقعہ دسدے نیں جدوں بھگت سنگھ ہوراں نوں ملن لئی لہوردی برائل جیل توں سینٹرل جیل اوہناں دے مقدمے توں انکاری بارے گل بات کرن آئے تاں سارے اک دوجے نال آون والے فیصلے بارے مذاق کردے رہے، بھگت سنگھ اُتے راج گرو ایس گل نوں جاندے سن جو اوہناں نوں پھاہے لادتا جاوے گا۔ اوس ویلے بھگت سنگھ آکھیا، اوہ ایس حقیقت توں خوفزدہ نہیں جو اوہناں نوں ”مرن تیکر پھانسی اُتے ٹنکیا جاوے گا“ اوس دیہاڑے اوہ موج وچ سی اُتے مٹھی واج وچ بول رہیا سی ایہہ اوس داسٹائل سی۔ دکھاوا اوس دی عادت نہیں سی اُتے خبرے ایہہ اوس دی طاقت سی۔ پھیر اوہناں بھگت سنگھ دے اپنے الفاظ وچ لکھیا: (شو ورمہ ایڈیشن صفحہ 41) ”ایہہ دیس بھگت سنگھ لئی سبھ توں اچا انعام اے مینوں ایس گل اُتے مان اے جو میں ایس انعام نوں حاصل کرن جا رہیاں، خبر رے اوہ مینوں تاں مار سکدے

نہیں پر میرے وچاراں نوں نہیں اوہ میرے جسم نوں تاں کچل سکدے نہیں، پر میری روح نوں نہیں۔ میرے وچار اوس ویلے تیکر اک بددعا وانگ برطانیہ دا شکار کردے رہن گے جس ویلے تیکر اوہ ایس دھرتی توں ٹھن لئی مجبور نہ ہو جان۔ بھرپور طریقے نال بولدیاں ہو یاں اوہ اگے کہند اے: ”مریا ہو یا بھگت سنگھ برطانوی آقاواں لئی جیوندے بھگت سنگھ نالوں بہتا خطرناک ہووے گا۔ میرے پچا ہے لگن توں بعد میرے انقلابی وچاراں دی خشبو ساڈی ایس سوہنی دھرتی اُتے کھلر جاوے گی۔ وچ آزادی دے انقلاب لئی زہر بھر دیوے گی، جیہڑے آؤن والے ویلے وچ برطانوی سامراجیت دا مقبرہ بنادیون گے۔ ایہہ میرا پکا ایمان اے، مینوں اوس دن دی بڑی بے چینی نال اڈیک اے جدوں مینوں اپنے دیس دی سیوا پاروں اپنے لوکاں ولوں محبت دا انعام لہھے گا۔

شوورمانے بھگت سنگھ دیاں لکھتاں نوں انج خراج تحسین پیش کیتا اے، ”اوہ ٹھیک آہند اسی روح کدے وی نہیں مردی اُتے ایہہ کدے وی نہیں مرے گا“ (شوور مائیڈیشن: صفحہ 42)

بھگت سنگھ دی روح نوں 1931ء نالوں بہتا جیوند ارکھن دی لوڑ اے، میں بھگت دی جیل دی نوٹ بک اُتے ایس دیاں دوجیاں لکھتاں، جیہناں وچ رام سرن داس دی انقلابی شاعری دا پیش لفظ وی شامل اے پڑھن لئی زور دیناں۔ (شوور مائیڈیشن صفحہ 123)۔ برائے مہربانی اکھاں بند کر کے ایس نوں نہ منیا جاوے، نہ صرف ایس نوں پڑھیا جاوے، بلکہ ایس وچ کیہ لکھیا اے۔ ایس نوں پڑھو، ایس اُتے تنقید کرو، ایس بارے غور کرو اُتے ایس دی مدد نال اپنے وچار بناون دی کوشش کرو۔



کتھا بریڈ لاہال تے اوہدے وسنیکاں دی

’لہور، نرول مسلماناں دا شہر سی تے ہے۔ ایہہ گل اک وڈے انگریزی اخبار نے میری انگریزی کتاب لاہور 1947 بارے تبصرہ کردے ہوئے لکھی۔ تبصرہ کار نے کتاب وچ ہندو تے سکھ لہوریاں دیاں کہانیاں نوں جیویں ویکھیا ہی نہ ہووے۔ ایہہ گل جے کسے پھوکے مان پاروں آکھی جاوے تاں اپنی ماڑی گل نہیں پراہیہ گل کرن والے نوں جیویں کج چڑھی ہووے۔ 1947ء توں پہلاں دی گل چھڈو۔ 21 مارچ 2008 نوں لہور وچ اکودن چار مذہبی تہوار ہوئے۔ پارسی تے بہائی نوروزیاں نوں سال دے دھاڑے دا جشن منارہے سن، ہندو برادری ہولی کھیڈ رہی سی۔ مسلمان عید میلاد النبی منارہے سن اتے، مسیحی لوک گڈ فرائی ڈے دیاں پوتر پراداس یاداں وچ رُجھے ہوئے سن۔ فیرودناں مگروں 23 مارچ نوں ساری قوم پاکستان دار پبلک ڈے منارہی سی، مسیحی ایسٹر دیاں خوشیاں منارہے سن پر اوس دن کسے بھگت سنگھ دی شہادت نوں یاد کیتا؟ 1931 دے 23 مارچ نوں؟ کجھ ای دن پہلوں بسنت لنگھی سی۔ انج مارچ دا تیجا ہفتہ دھرماں تے ثقافتاں دی رنگارنگی دا ہفتہ بنیا رہیا۔ لہور سکھ تہواراں دا شہر وی اے تے مسلمان صوفیاں دے میلے ٹھیلے وی نت لگے ہی رہندے نیں۔ مادھو لعل تے شاہ حسین دی سانجھ مارچ دے اخیر لے اتوار دیاں رونقاں وچوں ڈلھ ڈلھ پیندی اے۔

مائے فی میں کینوں آکھاں ہجر وچھوڑے دا حال

پر 1947ء مگروں غیر اسلامی خاص کر ہندو تے سکھ نشانیاں نوں یاں تے مٹاون دی کوشش ہندی رہی یاں فیرا یہناں وٹوں پوری ان گہلی ورتی گئی۔ کجھ پرانیاں نشانیاں اُتے اسلامی

پھٹیاں لاکے اوہناں داناں نشان مٹایا گیا۔ ڈی اے وی کالج، 1947ء مگروں اسلامیہ کالج بن گیا۔ انارکلی دی ٹکرے مشہور پبلشر راما کرشنا دی بلڈنگ سلامت اے جیہناں دی اک گڑی لاجوتی راما کرشنا نے پنجابی صوفی شاعراں بارے 1936ء وچ آکسفورڈ یونیورسٹی توں پی ایچ ڈی کیتی سی پر جتھے ہن کوئی کافی ہاوس بنیا ہو یا اے۔ بھٹوراج توں پہلاں، خاص کر یگی خان دے ویلے او تھے شراب خانہ ہند اسی۔ ونڈ توں پہلاں تھاں تھاں ہندو تے سکھ، پبلشر ہندے سن۔ اوہناں دے ناں نشان وی مٹ گئے پر میرے آرکائیوز وچ اوہناں دیاں چھاپیاں پرانیاں کتاباں اوہناں دی یاد چوندیاں رکھن دا کارن نیں۔ کنے ہی گورو دوارے تے مندر ڈھیہ ڈھیری ہو گئے۔ ایہہ صرف لہور وچ ہی نہیں پورے پنجاب دے اک اک پنڈتے اک اک شہر وچ ہو یا۔ یہودی تے پارسی عبادت خانے تاں انج مٹے جیویں کدی ہے ہی نہیں سن۔ بابر میست دے انتقام وچ جدوں پورے پاکستان اتے لہور وچ مندر ڈھائے جارہے سن، یار لوکاں جین مندر نوں وی ڈھاہ دتا ہور تے ہور مسیحی گرجے وی حملیاں دانشانہ بنے۔ بلکھے شاہ دے فرمان نوں انج پورا کیتا گیا کہ ایدھر مندر ڈھٹھے، اودھر مسیتاں اُجڑیاں تے بندیاں دے دل؟ اوہناں وچ تاں رب وسدا اے پر ایہدی پرواکون کردا؟ بلکھے شاہ دے بولاں دی پرواکون کردا؟

ونڈ مگروں قوم نوں محمود غزنوی دی بُت شکنی، چیتے آئی تاں لہور وچ بُتاں (مجسمیاں) نوں مٹاؤن دا مڈھ بجھا۔ بُدتمیز، منٹو نے اپنے کالے حاشیاں وچ لکھیا اے کہ جدوں نویں بنے اسلامی دیش وچ پاکستان دی رعایا سرنگرام دا بُت ڈھاہ رہی سی تاں پولیس دیاں لاٹھیاں نال کچھ لوکی پھسٹر ہو گئے۔ اوہناں نوں گنگرام ہسپتال وچ بھرتی کر دتا گیا۔ چاہیدا تاں ایہہ سی کہ مال روڈ اتے گنگرام دیاں بنایاں ان گنت عمارتاں وی ڈھاہ دتیاں جاندیاں۔ گنگرام ورگے اک ہور دیا لٹو برہموسماجی دیال سنگھ مچھیا دا بُت ایس لئی ٹٹ بچج توں محفوظ رہیا کہ اوہنوں دیال سنگھ لاہور وچ دے باہروں چک کے کسے کوئے گھدرے وچ لکا دتا گیا۔ ایہہ بُت آج وی لاہور وچ دی کسے گٹھے پیاو یکھیا جاسکدا اے۔

پر کیہ نشانیاں مٹاؤن نال نشان وی مٹ جانداں نیں۔ اساں لہور دی سنٹرل جیل تے اوہدے مشہور پھانسی گھاٹ نوں مٹا کے شادمان کالونی (خوشیاں دا ڈیرہ) اُسار لئی پر کیہ شہید بھگت سنگھ تے اوہناں دے ساتھیاں دا نشان مٹایا جاسکدا؟ آج وی لہور وچ تھاں تھاں اوہ عمارتاں، گھر

تے دفتر موجود نہیں جیہڑے کسے نہ کسے طرحاں سُرمی شہیداں دیاں یاداں سانجھی بیٹھے نیں۔ کس کس دی گل کرینے۔ پراج اک عمارت دی گل کرن نوں جی کردا اے جیہڑے ولوں اساں پوری ان گہلی ورتی پر جیہڑی ایس قابل اے کہ اوہنوں پاکستان داقومی ورثہ قرار دے کے، اپنے اصلی روپ وچ سانجھ لیا جاوے۔ ایہہ عمارت بریڈ لاہال دے ناں توں اج وی قائم دائم اے۔ مزے دی گل ایہہ ہے کہ بریڈ لاہال کسے ہندو، مسلمان یاں سکھ وڈ کے دی نشانی نہیں سگوں حاکم ملک برطانیہ دے ایک شریف شہری دی یادگار اے جیہڑا ہمیشہ مذہبی و تکریاں توں دور بھجدار ہیا تے جیہنے ہمیشہ نہ صرف ہندوستان دی آزادی دی حمایت کیتی سگوں 1889ء دے کانگریس دے ممبئی وچ ہوئے سالانہ جلسے وچ شریک وی ہویا۔

بریڈ لاہال کون سی تے پورے ہندوستان نوں چھڈ کے لہور وچ اوہدی نشانی کیوں بنی، ایہہ دے بارے وچ عاشق حسین بٹالوی ہوراں کجھ تفصیل کٹھی کیتی سی۔ اوہناں دے کہن مؤجب چارلس بریڈ لا 1833ء وچ برطانیہ دے اک غریب گھر وچ جمیا۔ نکی عمرے ہی غریبی ہتھوں پڑھائی چھڈنی پئی۔ چپڑا اسی گیری، کلرکی، تے فوج دی نوکری مگروں اوہنے اک وکیل دے دفتر وچ نوکری کر لئی۔ برطانیہ وچ انہویں صدی ہندوستان سنے ہوو کا لونیاں دی لٹ کھسٹ پاروں بھاویں ترقی دی صدی سی پر اے تائیں پرانیاں مذہبی جکڑ بندیاں تے کلیسیا دیاں سختیاں قائم سن۔ بریڈ لا ایہناں دے خلاف اٹھ کھڑا ہویا تے شہر دے پادری نال اوہدا اٹ کھڑکا چل پیا۔ پادری نے لوکاں نوں بریڈ لا دے خلاف ایناں بھڑکایا کہ اوہنوں دیسوں پردیس ہونا پیا۔

پروہ فیر پرتیا۔ اوہنے پرچار کرنا شروع کیتا کہ مذہبی جبر تے قیامت دے ڈرتوں بناں وی بندہ اپنے اندر اعلیٰ اخلاقی قدراں اُساں سکدا اے۔ اوہ کہندا اسی چنگا کم ایس لئی کرنا کہ جنت لبھے گی تے ماڑے کم توں ایس لئی پچنا کہ دوزخ وچ جانا پوے گا، کوئی وڈی بندیائی نہیں۔ اوہ پادریاں تے بادشاہ داوردھی سی۔ برطانیہ نوں مذہبی جکڑ بندی چوں کڈھ کے اوہ اوہنوں اک ریپبلک دے روپ وچ ویکھنا چاہندا سی۔ اوہنے اک رسالہ ’نیشنل ریفارمر‘ کڈھیا تے جدوں اوہنے برتھ کنٹرول دے حق وچ اک کتاب چھاپی تاں اوہنوں گرفتار کر کے اوہدے اُتے مقدمہ چلایا گیا۔ ایس توں پہلاں 1868ء وچ اوہنے اک اجیہی بغاوت کیتی جیہڑے پاروں برطانیہ دے عدالتی نظام وچ اصلاح کرنی پئی۔ گل انج ہوئی کہ بریڈ لا کسے مقدمے وچ گواہ وجوں پیش

ہو یا تاں اوہنے بائبل اُتے ہتھ رکھ کے حلف چکن توں نانہہ کردتی تے ضد نہہ لئی کہ اوہ اپنے ضمیر دا حلف چکے گا۔ برطانیہ دا آئین ایس گل دی آ گیا نہیں سی دے سکدا ایس لئی بریڈلانے ایس قانون دے خلاف مقدمہ کردتا تے دوسالاں دی گھالنا گروں ایہہ مقدمہ جت لیا۔ انج برطانیہ دے گواہی دے قانون وچ ایہہ تبدیلی کردتی گئی کہ کوئی وی گواہ اپنے ضمیر دا حلف چک سکدا اے۔

چارلس بریڈلانے پارلیمنٹ وچ پہنچن لئی کئی وار چوناں وی لڑیاں۔ 1868 وچ اوہنوں سرمایہ داراں، پادریاں تے بادشاہت دے حامیاں نے رل کے ہر دتا۔ 1874 وچ اوہ فیر ہاریا پر 1880 وچ اوہ جت گیا۔ ہن اک نواں پواڑا پے گیا۔ پارلیمنٹ دے قانون موجب اوہ صرف بائبل تے ہتھ رکھ کے حلف چک سکدا اسی۔ اوہنے انج کرن توں انکار کردتا تے آکھیا کہ اوہ صرف تے صرف اپنے ضمیر دی سونہہ چک سکدا اے۔ اوہنوں پارلیمنٹ چوں کڈھ دتا گیا۔ اوہ 1881ء دیاں ضمنی چوناں وچ جتیا۔ فیر اوہ پواڑا پیا۔ اوہنوں فیر پارلیمنٹ چوں کڈھ دتا گیا۔ 1882ء توں 1885ء تائیں اوہ ضمنی چوناں وچ ہر وار جتیا پر پارلیمنٹ دی ضد پاروں کڈھ دتا جاندا رہیا۔

جنوری 1886ء دیاں عام چوناں وچ چارلس بریڈلانے اک وار فیر میدان مار لیا۔ اوہنے فیر بائبل تے ہتھ رکھ کے حلف چکن توں انکار کردتا۔ لوکی جیہڑے اوہنوں ہر سال پارلیمنٹ بھجڈے سن، اپنے مینڈیٹ دے اپمان اُتے حیران سن۔ ایس وار لوکاکی دے نمائندے بریڈلانوں نہیں سگوں سرکار نوں ہارنئی پئی۔ برطانیہ دے پارلیمنٹ آئین وچ ایہہ تبدیلی کیتی گئی کہ ممبراں لئی بائبل دا حلف چکنا ضروری نہیں۔ جے کوئی ممبر چاہے تاں اپنے ضمیر دی سچائی دا حلف چک سکدا اے۔

چارلس بریڈلا ہندوستان دی لوکاکی دے حقاں دار اکھا بن گیا اوہ 1874ء توں تھیو سوشل تحریک تے انڈین نیشنل کانگریس دی لیڈر اینی بیسنٹ دے بہت نیڑے رہیا تے دونوں سیاسی تے سماجی کھیتر اں وچ رل کے کم کیتا۔ 1886ء گروں اوہ پارلیمنٹ وچ وی ہندوستان دی آزادی تے ہندوستانی لوکاں دے حقاں دی گل کردارہیا۔ اوہوں اے کانگریس نوں بنیاں مساں دو تن سال ہوئے سن۔ دسمبر 1889ء وچ اوہ آپ ہندوستان آیا۔ بمبئی وچ انڈین نیشنل کانگریس دا سالانہ جلسہ ہو رہیا سی۔ بریڈلانوں دلوں منوں جی آیاں آکھیا گیا۔ بریڈلا 57 سال تے کجھ مہینیاں داسی جدوں 30 جنوری 1891ء نوں اوہ ایس دنیا توں مڑ داہویا۔

پنجاب دے لوکاں شکرگزاری وجہوں چندہ کٹھا کر کے بریڈ لاہال اُساریا۔ 30 اکتوبر 1900ء نوں لہوردی ریٹی گن روڈ اُتے مشہور برہموسماجی تے آزادی دے مجاہد سریندر ناتھ بینرجی ہوراں ایس ہال دانیاد پتھر لایا سی جیہڑا اج وی قائم اے۔ ایہہ ہال چھیتی ہی سیاسی سماجی تے تعلیمی سرگرمیاں دامرکز بن گیا۔ لالہ لاجپت رائے ہوراں چارلس بریڈ لادی نشانی نوں اگے ٹوریا تے اوہناں دی موت (1928) توں بعد وی 1947ء تائیں ایہہ سیاسی سرگرمیاں دامرکز بنیا رہیا۔ 1947ء ویلے وی ایہہ پنجاب صوبہ کانگریس دا ہیڈ کوارٹری پر بریڈ لاہال اصل وچ انقلاب تے انقلابیاں دا گڑھ بن گیا سی جیہناں وچ پرنسپل چھبیلداس، پروفیسر جے چندو دیا لنگر، بھگوتی چرن ووہرہ، شہید بھگت سنگھ، رام کشن بی اے نیشنل، لیش پال اتے کئی ہی انقلابیاں دے ناں مُردُ زیاد آوندے نیں۔ پر بریڈ لاہال نال جُڑے پرنسپل چھبیلداس اوہناں چوں سبھ توں سرکڑھویں ماہنو سن۔ مینوں تے انج جا پدا اے کہ جے چارلس بریڈ لادے قد بُت دا کوئی بندہ ساڈے سانجھے پنجاب چوں اُبھر کے سامنے آوند اے تاں اوہ پرنسپل چھبیلداس ہی ہوسکدے نیں۔

اوہناں دے ناں توں پہلی وار میں او دوں جانوں ہو یا جدوں 1967ء وچ انارکلی دے اک کباڑیئے کولوں مینوں ہندوستانی کسان ناں دی اک کتابڑی لکھی۔ اوہنیں دنیں میں شہید بھگت سنگھ دی ماں، سردار گور بخش سنگھ پریت لڑی، بابا سوہن سنگھ بھکنا تے سوہن سنگھ جوش ہوراں نوں خط لکھنے شروع کیتے سن۔ مینوں ایہہ پتہ نہیں سی کہ شہید بھگت سنگھ تے دو جے انقلابیاں دا پرنسپل چھبیلداس نال کوئی سبندھ سی یاں کیہ سبندھ سی اردو وچ لکھی کتاب 'ہندوستانی کسان' نے مینوں چوکھا پر بھاوت کیتا تے میں پنجاب دی کسان تحریک بارے اپنیاں لکھتاں وچ ایس کتاب دے حوالے وی دتے سن۔ کجھ ورہیاں مگروں مینوں اوہناں دیاں تن چار ہور کتاباں 'سوشلزم'، 'انقلاب زندہ باد' اتے 'ہم سورا جیہ کیوں چاہتے ہیں'؟ لکھ گیاں سن تے مینوں اوہ کتاباں پڑھ کے اپنی انقلابی تاریخ دی بڑی سوجھ بلی سی۔

کچھ جیسے مینوں پرنسپل چھبیلداس دی دھی رانی منور ما دیوان دی کتاب 'انقلابی یاترا' جیہڑی اوہناں اپنے انقلابی مایاں بارے لکھی اے، ملی تاں اکو بیٹھک وچ میں پوری کتاب پڑھ گیا۔ ایس کتاب توں مینوں پتہ لکھا کہ چھبیلداس ہوراں ضلع بنوں دی اوس ویلے دی تحصیل عیسی خیل وچ اک کٹر سنا تن دھرمی دے گھر وچ جنم لیا سی۔ ایس نکے جیسے قصبہ وچ مسلمان

تے ہندو خوش خوشائیں وسدے سن۔ اوہ اک دو بے دیاں ویاہ شادیاں تے جمن مرن دیاں
 رسماں وچ شریک ہوندے۔ پرنسپل چھبیلد اس ساری حیاتی اپنے سکول دے مسلمان دوستاں،
 امیر حاجی شاہ، قادر بخش، امیر عبداللہ، عطا محمد، گل محمد، محمد حیات خان تے غلام قاسم نوں یاد
 رکھیا۔ پرنسپل صاحب اپنے مایاں دے کٹر پنپتی ہون داکدی اثر قبول نہ کیتا تے مذہبی معنیاں وچ
 ہندو دھرم دے باغی بن گئے۔ چارلس بریڈلاوانگ اوہ وی روایتی دھرم دے ورودھی سن۔ اوہناں
 دے مایاں نوں ڈاڈا دکھسی کہ ساڈا پتر چھبیلد اس نہ تے رب نوں مندا سی اُتے نہ چھوت چھات
 نوں۔ جدوں اوہناں دا جھکاء مار کسزم ول ہو گیا تاں اوہ صاف لفظاں وچ دھرم دا انکار کرن لگ
 پئے۔ اوہناں دی ماں، جیہڑی چھوت چھات کرن والی بی بی سی، ڈاڈی دکھی رہندی کہ اوہ دے گھر
 دے بھانڈیاں وچ مسلمان، عیسائی اُتے اچھوت کھاپی جان دے نیں۔ اوہ داروناسی کہ چھبیلد اس،
 پوجا پاٹھ کرن والے سنا تن دھرمی پروار دامنڈا ہو کے وی اکا ای ناستک بن گیا سی۔

جدوں عیسیٰ خیل تے بنوں دے سکولاں توں اپنی پڑھائی پوری کر کے اوہ ڈی اے وی
 اسکول ابور آ گئے تاں اوس ویلے اوہناں دی عمر مساں تیراں چوداں ورھیاں دی سی۔ سکول دے
 ہوشل داسپرینڈنٹ ہر سٹوڈنٹ نوں کٹر آریہ سماجی بناون تے ٹل گیا۔ ایس مقصد لئی اوہنے
 تقریری مقابلے شروع کروائے۔ اک مقابلے وچ چھبیلد اس وی حصہ لیا۔ اپنی تقریر وچ اوہناں
 ہندو دھرم داند اق اڈاوندیاں آکھیا کہ جدوں اجودھیا دے ہزاراں لکھاں لوکاں دی رضاناں رام
 چندرنوں او تھوں داراجہ چن لیا گیا سی تاں کیہ دھرمی لوکاں نوں سپ سگھ گیا سی جدوں راجہ دشرتھ دی
 چہیتی رانی کیکئی نے اپنے پتر نوں راجہ بناون تے رام چندرنوں چودھاسالاں لئی بن واس دین دا
 ہٹھ کر لیا؟ راجہ دشرتھ دی لکھاں دی پر جاچوں اک وی اجیہا مائی دالعل نہیں سی جیہڑا ایہہ کہن دی
 ہمت کردا تے منگ کردا کہ لکھاں لوکاں دے فیصلے نوں نکارن والی مہارانی کون ہندی اے، کیوں
 نہ اوہ دے خلاف راج دھرو دامنڈا چلایا جاوے اُتے اوہنوں سزا دتی جاوے؟

ایہہ تقریر کرن اُتے چھبیلد اس دی شکایت ہو گئی۔ سپرینڈنٹ نے ماملا آریہ سماج
 دے صدر مہاتما ہنس راج تائیں پچا دتا۔ چھبیلد اس ہوراں نوں سکول تے ہوشل توں کڈھ دین دا
 حکم ہو گیا پر سکول دے ہیڈ ماسٹر نے اوہناں دی لیاقت تے قابلیت دا ترلا پا کے اوہناں نوں
 بچالیا۔ 1917ء وچ پنجاب یونیورسٹی توں دسویں جماعت دے امتحان وچ اوہ دو بے نمبر تے

رہے پر آریہ سماجی ڈی اے وی کالج دی تھوایں اوہ دیال سنگھ کالج وچ داخل ہو گئے۔ 1920ء وچ جدوں اوہناں بی اے پاس کیتا اوہوں تائیں پنجاب کنیاں ہی سیاسی تحریکاں د امرکز بن چکیا سی۔ رولٹ ایکٹ، جلیانوالہ باغ دا قتلہ، ناملورتن تحریک، اوہوں ہی لالہ لاجپت رائے تے بھائی پرمانند ہوراں اوہ سے بریڈ لاہال وچ 'سروٹنس آف دی پیپلز سوسائٹی' قائم کیتی۔ چھبیلد اس 100 روپے مہینہ بدلے اوہدے ہول ٹائم ممبر بن گئے۔ ایس سوسائٹی دی لوک سیوا دی توارنخ بڑی لمی اے۔ سوسائٹی دے ممبران دی عمر 25 توں 50 ورھے تائیں ہو سکدی سی۔ اوہناں لئی گریجوایٹ ہونا ضروری سی۔ ہر ممبر نوں ایہہ سونہہ چکنی پیندی سی کہ اوہ گھوگھٹ ویہہ ورھے تائیں سوسائٹی دا ممبر رہوے گا۔

سوسائٹی دے نال جڑن توں کچھ چرگروں ہی چھبیلد اس، لالہ لاجپت رائے دے اردو اخبار 'بندے ماترم' دے ایڈیٹری بن گئے۔ اوہوں تائیں بریڈ لاہال وچ ہی نیشنل سکول تے نیشنل کالج وی قائم ہو چکے سن جیہناں نوں قومی نیشنل یونیورسٹی لہور نال منسلک کیتا گیا سی۔ ایہہ تعلیمی ادارے نان کوآپریشن تحریک دا حصہ سن۔ انڈین نیشنل کانگریس نے سکولاں تے کالجاں دے طالب علماں نوں اپیل کیتی سی کہ اوہ سرکاری سکولاں کالجاں دا بائیکاٹ کرن۔ ایہدے نتیجے وچ کلکتہ، پٹنہ، علی گڑھ، دہلی اتے لہور جیسے وڈے شہراں وچ قومی سکول تے کالج کھولے گئے سن۔ بریڈ لاہال لہور وچ قائم ہون والے قومی کالج دے پرنسپل اچار یہ جنگل کشورن، جیہڑے کچھ چر پہلاں ولانتوں اپنی پڑھائی مکا کے پر تے سن اتے بہت وڈے دلش بھگت سن۔ کچھ چرگروں چھبیلد اس کالج دے نویں پرنسپل متھے گئے۔

بھگت سنگھ 1921ء وچ ڈی اے وی سکول وچ 9 ویں جماعت وچ پڑھ رہے سن جدوں اوہ نیشنل کالج وچ داخلے لئی آئے۔ جنے وی بچے اتھے داخلہ لے رہے سن، اوہ کسے نہ کسے روپ وچ نان کوآپریشن تحریک دا حصہ رہے سن۔ اتھے سوال پیدا ہندا اے کہ جد بھگت سنگھ 9 ویں جماعت وچ پڑھ رہے سن، اوہ کالج وچ کیوں داخل ہو گئے۔ جے داس گپتا موجب جو اوہناں دے نال ای داخل ہون آئے سن، دوہاں نوں 11 ویں جماعت وچ پٹھن لئی دو مہینے ٹیسٹ دی تیاری لئی دتے گئے سن۔ ڈاڈھی تیاری گروں دونویں داخلے ٹیسٹ وچ بیٹھے تے پاس ہو گئے۔ پرنسپل چھبیلد اس تے بھائی پرمانند ہوراں آپ ایہہ ٹیسٹ لیا سی۔ اوہ بھگت سنگھ دی انگریزی توں

بوہتے خوش نہیں سن پر تواریخ اُتے سیاست بارے اوہدے کتاباں پڑھن دے شوق، اوہدی شخصیت، پکیائی تے آدرشی ویژن نے اوہناں نوں چوکھا پر متاثر کیتا سی۔

پرنسپل چھبیلد اس بھگت سنگھ نوں بہت چاہوندے سن۔ چھیتی ہی دونہاں دے وچکار دوستی دارشتہ وی قائم ہو گیا۔ بھگت سنگھ اوہناں نوں 'گورو جی' کہہ کے بلا وندے سن بھانویں اوہناں وچ عمر دا بہت فرق نہیں سی۔ اک وار راوی دریا وچ بوٹنگ کردے ہوئے بھگت سنگھ نے اوہناں نوں پچھیا: 'گورو جی، جے کرتسیں ویاہ کر لیا، تاں سانوں انقلاب دا پاٹھ کیوں پڑھاؤ گے؟' جدوں پرنسپل چھبیلد اس نے بھگت سنگھ نوں یقین دوا یا کہ اوہناں دی منگ اک آدرش وادی کڑی اے تاں بھگت سنگھ ہسن لگ پئے۔ اوہ ویاہ نوں انقلاب دی راہ داروڑا سمجھدے سن تے ویاہ توں بچن لئی گھروں نِس کے کانپور ٹر گئے سن۔

پرنسپل چھبیلد اس دا ویاہ ہو گیا۔ اوہناں دی پتی سیتا دیوی اوہناں توں گھٹ انقلابی ثابت نہ ہوئی۔ اوہ لاچپت رائے بھون وچ رہندے سن۔ ایہہ تھاں بریڈ لاہال توں نیڑے ہی سی، ڈی اے وی کالج دے ہوسٹل ساہمنے۔ اوہدے لاگے ہی پولیس دا اوہ دفتر سی جس چوں نکلدے ہوئے بھگت سنگھ تے اوہدے ساتھیاں نے سائنڈرس نوں پھڑکایا سی۔ لاچپت رائے بھون وچ دوار کا ناتھ لاہیری وی سی جتھوں بھگت سنگھ پڑھن لئی کتاباں لجان دے سن۔ سنٹرل جیل لہور توں 24 جولائی 1930ء نوں، اوہناں جے دیو گپتا نوں اک خط وچ لکھیا سی کہ اوہ دوار کا ناتھ لاہیری چوں اوہنوں کچھ کتاباں لے کے گھلن، اوہناں وچ مارکس تے لینن بارے کتاباں وی سن۔

نیشنل کالج وچ بھگت سنگھ تے اوہناں دے ساتھیاں نے اک ڈرامہ سوسائٹی وی بنائی سی۔ اوہ ڈرامے لکھدے، ڈرامے کھیڈدے تے ایہناں ڈرامیاں راہیں اپنا سیاسی پرچا کردے۔ بھگت سنگھ تے ڈرامہ کلب دے دو جے ساتھیاں دی ایک تصویر ملدی اے جیہڑی ڈرامہ 'بھارت دُردشا' کھیڈن دے موقع تے کھچی گئی سی۔

بھگت سنگھ دے ساتھی تے مشہور ہندی لکھاری لیش پال اپنیاں یاداں وچ دسدے نیں کہ بریڈ لاہال وچ بنی نیشنل ڈرامیٹک کلب سیاسی پرچار دا بہت وڈا ذریعہ سی۔ اوہناں دے لفظاں وچ 'اپنے خیالاں دے پرچار لئی، اساں، نیشنل کالج دے ودیارتھیاں تھیٹر دا سادھن اپنایا سی۔ وڈا مقصد ایہہ سی کہ ڈرامہ دیکھن والیاں نوں اپنی غلامی دا احساس دوا یا جاوے.....' چندر گپتا مور یہ

بارے اک ڈرامہ کھیڈ یا گیا جیہدے وچ بھگت سنگھ ششی گیتا دارول کیتا۔ ڈرامہ ایناں کامیاب سی کہ بھائی پرمانند ہوراں آکھیا:

”اک دن میرا بھگت سنگھ وی سچی سچی مچی داشتی گیتا ہووے گا“..... اوہناں ’مہا بھارت‘ دے سکرپٹ وچ اپنے مطلب دیاں تبدیلیاں کر کے ’کرشن و جے‘ دے ناں توں اک ہور ڈرامہ کھیڈیا۔ ایہدے وچ انگریزاں نوں کوروتے آزادی دے پروانیاں نوں پانڈو دے روپ وچ پیش کیتا گیا سی۔ اوہدے وچ گیتاں دی بولی پنجابی سی۔

کدے توں وی ہندیا ہوش سنبھالی اوئے
تیرا گھربار و دیشی لٹ لے گئے، توں بے خبر سوں رہیا.....

ایہہ گیت 1907ء دی بغاوت وچ بانکے دیال دے لکھے گیت پگڑی سنبھال جٹا، پگڑی سنبھال اوئے..... دی طرز تے لکھیا گیا سی۔

ایسے طرحاں کانگریس دی اک کانفرنس دے موقعے تے ’بھارت دُردشا‘ کھیڈ یا گیا سی۔ بھگت سنگھ نیشنل کالج وچ اپنی بی اے دی پڑھائی پوری نہ کر سکے۔ 1923ء وچ اوہ کالج وچ ہی سن جدوں اوہناں دے ویاہ دی گل ٹڑی۔ 1924ء وچ اوہ پڑھائی چھڈ کے کانپور ٹر گئے تے ’پرتاپ‘ ناں دے اک اخبار وچ کم کرن لگ پئے۔ اتھے ہی اوہناں دی ملاقات چندر شیکھر آزاد ناں ہوئی۔ پر اوہ بہتا چر کانپور نہ رہ سکے تے 1925ء وچ اپنی دادی دی بیماری داسن کے پرت آئے۔

1925ء وچ ”نوجوان بھارت سبھا“ بنی تاں ایہدی پہلی میٹنگ بریڈ لاہال دے اک کمرے وچ ہی ہوئی۔ نیشنل کالج توں بی اے پاس رام کشن سبھا دے صدر تے بھگت سنگھ ایہدے سیکرٹری متھے گئے۔ سبھا بنان دا مڈھلا خیال بھگت سنگھ داسی جیہڑا اوہنے پرنسپل چھبیلداس، بھگوتی چرن ووہرہ، کامریڈ رام چندر اُتے سکھد یونال سانجھا کیتا سی۔

پہلی بیٹھک وچ پرنسپل چھبیلداس، کامریڈ رام چندر، بھگوتی چرن، سکھد یو، گوردت، ماسٹر پرسرام، جے دیو، بابو سنگھ، گنپت رائے، جسونت سنگھ، سوم دیو، بنارسی تے کچھ ہور نوجوان کٹھے ہوئے سن۔ اوہناں دا خیال سی کہ کانگریس ڈومنین سٹیٹس توں اگے نہیں سوچ رہی ایس لئی دیس

دی آزادی لئی نو جواناں دا اکٹھا ہونا ضروری اے۔ سبھا دا پہلا ناں 'ینگ انڈین ایسوسی ایشن' رکھیا گیا۔ پرنسپل چھیلدا اس گاندھی دے رستے نوں ٹھیک نہ سمجھدے ہوئے وی تشدد دی حمایت نہیں سن کر رہے جد کہ بھگت سنگھ، سکھ دیو تے کچھ دوجے نو جواناں دا آکھناسی کہ 'بولیاں نوں اپنی وادج سناؤن لئی دھماکے کرن دی لوڑ اے'۔ یگ انڈین ایسوسی ایشن دی دوجی بیٹھک وی بریڈلا ہال وچ ہوئی پر فیر بہت ساریاں پٹھکاں پری محل وچ وی ہوئیاں۔ ایسوسی ایشن دے دیسی ناں 'نوجوان بھارت سبھا'، 'انجمن نوجوان ہند' اتے 'ژن بھارت سنگھ' وی تجویز ہوئے۔ اخیر 'نوجوان بھارت سبھا' دے ناں اتے ساریاں دا اتفاق ہو گیا۔ ایس دوران سبھا وچ میر عبد المجید، دھنوتری، رام کشن تے کچھ ہور انقلابی وی شامل ہو گئے۔

سبھا دے اک اکٹھ وچ انقلابی ساہت رچن لئی اک سوسائٹی وی بنائی گئی جیہڑی مگروں 'ٹریکٹ سوسائٹی' دے ناں توں مشہور ہوئی۔ ایہدے کرتا دھرتا پرنسپل چھیلدا اس سن۔ مڈھلے صفحیاں وچ میں پرنسپل چھیلدا اس دیاں جیہڑیاں کتاباں دا ذکر کیتا اے، اوہ ایسے ٹریکٹ سوسائٹی ولوں جاری ہوئیاں سن۔ اوہناں کتابڑیاں دا مل دو دو پیسے ہنداسی۔ سبھ توں پہلاں جیہڑا ٹریکٹ چھپیا، اوہاناں 'ہم سوراج کیوں چاہتے ہیں؟' سی۔ میرے کول ایہد اچوتھا ایڈیشن اے جیہڑا دوجی وڈی لام مگروں چھپیا تے جیہڑا مل 8 آنے ہو گیا سی۔ پرنسپل چھیلدا اس دے انقلابی قلم چوں نکلیاں لکھتاں بارے سی آئی ڈی دے لفظ سن:

"Chabildas is the most clever and dangerous revolutionary

propagandist"

جیویں کہ میں کچھ وی ذکر کیتا اے، بریڈلا ہال تے اوس وچ قائم نیشنل کالج نوجوان بھارت سبھا دیاں انقلابی سرگرمیاں دا بہت وڈا مرکز سی جدوں دسمبر 1929ء وچ راوی دے کنڈھے مکمل آزادی بارے کانگریس دا اکٹھ ہویا تاں بریڈلا ہال سیاسی آواجائی دا مرکز بن گیا پر سبھا دے قائم ہندیاں ہی اوہدیاں سرگرمیاں دا گڑھ بریڈلا ہال ہی سی۔

سبھا دا پہلا اکٹھ غدر پارٹی دے شہید کرتار سنگھ سرا بھادی یاد وچ ہويا۔ بھگت سنگھ نے کدھروں سرا بھادی نوں لکھی جیہڑی بھگوتی چرن و وہرا اپنے خرچے تے وڈیاں کروایا۔ پورٹریٹ نوں چٹے ددھ کپڑے وچ ولھیت کے بریڈلا ہال وچ رکھیا گیا۔ مگروں دل نوں ٹہنن والا اک منظر

ویکھن وچ آیا۔ دُرگا دیوی (بھگوتی چرن دی پتی) اتے سوشیلا دیوی اپنیاں انگلاں دے لہوناں
چٹے دودھ کپڑے نوں ترونکا دتا۔ ایہہ اکٹھ نو جواناں نوں انقلابی کماں لئی اپنے آپ نوں وقف کر
دین دا کھلا بُلا راسی۔

ایہہ سرگرمیاں بھگت سنگھ تے دوجے انقلابیاں دی گرفتاری توں بعد وی جاری
رہیاں۔ جدوں بھکھ ہڑتال دے دوران جتیندر ناتھ داس دی موت ہو گئی تاں 23 دسمبر 1929ء
نوں نو جوان بھارت سبھا نے کامریڈ مس سہا سینی دی پردھانگی پٹھ اک کانفرنس دا پر بندھ کیتا۔
داس دی شہادت بارے اک متا پاس ہو یا جیہدے وچ آکھیا گیا سی:

”ایہہ کانفرنس شہید جے این داس دی مثالی قربانی نوں سلا ہوندى تے موت دی
ذمے واری سرکار دے موڈھیاں تے پاوندی اے“

کامریڈ سہا سینی اپنی تقریر وچ کانگریس دے ڈومینین درجے دی پالیسی دی نندیا کیتی
تے اوہناں نیتاواں نوں خبردار کیتا جیہڑے سرکار نال سودے بازیاں کر کے لوکائی کولوں دور
ہور ہے سن۔

جدوں 17 اکتوبر 1930ء نوں بھگت سنگھ، راج گورو اتے سکھ دیونوں پھاہے لان دا فیصلہ
سُنا دتا گیا تاں ایہہ خبر جنگل دی اک وانگ پھیل گئی۔ میونسپل گراؤنڈ دے باہر خلقت ٹٹ کے آ گئی
تے دفعہ 144 دے ہونڈیاں وی جلسہ ہویا۔ دوجے دن نو جوان بھارت سبھا نے بریڈ لاہال وچ
نو جواناں تے ودیا رتھیاں دا اکٹھ کیتا تے سزاواں دی نندیا کیتی۔

بریڈ لاہال دی کہانی 1947ء تیک چل دی اے جدوں انقلابی کارکن ایستھوں اُجڑ کے
جار ہے سن اتے سرحدوں پار آون والے مہاجر قافلے اتھے آکے آباد ہو رہے سن۔ 1947ء تیک
اتھے سیاسی تے انقلابی سرگرمیاں جاری رہیاں۔ صوبہ کانگریس دا ہیڈ کوارٹر ہون دے ناطے
ہندوستان بھر دے کانگریسی نیتاواں تے ورکراں دا اتھے آنا جانا سی۔ دسمبر 1929ء وچ لہور وچ
ہندوستان دی پورن آزادی دامتتا پاس کرن لئی کانگریس دا اکٹھ ہویا تاں بریڈ لاہال سیاسی کارکناں
نال بھر گیا سی۔ فیر 1942ء وچ جدوں ہندوستان چوں نکل جاؤ، تحریک چلی تاں اوہ امرکزوی
بریڈ لاہال ای سی۔ اتھے میاں افتخار الدین، جواہر لعل نہرو، ابوالکلام آزاد، خان عبدالغفار خان،
ڈاکٹر خان صاحب تے ہور کئی کانگریسیاں دی آواجائی رہی سی۔

انقلابیاں اتے کامریڈاں داتاں ایہہ جیوں اپنا گھرسی۔ مبارک ساگر جیہناں دا اصلی ناں مبارک دین سی تے جیہڑے اسلامیہ کالج دے طالب علم سن، 1929ء وچ پرنسپل چھبیلداس دے جانو بنے تے نوجوان بھارت سبھا وچ شامل ہو گئے۔ کراچی وچ اوہناں سندھ نوجوان بھارت سبھا دامنڈھ بنھیا سی۔ 1930ء وچ سول نا فرمانی کارن پھڑے گئے۔ 1931ء وچ نوجوان بھارت سبھا دی کانفرنس جیہڑی بھگت سنگھ دی شہادت توں کجھ دن بعد کراچی وچ ہو رہی سی، دا آہر مبارک ساگر ہوراں نے ہی کیتا سی۔ برٹش سرکار نے اوہناں نوں کراچی توں نکلن دا حکم دتا تاں اوہ لہور آ گئے تے بریڈ لاہال وچ رہن لگ پئے۔ کامریڈ احسان الہی جدوں وی امرتسروں آوندے بریڈ لاہال داضرور پھیرالاؤندے۔ جدوں لہور سنٹرل جیل وچ انقلابی جتیندر ناتھ داس دی موت ہو گئی تاں نوجوان بھارت سبھا ولوں اوہناں دی لاش نوں کلکتے لے کے جان والیاں وچ کامریڈ احسان الہی وی شامل سن۔

1940ء وچ بریڈ لاہال وچ اینٹی کمیونل کانفرنس ہوئی جیہدی صدارت لالہ دُنی چند انبالوی ہوراں کیتی۔ ایس کانفرنس وچ باچا خان (عبدالغفار خان) ہوراں جیہڑی تقریر کیتی اوہنوں بہت سلاہیا گیا۔ ایس تقریر وچ اوہناں آکھیا کہ جے پنجاب تے سرحد دونوں صوبے رل جان تاں اوہ کلے ہندوستان نوں آزاد کراسکدے نیں۔

1942ء دی ہندوستان چوں نکل جاؤ تحریک وچ جدوں سیکڑے گرفتاریاں ہویاں تاں پرنسپل چھبیلداس، اوہناں دی پتی سیتا دیوی تے ہور درجنوں لوکاں نوں بریڈ لاہال تے لاجپت رائے بھون توں گرفتار کیتا گیا۔

1947ء وچ بریڈ لاہال دیاں رونقاں اُجڑ گئیاں۔ تاریخ دے پئے کوڑے دان دارزق بن گئے۔ ایہنوں اپنے چیتے وچوں وسارن دی سانوں اپنی کاہل سی کہ لہور وچ رہ گئے انقلابی وی بریڈ لاہال دارا چھڈ گئے۔ ایہہ ہال اج اپنے تھاں تے کھلوتا اے پرگم سم، اداس تے نموجھانا۔ سرکار دے محکمے کدی ایہداناں Enemy پر اپرٹی لکھدے رہے تے کدی ہندو پر اپرٹی، بھگت سنگھ تے اوہدے ساتھی، ایہدے اندر بنے قومی سکول تے کالج تے نوجوان بھارت سبھا دیاں یاداں لے کے 23 مارچ 1931ء نوں تڑدے ہوئے۔ مبارک ساگر، کامریڈ احسان الہی، عبدالغفار خان، ورھیاں پہلے چلانا کر گئے۔ پرنسپل چھبیلداس بریڈ لاہال دی مالاچدے چدے 11 دسمبر 1988ء

نوں جالندھروچ ہمیش لئی اکھاں بند کر گئے۔

او ہناں دی انقلابی پتی سیتا دیوی جی، جیہڑی بریڈ لاہال دیاں کندھاں دے اک اک
ساہنوں اپنے ساہواں نال سانجھا کردی رہی، 1974ء وچ ایس دنیا توں مونہہ موڑ گئی۔ ہندوستان
توں او ہناں دی دھی رانی منور مادیوان ہوراں اپنیاں یاداں وچ بریڈ لاہال نوں انج یاد کیتا اے
جیویں کوئی اپنے وچھڑے وجود نوں یاد کردا ہووے۔ کیہ ایہہ تو رانج دے پھٹاں دی ماری عمارت
پنجاب دی سانجھی انقلابی جدوجہد دی یادگار نہیں بن سکدی؟ پر سانجھ دی کس نوں لوڑاے؟
سانجھے ورثے دی کس نوں لوڑاے.....؟

سانجھ بنال سبھوانجھ میاں مردانیا



مُرت سکندر ہاریا

عربی اکھان اے کہ ”کلام الملک، ملک الکلام“ مطلب حاکم جو وی آہندے ہن اوہنوں ای سچ جانیا جاندا اے۔ انج ای انگریز حاکماں جیویں سانوں پڑھایو تے سمجھایو نیں، بھاویں اوہ ساڈا گھرو کی معاملہ ای کیوں نہ ہووے تاں وی سانوں پڑھت گھڑت ہتھوں ایہہ مننا پوند اے۔ اصل گل ایہہ اے کہ سانوں اپنے گھردی سرت ساروی کوئی نہیں سی، ایس لئی اوہناں دا ای اک اک اکھر ربی منیا گیا۔ ایسے جھولے پیٹھ سانوں دسیو نیں کہ ”سکندر نے بھارت تے حملہ کیتا تے پورس نوں جتیا“۔

ایہہ سچ کنا گوسچ اے۔ ایہدے تے ایس لیکھ راہیں چانن پایا جاسی تے نکھیرا کرن دا جتن کراں گا کہ پورس جتیا جاں سکندر۔

سکندر نے بھارت تے حملہ کیوں کیتا تے پورس تیک اپڑن وچ اوہنوں کیہڑیاں اوکڑاں نال واہ پیا۔ ایہہ سبھ کجھ لکھن دی اتھے لوڑ نہیں۔ ایہہ سبھ کجھ وستھار نال اپنی کتاب ”بھارت ورش“ وچ لکھیا ہو یا اے۔ اتھے چھڑا کرئی دے میدان (جتھے یدھ ہو یا) وچ جو کجھ ہو یا، اوس دا ذکر کیتا جاسی، پر مختصر طور تے۔

جہلم دریا دے کنڈھے دی لڑائی تھیں پہلاں، اُتر وچ سکندرنوں اک تگڑی مخالفت دا مقابلہ کرنا پیا، جس کارن اوہنوں گھٹو گھٹ 9 مہینیاں تیک انھے واہ جنگ لڑنی پئی۔ مطلب جولائی 327 ق م توں لے کے مارچ 326 ق م تیک اوہنوں اُکا گانہہ پیر پٹن دی جرأت نہ ہوئی۔ ایہناں جنگاں دے باوجود اوہ ایستھوں دے آزاد سورمیاں توں نہ پوری طرحاں جت سکیتا تے نہ ای

ایہناں علاقیاں اُتے قبضہ کر سکیا۔ سکندر نے سندھ دریا دے اُتری کنڈھے دے راجا انجھی دی مدد نال اپنی وڈی فوج سمیت سندھ دریا بنال کسے اوکھ دے پار کر لیا۔ راجا انجھی اپنے گوانڈھی راجا پورس نال کھار رکھداسی، ایسے لئی اوہنے سکندر نال دوستی دا ہتھ ودھایا سی۔

ایدھر پورس دی سکندر دے آون توں پہلاں اپنے گوانڈھی، ابھیسار دے راجے نال مترتاسی۔ ایہناں دوہاں رل کے نیڑے تیڑے دے علاقیاں اُتے مل مارنی شروع کیتی سی۔ سکندر دے آون ویلے ابھیسار داراجا ایس اوکڑ چ آ پھاتا کہ کبھد اساتھ دیوے۔ ایہہ مشکل ہوندیاں وی اوہنے سندھ دے لہندے کنڈھے اُتے وسدے راجا اشوئل نال مترتا بنائی تے سکندر دے خلاف اشوکا دی مدد لئی اپنی فوج گھلی، تے سندھ دے لہندے کنڈھیوں نسے بندیاں نوں پناہ دتی۔ سکندر دے سندھ پار کرن تے اوہنوں سوغا تاں گھلیاں تے ایہدے نال ایہہ وی کیتا کہ اوہدا گھلیا ہرکارا وی بندی وان کر چھوڑیا تے پورس نال جارلن دی تیاری کرن لگا۔ سکندر نوں ایہدی دوپاسی چال دا پتا لگ گیا۔ ایس توں پہلاں کہ اوہ پورس نال جاملدا، سکندر تے انجھی نے ثرت اپنیاں فوجاں جہلم دے کنڈھے (جتھے لڑائی ہووونی ہائی) پورس موہرے لیا کھلاریاں تے انج پورس کلا ہو گیا۔

ہُن آوندے ہاں لڑائی دے میدان ول

سکندر دی فوج، پورس دی فوج توں چوکی ودھیری سی۔ پلو تارک (Plutarch) لکھدا اے: ”سکندر 120000 پیادے تے 15000 گھوڑسواراں نال آیا“ ایس توں وکھ جہلم والی جنگ وچ ٹیکسلا دی فوج وی شامل سی۔ پلو تارک دے آکھن موجب پورس کول چھڑے 20000 پیادے تے 2000 گھوڑسوار سن۔ پرایرین دا آکھنا اے کہ پورس کول 4000 گھوڑسوار، 3000 رتھ، 200 ہاتھی تے 3000 پیادے سن۔ ایہدے ہوندیاں ہویاں وی پورس، سکندر دا طاقتور دشمن سی۔ مڈھ توں ای سکندر نوں جہلم دا یدھ بڑا اوکھا جاپیاسی۔ پورس دی شاندار ڈھنگ نال تیاری کیتی فوج دے مقابلے وچ جہلم دریا پار کر کے پورس اُتے حملا کرنا سکندر لئی اکانا ممکن ہو گیا۔

کریٹس لکھدا اے۔ ”سکندر دی کجھ فوج دریا وچالے اک بریتے اُتے آکھلوتی پر ایہنوں پورس دے سپاہیاں آگھیریا تے پتا نہیں ایس بریتے تیک کنج اڑے۔ ایہناں یونانی فوج

اُتے حملہ کر کے لیہد ابی مار دتا، جیہناں بھجن نسن دا جتن کیتا اوہ دریادیاں تکیاں چھلاں دے ٹیٹے چڑھ گئے۔ پورس نے کندھے کھڑکے ایس سارے یڈھ نوں تکیا تے اوہدا حوصلہ ہو روی و دھیا۔
 اتھھے ایہہ یاد رکھنا چاہیدا اے کہ سکندر نے جہلم دریا جولائی دے مہینے پار کیتا سی۔
 اوس ویلے اتھھے برساتاں دا زور ہوندا اے تے دریا پورے جوہناں اُتے ہوندے نیں۔ اک رات جدوں ہڑھ دا زور سی، سکندر نے پورس توں اکھ بچا کے دریا پار کر لیا۔ پر پہرہ دیندی ٹولی نال جیہدا آگو پورس دا پتر سی، ٹا کرہ ہو گیا۔ ایس ٹا کرے وچ پورس دا پتر تے ماریا گیا پر اوہدے ہتھوں سکندر دا پالک گھوڑا وی ماریا گیا۔ ایسے ٹولی وچوں کسے بھج کے پورس نوں خبر جادتی کہ دشمن ہر تے اپڑ آیا اے۔ پورس دے پتر دی لڑائی دا حال ایرین انج بیاند اے، ”کئی دناں دی اڈیک مگروں اک ہنھیری رات سکندر نے دریا پار کیتا۔ اوہ راج کمار ہتھوں پھنڈ ہو یا تے اوہدا گھوڑا بکا پھلس (Boukephala) وی ماریا گیا۔“

جسٹن لڑائی دا حال انج لکھدا اے، ”لڑائی شروع ہوون تے پورس نے اپنی فوج نوں حملا کرن دا آکھیا تے سکندر نوں ساہمنے آکے لڑن لئی ونگاریا۔ پر پہلے ای ہلے وچ اوہدا گھوڑا ماریا گیا تے اوہ آپ بھونیں تے آڈگا۔ پر اوہدے سپاہیاں اوہنوں بچالیا، جیہڑے تڑت اوہدی امداد لئی اپڑ پئے سن۔“

لڑائی جیویں شروع ہوئی سی، لیہدیاں گھٹناواں دس پاوندیاں نیں کہ لڑائی ڈیگرویلے تیک ہوندی رہی تے پورس دے ہاتھیاں یونانی فوج داناں ماریا جیویں کرٹیس لکھدا اے ”سبھ توں خوفناک نظارہ تاں ایہہ سی کہ ہاتھی سُنڈھ نال دشمن فوج نوں لوہیٹ کے چکدے تے مہاوت نوں سونپ دیندے۔ مہاوت اکو وار وچ اوہناں دی دھون جھٹیوں وکھ کر چھڈ داسی۔ یونانی سپاہی ڈردے ہاتھیاں موہرے نہ آوندے تے اپنے آپ نوں بچاندے ہوئے نس کھلوندے۔ انج لڑائی چلدی رہی تے سارا دن پورا ہو گیا۔“ ڈایوڈ ورس وی لکھدا اے ”ہاتھی اپنے وڈے وجود تے طاقت کارن بڑے فائدے مند ثابت ہوئے۔ اوہ دشمن نوں پیراں پٹھ مدھول کے مار دے رہے۔ پہلاں ایہہ ہاتھی اپنی سُنڈھ نال لوہیٹ کے اُتانہ چکدے تے پھیر زور نال بھونیں تے مار دے۔ خبرے کہنے ای سپاہی لیہناں اپنے دنداں نال ای چتھ چھڈے۔“ ایرین موجب ”اُچے قد اں والے ہاتھیاں پیادے سپاہیاں اُتے حملہ کیتا۔ اوہ چدھروی جاندے یونانی فوج

نوں مدھدے ہوئے اگے ودھدے جانے۔“

اتھے پورس دی فوج ہتھوں ہوئی دشمن دی تباہی چھڈ کے چھڑا ہتھیاں ہتھوں ہوئے مدھول بارے، یونانی فوج دے اتھاسکاراں دے دتے ویروے دے ہونڈیاں کنی حیرت والی گل اے کہ ایرین، جیہڑا سکندر دے توارنخ داناں وچ ڈاڈھاسیاناجانیا جاندا اے، لکھدا اے، ”جہلم (یعنی کرنی دے میدان) دی لڑائی وچ یونانی فوج دے صرف 80 پیادے تے 230 گھوڑسوار مرے“ تے پورس دی فوج لئی لکھدا اے کہ ”لیہدے 20000 پیادے تے 3000 گھوڑسوار مارے گئے۔ سارے رتھال دا چوکھا نقصان ہویا۔“

جد کہ ایہو ای لکھاری پہلاں آپ ای لکھدا اے کہ ”پورس دے ہاتھی جس بنے وی جانڈے یونانی فوج نوں مدھولی جانڈے“۔ انج دے دوہرے بیاناں کارن سکندر دی بہادری دیاں گوڑیاں سچیاں داستاناں بنیاں نیں۔ بدیسی نشے وچ لیہناں ای گلاں نوں ٹھیک نیا گیا اے۔ اک اتھاسکار نے ٹھیک لکھیا اے کہ، ”جہلم دی لڑائی وچ سکندر دی فوجی تباہی اُتے بڑی ہشیاری نال پردہ پایا گیا اے۔“ (1)

توارنخ وچ جہلم دے یڈھ وچ سکندر دی چھڑی تباہی نوں ای نہیں لکایا گیا سگوں لڑائی دے آخری فیصلے دا حال وی ٹھیک نہیں لکھیا گیا۔ جیویں لکھیا گیا اے ”جدوں اوہدے ہاتھی پھٹڑ ہوئے تاں اوہناں اپنی ہی فوج نوں مدھ چھڈیا تے اخیر وچ اوہناں نوں دُنیاں دے وگ ہار لڑائی دے میدان وچوں پک کے باہر کڈھ دتا گیا۔“

اصل وچ ایہہ گل اُکا ای گوڑا اے۔ جے اسیں ایس گل نوں سچ من ای لپے تاں لیہدا مطلب اے جو پورس دے ہاتھی لڑائی وچ ناکام ہوئے ہاتھیاں دے ڈرن تے تریہن ہتھوں پورس دی اپنی ہی فوج دی تباہی ہوئی۔ پر انج نہیں ہویا۔ اوس ویلے دے میسڈ و نیاتے یونانی حاکم جیہڑے سکندر دے مرن چکھوں ایشیا وچ اپنا راج قائم کرن لئی آپس وچ لڑے، اوہ وی ہاتھیاں دی فوج توں بہت پریشان سن۔ ایہتھوں صاف ظاہر ہوندا اے جو ہاتھیاں دی فوج نے کامیاب لڑائی کیتی۔ یونانی فوجی افسراں خاص طور سیلیوکس اُتے لیہدا بڑا چنگا اثر ہویا۔ سیلیوکس نوں تاں آپ ہاتھیاں دے خلاف جنگ کرنی پئی جدوں اوہ سیریا دا حاکم بنیا۔ ایس لڑائی وچ ورتے گئے ہاتھی حاصل کرن لئی تاں اوس گڈروشیا وغیرہ ریاستاں نوں وی قربان کر چھڈیا تے ہاتھی نوں ای

اپنے اپنا خاندانی نشان (Royal Emblem) بنایا۔ ایہدے ہوندیاں وی جے من لئیے کہ جہلم دی لڑائی وچ ہک واری ہاتھی بوندل کے چکھانہہ پر تے پراوہ پورس دے آلے دوالے آ کے کھلو گئے سن۔ پورس نے لڑائی لئی اوہناں دی گواہی کیتی تے دشمن دی فوج داناس ماریا، جیویں کہ ڈایوڈورس لکھدا اے ”پورس جیہڑا آپ سبھ توں طاقتور ہاتھی تے سواری، ایس گھٹنا نوں ویہندیاں اپنے 40 ہاتھی جیہڑے کہ اوہدے وس وچ سن، کٹھے کر کے دشمن تے ٹٹ پیا تے دشمن فوج دا بُرا حال کیتا۔“

پورس تے سکندر دی ایس لڑائی بابت ایتھوپک (Ethiopic) باب وچ شاید ایہہ سچائی محفوظ اے کہ سکندر پورس توں جت نہیں سکيا۔

”پورس دے خلاف لڑائی وچ سکندر دے ڈھیر گھوڑ سوار مارے گئے۔ ایس لئی اوہدی فوج دکھی ہو کے کُتیاں ہار چیکن چھاڑن لگی۔ سکندر دے کئی فوجیاں نے اپنے ہتھیار سٹ کے پورس دی فوج نال رلنا چاہیا۔ سکندر نوں جیہڑا آپ ای مصیبت وچ سی، ایہہ پتالگاتاں اوہنے لڑائی روکن دا حکم دتا تے انج و رلاپ کرن لگا۔ ”اوہ بھارتی سمرات پورس امینوں معاف کر۔ میں تیری بہادری تے طاقت نوں جان گیاں۔ ہوہر تکلیف نہیں برداشت ہوندی۔ میرا دل ڈاڈھا دکھی اے۔ میں ایسے ویلے اپنی حیاتی مکاونی چاہناں پر میں نہیں چاہوندا کہ ایہہ سبھ لوک جیہڑے میرے نال ایتھے آئے نیں برباد ہو جان، کیوں جو میں ای اوہ بندہ آں جیہڑا ایہناں نوں ایتھے موت دے مونہہ وچ لے کے آیاں۔ ایہہ اک راجے واسطے اُکا واجب نہیں کہ اوہ اپنے سپاہیاں نوں موت دے مونہہ وچ دھک دیوے۔“ (2)

پُرانے یورپی تواریخ دانان دے لکھن موجب، سکندر نے جہلم دے یُدھ دے اخیر وچ پورس نال مترتا قائم رکھن دی کوشش کیتی، پر اُتے دتے ایتھوپک دے بیان وچ وی تاں سکندر نے ای صلح دی کوشش کیتی سی۔ ایرین توں ایہہ جانکاری ملدی اے جو سکندر نے پہلاں تلکشلا دے راجے نوں صلح دا پیغام دے کے گھلایا، پر پورس اپنے پرانے دشمن نوں اودوں ای مُکا چھڈنا چاہوندا سی جے اوہ او تھوں بھج نہ جاند۔

کریٹس دے کہن موجب صلح دا پیغام لے کے جان والا تلکشلا داراجا نہیں سی۔ اوہدا بھرا سی، جیہنوں پورس نے ماردتا سی۔ ایرین دے کہن موجب ”پورس نال صلح کرن دی ایس ناکام

کوشش توں بعد سکندر نے پورس نوں پیغام تے پیغام گھلے۔ آخر مروّس نوں گھلیا جو اک بھارتی سی۔ کیوں جو سکندر نوں پتا سی کہ ایہہ بندہ پورس دا پرانا دوست اے، ایرین دے ایس بیان توں پورس دے ہارن دا نہیں سگوں ایہہ سچ ظاہر ہوندا اے کہ سکندر پورس نال صلح کرن لئی بڑا پریشان سی۔

انج جے اسیں جہلم دے یڈھ دالیکھا کریئے، جیہڑا کچھی لیکھکاں اک پکھی کیتا اے تاں ایہہ پوری طرحاں ثابت ہوندا اے جو پورس ای ایس جنگ دا جیٹوسی جیویں اُتے بیان کیتا گیا اے جو صلح واسطے سکندر ای عرض دار بنیا سی۔ انج ایہہ وی اے جو لڑائی پوری طرحاں ختم ہون توں پہلاں ای سکندر نوں صلح لئی ہتھ پیر مارنے پئے۔ کیوں جو اوہ سمجھ گیا سی کہ جے جنگ جاری رہی تاں اوہ ماریا جاوے گا۔ ایس لئی پراچین آریہ کھتری دھرم تے اٹل رہن والے سورمے پورس نے پرت کے سکندر اُتے حملہ نہ کیتا تے انج ایہناں دوہاں وچ صلح ہو گئی۔ ایس لڑائی توں بعد سکندر نے (میں اپنی کتاب ”بھارت ورش“ وچ لکھیا اے) پورس دے راج دے نیڑے تیڑے دے علاقیاں نوں فتح کرن لئی اوہدی مدد کیتی۔

پر پورپی تواریخ دا ناں سکندر دے بھارتی حملے دیاں کہانیاں وچ سکندر دے جہلم یڈھ وچ ہار اُتے پردہ گھتن دی کوشش کیتی اے۔ اتے ایسے کارن ایہہ جعل سازی کیتی اے جو سکندر نے پورس دی بہادری دے اثر پیٹھ آکے اوہنوں اپنا متر (Allied) بنا کے اوہدا راج موڑ دتا۔ پڑھن ہاراں نوں پتا ہونا چاہیدا اے کہ سکندر ایڈاوی رحمل نہیں سی۔ اوہ اپنے مخالفان دے معاملے وچ بڑا کھوڑی سی۔ اوہ دے لئی بیکٹیریا دے پارسی گورنر بیسوس (Besos) نال کیتے دھکے نوں موہرے رکھیا جاسکدا اے۔ بیسوس اپنے دیس دی آزادی لئی اخیر تک بڑی دلیری نال لڑدا رہیا۔ ایرین نے لکھیا اے: ”جس ویلے اوہنوں پھر کے سکندر دے ساہمنے لیاندا گیا تاں سکندر نے اوہنوں کوڑے مروائے تے بعد وچ اوہدا نک تے کن کٹوا چھڈے۔“ دو جے گورنراں نال وی جیہناں بیسوس دی مدد کیتی، انج دا ای ویہار کیتا۔ ایس توں علاوہ کیلتھنیز جیہڑا کہ ایہدے گروارسطو (Aristotle) دا بھتیجی سی، اوہنے سکندر دے ایس دھرو دے خلاف آواز چکی، اوہنوں وی سکندر نے گرفتار کر کے مروا چھڈیا۔ کیلتھس جیہڑا کہ سکندر دی دائی (جیہنوں ایہہ ماں سماں سمجھدا سی) دا بھرا سی، اوہنوں اپنے ہتھیں قتل کیتا۔ اوہدا قصور صرف اینا سی کہ اوہنے سکندر دے پیو فلپ دے

کارنامیاں دی بہتی تعریف کیتی۔ اک جنگ وچ تاں اوہنے سکندر دی جان وی بچائی سی۔ اپنے پیو دے وفادار فوجی سردار پارمینس دے قتل وی سکندر دے ای لڑ لگدا اے۔ ہنیرے دافاندہ چک کے بھارتی سنگت (جیہنوں سکندر نے معاف وی کردتا سی تے جان دی اجازت وی دے دتی سی) نوں قتل کرن تے پلوٹارک نے آپ وی ایہدی ایس نیچ حرکت دی سخت تند یا کیتی تے لکھیا اے۔

This rests as a foul blot on his martial fame.....

انج سکندر دی ساری طوفانی یڈھ یا تراء، بستیاں دی بربادی، زنا نپاں تے بالاں دے خون نال بھری ہوئی اے۔ مثال دے طور تے سندھ وچ وی اوہنے انج ای کیتا۔ جیسے بندے تھیں ایہہ آس رکھنی کہ اوہ اک سورے دی قدر کرے گا تے اوہ راج اوہنوں موڑ دیوے گا، وڈا بھلیکھا اے۔ سکندر دی مہانتا وکھاو لئی اک دوجا گڑوی گھڑیا تے لکھیا گیا اے کہ جہلم والی لڑائی مگروں سکندر نے اک وڈا علاقہ پورس نوں تحفے دے طور تے دتا۔ پر اصل گل انج اے: پورس اک طاقتور تے اچے ارادیاں والا راجا سی۔ اوہ اپنے راج دا گھیر موکلا کرنا چاہوند اسی۔ اوہنے سکندر دے آون توں پہلاں ای ابھیسار دے راجا نوں اپنے نال ملا کے اپنے راج دا گھیر وڈا کیتا۔ سکندر دے اچن چیت آون کر کے، اوہنے اپنے سارے کم چھڈ کے سکندر ول مونہہ کیتا۔ سکندر نال بجٹھن مگروں پورس نے اپنے ایس ارادے نوں پوریاں کیتا تے اوہ راج ویاس (بیاس) ندی تیک پھیل گیا۔

ایہناں ساریاں گلاں دے ذکر مگروں ایہہ سمجھنا اوکھا نہیں کہ اصل وچ ”پورس جتیا سی

تے سکندر ہاریا سی“۔ (سالنامہ ہندو اسی، 29 مئی 1955)

—□—

حوالے

(1) Cambridge Ancient History, Pt. 4 p 40

(2) The life and exploits of Alexander, from ethiopic text

edit by, E.A Wallis Budge P/1321

کہانیاں

خالی

بٹ صاحب

”تینوں ایس رات دے کھانے لئی آونا ہی پوے گا“ سلمان نے کہیا۔ ”آخر کار بٹ صاحب تیرے اعزاز وِچ تاں ایہہ دعوت دے رہے ہن۔“

میں اپنے دوست سلمان نوں بہت سمجھاؤن دی کوشش کیتی بی میرا کسے نوں وی ملن دامن نہیں۔ خاص کر اوہناں لوکاں نوں، جیہناں نوں میں پہلاں کدے نہیں ساں ملیا۔ پر سلمان نے ضد پھڑی ہوئی سی اتے مینوں اوس نال بٹ صاحب دی دعوت تے چلن دا وعدہ کرنا پیا۔

میں جرمنی اپڑ کے سلمان نال رہ رہیا ساں۔ صلاح ایہہ سی بی نوکری ملن مگروں سلمان میرے لئی اک گھر لبھن وِچ مدد کرے گا۔ اوہنیں دینیں، ستر دے دہا کے دے انت وِچ کالے ودیشیاں لئی اے اک مشکل کم سی۔ شہر دیاں کندھاں اُتے ”اُس لینڈ رروس (ودیشیو، باہر نکلو) دے اشتہار تھان تھان نظریں آوندے سن۔ سلمان نوں پچھلے کرائے دار نوں اوس دے سٹوڈیو لئی دوستانے وجوں اک موٹی رقم دینی پئی سی۔

مینوں سلمان دا پنڈ بہت پسند آیا۔ ایس دے چارے پاسے میلاں تک کھیت تے جنگل پھیلے ہوئے سی تے وِچ کتے کتے جھیلاں، تلاء تے سیرگاہاں سن۔ پنڈ وِچ تقریباً ہر کوئی سلمان نوں جاندا سی، خاص کر کے پنڈ دیاں بڑرگ عورتاں وِچ اوہ کافی مشہور سی۔ اوس دی مکان مالکن، مسز ہسپٹمین، (جو کہ اک ریٹائرڈ ودھواسی) نے سلمان دی جان پچھان اپنیاں ساریاں سہیلیاں نال کافی تے سٹیک مخفلاں دے دوران کروائی سی۔ میں سلمان دے ایس بڑرگ عورت نیٹورک راہیں پنڈ وِچ اپنے لئی تھان بناون دی کوشش کرنا چاہوند اسوں۔

دن ویلے میں لوکل گڈی پھڑ کے چالھی منٹ کھیتاں تے جنگل دے نظارے ویکھدا۔

شہر اپڑ کے دفتر روزگار جاندا۔ دفتر روزگار وچ مس زمر من نوکریاں دے مطابق میریاں یوگتاواں نوں میل کے دیکھدی۔ ایس ادھکھر عمر دی نیک دل جرمن عورت کول مینوں سلمان ہی لے کے آیا سی۔ دو ہفتیاں بعد مینوں پک ہو گیا کہ جاں تاں مس زمر من اپنی رحم دل سی کہ اوہ مینوں گھٹ تنخواہ دی نوکری نہیں دینا چاہوندی سی، تے جاں اوس نوں ایہہ یقین ہو گیا سی کہ میں عمارتاں بھٹن، پیڑ کٹن جاں تاراں وچھاون ور گے کماں وچ اک دن توں وڈھ نہیں ٹک سکاں گا۔

”مسٹر سید“۔ اوہ ہر روز سویرے مینوں کہندی، ”ٹنسیں بھاشا سکول جاؤ، میں تہاڈی مدد کرنا چاہوندی ہاں، پر پہلاں تہا نوں ساڈی بولی سگھنی چاہیدی ہے۔“

میرا گلگا پڑا او تھوں دی لائبریری ہو یا کردی سی، جیہڑی روزگار دفتر توں تھوڑی دُور شہر دے وچوں ہوندیاں ہونیاں، اوس دوسو سال پُرانے اوپر اہاؤس توں پرے سی، جتھے گوئے دیاں ہیروئناں نے اوس دے ناٹکاں وچ کم کیتا سی۔ اک ہور چھوٹے رستے راہیں میں پُرانے شہر، جیس دے دوالے کدے اک گنڈھ ہو یا کردی سی جتھے چودھویں صدی دا پُرانا تے وشال گوتھک گر جا گھراج وی کھڑا سی، دے وچوں ہوندا ہو یا لائبریری، بلیو تھیک پنچ جانداں ساں۔ بدھوار تے شنی اتوار اتھے بازار لگدا سی۔ ایہہ لائبریری باہرلی دُنیا نال میرا اکو اک سانگ سی تے ایس ٹھنڈے پرسوہنے اُتری شہر وچ میری پناہ گاہ وی سی۔ کسے ویلے اتھے انگریز بادشاہاں نے راج کیتا سی۔ او تھے میں انگریزی اخبار ہیر لڈر بیون، تے کوتاواں پڑھدا۔ اپنی زندگی بارے سوچدا جاں لائبریری وچ لوکاں نوں ویکھدا رہندا۔

شام نوں میں پیدل ہی شہر وچلے وڈے سٹیشن تے گھر واپس جا رہے سلمان نوں ملن چلا جاندا۔ کئی وار ایس کافی تے ناشتہ لین لئی سٹیشن دی مشہور ”شٹیل اینس“، کوک میل، تے رُکدے، جیہڑی دُنیا دے ہر طرحاں دے لوکاں، ایریٹریا، ہندوستان، بنگلادیش تے پاکستان دے سیاسی پناہ گیراں، تُرکی تے یوگوسلاویا دے عارضی کامیاں، پڑھیا راں، دلالاں، نشیاں دے وپاریاں تے عیش کرن لئی گھروں بھجیاں جوان جرمن گُویاں دی اک من پسند تھاں سی۔ عام طور تے ایہہ گُویاں انت وچ سٹیشن چکھے ویشوا علاقے جا پڑ دیاں سن۔ میں بٹ صاحب نوں پہلی وار ”شٹیل اینس“، وچ ہی ملیا ساں۔ او تھے ہُت سارے پاکستانی تے ہندوستانی، جیہناں وچ جُستے سگھ سی۔ اک میز دے دوالے بیٹھے سن۔ میں ایہناں ہم وطنان توں کترارہیا ساں، پر سلمان جیکر

ٹھان لوے تاں دوستیاں نبھاو توں اوس نوں کوئی نہیں سی روک سکدا۔ اپنی عمر کر کے تے ایس دیش وِچ کافی دیر توں رہن کارن اوہ ہر کسے داوڈا بھرا سی، جو ہر ویلے ہر کسے نوں ہر گل تے صلاح مشورہ دین نوں تیار رہندا سی۔ بھائی اوہ کھانا بناون دا طریقہ ہووے جاں نوکری لہن دی جگت، جاں پھیر کہ ایہو جیہی جرمن گڑی کیویں مل سکدی ہے جو ٹھاڈے لئی ایس دیش وِچ پکے طور تے وُس لئی راہ کھول سکے۔

”سلمان بھائی!“ کلا کوٹ پائی، ماتا دے داغاں نال بھرے چہرے والا اک بندہ ساہنوں ویکھ اُچی ساری بولیا، ”ہُن تیرے مہمان آگئے ہن تاں ہی توں ساڈے نال دُعا سلام کرنا ہی چھڈ دتا ہے۔“

ظاہری اوہ میرے بارے کہہ رہیا سی۔

”ایہہ بٹ صاحب ہن۔ ایہہ وی لاہور توں ہن۔“ سلمان نے اوس گروپ ول جان دیاں تے اپنے نال مینوں وی کچھ دیاں میرے کن وِچ کہیا۔

جان پہچان ہون مگروں ہر کوئی مینوں آپنے گھر بُلا ونا چاہندا سی، پر بٹ نے ساری بحث نوں ایہہ اعلان کر کے مُکا دتا کہ سلمان بھائی تے اوہناں دا دیا نندار مہمان آوندے شجر وار اوہناں دے گھر کھانا کھا رہے ہن۔ میں ایس زبردستی دے دعوت نامے توں چھٹکارا پاؤن دی کوشش کیتی۔ پر سلمان نے میرے ول ویکھ کے نہ وِچ دھون ہلائی۔ اوس نے ایہہ اپنے ظاہر طور تے کیتا کہ بٹ صاحب سمیت سبھ نے ایس نوں نوٹ کر لیا۔

”ٹہیں کسے وی حالت وِچ ایس دعوت توں انکار نہیں کر سکدے“ بٹ صاحب نے کہیا، ”کیونکہ ایہہ انکار سلمان بھائی دا ہووے گا ساڈا نہیں تے کوئی وی ایس گل نوں پسند نہیں کرے گا، خاص کر کے میں۔“

میں بٹ دے بلھاں تے اک گھٹیا مُسکراہٹ ویکھی۔ اوس دیاں نکلیاں اکھاں اوس دے داغاں بھرے چہرے تے بڑیاں بھڑیاں لگ رہیاں سن۔

جیس ہفتے دے دن ایس بٹ گھرے جانا سی، اوس دن برف باری ہو گئی۔ اوس موسم دی پہلی برف باری۔ کرسمس صرف اک ہفتہ دُور سی ایس لئی جدوں شام ویلے ایس شہر پہنچے، ساریاں دُکاناں ابجے گھلیاں سن۔ بٹ ساہنے والے سٹیشن توں تھوڑی دُور، ویشوا علاقے دے

نیڑے رہندا سی۔ اوس دے مکان دی ڈاواں ڈول پوڑی چڑھدیاں سلمان نے مینوں دسیا کہ گرمیاں وِچ بٹ دی باری چوں اپنے چھجیاں تے جھولدیاں ویشواواں صاف نظر آوندیاں ہن۔ اندرتنگ جیسے کمرے وِچ پیاز، مسالے تے تلے کھانے دی بُو مار دے بٹ صاحب نگرے بنی رسوئی وِچ سٹو وکول کھڑے سن۔ سٹو ودا چھوٹا میز سگرٹ دے ٹکڑیاں، بیئر دیاں خالی بوتلاں تے اوس مُرغے دے کھنباں دے نلے موئے ٹکڑیاں نال بھریا ہو یا سی، جو شاید ایس وقت اوس چھوئے جیسے سٹو اُتے بڑے خطرناک طریقے نال رکھے ہوئے پتلے وِچ پک رہیا سی۔

اوتھے پہلاں ہی اڈھی درجن دے قریب لوک کمرے دے وچکار پھسے ہوئے میز دے دوالے بیٹھے گلاں کر رہے سن، جیہناں وِچ گجھ پہلاں ہی سٹیشن تے ملن کارن واقف سن۔ میز اُتے جانی واکردی اڈھی بوتل پئی سی۔ ٹی وی اُتے پے سٹیر یوتے ہندوستانی پاپ سنگیت بہت اُچی وِج رہیا سی۔

”سلمان بھائی“ شور دے وچوں بٹ صاحب چیکے۔ ”مینوں تہاڈی صلاح چاہیدی ہے۔ کیہ میں پُدینا جئے ہی پادیاں کہ تھوڑا جیہا ہور رجھ لین دیاں؟ سید صاحب، بس تھوڑی دیر مینوں معافی دیو“۔ اوہناں نے مینوں کہیا۔ جد کہ سلمان نے اوہناں دے ہتھوں کڑچھی پھڑکے تری دالون ویکھیا۔ ”اوئے پلے، سید صاحب لئی ڈرنک بنا۔ اوہ بئی، فالتو دیاں چھڈو تے سید صاحب نوں سٹو۔ ایہہ پڑھے لکھے بندے نیں، کوئی جج دی گل ہی سکھو گے۔“

ایہہ شاید میری اوس گروپ نال جان پچھان سی۔ پر میرے لئی ایہہ اک اشارہ سی کہ جد تیک بٹ تے سلمان کھانے داکم پورا نہ کر لین، میں پارٹی دا دل لگائی رکھاں۔ اوہ نو جوان جیس دا نام بلا سی، مینوں بعد وِچ پتالگا کہ اوہ وی لاہورتوں سی۔ اوس دا اصلی ناں اقبال احمد سی تے اوہ اک دیہاڑی تے کم کردا سی۔ اقبال نے پنجاب یونیورسٹی، لاہورتوں پلٹکل سائنس وِچ ایم اے۔ کیٹی ہوئی سی۔ سارے اوس نوں بلا ”گجر“ مطلب کہ بلا ”دوڈھی“ کہندے سن، جو کہ اوس نوں وی چنگا لگدا سی۔ سلمان مطابق ایہہ شاید اوس دی شہادت والی مانسکتا نال وی میل کھانداسی۔ ہور بابی سنگھ تے اوس دا بابی ٹونی سنگھ سی۔ بابی سنگھ ساریاں نالوں وڈی عمر داسی۔ اوہ اصل وِچ بہت سال پہلاں جرمنی دھات وِچ پڑھن آیا سی۔ اوس دا اک بہت پُرانا سُفنا ہندوستان واپس جا کے جمشید پور دی مشہور مر سڈریز بینز فیکٹری وِچ کم کرن داسی۔

سٹر دے دہا کے دے مُڈھ وِچ 'اندر الیمر جینسی' دوران اوس نے سیاسی پناہ لئی عرضی دے دتی۔ سکول چھڈ دتا تے 'کڑپس' کمپنی وِچ اک ٹیکنیشن وجوں نوکری کر لئی۔ اوس دی جرمن بھاشا پُت دُرست سی تے اوہ اوہناں لوکاں لئی اک غیر سرکاری ترجمان بن گیا، جیہناں نوں مکان کرائے تے لین لئی، جاں خطرناک سُر کار کارن سیاسی پناہ دے ویزے وِچ وادھے لئی عرضی لکھو اونی ہوندی سی جاں ویاہ دے دفتر وِچ گواہی بھرنی ہوندی سی۔ اوس داہانی ٹوٹی سنگھ اک تگڑا رحم دل تے نیک انسان سی، جو اک خوبصورت بھورے والاں والی جرمن زنانی نال ویاہیا ہو یا سی، جیس نوں میں بعد وِچ ملیا وی ساں۔ دوویں بانی سنگھ تے ٹوٹی سنگھ لمے وال، پگ تے داڑھی والے کیس دھاری سکھ سن۔ بانی دے وال عورتاں وانگ کمر تک لمبے تے ریشمی سن پر چھوٹے ٹوٹی دے انج نہیں سن۔ اوہ بانی تے ٹوٹی وانگ نہیں سی بلکہ 'مونا' سکھ سی۔ اوہ کسے پکھوں 'چھوٹا' نہیں سی۔ ٹوٹی سنگھ وانگ اوہ وی چھٹ توں زیادہ لمبا پر بھرویں سریر والا سی، جد کہ ٹوٹی سنگھ اپنی توند نال تن سو پونڈ دے لگ بھگ سی۔ چھوٹا ٹوٹی عورتاں وِچ کافی مشہور سی۔ اوس دی عمر پنچھی دے آس پاس سی۔ اوس دے چہرے تے اک بد معاش وحشی پن سی۔ اوہ اوپر اہاؤس دے نال والے ہوٹل وِچ کم کرداسی۔ سلمان نے مینوں بعد وِچ دسیا کہ ہوٹل دے مالک نے چھوٹے ٹوٹی نوں ہوٹل دی رسوئی دا انچارج بنایا ہو یا سی تے جرمن خانساے اُتے صرف دن دے کھانے دی میو دی ہی ذمہ داری سی۔ چھوٹا ٹوٹی بڑا گالھڑی سی تے اوہ ہوٹل، جیس دا کہ اوہ اک طرحاں مالک ہی سی، وِچ آون والیاں امیر عورتاں نال اپنے تجربات بارے گلاں کردیاں نہیں سی تھکدا۔ لوک اوس بارے بس اونا ہی جاندے سن، جہنا گو اوہ آپ دسداسی۔ ایہہ وی اوس دے موڈ مطابق بدلدار ہنداسی۔ سلمان نوں لگدا سی کہ اوہ اے جے وی ایس مُلک وِچ غیر قانونی طور تے رہ رہیاسی۔

چھوٹے ٹوٹی وانگ بٹ صاحب وی ایس مُلک وِچ کئی سالوں توں وکھ وکھ ہوٹلاں وِچ خانساے وجوں کم کر کے، غیر قانونی طور تے ہی رہ رہے سن۔ دوویں جنے کئی سال ہیمبرگ وِچ اکٹھے رہے سن۔ دوویں کافی دیر او تھوں دے اک نازی پلس دے سابقہ افسر دے ہوٹل وِچ رہ کے کم کردے رہے سن۔ بٹ صاحب نے مینوں بعد وِچ دسیا کہ اوہناں دوہاں نے کافی پیسہ کمایا سی۔ رہن دا کوئی خرچہ نہیں سی۔ اوس شہر وِچ نویں تے غیر قانونی ہون کر کے اوہ اپنے کمرے

توں باہر بہت گھٹ نکلدے سن۔ کدے کدے ہوئل دامالک اوہناں نوں ’سپیلینگ‘، کسینو وِچ لے جانداسی۔ اسیں ایہو جیہیاں تھاواں تے اپنے آپ نہیں جاسکدے ساں کیوں اتھے شناختی کارڈ چیک کیتے جاندے سی، جیہڑے کہ ساڈے کول نہیں سن۔ پر ساڈا لباس کلوس شہر دے ہر رسوخ والے بندے نوں جانداسی۔ ایس لئی کسینو وِچ ساڈے توں کوئی شناختی کارڈ نہیں سی منگدا۔ کلوس نال پنج سال دی نوکری دوران اسیں شاید اک درجن وار شہر وِچ گئے ہوواں گے۔ اک ہوہر بندہ یونس سی، جو کہ شکل توں سخت سی پر بڑا ہارک سی۔ اوس دا چھوٹے ٹوٹی نال اک لمبا جھگڑا چل رہیا سی۔ اوہ دوویں ہی عورتاں دے شوقینی جانیانا پسند کردے سن۔ چھوٹا ٹوٹی بڑا مینا تے چالاک سی۔ یونس نے مینوں بعد وِچ دسیا کہ چھوٹے ٹوٹی نے اوس دیاں بہت ساریاں گرل فرینڈز کھوہ لئیاں سن۔

ہر وار جدوں میں اپنی دوست نوں اوس نال ملایا، انجے ہویا۔ اخیر وِچ، خان سی۔ خان پاکستان افغانستان سرحد دے قبائلی علاقے توں سی، جو کہ پنجاہ دے دہاکے دے اخیر وِچ جرمنی آیا سی۔ اتھے اوس نے جرمن عورت نال ویاہ کروالیا سی۔ ہُن اوہ اپنی اگو اک دھی دے بچیاں دا خوش قسمت ناناسی۔ اوہ اک پہاڑی پنڈ وِچ رہنداسی جو شہر توں سوگو کلومیٹر دُور سی۔ خان اک خاندانی جرمن وانگ دکھاتے گل بات کرداسی۔ پنڈ وِچ اوس دا اک وڈا فارم ہا اوس تے اک کچی جاگیر جانداسی۔ اوہ اک کامیاب کارمکنک سی۔ پُرانیاں کاراں خرید کے اوہناں نوں نواں کرنا اوس دا شوق سی۔ عام طور تے اوہ ایہہ کاراں اپنے دوستاں نوں معمولی قیمت تے بیچ دینداسی۔ سٹھ سالوں دی عمر وِچ وی اوہ بڑا زندہ دل سی۔

اڈھی رات دے قریب کھانے دا اعلان ہویا۔ ہر کسے نے سائیڈ بورڈ توں پلیٹ چُک کے سٹووتے رجھ رہے پتیلے ول قدم ودھائے۔ پلے گجر نوں تُرکی نان کٹن داکم دتا گیا۔ ہُن تک مینوں قریب قریب ہر کسے دی زندگی دی کہانی پتا لگ چُکی سی۔ جونی وا کرنے مینوں اتھے سوکھے ہون وِچ مدد کیتی۔ جد کہ مینوں ایہہ برانڈ پسند نہیں سی۔ کیونکہ میرے لئی ایہہ نویں کمائے پیسے تے بھیرے شوق دا پرتیک سی۔

”میں ساری شام کھانا بنا وندارہ گیا تے ایہناں دے مٹھوں اک لفظ وی نہیں پھٹھیا۔“ بٹ صاحب دی اُچی آواز سُنائی دتی۔

میں دھیان نہیں سی دتا کہ اوہ کھانا نہیں کھا رہی سی۔ شراب دے نشے کارن اوس دیاں اکھاں لال ہو گئیاں سن۔ اوس دی زہر بھری آواز توں میں ٹھنبر گیا۔ کیوں جو اپنی نفرت بھری آواز میں کدے نہیں سُنی سی۔ بٹ صاحب نے میرے چہرے تے حیرانی ویکھ کے کہیا۔

”پلیز سیّد صاحب، تسیں کھاندے رہو، میں جاندا ہاں کہ تسیں چنگے کھانے تے ایہناں ان پڑھ جاہلاں دی جُنڈ لی دے روز دے گھٹیا کھانے دا فرق دس سکدے ہو۔ تسیں سلمان بھائی دے دوست ہو۔ اوہ سواد، مسالیاں بارے چنگی طرحاں سمجھدا ہے کہ کیوں اک خانسامہ وکھ وکھ مسالیاں نوں ساواں رگھدا ہے۔ اوس نوں سبھ پتا ہے پراہیہ لوک!“

اوس نے فقرہ ادھور لچھد دتا تے اپنے لئی وِسکی دا اک ہو رگلاس بھر لیا۔ کسے نے وی اوس دی ایس بھر کویں گل ول دھیان نہیں دتا۔ مگروں مینوں پتا لگا کہ بٹ نوں ایس طرحاں اچانک اُچی بولنا بڑا چنگا لگدا سی۔ ٹوئی نے بعدوں مینوں دسیا۔

”اوس دے جوالا مُکھی ہمیشہ ہی اتنے اچانک، غصے بھرے، ڈرا دین والے تے اچن چیت ہوندے ہن کہ جیہڑے لوک ایس نوں نہیں جاندے، ایس دی آواز دی طاقت نوں دیکھ کے خاموش ہو جاندے ہن۔ پر ایس دا کارن بٹ دا ایس دلش وِچ سالان توں غیر قانونی طور تے رہن دا ڈرتے غیر محفوظ ہون دی بھاونہ لگدا ہے۔“

”بٹ ول دھیان نہ دینا، ایہہ تاں بُدائی ہے۔“ چھوٹے ٹوئی نے کہیا۔ پھیر اوس نے بٹ صاحب نوں مخاطب ہو کے کہیا۔ ”اوئے، جے اج رات میزبان ہیں تاں ہو ر وِسکی لیا۔“ مینوں لگا اک وار پھیر بٹ بھر کے گا۔

”منجے پٹھاں پئی ہے، آپے کڈھ لے۔“ بٹ صاحب نے جواب دتا۔ مینوں لگیا کہ چھوٹے ٹوئی نال بٹ دا اک خاص، پیچیدہ رشتہ سی، جیہں نوں میں سمجھ تاں نہیں سکیا، پر جیہں نے میری اُتسکتا ضرور ودھا دتی سی۔ ہُن اڈھی رات ہو چکی سی تے میں گھر جانا چاہوند اسی۔ سلمان اڈیک چ سی کہ میں سبھ توں وداع لے لوں۔ سلمان نوں رولا رپا پسند نہیں سی۔ لڑائی جھگڑاتاں ویکھنا وی ناپسند سی۔

”بٹ صاحب، ساہنوں دعوت تے سدّ ن لئی بہت مہربانی۔“ میں اوس دا شکریہ ادا کیتا ہی سی کہ بٹ نے مینوں وِچوں ٹوک دتا۔

”تسیں مٹھا کھاہدے بغیر نہیں جاسکدے۔ مسز بٹ بس آون ہی والی ہے۔ اوس دی ڈیوٹی ادھی رات نوں مکدی ہے تے گھر پہنچن وچ ڈیڑھ گھنٹہ لگ جاندا ہے۔ اوئے پلے، آہ مینوں گڈیاں دا ناٹم ٹیبل پھرائیں۔“

میں سلمان ول ویکھیا۔ ”پر بٹ صاحب، تسیں مسز بٹ نوں ایس وقت بلایا اے؟ ایس وقت تاں اوہ بہت تھکی ہووے گی۔ میرا خیال ہے ساہنوں چلنا چاہیدا ہے۔ پھیر کدی آجاواں گے۔“

سلمان نے بٹ صاحب نوں سمجھاون دی کوشش کیتی۔
 ”سلمان بھائی، پلیز رُک جاؤ۔ میری بیٹی ہے۔ مسز بٹ بہت زیادہ زراش ہووے گی۔ اوس نوں تیرے دوست نال ملن دی بہت اچھاسی۔“

میں اک سچھا دتا۔ ”میرا خیال ہے کہ اپنا بھرپور کھانا کھان توں بعد ساہنوں سبھ نوں سیر دی لوڑ ہے۔ ایس سٹیشن تک سیر کر دے جاندا ہاں، مسز بٹ نوں مل کے ایس او تھوں ہی نکل چلاں گے۔“

لگداسی اک شام وچ ہی مینوں بٹ نوں خوش کر کے نہرنا آ گیا سی۔
 باہر ٹھنڈی ہوا بڑی خوشگوار سی۔ سٹیشن دے دوجے پاسے شہر دا بازار سی۔ ڈگدی برف وچ ایہہ بہت خوبصورت لگ رہی سی۔ مینوں جرمن لوکاں دا کرسمس لئی اپنے شہراں نوں سجاون دا طریقہ بہت پسند آیا۔ مسز بٹ اک چٹے والاں والی، مدھری تے بھاری عورت نکلی۔ ساہنوں سبھ نوں سٹیشن تے پہنچے ویکھ کے اوہ بہت خوش ہوئی۔ تے جدوں اوس نوں بٹ توں پتالگا کہ سٹیشن تے جا کے اوس نوں ملن دا سچھا و میرا سی، اوس نے مینوں چھٹی پالئی۔ کیوں کہ مسز بٹ بارے مینوں دیر شام نوں ہی پتالگا سی، ایس لئی میں اوس بارے بہت گھٹ نہیں جاندا ساں۔ میرا خیال سی کہ بٹ داویاہ نہیں ہو یا سی۔ بعدوں گھر پہنچ کے، اپنے بستریاں وچ نگھے ہون بعد، جیس توں پہلاں میں اپنا روز دا بھاش وی دتا کہ میں زمین اُتے اپنے سلپنگ بیگ وچ ٹھیک رہاں گا، سلمان نے مینوں دسیا کہ اوہ بٹ دی بیوی نہیں ہے، پر اوس نوں اپنے آپ نوں انج اکھواونا چڑگا لگداسی۔
 بٹ اوس نوں اک بار وچ ملیا سی، جتھے ایہہ بڑے سال پہلاں کم کردی سی۔ ایہہ بار شہر دے باہر ویشوا گھر دا ہی اک حصہ سی۔ بٹ او تھے بہت جاندا ہوندا سی۔ اوس وقت مسز بٹ بار وچ کم نہیں

کردی سی، سگوں او تھے کم والے دُسن، وچوں اک سی۔ اوہ اک بہت چنگی عورت ہے تے شاید اکو اک انسان ہے جو بٹ دا سچ مُچ خیال رکھدی ہے۔

بٹ دے گھر اوس دی اک بیوی ہے۔ اوس دے بچے وڈے ہو گئے ہن تے ہُن شاید اوس دی دھی داویا ہون والا ہے۔ بٹ دا ٹبر چا ہوندا ہے کہ اوہ ویہا وچ بھارا داج دیوے۔ میں سُنیا ہے کہ چھوٹا ٹوٹی، بٹ نوں اپنے ہوٹل وچ کم تے رکھوار ہیا ہے۔ اوہ چا ہوندا ہے کہ بٹ اوس دے نال ہی ہوٹل دے اُپر والے کمرے وچ رہن لگ جاوے۔ کم تاں بہت مُشکل ہے سو لھاں توں اٹھا رہاں گھنے دیہاڑی دا کم ہے۔ ہوٹل دا مالک اوس نوں وڈھی وی دیندا رہندا ہے۔ مسز بٹ نوں چھوٹا ٹوٹی بالکل نہیں پسند۔ کجھ مہینے پہلاں، جدوں بٹ نے چھوٹے ٹوٹی نال کم کرن لئی ہاں کیتی، اگلے ہی دن اوہ بٹ نوں میرے کول لے کے آئی۔ اوہ چا ہوندی سی کہ میں بٹ نوں سمجھاواں کہ اوہ واپس اوس نرک وچ نہ پوے جیہڑا کہ اوس نے شروع وچ غیر قانونی ہون کر کے تے وکھو وکھ ہوٹلاں وچ کم کر کے تے رہ کے بھگتیا سی۔ تینوں پتا اے اوہ تاں اوس نال ویہا کرواونا چا ہوندی سی تاں جو ایہہ پگی رہائش لئی عرضی پاسکے، پر ایس نے ویہا توں نہ کر دتی۔ ایہہ مسز بٹ ہی سی، جیہیں نے ایس نوں پناہ لئی عرضی دین نوں کہیا سی۔ ہُن ایس نوں کسے توں لگن دی لوڑ نہیں ہے۔ گھٹو گھٹ اودوں تک، جد تک ایس دی پناہ دی عرضی دا فیصلہ نہیں ہو جاند ا۔

نواں سال بر فیلے طوفان نال چڑھیا۔ میں مسز زمر من دی صلاح من کے بھاشا سکول وچ داخلہ لے لیا۔ سلمان دی اک دوست نوں میں پسند آ گیا تے اوس نے مینوں اپنے وڈے سارے گھر وچ معمولی کرائے تے کمرہ دے دتا۔

”ایہہ میں تیرے ساتھ لئی دے رہی ہاں، پیسے لئی نہیں“۔ مسز شنائیدر نے مینوں کہیا۔ اوہ وی سلمان دیاں ہور دوست گزریاں ہار اک ودھواسی۔ اوس دا کھسم دس سال پہلاں مر گیا سی۔ تچھے اوس دے بڈھا پے لئی کافی کجھ چھڈ گیا سی۔ ایہہ گھر پنڈ دے اخیر وچ سی۔ ایس دا پچھلا ویرڈھا جنگل وچ کھلدا سی۔ ایہہ اک پنڈ ویر خوش نما گھر سی، جیہیں نے کدے چنگے دن ویکھے سن تے جوان جو وی مسز شنائیدر دے بچیاں، تن دھیاں۔ تے دو پتراں دیاں یاداں نال بھریا پیاسی، جو ہُن دوجے شہراں وچ رہندے سن۔ مسز شنائیدر نے مینوں اپنے ٹبر بارے بہت ساریاں کہانیاں سُنائیاں۔ اوس نوں آپنے پر یوار تے بہت مان سی۔ پر اوس دے گھر وچ اپنی چھ

مہینیاں دی رہائش دوران میں اوس دے پر یوارنوں مل نہیں سکيا۔

بھاشا سکول وچ میری ودھیا کارگزاری نے مینوں جرمن فلسفے، ساہت تے اتھاس پڑھن دی جدوجہد وچ ایس اُمید نال لگا دتا کہ چھیتی ہی میں نطشے دی دس سپیک زرد شتر تے گوئے دی پھاؤست، مول رُوپ وچ پڑھ لواں گا۔ میرا نواں گھر ایس کم لئی بہت دُھکویں تھاسی۔ ایہہ بہت شانت تے گھلاسی تقریباً سارا ہی گھر میرے کول سی۔ سویرے میں گڈی پھڑ کے شہر اپنے سکولے جاندا، تے شام نوں لاہیری۔ جیکر بہتی ٹھنڈ نہ ہندی تاں پُرانے شہر وچ گھمدا تے نہر دے نال لگدے بازار وچ پُرانیاں کتاباں دیاں دکاناں وچ انگریزی دیاں کتاباں لبھدا۔ دُھپ والے دناں وچ پُرانے شہر دیاں پتھریلیاں گلیاں گھمنا بہت ہی خوشگوار ہوندا سی، جو اک مٹھی مٹھی تھکان دیندا سی۔ نہیں تاں جرمنی وچ میری پہلی سردی دے ٹھنڈے، ہنیرے تے بوریت بھرے دن بہت مشکل لگدے سن۔ میرے کول خرچ کرن لئی پیسے وی نہیں ہوندے سن۔ سوائے اوس چھوٹی جیہی رقم دے، جو مینوں اک پڑھیار ہون کر کے ملدی سی۔ بھاشا سکول شروع ہون توں بعد پیسے دی گھاٹ لوکاں نال ملن جلن تے نویں دوست بناون وچ دوجی وقت سی۔

ویک اینڈ تے جاں سلمان میرے کول آجاندا جاں میں اوس کول چلا جاندا تے جاں اسیں بزرگ عورتاں نوں لہج لئی سدّ ادے دیندے۔ اوہناں واسطے ایہہ اک بہت وڈا موقع ہوندا سی۔ اوہ ہر طرحاں دے تھکے چکے آوندیاں؛ گھر دے بنے مرے، بہت ودھیا چاکلیٹ موزکیک، اپنے باغ دیاں سبزیاں تے شراب۔ میرے لئی ایہہ لہج اوہناں نال اپنی جرمن بھاشا دا ابھياس کرن دے موقع ہوندے سن۔ مینوں سلمان توں پتالگا کہ بٹ نے چھوٹے ٹونی دی کم دی پیشکش من لئی سی تے ہُن اوس نے اوہدے نال کم کرنا تے رہنا شروع کر دتا سی۔

مئی وچ اک دن، اوہ مینوں شہر وچ کلر پیا۔ میں سٹی سینٹر، ہیلمٹ کوہل نوں سُنن گیا ہویا سی، جو کہ چانسلر دی سیٹ لئی کرشچن ڈیموکریٹک پارٹی دا اُمید واری۔ بٹ دا ہوٹل وی اوسے علاقے وچ سی۔ مینوں او تھے بہت بھیرے ہون دی اُمید سی، پر اوس نوں سُنن آئے لوکاں دی گنتی درجن توں ودھ نہیں سی۔ اوہناں وچوں وی ادھے تاں پارٹی ممبر سن تے باقیوں دی وی ایس شو وچ کوئی دلچسپی نہیں سی۔ بہت ہی بے رونق نظارہ سی۔ اوہ بندہ مینوں بہت ہی ڈھلا جاپیا۔ پر اوس

داہٹھ کافی سلاہن جوگ سی۔ ایہہ گل اوس نوں بالگل پریشان نہیں سی کر رہی کہ سڑک کنارے کھڑے لوک اوس دیاں گلاں ول بالگل دھیان نہیں سن دے رہے۔ اوہ لگاتار اک گھنٹے تک بولدا رہیا۔

”اپنے دیس اندرتاں تہانوں ایہو جیہے موقعیاں تے بہت وڈی بھیڑ ویکھن دی عادت ہے، پر ایس دیش وچ ایس توں بالگل اُلٹ ہے، تے ہیلمٹ کوہل، ہیلمٹ شیمٹ دے مقابلے کجھ وی نہیں،“ اوس نے کہیا۔

بٹ صاحب اوس دن چھٹی تے سن۔ اوہ بڑے تھکے ٹٹے لگ رہے سن۔ میں اوہناں نوں نوں نوں نوں کر رہی بارے پچھیا۔

”سید صاحب! اج تسیں میرا حال پچھ رہے ہو۔ میرا خیال ہے کہ تہانوں ساڈی دوستی پسند نہیں۔ تسیں اوس پہلی وار ملن توں بعد ساہنوں کدے ملن نہیں آئے۔ میں سلمان بھائی نوں کئی وار تہاڈے بارے پچھیا، پر اوس نے ایہی کہیا کہ تسیں مصروف ہو۔“

میںوں اپنی غلطی دا احساس ہو یا، میںوں گھوگھٹ فون تاں کر ہی لینا چاہیدا سی۔ سلمان نے ضرور میںوں اک ادھی وار بٹے اوس دے دوستاں دے کول کھانے دی دعوت لئی چلن نوں کہیا وی سی، پر میں ہی کنارہ کر لیا سی۔ اوس توں بعد اوس نے ایہناں پارٹیاں لئی میںوں پچھنا ہی چھڈ دتا سی۔

”بٹ صاحب، کیوں نہ تسیں ایس ہفتے میرے گھر آ جاؤ۔“ میں اوس نوں پچھیا۔
میں اپنے پہلاں دے رُکھے وطرے داہر جانا بھرنا چاہوندا سی۔ ”اپنے دوستاں نوں وی نال لے کے آؤنا۔“

ایس ساری جُنڈ لی نوں سدا دے کے میں پچھتایا سی۔ پر شاید بٹ صاحب میرے اندازے نالوں وڈھ سُلجھے ہوئے سن۔

”انج کر دے ہاں۔“ اوہناں جواب دتا۔ ”اسیں تہاڈے ول پھیر کدے آ جاواں گے، کیوں نہ ایس آوندے شنیچر وار تسیں تے سلمان بھائی شہر آ جاؤ، اوس دن شامیں میری چھٹی ہے، میں تہانوں کسینو لے کے جاواں گا، تہانوں ایس داوی تجربہ ہونا چاہیدا ہے۔“

جد کہ میں ایس کسینو والی گل تے بہتا اُتسگ نہیں ساں، پر پھیر وی ایہہ تجویز میںوں

اپنے سچھاء نالوں ودھیا لگی۔ اسیں اگلے شہنچر وار اوس دے ہوٹل وچ ملن دا وعدہ کر لیا۔ سلمان نے مینوں دسیا کہ ایس سپیلینک کسینو وچ جیکٹ تے ٹائی پاونا لازمی سی۔ اوس دن جدوں میں جان لئی تیار ہو رہیا ساں، مسز شنائیدر نے بڑے شرارتی ڈھنگ نال اکھ ماردیاں کہیا کہ اوہ بڑی خوش سی کہ آخر کار مینوں وی باہر جان لئی کوئی محبوبہ مل گئی سی۔

مسٹر سید، میں تاں سوچدی ساں کہ تہاں نوں ساڈیاں گڑیاں پسند نہیں۔“ اوس نے گڑیاں لئی جرمن لفظ مُیڈ چن ورتیا۔

اوس وقت میری عمر اگے سال سی تے مسز شنائیدر نہیں جاندی سی کہ اپنی کام پیڑاں نوں دباؤ لئی کیویں میں شہر دیاں گلیاں دے چکر کڈھدار ہنداساں۔

کسینو تے ساری دی ساری جُنڈ لی پھنچی ہوئی سی۔ بابی سنگھتے ٹوٹی سنگھ؛ چھوٹا ٹوٹی تے یونس اپنیاں اپنیاں جرمن گرل فرینڈاں نال، بٹ صاحب، مسز بٹ، تے بلا گجر۔ صرف خان نہیں سی۔ ٹوٹی سنگھ اپنی بیوی جو تانوں نال لیا یاسی، جو کہ اپنے خاوند دی طرحاں نیک دل سی۔ اوہ پنجابی بولنا سکھ رہی سی۔ ٹوٹی سنگھ نے بڑے فخر نال دسیا کہ اوہ پنجابی عورتاں دی طرحاں بہت ودھیا روٹی بنالیندی ہے۔ چھوٹا ٹوٹی تے یونس اک دوجے دیاں سہیلیاں نوں پرچاؤں دی کوشش کر رہے سن۔ لابی وچ سبھ نوں اپنے شناختی کارڈ دکھاؤنے پیندے سن تے اک ضمانتی فیس جمع کرواؤنی پیندی سی۔ بٹ نے میری داخلہ فیس بھرن دی ضد کیتی۔ کاؤنٹر تے شناختی کارڈ چیک کر رہے آدمی نے بلا گجر نوں اندر جان توں روک لیا کیونکہ اوہ اپنا شناختی کارڈ گھر بھل آ یاسی۔ ایس توں پہلاں کہ کسے نوں پتہ لگے، بٹ صاحب نے گل سانجھ لئی۔

”ایہہ جناب ساڈے دوست نیں۔ اسیں سارے ایہناں دی گرنٹی دیندے ہاں۔ مہربانی کر کے ایہناں نوں جان دیو۔ جیکر شناختی کارڈ اپنا ہی ضروری ہے، تاں جدوں تک اسیں مسٹر احمد دا کارڈ لے کے آوندے ہاں، تسیں میرا کارڈ رکھ لو۔“

مینوں لگ رہیا سی کہ ساڈے لئی کوئی مصیبت آون والی ہے۔ بٹ اپنے آپ نوں روکن دی بہت زیادہ کوشش کر رہیا سی۔ پر ڈیسک تے بیٹھا بندہ اڑ گیا۔

”مینوں کیہ پتا اے کہ تہاڈا دوست غیر قانونی ودیشی نہیں ہے۔“

ایس گل نے بٹ نوں بھڑکا دتا۔

”گل سُن اوئے کنجرا۔ نازی پھاشسٹ سُوَر! تینوں کیہ پتا کہ ایہہ سارے تیرے ہم وطن جیہڑے بناں شناختی کارڈ وکھائے اُپر جارہے ہن، اوہ بھگوڑے مجرم، قاتل جاں عصمت ریز نہیں ہن۔ ایہہ جناب میرے دوست ہن تے میرے نال اندر جارہے ہن، لے پھیر روک سکدا ایں تاں روک کے وکھا۔“

ایہہ کھندیاں اوس نے پلے دا ہتھ پھڑ کے اوس نوں کسینو دیاں پوڑھیاں ول کھچیا۔ ایں توں پہلاں کہ ساڈے وچوں کوئی گجھ کر سکدا۔ اڈھی درجن دے قریب گارڈ پتا نہیں کتھوں چھلانگ مار کے بٹ داراہ روک کے کھڑے ہو گئے۔ میں ویکھیا ڈیسک والے بندے نے فون چک کے گل کیتی جس وچ اوس نے کئی وار وِدیٹی لفظ کہیا۔ گجھ ہی پلاں وِچ ساہنوں باہر گلی وِچ پولیس دے سائرَن سُنائی دتے۔

”بٹ، ہُن مینوں گل کر لین دے۔“ بابی سنگھ نے کہیا۔

سلمان نے مسز بٹ سمیت ساہنوں ساریاں نوں اُپر کسینو وِچ بھیج دتا۔

ایہناں عورتاں دے ساہمنے بٹ دا کوئی بھروسہ نہیں۔ ایں نے ساہنوں ساریاں نوں گھٹو گھٹ اک رات لئی تاں ضرور ہی اندر کروا دینا ہے۔ اوس نے ہولی جیسے میرے کن وِچ کہیا۔ بلا تاں تھر تھر کنب رہیا سی۔ میرا خیال ہے اوس نوں یقین سی کہ ایں توں بعد اوس دی وطن واپسی ہون والی سی۔ اوہ چھ جنے سن۔ اوہناں چوں اک ڈیسک دے پچھے کسینو والیاں نال گل کرن چلا گیا تے چار گیٹ گھیر کے کھڑو گئے۔ سبھ توں مدھراتے کمینہ، بٹ کول آیا۔

”کیہ ہو رہیا ہے اتھے؟“ اوہنے بڑے بے عزت ڈھنگ نال پچھیا۔

بٹ دے گجھ کہن توں پہلاں بابی سنگھ نے اوس نوں ٹوکیا تے افسر نوں اک پاسے لے گیا۔ اوہناں وچکار ویہہ منٹ تک چلی گل بات دوران ایں سبھ لابی وِچ کھڑے سی تے لوک ساہنوں انج دیکھ کے لنگھ رہے سن، جیویں کہ ایں کوئی مجرم ہوئے۔ میرے اندر غصے دا غبار اکٹھا ہو رہیا سی۔ اوس پل پہلی وار میں بٹ نوں سمجھ سکیا ساں۔ اک پاکستانی دے رُوپ وِچ نہیں جیس نوں میں ایں پرانے مُلک وِچ اک دوست جاں جانکار دے رُوپ وِچ ملنا نہیں سی چاہوندا، سگوں اک انسان دے رُوپ وِچ۔

ایہہ فیصلہ ہو یا کہ بابی، بلا تے اوہناں افسراں نال پلے دے گھر کارڈ لین جاوے گا۔

سلمان نے کسینو جا کے باقی سبھنوں ایہہ جانکاری دتی۔ میں تے بٹ صاحب نے باہر چہل قدمی کرن دا فیصلہ کیتا۔

”سید صاحب،“ کسینو توں باہر نکلیاں بٹ نے کہیا، ”میں اوس ڈیسک والے بندے نوں مار دینا سی، پناں کسے پچھتاوے دے۔“ اوس نے پنجابی وچ کہیا۔

”پاکستان چھڈن لکیاں ایہہ نہیں سی سوچیا کہ میں اک دوزخوں نکل کے دوجی دوزخے جا رہیاں۔ فرق صرف اینا ہے کہ ایہہ والا نرک اوتھوں والے نالوں زیادہ سُجھا ہے۔ اوتھے تھہاڈا پر یوار، بیوی، بچے، ماپے، سنگی ساتھی، سارے تھہاڈے سرتے سوار رہندے نیں۔ کوئی وی، تے ہر کوئی، جیس دا تھہاڈی زندگی وچ دخل دین دا کوئی کم نہیں، تھہاڈے نال کھینا اپنا دھرم بنا لیندے ہن تے تھہا نوں مجبور کردے ہن کہ جاں تاں منو نہیں تاں مرو۔ اوتھے کسے نوں پرواہ نہیں تسیں بھائیں جیو و جاں مرو۔ سو، گل تاں اگو ہی ہے۔“

اسیں وڈے ریلوے سٹیشن دے باہر ٹرام سٹاپ تے کھڑے ساں۔ گرمیاں دے موسم دی شام بہت سُہاونی سی۔ اسیں سٹیشن دے ساہنے پلازا وچ تھاں تھاں تے پئے پنچاں وچوں اک اُتے بیٹھ گئے تے لوکاں نوں ٹرام توں چڑھدے اُتر دے کلباں وچ تے پلازا دے اوپن ایئر ہوٹلاں وچ جان دیاں دیکھن لگے۔ بٹ اک کھوکھے توں گجھ بیر تے جرمن شراب دیاں چھوٹیاں بوتلاں لے آیا۔

”بٹ صاحب، میں سُنیا اے تھہاڈی بیٹی دا ویاہ ہون والا ہے۔ تسیں ایس بارے بہت خوش ہوو گے؟“ میں اوس نوں پچھیا۔

”ہاں۔ اوس نے اک حرف وچ جواب دتا۔

تھوڑی دیر بعد میں کہیا۔

”ساہنوں کسینو واپس چلنا چاہیدا ہے۔ بلا تے بابی واپس آ گئے ہون گے۔“

”تھہا نوں پتا اے سید صاحب۔“ بٹ نے میری گل نوں ان سُنیا کر دیاں کہیا۔

”چھوٹے ٹونی نال کم کرن دا اک کارن ایہہ سی کہ میں وڈھ توں وڈھ پیسہ کما کے اپنی دھمی دے ویاہ لئی اپنی بیوی نوں بھیج سکاں۔ پر میں کسے لئی گجھ محسوس نہیں کردا۔ بہت دیر پہلاں، پتا نہیں کدوں، پر میں کسے وی چیز وچ یقین کرنا چھڈ دتا ہے۔ میں پڑھیا لکھیا بندہ نہیں ہاں تے نہ ہی مینوں

کدے ایس گل دی سو جھی سی کہ میں کاہدے وچ یقین کرداساں، پر پھیر وی گجھ سی، جوہن ختم ہو گیا ہے۔ میرا خیال ہے کہ ایس دلش وچ جیہڑی زندگی میں اپنے لئی چنی ہے، اوس نے مینوں بدل دتا ہے۔ جیہو جیہی ہوند میں ایسے سالوں تک اپنائی ہے، اوہ مینوں فالتو بھار چکن دی اجازت نہیں دیندی۔ شاید میرے ورگے لوک تاں عادت ہی جیوی جان دے ہن۔ اک دن ایہہ عادت چھٹ جاندی ہے تے بندہ اوہ گیا، اوہ گیا۔ تہاڈے جیون مرن نال کسے ئوں، کتے وی کوئی فرق نہیں پیندا۔ چھوٹا ٹوٹی ایس جذبے نوں سمجھدا ہے کیونکہ اوہ وی اتھے میرے وانگ ہی رہیا ہے۔ پر اوہ بہت پتھر دل ہو گیا ہے۔“

میرا دل ہن کسینو واپس جان ئوں اُکا نہیں سی تے جدوں میں بٹ نوں کہیا کہ میں گھر جارہیا ہاں، تاں اوس نے اپنے سُبھا دے اُلٹ مینوں اپنے نال کسینو جان لئی بلگل وی نہ کہیا۔ کسینو والی گھٹنا دے تن ہفتے بعد اک شکر وارشام میں تے سلمان شہرتوں واپس گھر پرت رہے ساں۔ سلمان گھر جا کے رات نوں نہاری تے پروٹھے بناون بارے سوچ رہی سی۔ اسیں ایس خاص پکوان لئی ودھیا گوشت لین لئی ٹرکی بازار گئے ہوئے ساں۔ میں سلمان توں سٹیشن ساہنے کافی دی دکان تے نہ رکن دا وعدہ لیا ہی سی کہ جدوں اسیں پاکستانیاں تے ہندوستانیوں دی بھیر اپنے اڈے تے دیکھی۔ سلمان نے چھیتی نال بھیرول جاندیاں کہیا۔

”ضرور گجھ واپریا ہے۔“

ساہنوں بابی تے بلا گجر نظر آئے جو ساہنوں آوندیاں ویکھ بھیرتوں وکھرے ہو گئے۔

”سلمان بھائی! بٹ صاحب مر گئے۔ میرا دوست نہیں رہیا۔“ بابی نے سلمان نوں چھٹی پاوندیاں کہیا۔

اوس نے ایہہ گل ایہو جیہی درد بھری تے دل چیر ویں آواز وچ کہی، جو کہ میں اٹے وی بہت وار، بہت تھاواں تے سُن چکیا ساں۔

”کدوں۔ کیویں، کیہ ہو یا!!“ سلمان نے پچھیا۔

”ساہنوں پورا ویروا تاں نہیں پتا، پر جناگو وی پتا لگا ہے۔“ اوس نے بڑا سوچ سمجھ کے کہنا شروع کیتا۔

”چھوٹے ٹوٹی تے بٹ دا جھگڑا ہو گیا تے بٹ اک ہفتے پہلاں غلطی نال چاقو لگن

تے ماریا گیا۔ چھوٹا ٹونی کل ہی ضمانت تے باہر آیا سی تے اج شامیں بلا اوس نوں سٹیشن دے ساہمنے بازار وِچ سی اینڈ اے ناک دکان وِچ ملیا۔ اوس نے اوس نوں ساری کہانی دسی۔ بلا اودوں داروئی جارہیا ہے تے اوس توں چھوٹے ٹونی دی دسی گل وی نہیں سُنائی جارہی سی۔

”اوہ کہہ رہیا ہے کہ اوہ ضمانت توڑ کے گھر واپس جارہیا ہے۔ سلمان بھائی تہا نوں پتا اے اوس نے کیا کہیا ہے۔“ پلے نے پھر رونا شروع کر دتا۔

”چھوٹے ٹونی نے کہا کہ کوئی فرق نہیں پیندا کہ کون مریا ہے۔“ اوس نے کہا۔
 ”بلیا! ایہہ توں وی ہوسکد اسیں، میں وی جاں ساڈے وچوں کوئی ہو۔ کس نوں فرق پیندا ہے۔“

ہولی ہولی ایس دُر گھٹا دے ڈراوے ویروے اک اک کر کے ساہمنے آون لگے۔
 شکر وارا تیں اپنے روزانہ دے وقت، سویر دے دو بجے ہوٹل بند کرن بعد اوہ دوویں ہوٹل دے اُپر اپنے کمرے وِچ چلے گئے شاید کم نوں لے کے کسے عام جیہی گل تے دوہاں وِچ جھگڑا ہو گیا، جو کہ پھیر سنجیدہ تے بھیانک شکل اختیار کر گیا۔ بٹ نے چھوٹے ٹونی نوں جانوں مارن دی دھمکی دتی تے پٹھاں دوڑ کے رسوئی وِچ چاقولین لئی چلا گیا۔ ہتھو پائی وِچ بٹ دی چھاتی وِچ اوس دے اپنے ہی ہتھ والا چاقو وِچ گیا تے اوہ اوہ تھے ہی مر گیا۔

رسوئی دافر ش صاف کرن بعد چھوٹے ٹونی نے بٹ دی لاش کمرے وِچ گھسیٹ کے منجے پٹھ لکا دتی۔ اگلے دن اوہ صدمے دی حالت وِچ کم کردار ہیا تے مالک نوں ایہہ کہیا کہ بٹ نوں کسے ضروری کم لئی اچانک جانا پے گیا سی۔ ایس بھیانک ہونی توں بعد انگلیاں دو راتاں چھوٹا ٹونی ہوٹل بند کر کے، گوشت کٹن والا چاقو اپنے نال کمرے وِچ لے کے جاندا تے بٹ دے جسم نوں سویر ہون تک چھوٹے چھوٹے ٹکڑیاں وِچ کھدار ہندا۔ سویرے ہوٹل دی رسوئی کم لئی تیار کرن توں پہلاں اوہ لاش دے ٹکڑیاں نوں گُوڑے والے بیگ وِچ پادیندا تے ہوٹل دی رسوئی دے چکھے پئے گُوڑے دان وِچ دبا آندا۔ گُوڑا ہر سوموار نوں چلایا جاندا سی۔ چھوٹے ٹونی دی صلاح بٹ دی لاش نوں کٹن داکم سوموار سویر تک ختم کرن دی سی۔

ایتوار شام تک منجے پٹھاں پئے مُردے چوں زبردست بو آونی شروع ہو گئی جیہڑی کہ رسوئی، ہوٹل تے باہر گلی تک پہنچ گئی۔ چھوٹے ٹونی نوں نہ ہی کوئی بو آئی تے نہ ہی کجھ محسوس ہویا۔

اوہ دور اتاں توں سُٹتا نہیں سی۔ دِن ویلے کم کردیاں اوس دادھیاں صرف ایس گل ول ہوندا سی کہ سوموار سویرے گُوڑے دا ٹرک آون توں پہلاں سارے جسم دے ٹکڑے کر کے گُوڑے دے ڈھول وِچ پادِتے جان۔

سوموار سویرے اٹھو جے، ہوٹل دے مالک نے نوکراں ولوں اپروں پھیلی بدبو بارے شکایت کرن تے مستری نوں ایہہ سوچ کے بلوایا کہ شاید اُپر لے ہاتھ روم دی نالی رُک گئی سی۔ مستری نوں ہاتھ روم بلکل ٹھیک ٹھاک لگا پر اوس نے اوس بدبودی لیہ چھوٹے ٹونی دے کمرے تک لہھ لئی۔ مالک نے گڑبڑ محسوس کردیاں پولیس سد لئی۔ جدوں پولیس آئی اوس ویلے چھوٹا ٹونی رسوئی وِچ کم کر رہیا سی۔ اوہناں نے اوس نوں کمرہ کھولن لئی آکھیا، تے بٹ دے جسم دا پچیا کھچیا حصہ لہھ لیا۔ ٹونی نے دس دتا کہ باقی دا حصہ کتھے سی تے اوس نوں وی شہر دے باہر گُوڑے دے ڈھیر چوں جتھے گُوڑے والے ٹرک گُوڑا سُدے سن لہھ لیا گیا۔

سلمان ساہنوں چھڈ کے مسز بٹ نوں ایہہ خبر سناون چلا گیا۔ ایس گل دا پتا نہیں چل سکيا کہ ایہہ خبر اخباراں وِچ چھپی سی کہ نہیں، کیونکہ بٹ نوں جانن والے اخباراں نہیں سن پڑھدے۔



گرمکھ سنگھ دی وصیت

پہلاں تے چھراکھو بن دی اک ادھی واردات ہندی سی۔ پرہن دوہاں دھراں وچ لڑائی دیاں خبراں آؤن لگ پیاں سن۔ ایہناں لڑائیاں وچ چاقو چھریاں دے نال نال کرپاناں تلواراں تے بند و قال عام ورتیاں جانداں۔ کدی کدی دیسی بمب پائٹن دی سُوہ وی لگدی۔ امرتسر وچ نیڑے تیرے ہراک دالہیہوای گویڑسی پئی ایہہ فرقہ فساد پھتا چر نہیں چلن گے۔ ایویں تاءاے، جیویں ای ٹھریاڑت پھیر سورجاسی۔ ایس توں پہلاں وی انج دے کئی رپھڑ امرتسر وچ ہوئے سن۔ دہ پنڈراں دیہاڑے گٹ ماردارولا رہندا پھیر آپنے آپ مک شگ جاندا۔ سو پرانے تجربیاں پاروں لوکاں دا گویڑسی پئی ایہہ اک اپنا زورمکا کے کجھ چرگروں آپے ای ٹھرجاسی۔ پرانج نہ ہویا، بلویاں دار پھڑ دنوں دین و دھدا ای گیا۔

ہندواں دے محلے جیہڑے مسلمان رہندے سن، اوہ او تھوں نٹھن لگ پئے۔ انج ای اوہ ہندو جیہڑے مسلماناں دے محلے وچ سن آپنی ٹنڈ پھوہڑی چھڈ کے شانت تھاواں ول مونہہ کر گئے۔ پر ایہہ سر بندھ ساریاں لئی ایویں ڈنگ ٹپاؤ ای سی۔ جد تائیں رپھڑ رولا مک نہیں جاندا، بس او دوں تائیں۔

میاں عبدالحی رٹاڑڈ (سب جج) نوں پک سی پئی ایہہ حالات چھیتی ٹھیک ہو جان۔ ایسے لئی اوہ پستے فکر وند نہیں سن لگدے۔ اوہناں دا اک منڈا سی، گیاراں ورہیاں دا، اک گڑی سی، ستاراں ورہیاں دی تے اک پُرانا نوکر اکبرسی، کوئی ستر ایں دے گیر وچ۔ نکا جیہاٹبرسی۔ جدوں رو لے پئے، میاں صاحب نے چوکھاراشن اکٹھا کر لیا سی گھروچ۔ ایس پاسیوں اوہ بے فکر سن پئی رب نہ کرے جے خرابا ودھ گیا، ہٹیاں بند ہو گئیاں تے کھان پین لئی اوہناں نوں سچل

نہیں کرنی پوے گی۔ پر اوہناں دی جوان گڑی صغراں بہت گھاہری ہوئی سی۔ اوہناں دا گھر ترے منزلہ سی۔ دوجیاں گھراں نالوں چوکھا اُچا۔ اوس دے چباریوں ادھوں بُہتا شہر سوکھا پیا دسداسی۔ صغراں ہُن کئی دیہاڑیاں توں پئی ویہندی سی جو نیڑے یاں دُور کدھرے نہ کدھرے اگ لگی ہوندی۔ پہلاں پہلاں تے فائر بریگیڈ دی ٹلی دی ٹن ٹن سنائی دیندی، ہُن اوہ وی مُک گئی۔ ایسے لئی اگ تھیں تھیں بھڑکن لگ پئی سی۔

راتیں ہُن ہور ای سماں ہوندا۔ ہنیر گھپ وچ اگ دے لائبو دیاں لاٹاں اٹھدیاں جیویں دیوواں دے مُونہوں اگ دے فوارے چھندے ہون۔ پھیر وں سُونیاں واجاں آوندیاں، جیہڑیاں ہر ہر مہادیو تے اللہ اکبر دیاں نعریاں نال رل کے ہور وی ڈراونیاں لگدیاں۔

صغراں آپنے ڈر خوف بارے آپنے پیونوں نہیں سی دسدی کیوں جو اک واری اوہدے پیونے آکھیا سی پئی ڈرن دی کوئی لوڑ نہیں، سب ٹھیک ٹھاک ہو جاسی۔ میاں صاب دیاں اکثر گلاں ٹھیک ہوندیاں سن۔ صغراں نوں ایسے لئی تسلی جیہی سی۔ پر جد بکلی بند ہوئی، ٹوٹیاں سُنک گئیاں، تے اوہنے میاں صاب نوں آپنی چنتا بارے دسیا، نالے ڈریاں ڈریاں صلاح دتی پئی کجھ دیہاڑے شریف پورے تڑ چلیے، آٹھ گوانڈھ دے سارے مسلمان وی ہولی ہولی او تھے ای پئے جان دے سن۔ میاں صاب نے آپنا فیصلہ نہ بدلایا تے آکھیا، ایویں ای گھاہرن دی کوئی لوڑ نہیں۔ حالات چھیتی ٹھیک ہو جاسن۔

پر حالات چھیتی ٹھیک نہ ہوئے، سگوں دنوں دینیں وگڑ دے گئے۔ اوہ محلہ جیہدے وچ میاں عبدالحی ہور اں دامکان سی، مسلماناں توں ویلھا ہو گیا۔ اُنوں رب دی کرنی ایہہ ہوئی پئی اک دیہاڑے میہیں ہور اں نوں فالج ہو گیا تے اوہناں منجامل لیا۔ اوہناں دا پتر بشارت وی جیہڑا پہلاں گھر وچ اُپر پٹھاں ون سونیاں کھیڈاں وچ رُجھار ہندا سی، ہُن پیو دے منجے نال لگ کے بہہ گیا تے ویلے دی بریکی نوں بجھن لگ پیا۔

اوہناں دے مکان دے نال لگواں بزار وی سُنجا پیا سی۔ ڈاکٹر غلام مصطفیٰ ہور اں دی ڈسپنسری چروکنی بند پئی سی۔ اوس توں کجھ پرانہ ڈاکٹر گر اندر مل ہوری سن، صغراں نے چباریوں ویکھیا پئی اوہناں دی ہٹی نوں وی جنڈرا وجیا ہویا اے۔

میاں صاب دی حالت اصلوں ای خراب سی۔ صغراں ایڈی پریشان سی جو اوہدی

سُرت ای ماری گئی۔ اوہنے بشارت نوں اک پاسے کھڑے آکھیا، ”توں ای کجھ کر۔ مینوں پتہ اے باہر نکلن وچ بہت خطرہ اے، پر توں جا..... کسے نوں وی سدلیا..... اباجی دی طبیعت ڈاڈھی خراب اے۔“

بشارت ٹر گیا..... پر چھیتی پرت آیا۔ اوہ دارنگ بلدی ورگا ہو یا پیاسی۔ چوک وچ اوہنے اک لاش تکی سی، لہو پیا چوندا سی..... تے کول ای چوکھے سارے بندے ٹھاٹھے نہیں اک ہٹی پئے لُہدے سن۔ صغراں نے اپنے ڈرے ہوئے بھرانوں پک نال لالیا تے صبر شکر کر کے بہہ گئی۔ پر اوہدے کولوں آپنے پیودی حالت ویکھی نہیں سی جاندی۔ میاں صاب دے جئے داسجا پاسا اصلوں ای بے جان ہو گیا سی۔ بولن وچ وی فرق پے گیا سی۔ ہُن اوہ بہتیاں گلاں اشاریاں نال کردے سن۔ مطلب اوہناں دا ایہہ ہوندا، ”صغراں گھبران دی کوئی لوڑ نہیں، رب دے فضل نال ہر شے ٹھیک ہو جاسی۔“

کجھ وی ٹھیک نہ ہویا۔ روزے ملن والے سن، صرف دور ہندے سن۔ میاں صاب دا گوڑی سی پئی عیدوں پہلاں پہلاں ای حالات ٹھیک ہو جاسن۔ پر ہُن انج جا پدا سی خبرے عید دے دیہاڑے ای قیامت ہوسی۔ کیوں جو ہُن کوٹھے توں شہر دے ہر پاسیوں دھوئیں دے بدل اٹھدے دسدے سن۔ راتاں نوں بمب پاٹن دیاں ایڈیاں ہولناک و اجاں آوندیاں کہ صغراں تے بشارت دی اک پل وی اکھ نہ لگدی۔ صغراں نوں انج وی پیودی سانجھ سنبھال لئی جاگنا پیندا سی۔ پر ایہہ کھڑا انج لگدے سن جیویں اوہدی کھوپڑی وچ ہوندے پئے ہوون۔ کدی اوہ اپنے ہمار پیوول تکدی تے کدی اپنے ڈرے ہوئے بھراول..... ستریں ورہیاں دا ہڈھانو کر سی..... اوہدا ہونا نہ ہونا اکو جیہا سی۔ اوہ دن رات آپنی کوٹھڑی وچ پیا کھنگھدا تے کھنگھار تھکدا رہندا۔ اک دیہاڑے اک کے صغراں اوہدے تے ورھ پئی۔ ”توں کس روگ داداڑو ایں؟۔ ویہند انہیں میاں صاب دا حال کیہ اے، توں اصلوں وڈا ہڈھرام ایں۔ ہُن سیوادا ویلا آیا اے تے دے دا تچ لا کے اتھے پیار رہنا ایں۔ اک اوہ چاک ہوندے نیس جیہڑے مالکاں توں جند وار چھڈ دے نیس۔“

صغراں آپنے جی دا بھار ہولا کر کے ٹر گئی۔ مگروں ہر کھ آیا پئی دھگانے اوس غریب نوں بندیا۔ راتیں ٹکر چھا بے تے دھر کے اوہدی کوٹھڑی وچ گئی تے اوہ ویلھی پئی ہوئی سی۔ بشارت

نے سارے گھر وچ ایہ دھروا دھر لھیا پر اوہ کدھرے نہ لھیا۔ باہر لے بُو ہے دی گنڈی لتھی ہوئی سی۔ ایہدا مطلب سی پئی اوہ میاں صاب لئی کچھ کرن گیا اے۔ صغراں نے بڑیاں دُعاواں منگیاں کہ رب اوہنوں کامیاب کرے۔ پر دو دیہاڑے لنگھ گئے، او نہ پرتیا۔

شام دا ویلا سی، ایہو جیہیاں تھیریاں شاماں بشارت تے صغراں نے تکیاں سن۔ جدوں عید دیاں رونقاں لگ جاندیاں سن، تے چن ویکھن لئی اوہناں دیاں اکھاں انبریں لکیاں ہوندیاں۔

دو جے دیہاڑے عید سی۔ بس چن نے تے اوہدی صرف ڈوٹھی پٹنی سی۔ کدے دوہاں نوں ایس ڈوٹھی دی کئی اڈیک ہوندی سی۔ جے کدی چن والی تھاں تے کوئی اڑھب بدل ٹک جانداتے کئی اوزاری ہوندی سی اوہناں نوں۔ پر ہُن چار چو پھیرے دھوئیں دے بدل سن۔ صغراں تے بشارت دوویں کوٹھے تے آئے، دُور کدھرے کدھرے لوکاں دے پرچھاویں دسدے پئے سن۔ پر پتہ نہیں اوہ چن پئے ویہندے سن یاں دُھکدی تے بھڑکدی اگ؟۔

چن وی کچھ ایڈا ڈھیٹھ سی کہ دُھوں دی چدر وچوں وی جھا کدا پیاسی۔ صغراں نے ہتھ چک کے دُعا منگی پئی رب آپنا فضل کرے تے اوہدا پیو ول ہو جائے۔ بشارت آپنے جی وچ کھجدا پیاسی پئی رولیاں کر کے چنگی بھلی عید داستیاناس ہو گیا اے۔

دینہہ حالے چنگی طرحاں نہیں سی ڈھلیا۔ یعنی شام دا ہنیرا بجے گوڑھا نہیں سی ہویا۔ ویڑھے وچ ترونکا لگیا ہویا سی تے میاں صاب دی منجی ڈٹھی ہوئی سی، اوہ اوہدے تے آکڑے ہوئے لمے پئے سن تے دُور امبرول تاڑ لائی خبرے کیہ پئے سوچدے سن۔ عید دا چن ویکھ کے صغراں نے کول آکے اوہناں نوں سلام کیتا تے اوہناں نے اشارے نال جواب دتا۔ صغراں نے سر نہوایا تے اوہناں نے آپنی صحت مند بانہہ چک کے اوہدے سر تے شفقت نال ہتھ پھیریا۔

صغراں دیاں اکھاں وچوں ٹپ ٹپ ہنجوڈ گن لگ پئے۔ میاں صاب دیاں اکھاں وی ڈلھ پیاں پر اوہناں تسلا دین پاروں بڑی سچل نال ایناں آکھیا، ”اللہ تبارک تعالیٰ سب ٹھیک کر دیسی“۔

عین او سے ویلے باہر لاہو ہا کھڑکیا۔ صغراں دا کلیجہ دھک کر کے رہ گیا۔ اوہنے بشارت ول تکیا، اوہدا مونہہ کاغذ نالوں وی چٹا ہویا پیاسی..... بوہا پھیر کھڑکیا۔ میاں صاب نے صغراں نوں آکھیا، ”ویکھو کون اے؟“

صغراں نے سوچیا خبرے بڑھا کبر ہووے۔ ایس خیال نال ای اوہدیاں اکھاں لشک
پیاں۔ بشارت دی بانہ پھڑ کے اوہنے آکھیا، ”جاو کیکھ..... متے اکبر آیا ہووے۔“
ایہہ سُن کے میاں صاب نے نہ پاروں سر ہلایا جیویں آکھدے پئے ہوون، نہیں
نہیں ایہہ اکبر نہیں اے۔

صغراں نے پکھیا، ”تے پھیر ہو رکون ہو سکدا اے اباجی.....؟“
میاں عبدالحی نے اپنی پوری واہ لا کے کجھ آکھن دا چار اکتیا۔ اینے وچ بشارت
آ گیا..... بہت ڈریا ہو یاسی اوہ..... اُتلا ساہ اُتے تے تھلدا تھلے۔ صغراں نوں میاں صاب دی منجی
توں اک پاسے کھڑ کے اوہنے ہولی جیہی آکھیا، ”اک سکھ اے۔“
صغراں دی چیک نکل گئی، ”سکھ..... کیہ آہندا اے؟“
بشارت نے جواب دتا، ”آہندا اے بُو ہاکھول۔“
میاں صاب دے پتلے پتلے بے جان بکھاں اُتے اک نویکلی مسکراہٹ آئی۔
”جا..... گر مکھ سنگھ اے۔“

بشارت نے سر ہلویا، ”کوئی ہو اے۔“
میاں صاب نے ٹھکواں آکھیا، ”جا صغراں..... اوہی اے۔“ صغراں تڑپئی اوہ گر مکھ
سنگھ نوں سنجاندی سی۔ پنشن پاؤن توں کجھ چر پہلاں اوہدے پیو نے ایس ناں دے کسے سکھ دا
کوئی کم کیتا سی۔ صغراں نوں چنگی طرحاں چیتا نہیں سی، خبرے کسے جھوٹے مقدمے وچوں چھڈایا
سی۔ اوہوں دا اوہ ہرنگی عید توں اک دیہاڑا پہلاں رومالی سیویاں دالفا فہ لیا وندا ہوئدا سی۔ میاں
صاب نے کئی واریں اوہنوں آکھیا سی..... ”سردار جی..... تیں ایہہ ہچکل نہ کریا
کرو۔“ پر اوہ ہتھ بندھ کے آکھدا، ”میاں جی واہرودی کر پاناں تہاڈے کول ہر شے اے۔ ایہہ
تے اک سوغات اے جیہڑی میں ورھے دے ورھے تہاڈی سیوا وچ لے کے آؤناں۔
تیں میرے اُتے جیہڑا کرم کیتا سی اوہدی دین تے میری سو پیڑھی وی نہیں دے
سکدی..... رب تہانوں راضی رکھے۔“

سردار گر مکھ سنگھ اپنے چرتوں عیدوں اک دیہاڑی پہلاں سیویاں لیا وندا پیا سی
اک واری تاں صغراں نوں وی بڑی حیرانی ہوئی، کہ بُو ہے دا کھڑا کُسن کے اوہنوں اوہدا چیتا

کیوں نہ آیا۔ پر بشارت وی تاں اوہنوں کئی واریں تکیا ہو یا سی، پھیر اوہنے کیوں آکھیا سی کہ کوئی ہو ر اے۔ ہو ر کون ہو سکدا اے؟۔ ایہناں سوچاں وچ کھسی اوہ ڈیوڑھی تائیں اپڑی۔ بُو ہالا ہے جاں اندروں ای پکھے پئی کون اے۔ اوہ حالے ایسے بھٹھل بھو سے وچ ای سی کہ بوہا مڑ کھڑ کیا۔ صغراں دادل دھڑ گوں دھڑ گوں کرن لگ پیا۔ بڑی اُکھیا ئی نال اوہدے سنگھ وچوں پھسی جیہی واج نکلی۔ کون اے.....‘

بشارت کول ای کھلوتا سی، اوہنے بوہے دی جھپت ول سینت ماری تے صغراں نوں آکھیا، ‘ایہدے وچوں ویکھ۔‘

صغراں نے جھپت وچوں ویکھیا۔ گر مٹکھ سنگھ تے نہیں سی۔ اوہ تے بہت بڈھاسی۔ پر باہر جیہڑا تھڑے تے کھلوتا سی ایہہ جوان سی۔ صغراں اے جھپت نال اکھ لائی اوہنوں تکدی پئی سی کہ اوہنے مڑ بوہا کھڑ کیا۔ صغراں نے ویکھیا پئی اوہدے تھو وچ کاغذ دالفاہ سی، انج دا ای جیہو جیہا گر مٹکھ سنگھ لیا وندا ہوندا سی۔ صغراں جھپت توں لانجھ ہوئی تے پکھیا، ‘کون او تئیں.....؟‘ باہروں واج آئی، ‘جی..... جی..... میں سردار گر مٹکھ سنگھ دا پتر آں..... سنتو کھا۔‘

صغراں دا ڈر چوکھا گھٹ گیا۔ اوہنے بڑے لحاظ نال پکھیا، ‘کیوں آئے جے.....؟‘ باہروں واج آئی، ‘جی..... جج صاب کتھے نیں.....؟‘ صغراں نے جواب دتا، ‘..... ہمار نیں.....‘

سردار سنتو کھا سنگھ نے بڑے ہر کھ نال آکھیا، ‘..... او..... ہو.....‘۔ پھیر اوہنے کاغذ دالفاہ کھڑ کیا، ‘ایہہ..... جی سیو یاں..... نیں۔ سردار جی دادیہانت ہو گیا اے..... او..... اوہ مر گئے نیں۔‘

صغراں نے کالھی نال پکھیا، ‘مر گئے نیں.....؟‘ باہروں واج آئی، ‘آہو جی..... مہینہ ہو گیا اے۔ مرن توں پہلاں اوہناں مینوں پکی کیتی سی پئی ویکھ پتر، میں دساں ورھیاں توں جج صاب لئی کئی عید تے سیو یاں پیا کھڑ داں..... ایہہ کم میرے مرن توں پکھوں تینوں کرنا پینا اے..... میں اوہناں نوں وچن دتا سی۔ ہُن میں اوہ وچن پورا پیا کرناں..... ایہہ لوسو یاں.....‘ صغراں تے اینا اثر ہو یا کہ اوہدیاں

اکھاں وچ اتھرو آ گئے۔ اوہنے تھوڑا جیہا بوہا کھولیا۔ سردار گرمکھ سنگھ دے مُنڈے نے سیویاں دا لفافہ اگا نہہ کیتا، صغراں نے پھڑلایا، ”رب سردار جی نوں جنت نصیب کرے“۔

گرمکھ سنگھ دے پتر نے جھٹ اٹک کے آکھیا، ”جج صاب ہماریں.....؟“

صغراں نے جواب دتا۔ ”آہو جی.....“

”کیہ ہماری اے“

”فالج“

”اوہ..... سردار جی جیوندے ہوندے تے اوہناں نوں ایہہ سُن کے بڑا ڈکھ ہوندا۔

مردے دم تاکیں اوہناں نوں جج صاب دا احسان چھیتے سی۔ آکھدے سن کہ اوہ تے دیوتائیں، کوئی انسان تھوڑو نہیں..... اللہ میاں اوہناں نوں حیاتی دیوے..... اوہناں نوں میرا سلام آکھیں“۔

ایہہ آکھ کے اوہ تھڑے توں لہہ گیا۔ صغراں سوچدی ای رہ گئی پئی اوہنوں ڈکے تے آکھے کہ اوہ جج صاب لئی کسے ڈاکٹرنوں سدلیا وے۔

سردار گرمکھ سنگھ دا پتر سنتو کھا تھڑے توں لہہ کے کچھ کرماں اگا نہہ ودھیا تے ٹھاٹھے بنھی چار بندے اوہدے کول آئے۔ دونہہ کول بلدیاں مشالاں سن، تے دونہہ کول مٹی دے تیل دے پیپے تے کچھ ہو رنگ سُک۔ اک نے سنتو کھ کولوں کچھیا۔ ”کیوں جی..... سردار جی..... کر آئے

او کم آ پنا.....؟“

سنتو کھے نے سر ہلویا تے آکھیا۔ ”آہو..... کر آیاں۔“

اوس بندے نے ٹھاٹھے اندروں ہس کے کچھیا۔ ”تاں پھیر کر دیئے ماملہ ٹھنڈا جج

صاب دا.....؟“

”آہو..... جو تھوڑی منشاء“ آکھ کے سردار گرمکھ سنگھ دا پتر او تھوں تریا۔



اک جام لاہور دے نام

ایہہ گل کدے وی پورے وشواس نال نہیں آکھی جاسکدی کہ اک حسین
مُٹیار اپنے بڈھے وچ وی اپنی ہی تندرست تے من کھجیوں نظر آئے گی۔

کئی سال پہلاں اچانک اک دن حیات اللہ انصاری تے اوہناں دی گھر والی نے
سُنیا بھچیا سی، 'اج چاہ ساڈے نال پیو، تہا نوں اُردو دی اک پرسدھ لیکھ کاناں ملاواں گے۔'

جدوں میں اوتھے پہنچیا ساں تاں قُرۃ العین حیدر اپنے اُن گنت پرسنشاں وچکار
گھری بیٹھی سی، مینوں بڑی حیرانی ہوئی سی، ایس کر کے نہیں کہ اوس نوں پہلی واری دیکھ رہیا ساں،
بلکہ ایس کر کے کہ اوہ آپنیاں چھپیاں پُرانیاں تصویراں ورگی ہی من کھجیوں دس رہی سی۔ اودوں
میں دل ہی دل وچ اک بھوکھ بانی وی کردتی سی کہ ایہہ زنانی ہمیشاں اپنی ہی گلیمرس رہے گی تے
میری اوس سوچ دا سبب 'یعنی' دی خوش مزاجی تے گھلھ دلی سی شاید۔ پر جیہڑی گھٹنا میں بیان کرن
لگا ہاں، اوس داسبندھ قُرۃ العین حیدر نال بالکل نہیں، بلکہ اک ہور حیران کردین والی گھٹنا نال
ہے، جیہڑی اوس ملاقات توں کئی گھنٹے بعد واپری سی۔

اوس دن دوپہرے پنجاب میل وچ میں ریزرویشن کروائی ہوئی سی۔ جدوں
کمپارٹمنٹ اندر پہنچیا ساں تاں اک اجیہا حسین چہرہ دسیا سی، جو ہو بہو یعنی نال ملدا سی۔ اوس
زنانی نے شلوار قمیض پائی ہوئی سی، سر اُتے دُپٹہ سی تے اوہ پٹھلی برتھ اُتے سٹے ہوئے اک
مُنڈے دے سر پٹھلا سر ہانڈھیک کر رہی سی۔ اوس نیمسکرا کے میرا سواگت کیتا تے کہا،

”آؤ جی، پر ذرا ٹھہر یو تہاڈی برتھ توں میں آپنیاں چیزاں سمیٹ لواں۔“

اک تنکھی مُٹھی تے سُریلی آواز، تے دل وچ وس جان والا ٹھیکھ پنجابی لہجہ۔ پر مینوں

یقین نہیں سی آرہیا کہ قرۃ العین حیدر نے اپنے گویاں وچ زندگی دا ایسا سفر کر لیا ہے۔ اوہ زنانی اوس نالوں دس پندرہاں سال وڈی لگدی سی۔ اوس دے وال بالکل چٹے سن تے رُکھے والاں نوں اوس نے اک پھلوں جیسے جوڑے دے روپ وچ قید کیتا ہو یا سی۔ پاسیاں توں کھسکیاں ہوئیاں گجھ لٹاں اوس دے کھڑے کھڑے مکھ دے آ لے دو آ لے جھول رہیاں سن۔

اوس نے ہتھو دھا کے میلے تو لئیے، سرہانے تے چادر نوں چکنا چاہیا تاں میں اوس نوں روک دتا، ”پئے رہن دیو جی مینوں سون دی اجے کوئی کاہل نہیں۔“

آپنا سامان اک پاسے رکھوا کے میں برتھ دے اک پاسے بیٹھ گیا۔ اوہناں دا سامان بڑی بے ترتیبی جیہی نال اُپر لیاں دو نہاں برتھاں اُتے وی کھلریا ہو یا سی۔ اک واری پھیر اوس نے میرے ول مُسکرا کے دیکھیا، جیویں دھنوا د کہہ رہی ہووے، جس دی کہ کوئی خاص لوڑ وی نہیں سی۔ پھیر وی اوس نعمت نوں میں آپنے سفر دی شروعات لئی اک شُھہ شُگن ہی سمجھیا سی تے اندرے اندر خوش وی ہو یا ساں۔

ہُن اوہ باری دے سریاں نال مُونہہ جوڑ کے کسے نوں کہہ رہی سی، ”میں کیہا، ہُن آ وی جاؤ، گڈی چل پئے گی۔۔۔“

عینی لکھنویاں وانگ جتنا سوہنا اُر دُبول لیندی ہے، اوئی ہی سوہنی اوہ آپنی ماں بولی پنجابی بول رہی سی۔ میریاں نظراں پلیٹ فارم اُتے کھلوتے ہوئے اک پکی عمر دے سردار اُتے جا پیاں۔ اوہ نلکے توں مُونہہ ہتھ دھون چکھوں تو لئیے نال آپنی گلی داڑھی نوں پُونجھ رہیا سی۔ اوس دے سر اُتے کیسری رنگ دا پڑکا بچھیا ہو یا سی۔ آپنی گھر والی دی آواز سُن کے اوہ باری کول آ گیا تے گرجویں پر بڑی نرم آواز وچ پچھن لگیا، ”کیہ گل اے عینی؟ گجھ چاہیدے؟ سیو بڑے ودھیا وک رہے نیں، لے لئیے؟“

”لے آؤ۔“

اوہناں وچکار ہوئی گل بات دے اک شبد نے مینوں پھیر حیران پریشان کر دتا سی ’تاں ایس زنانی دانان وی عینی ہے؟ اک واری دِل وچ آیا کہ اکھاں مل کے غور نال اوس نوں دیکھاں، کتے سچ مُج اوہ قرۃ العین حیدر تاں نہیں!

اوس دا پتی گجھ چر بعد کافی سارے سیو تے کیلے چُکی، آپنے آپ نال گلاں کردا، اندر

آیا۔ واہ جی واہ، بڑے شاندار پھل مل گئے نے مزہ آ گیا۔

جدوں اوس دی نظر میرے اُتے پئی، اک دم سنجیدہ ہو گیا۔ ذرا کرڑی آواز وِچ چُتھن لگیا، ”تینوں ایس کمپارٹمنٹ وِچ تھاں دتی گئی ہے؟“

ایس توں پہلاں کہ میں جواب دیندا، تن چار سٹوڈنٹ دگڑ دگڑ کر دے ہوئے اندر آ وڑے۔ اوہناں اُتے اوہ ورہ ہی پیاسی، ”اوئے، ایدھر کدھر مونہ چکی آؤندے او؟ اساں پٹنے توں ریزرویشن کروائی ہوئی جے۔ ویکھدے نہیں پئے ساریاں برتھاں فل نیں۔ چلو، بٹھ جاؤ، کتے ہو رجا کے مرو۔“

مُنڈے شریف سن جاں پھیر رعب پٹھ آ گئے سن اوس دے۔ آپنیاں کتاباں کاپیاں چُک کے اگے چلے گئے۔ عام کر کے اوہ کسے دی نہیں سُن دے۔ اک دوسٹیشناں تک بول بُلارا تے تَغْل میلہ کر دے ہن۔ پھیر بڑی بے شرمی نال ڈھیٹھاں وانگ ہسدے چو اوُندے جاں اک ادھی گال وی کڈھدے ہوئے آپنی منزل اُتے اُتر کے تڑ جاندے ہن۔ مینوں ایہہ سردار آپنی گھروالی نالوں وکھری قسم دا بندہ لگیا سی ویکھنا ایہہ سی کہ اوس نال سفر کنج لنگھدا ہے؟

گڈی تڑ پئی تے اوس نے اُٹھ کے بُو ہاندروں بند کر دتا۔ اوہ کافی شانت نظر آ رہیا سی۔ کھڑے کھڑے نے داڑھی دی گٹی کیتی تے برتھ اُتے کھلریاں چیزاں نوں پرے سرکا کے میرے کول ہی بیٹھ گیا۔ کہن لگیا، ”معاف کرنا جی، اسیں تہاڈی برتھ اُتے قبضہ کری بیٹھے ہاں تے ایہہ قبضہ چھڈن داوی ساڈا کوئی ارادہ نہیں۔ اتھے ساڈی وائف پئے گی، مجبوری اے جی۔ تہانوں ای ذرا تکلیف کر کے اُپر جانا پئے گا۔“

ایہہ کہہ کے اوس نے ہَسن دی کوشش کیتی پر اوس وِچ کامیاب نہ ہو یا۔ کدے تینوں تے کدے تہانوں کہہ کے گلاں کرن توں اوس دے جذباتی ہون دا پتہ لگدا سی، جس ادھی کارنال اوس نے میری برتھ اُتے قبضہ کری رکھن والی گل آکھی سی، جے اوہ اوس نے آپنی پتنی خاطر نہ منگی ہوندى تاں میں صاف انکار کر دینا سی۔ خیر، ماحول وِچ اوس نے جیہڑا اتنا پیدا کر دتا سی، اوس نوں گھٹاؤن واسطے میں کیہا، ”ڈٹے رہو سردار جی! مینوں کوئی اعتراض نہیں۔“

”اچھا جی!“ دھنوا دکرن دی بجائے اوس نے حیرانی پر گٹ کیتی سی تے پھیر خوش ہو کے آپنی پتنی نوں آکھیا سی، ”ویکھیا، میں کہندا سی نہ بئی سبھ ٹھیک ہو جائے گا۔“

پھیر اوس نے مینوں کچھیا سی، ”تسیں جی لٹھو دے رہن والے ای او؟ ہاں، گڈی تاں لٹھو توں ہی چڑھے سو۔ لٹھو والیاں داوی جواب نہیں ہوندا، واہ جی واہ، سانوں جی لٹھو بارے فلماں ویکھنیاں بڑیاں چنکیاں لگدیاں نیں۔ ہور کوئی فلم ویکھئے نہ ویکھئے، لٹھو دی نہیں چھڈ دے، واہ۔“

پھیر اوس نے اپنی پتی ول ویکھ کے کچھیا سی، ”بئی اوہ آپنا جیہڑا لٹھو وال گوا آئڈھی اے، سری واستو کدیاں لچھیدار گلاں سناؤندا ہوندے؟“

اوس دی عین ہس کے بولی، ”ہاں جی! پہلاں آپ، پہلاں آپ تاں کہنا جیویں اوہ بھلدا ای نہیں۔ چھک وی مارنی ہووے تاں ایہی چاہوئی پہلاں اسیں او ماریے۔“ عینی دے ہاسے دی چھنکار کافی دیر تک میرے دل دماغ وچ گونج دی رہی۔ پھیر اوس نے اپنے ہاسے نوں بریکاں لا کے کیہا، ”سری واستو نے سانوں لٹھو والیاں دے بڑے پٹکلے سناے نے جی۔“

”اوہ جی، میں کیہا درجنناں، کئی درجنناں۔“ دونہاں نوں بے تہا شاہسدے دیکھ کے مینوں انج لکیا جیویں ماحول وچ بہار آگئی ہے، انج ہی میں چاہوند اووی ساں۔

”لو بادشاہو، ایہہ کیلے کھاؤ، تے ایہہ سیووی۔“

”بس جی، تسیں کھاؤ، شکریہ۔“

”او جی سنگو نہ جی، سانوں پتہ لگ گیا جے کہ تسیں اصلی لٹھو والے ای او۔ پرساڈا تاں ایس گل وچ وشواس ہے جی کہ دانے دانے اُتے لکھیا ہوندے کھان والے دانام۔ عینی ایہناں نوں اوہ گھٹنا تاں سناؤرا، پچھلے سال والی۔“

ہُن مینوں دوسری عینی دی ہوندے یقین آ گیا سی تے میں اوس نوں اک خاص خوشی دے پر بھاو پٹھ سیو کٹ کٹ کے پلیٹ وچ رکھ دی نوں دیکھ رہیا ساں۔ اوہ ہس ہس کے دس لگی، ”پار سال جی، ایہناں نے اک سرکاری افسرنوں روٹی کیتی بڑی مشکل نال اوہ ساڈے گھر آؤن واسطے نیاں سی۔ نواں نواں آیا سی، سوکسے دے گھر جانوں جھکدا اسی۔ خیر جی، میں بڑے چاواں نال مرغا بنایا، پلاء بنایا تے خالص دیسی گھیو دا سو جی کڑھا پرشادوی۔ ہو روی کئی گجھ بنایا سی۔ پر عین موقعے اُتے اوس نے آؤن توں ناٹھہ کر دتی، فون کر دتا بئی طبیعت خراب ہو گئی ہے، اچانک۔“

جی، ایہہ تاں بڑے مایوس ہوئے اوس نوں لے آؤن لئی آپ کار لے کے تڑپے پھیر

وی او ہی مایوسی ہی ہتھ لگی۔ مونہہ لٹکائی گھر واپس آئے تے اگے کیہ دیکھدے نیں کہ لیہناں دا اک پُرانا پارٹنر ڈرائنگ روم وِچ بیٹھا ہے۔ اوس نال ٹھیکیداری دے معاملے وِچ کوئی جھگڑا چل رہیا سی اوس دن اوہ اچانک ہی صلح کرن آ گیا سی۔ خیر جی، صلح تاں ہو ہی گئی تے میراں نہیاں پکایا وی سکا تھ ہو گیا۔ ایہہ وی بڑے خوش سن۔ اوس دے مونہہ اُتے ای کہن لگے، ”آج دے کھانے اُتے جدوں ساڈے پُرانے پارٹنر دے ناں دی موہر لگی ہوئی سی تاں اوس نوں کوئی ہو رکیویں کھاسکدا سی جی۔“

سردار نے اُچی اُچی ہسدیاں کیہاں، ”تے اوہ ٹیچر بھیناں والا قصہ؟... اوہ وی تاں سنا ذرا لیہناں نوں۔ اوہ وی بڑا دلچسپ ہے جی۔“

”اوجی اوہ وی سُن لو،“ ساڈے گُو آئندھ وِچ دو بھیناں رہندیاں نے بڑیاں چنگیاں نے وچاریاں۔ نالے بڑیاں ای ملا پڑیاں۔ پر بد قسمتی نال دونہاں دی شادی نہیں ہو سکی، چالی چالی، پتالی پتالی سالاں دیاں ہو گیاں نیں۔ آپنے گھر عید بقر عید اُتے سانوں ضرور بلاؤندیاں نیں جی۔ ساڈے نال اوہناں دی بڑی پُرانی سانجھ ہے جی۔ اک واری اسیں اوہناں نوں انوائیٹ کیتا تاں کہندیاں رہیاں نہ جی ایہہ تاں ساڈا تیو ہار ہے۔ جی تئیں ہی آئیو۔ پر اساں وی ضد کر لئی سی، ایس واری عید ساڈے گھر ہی منائی جائے گی۔ ایس وِچ ہوندا ای کیہ اے بھلا سیویاں تے ہو ر کھانے ای تاں بناؤنے ہوندے نیں، اوہ سبھ کجھ بناؤن میں وی جاندی ہاں۔ اصل وِچ سیویاں بناؤنیاں تاں میں اوہناں ٹیچر بھیناں توں ای سکھیاں نیں۔ خیر جی، عید دا دن وی آپہنچیا۔ اسیں میز اُتے کھانا سجائی بیٹھے اوہناں نوں اڈیکدے رہے ہی ہُن آؤندی ایں، ہُن آؤندی ایں۔ اڈیکدیاں نوں جی، پورے دو گھنٹے ہو گئے تاں میں پریشان ہو کے لیہناں نوں کیہاں ’جا کے دیکھو تاں صحیح کیہ گل اے، آئیاں کیوں نہیں ہُن تک؟‘ تے جی او تھے پہنچ کے لیہناں نوں پتہ لکیا کہ اوہناں دے گھر تاں مُراد آباد توں کئی رشتے دارا چانک آ گئے ہُن، او تھے فساد ہوئے سن ناوچارے مصیبت دے مارے نیانے زانیاں تے مردرد لا ملا کے پورے پندراں جنے۔... تے دوویں ٹیچر بھیناں پریشان سن تے متھے اُتے ہتھ دھری پٹھیاں سوچ رہیاں سن کہ اوہناں لئی کھانا بنائیے جاں ساڈے گھر عید دا پہلا پریتی بھوج کرن جائیے کیہ کریئے تے کیہ نہ کریئے؟ تے جی، ایہہ ساڈے، وڈے دل والے بندے نے ساریاں نوں اگے لالیاں دا۔ اجیہے موقعے اُتے ذرا وی

نہیں گھبراؤندے۔ کہندے ’چلو چلو ساڈے گھر، سبھ لئی کھانا تیار ہے، واہیگو رُودی بڑی کر پا ہے۔‘ تے جی تئیں سچ جانیں مینوں کوئی وی چیز دوبارہ نہیں سی بناؤنی پئی۔ انج لگداسی جیویں اوہناں ساریاں لئی ہی چاڑھی پکائی بیٹھی ساں۔ سبھناں ڈھڈ بھر کے کھا داتے سیساں دیندے گئے۔

اوہ دوویں پچر بھیناں وی خوش سن۔

بڑیاں ای خوش سن تئیں آپ سمجھدے او۔ ”سردار نے پٹ اُتے زوردار دھپھا ماردیاں ہو یاں کیہا، ”دیکھیا ناہن تاں یقین کرو گے ہی کہ کوئی کسے دا حصہ نہیں کھاندا۔ جووی جسدے نصیب دا ہوندے، اوس نوں اوہی کھاندے۔ تے ضرور کھاندا ہے۔ آج توں میری گل پلے بنھ لو، تے لو ایہہ سیو کھاؤ۔ ہن تاں لٹو والیاں والی سنگ جھجک نوں اک پاسے رکھ دیو بادشاہو۔“

سیو دے چنے ٹکڑے عینی نے میرے ساہمنے رکھے، میں چپ چاپ کھا گیا ساں تے حیرانی نال اوس سردار ول دیکھدار ہیا ساں۔ اخروٹ دے سخت چھلو وچوں نکلی نرم گرمی ورگا نکلیا سی اوہ، اک دوجی ہی قسم دا بندہ۔

اچانک اوہناں دے لڑکے نے پاسا پر تیا تے دوئے اوس اُتے جھک گئے۔ سردار نے کیہا، ”سیو کھاس گا؟ کھالے پترا، بڑا مٹھاتے پولا پولا ای۔“
پر منڈا پھیر سوں گیا سی۔

جدوں سردار میرے کول آن کے پٹھیا تاں میں پچھیا، ”انج کا کٹھیک تاں ہے؟“
”بس جی واہیگو رُودی کر پا ہے،“ اوس نے بڑے ٹھہرے نال کیہا تے چپ ہو گیا۔
پر مینوں اُلجھن وچ ویکھ کے عینی بولی،

”جدوں ساڈا کا کاتھیاں سی، بڑا کمزور سی۔ ڈاکٹر نے کیہا سی، ایہدے دل وچ چھیک ہے، جدوں تیک اپریشن نہیں ہوندا، ایہہ ٹھیک نہیں ہوئے گا۔ چار سالوں دا ہو یا تاں اسیں ایس نوں ولور لے گئے۔ اودوں ساؤتھ انڈیا وچ اوہی سبھ توں وڈا ہسپتال ہوندا سی تے دُوروں دُوروں دل دے مریض لیائے جاندے سن۔ ساڈے نکلے دا اپریشن تاں کامیاب ہو گیا پروڈے ڈاکٹر ہوراں نے دسیا کہ اک اپریشن ہو کر ناپے گا،

جیہڑا پندراں سال دی عمر توں پہلاں نہیں ہوسکدا۔ اودوں پھیر لے آؤنا۔ اج کل اوہی ڈاکٹر دلی دے سبھتوں وڈے ہسپتال وچ ہے۔ ساڈے کول اوہناں دا خط وی آیا اے۔ اوتھے جان توں پہلاں اسیں دربار صاحب دے درشنا لئی جا رہے ہاں امرتسر۔“ کہندیاں کہندیاں اوہدیاں اکھاں بھر آئیاں سن۔

’واہیگو رُو، واہیگو رُو بولدیاں سردار نے آپنیاں سبھل اکھاں نال آپنی پتی ول تکیا سی تے پھیر میتھوں پوچھیا سی، ’تسیں وی امرتسر جا رہے ہوجی؟‘

”میں لاہور جا رہیاں....“

”اچھا جی! تاں تسیں پاکستان دے رہن والے او؟“

لاہور داناں سُن کے دوویں حیرانی نال ترکے سن تے عینی کئی پل تک میرے ول تکیا

رہی سی۔

”کدیں اوتھوں داہی ہوندا ساں، ونڈتیں ایدھر آ گیاں،“ کہندیاں ہوئیاں مینوں محسوس ہو یا سی کہ ایہہ رہس گھلن کچھوں کہ میں وی اوہناں دا علاقائی بھراہاں، ساڈیاں گلاں دی دلچسپی مک جائیگی پر انج نہیں سی ہویا۔ عینی نے بڑی اتسکنا نال کچھیا سی،

”تسیں لاہور وچ کتھے رہندے سو؟“

کدے کدے انج وی ہوندا ہے کہ آپنے سوال دا جواب وی سوال وچوں ہی لہ پیندہ ہے۔ مینوں اوس دیاں اکھاں وچ حیرانی تے خوشی دے پردے اکوئیں سر کدے دکھائی دتے،

”تسیں منگل مری پارک کول رہندے سی نا؟ ساڈے مکان دے بالکل سامنے جتھے تیکو نا پارک

ہوندا سی؟“

تے میں اچانک ہی جیویں یاداں دی دھند دیاں کئی تیہاں نوں پاڑ کے تیکو نا پارک والے آپنے حجرے ورگے اکواک کرائے دے کمرے وچ جا پہنچیا ساں۔ ہیرا نند سوز وی میرے نال ہی رہندا ہوندا سی۔ اسیں ریلوے دیاں وکھو وکھو رکشا پاں وچ اپریٹنس شپ کر رہے ساں۔ سویرے سوکھتے ہی جدوں لوکی ہوا کھوری کرن واسطے آپنے آپ نوں گرم کپڑیاں وچ لپیٹ کے نکلدے ہوندے سن، اسیں تیل نال داغ و داغ ہوئے کپڑیاں، بوٹاں تے پیٹاں وچ سچے مغلوں پورے ول جا رہے ہوندے ساں۔ ہزاراں آدمیاں تے مشیناں دے کن پاڑویں رولے،

انجناں دیاں چیرکاں، لوہے دے زنگ

کھادے ڈھانچیاں، دھوئیں تے دھوڑ دی ہواڑھ وچکار اٹھ گھنٹے بتا کے جدوں اسیں
واپس آؤندے تاں ساڈے دل دماغ لاہور دے حُسن تے رُمانک ماحول وچ پرت آؤن دی
خوشی نال بھر پور ہوندے۔ ساڈی اُنی ویہہ سال دی اوس عمر دا زمانہ ساڈے ساہتک رُجھان دی
پر پھلتا لئی بڑا ڈھکواں سدھ ہو یا سی۔ دیکھنا، محسوس کرنا، نکلی نکلی گل لئی تر سنا تے گُجھ لکھن لئی
آپنے آپ نوں ہر ویلے تیار بر تیار پاؤنا، ساڈے لئی اک اُن ڈھٹی دُنیاں نوں لہہ لین برابر ہوندا
سی۔ میں سوچی (آپنے ساتھی نوں میں ایسے ناں نال بُلاؤندا ساں) نوں اشارے نال وکھایا،
’ایدھر دیکھ یار، پٹھا اک ہور زنانی لے آئیے۔ ٹوٹا اے مزا ٹوٹا۔‘

ساہنے مکان دی دوجی منزل دے لوہے دے چھجے وچ چن ورگی نوں زنانی نال کھڑا
اک لماں، اُچا، بانکا سردار کسے گل اُتے اُچی اُچی ہس رہیا سی۔ پراونیس دینیں اسیں اوس دی پہلی
پتنی بارے گُجھ زیادہ ہی سوچ رہے ساں۔ اوہ عمر وچ سردار نالوں وڈی جا پدی سی۔ اسیں لنگھدے
مپدے اوس ول غور نال دیکھدے ہوندے ساں تے اوہ آپنی عینک دے شیشیاں تَکچھوں بڑیاں
گسیلیاں نظراں نال سانوں گھوردی ہوندی سی۔

”میں تے تہا نوں پچھان ہی نہیں سکیا جی مُد تاں ہو گئیاں نیں، چہرے بدل گئے نیں،
عُمر اں ڈھل گئیاں نیں۔ پہلاں جنہاں دے وال شاہ کالے ہوندے سن، ہُن چٹے برف ہوئے
ہوئے نے۔ خیر جی، اوہ زمانہ بڑا خوب ہوندا سی بڑا ای ودھیا،“

پھیر سردار نوں جیوویں اچانک ہی گُجھ چیتے آ گیا ہووے۔ اوہ اُٹھیا تے اُپر لی برتھ
اُتے پئے بریف کیس وچوں اک بوتل کڈھ لیا نیا۔ تے کہن لگا، ”اوجی، تئیں تاں لاہور کل تیک
پہنچو گے تے آپاں اُجے اتھے آپنا لاہور و ساء لیندے ہاں۔ عینی، ذرا ٹوکری وچوں دو گلاس تاں
کڈھ تے فلاسک وچ ٹھنڈا پانی وی ہوئے گا،“ کسے سمجھدار پتنی وانگ ہی اوس نے اعتراض کرنا
وی آپنا حق سمجھیا، ”گڈی وچ ہلکڑا کرنا مُنسا ب ہوئے گا؟“

”کیہ کرئیے؟ لاہور دا فزکس کسے رہیا ہی نہیں جاندا پیا۔ لیا، جھٹ پٹ کڈھ دے
گلاس، باؤ جی ہوویں وی کیہ یاد کرن گے لاہور دے رشتے کنے مضبوط ہوندے نیں۔“

اوس نے دو گلاس وچ پا کے اک میرے ہتھ پھراندیاں کیہا، ”پھڑ اوئے باؤ،“ تے

آپ آپنا گلاس چُک کے بولیا، ”لاہور دے نام۔“ تے گٹا گٹ پی گیا۔

میرا انتظار کیستے بغیر ہی اوہ ادھا گلاس ہور چڑھا گیا تے بولیا، ”لاہور مینوں ایس کر کے نہیں بھلدا کہ میری زندگی دی جدوجہد اوتھوں ہی شروع ہوئی سی اوہ شہر نے مینوں چوندے رہن اُتے، تے نویں سریوں جیون جنگ لڑن لئی پریریا سی۔ میں لاہور دا شکر گزار ہاں، کیونکہ ہُن میں جو گجھ وی ہاں، اوس چکھے لاہوری خون دا بڑا ہتھ ہے، جواں جوی میریاں رگاں وچ دوڑ داپیا ہے۔“

میرے ہتھ وچ پھڑے گلاس ول دیکھ کے اوس نے نقلی جیسے عَصے نال کیہا سی، ”او باؤ، ہُن تک ایس نوں لئی اوتھیں مُکاتے دُوجا بنائے۔“

عینی جو ہُن تک ساڈے ول بڑی دلچسپی نال دیکھ رہی سی، بولی، ”ایہناں دے ماں باپ تاں سکھر وچ رہندے سن، پرایہ زیادہ سماں لاہور وچ ہی رہے نیں۔“

”اوجی، پہلے دس سال ہی سانوں آپنے بھاپے نال رہنے نصیب ہوئے سن، تے بس۔ اوہ ریلوے ڈرائیور سن جگہ جگہ بدلیاں ہوندیاں رہندیاں کدے کراچی، کدے کوئٹہ۔ فورٹ انڈیمان، ایران دے بارڈر دے زاهدان وچ وی رہے۔ جد ساڈی ماں نے، واہیگو رو اوس دا سورگ وچ واسا کرے، دھڑا دھڑنچے پیدا کرنے شروع کر دتے، اوہناں نے سبھناں نوں لاہور وچ اک مکان لے دتا، کیہا ہُن اتھے ہی رہ کے پلو، وڈے ہوو تے پڑھو، ریٹائرڈ ہون توں گجھ سال پہلاں اوہ وی ڈیوٹی کنٹرولر بن کے لاہور آ گئے سن۔ ہُن کتے نہیں جاواں گا، اتھے رہ کے بچیاں دی دیکھ بھال کراں گا ایہناں دے ویاہ کراں گا۔ پر اجے تن وڈے مُنڈیاں نوں ہی ٹھکانے لا سکے سن کہ واہیگو رو نے آپنے کول بُلا لیا اوہناں نوں۔ تن مُنڈے تے تن گڑیاں اجے باقی سن۔ اوہناں وچ میں سبھ توں وڈا ساں۔ ساڈی ماں بڑی حوصلے والی زنانی سی جی۔ اوس نوں دیکھ کے میں وی سونہہ کھالئی کہ پہلاں بھین بھراواں دی پڑھائی مکمل کراواں گا۔ اوہناں دے ویاہ کراں گا، پھیر آپنے بارے گجھ سوچاں گا۔ اوہ سے زمانے وچ وڈے تنے کنیڈا، امریکہ ول نکل گئے سن۔ اوہناں پلٹ کے کدے سار نہیں لئی۔ خیر جی، ایثور نے بڑی کر پاکیتی چھوٹے بھین بھرا سارے ہی محنتی سن، پڑھن توں جی نہیں سن چڑاوندے۔ کوئی انجینئر دی گھر والی بن گئی، کوئی بزنس مین دی۔ جیہڑی ڈاکٹری پڑھ رہی سی، اوس نے آپے اک ڈاکٹر نال لو میرج کر لئی۔ دو بھراواں وچوں اک فارن سروس وچ ہے، دُوجے داموٹر پارٹس دا بزنس ہے تے آپنا وی جی۔

اُودوں تیک میری عمر بتی سال توں اُتے ہو گئی سی جی۔ نکلیاں موٹیاں نوکریاں کردے دے، داڑھی
 مچھاں وچ دھولے آؤن لگت پئے سن، تے جی مینوں آپنی گڑی دین لئی کوئی تیار نہیں سی ہوندا۔“
 ”ایہہ کیہ رمان کھول بیٹھے اوئیں؟“ اچانک اوس دی گھر والی نے اوس نوں ٹوکیا۔

”بئی ایہہ رمان ہی تاں ساڈی زندگی ہے۔ عینی، رام نوں ایو دھیا وچوں بنو اس ملیا
 سی تے سانوں لاہور وچوں۔ اوہ تاں لڑکا فتح کر کے آپنے گھریں مُڑ آئے سن، پراسیں انج سوچ
 وی نہیں سکدے، کوئی سمبھانا ہی نہیں۔ سانوں آپنے بیتے نوں دُہراؤن دا تاں حق ہے نا، جو
 لاہور نال جُزیا ہو یا ہے!“

میرے ول بھوں کے اوہ پھیر کہن لگا، ”تاں، ہاں باؤ جی، میں کہہ رہیا ساں، کوئی
 مینوں آپنی دھی دین لئی تیار نہیں سی اودھر میری مسیر بھین کو آری بیٹھی سی خاصی عمر ہو گئی سی اوس
 وچاری دی۔ مینوں ویکھدیاں سار ساڈی ماسی نے آپنی بھین ساہنے جھولی اڈلی، تے کیہا،
 ”مسلماناں نوں تاں کوئی گجھ نہیں آکھدا۔ رشتے داریاں وچ ہی ویاہ کر دیندے نیں۔ کاہدی بُرائی
 اے ماواں الگ الگ نیں تے پیوی۔ میری منیں تاں ہننے منگنی کر دیئے۔“ تے جی ساڈی ماں نے
 اوسدی من لئی۔ اسیں وی آپنی ماں دادل رگھن لئی من گئے بھایاں اوہ گڑی بالگل پسند نہیں سی۔
 جے کسے گڑی نے میرے دل وچ کدے کوئی تھاں بنائی ہے تاں اوہ ہے عینی ایہہ جیہڑی تہاڈے
 ساہنے بیٹھی ہوئی ہے۔“

اوس نے آپنی پتی ول بڑے پیار نال دیکھیا۔ اوہ ایس عمر وچ وی شرماء گئی تے لگی
 اکھاں ہی اکھاں وچ اوس نوں گھر کن ”بس ہُن ہو رگجھ نہ دسیو۔“ پراس نے آپنی رام کہانی جاری
 رگھی تے گھٹ گھٹ پیندا وی رہیا۔

”تسیں سُن کے حیران ہوو گے کہ میں ٹرک ڈرائیوری وی کیتی ہے۔ دُوروں دُوروں
 تیل دے ڈرم لد کے لاہور دے کارخانیاں وچ پہنچاں دارہیاں۔ اک واری لاہور دے مغلیہ پورہ
 پُل اُتے میرا ٹرک اُلٹ گیا سارے ڈرم رُڑھ گئے۔ کالے موہل آئل دا دریا وگ تریا۔ دفتر اں
 نوں جارہے باؤ تے پڑھن جارہے بچے اُن گنت لوک، میرے ساہنے،

اوس اُتوں تلک تلک ڈگے۔ اوہ سین مینوں اُنج وی یاد ہے۔ تے یاد ایس کر کے ہے
 کہ اوس دن ہی میری منگنی ہوئی سی تے مینوں ٹھانے پھڑا دتا گیا سی۔ مالک داہنراں دا نقصان جو

ہو گیا سی۔“

اوس دی پتی نوں شاید نیند آؤن لگ پئی سی جاں پھیر اوس سون دا بہانہ کرن لگ پئی سی۔ آپنے پتر کول تھوڑی جیہی جگہ بنا کے لیٹ گئی۔ اوہ اپنی پتی ول ڈونگھیاں نظراں نال تک رہیا سی۔ جدوں میں پچھیا، ”تسیں ایہناں نوں عینی کیوں آکھدے او؟ کیہ تہا نوں اُردو دی مشہور لیکھ کاثرۃ العین حیدر دیاں کہانیاں وچ اپنی دلچسپی اے؟“

اوہ حیران ہو کے پچھن لگیا، ”کیہڑی مشہور لیکھ کا؟ میں تاں کدے اُردو اخبار وی نہیں پڑھیا۔ شعر و شاعری داوی بس اپنا گوشق اے کہ کدے کدائیں افسراں دے حکم نال مشاعریاں دے اُچی قیمت دے ٹکٹ خریدنے پے جاندے نیں۔ اُنج ایس دا پورا ناں انت کور ہے میں پیار نال ایس نوں عینی کہنا شروع کر دتاسی، بس۔ ایہہ کنج آئی؟ بس، ایس نوں وی اک اتفاق ہی سمجھو جی کہ ایس دامیرے نال رشتہ ہو گیا۔ جدوں لمے عرصے تک میری پہلی گھر والی دے کوئی بچہ نہ ہویا تاں میں ماسی توں اپنی چھوٹی سالی عینی دا ہتھ منگ لیا ورنہ ایہہ تاں کسے ہور نوں چاہندی سی۔ مینوں پتے اوہ لاہور وچ ہی ماریا گیا سی۔ اوس دا ذرا سیس کدے نہیں کردے۔ پر میں ایس دیاں اکھاں وچ تیر دیاں غم دیاں پر چھائیاں نوں تجھ لیند اہاں تے ایس دے من دا بھار ہولا کرن خاطر کوئی گیت سناؤن بیٹھ جاندا ہاں۔ جس نوں سُن کے ایہہ دیاں اکھاں وچ اٹکے اتھر وچھر جاندے نے۔“

کہہ کے اوہ ہولی ہولی گنگناؤن لگیا،

’ایدھر او دھر لگ لگ ہسن،

شکلاں شہروں پار دیاں۔

روحاں وانگوں کولوں لنگھن،

مہکاں باسی ہار دیاں۔

قبرستان دے رستے دسن،


کوکاں پہر یدار دیاں۔...‘

(مُنیر نیازی)

گاؤندے گاؤندے اتھر وگ تڑے سن۔ اوہ کئی پل تک اوس ول دیکھدا رہیا، پھیر بولیا، ”ہونی نوں کون نال سکدا ہے؟ مینوں ایہہ زنانی وی بچہ نہیں دے سکی۔ پہلی عورت دے

پیٹوں ہی زکا پیدا ہو یا، جس نوں ایہہ پک نال لائی پھر دی ہے۔“
 ”پرائیہناں دی شکل اُردو والی عینی نال ان بنِ مِلدی ہے۔“ میں حیران ساں تے سُستی
 پئی عینی دے دل کش چہرے دے نور وِچ گواچیا ہو یا ساں۔

اوس نے جیویں میری برتی توڑن لئی ہی کیہا سی، ”اوچھڈو جی، کیہ رکھیا اے لیہناں
 گلاں وِچ؟ ایہہ دُنیاں بڑی وڈی ہے اکو جیسے کئی ناں مل جان دے نے تے کئی کئی شکلاں صورتاں
 وی۔ پرتسیں انج کدے نہیں سُنیا ہونا کہ کوئی شہر وی فلا نے شہر نال مِلدا ہے۔ لاہور، لاہور ہی سی۔
 چکوا آ پنا گلاس آ پاں آخری جام وی لاہور دے نام ہی کرینے۔“



سفرنامے

خالی

پاکستان یا ترا

اپریل 2006ء وچ میرے ماپے میں تے میرا نکا بھرا پاکستان گئے ساں۔ اسیں اوتھے دس گودیاہڑے رہے۔ گئے اسیں سکھ یا تریاں دے جتھے نال پاکستان دے تاریخی گودواریاں دی یا ترا تے وساکی ویلے ساں پر اسیں گودواریاں دے کول منے آلیاں تھاواں تے اوہ شہر تے قصبے وی ڈٹھے جتھوں اسیں لنگھے ساں۔ نالے ون پونیاں بندیاں نال گل بات وی کیٹی۔

سانوں ویزے دا پک تے جان دی تاریخ (10 اپریل) توں صرف اک دیہاڑے پہلاں ہويا۔ اسیں او سے دن نماشیں، امبرسر لئی نکل پئے، جتھوں اسیں پاکستان جان والی ریل گڈی چڑھناہا۔ ویزہ لگا سی پندرہاں دناں دا تے سانوں حسن ابدال (گودوارہ پنجہ صاحب) ننکا نہ صاحب، منڈی چوہڑکانا (گودوارہ سچا سودا) لہور (گودوارہ ڈیرہ صاحب) تے کرتار پور جانے دی اجازت ملی سی۔ پر اسیں ایمن آباد دے ہار دیاں تھائیں وی گئے جتھے کنیں تاریخی گودوارے ہن تے اسیں کرتار پور جان واسطے اوتھوں لنگھناوی ہا۔

پاکستان اسیں جیہڑیاں وی تھائیں ڈٹھیاں جاں جتھوں اسیں لنگھے اوہ ساریاں صوبہ پنجاب وچ ای نیں۔ پاکستان ریلوے نے سکھ یا تری سیشل ناں دی اچچی گڈی چلائی سی، جیہڑی سانوں امبرسروں حسن ابدال، اگوں ننکا نا صاحب (جیہڑا ہن وکھرا ضلع بن گیا اے) تے لہور تے اخیر چکھا نہہ امبرسر لے آئی۔ اسیں سچا سودا تے کرتار پور لوکل بساں وچ پلس دی راکی وچ گئے۔

حقی گل اے ہی صوبائی حکومت نے یا تریاں دی راکی لئی جوہو سکد اسی اوہ کیتا۔ جتھا

جتھے وی گیا، اوتھے چوکی پلس ہندی۔ پنجاب پلس دے خاص دستے ریل گڈی وچ وی ساڈی
 راکھی کر دے سن۔ میں بارڈر پار دی پنجاب پلس دے ہتھیار ویکھ کے بھوں ڈر یا ہو یا ساں۔
 کنیاں کول ایم پی 5 پستول، (مڑ جان والے بٹاں آلے وی ہن) تے ایس توں وکھو جیاں کول
 عام 9 ایم ایم سی سی آٹو میٹک بند وقاں ہان۔ ریوالور تے گھوڑا چاڑھن آلیاں پُر انیاں بند وقاں
 وچ وچ دس پیندیاں سن۔ اک کوئے سپاہی، جیہڑا میرا بیلی بن گیا سی، ڈیوٹی توں ویلھے ہو کے،
 مینوں دسیا جے پاکستانی فوج کولوں مئے ای لہھی G-3 رائفل نال سدھاننا نہ ماریے تاں جہاز وی
 ڈھایا جاسکدا اے۔

ستھریاں نکلیاں پک اپ گڈیاں نال ایہہ ٹویٹا لینڈ کرؤزراں وی سن، جیہڑیاں
 ساریاں اوہناں امریکی قانون توں پہلوں لیاں گئیاں سن، جیہناں ایہو جیہیاں نکلیاں گڈیاں
 نوں سڑکاں توں پیٹھاں ٹرنے دی اجازت نہ دے کے لیہناں نوں سڑکاں بنا چلن جوگا چھڈیا ای
 نہیں سی۔

بارڈر پار پلسیاں دی صحت وی اپنے ہندوستانی پیٹی بھراواں نالوں چنگی لگدی سی کیوں
 جو دھے ہوئے ڈھڈاں دی گتتری گھٹ سی۔ ایہدی وڈی وجہ ہندوستانی پلس دی کگڑا وڈی
 عادت ای ہونی اے۔ تے فیر مقامی لوکاں نال اوہناں دا ورتاروی بارڈر توں اُری پنجاب پلس
 نالوں گھٹ کھروا سی۔ لوک ایہناں نال انج گھلیاں مشکریاں کر دے سن، جیہدی ہمت ہندوستانی
 پنجاب وچ کوئی نہیں کر سکدا۔ ایہدی وجہ کیہ ہوسکدی سی؟ خورے چنگی صحت اوہناں دا مزاج وی
 چنگا رکھدی اے۔ میں کوئی پکی گل نہیں کر سکدا۔

پاکستان دیاں گڈیاں دی گل رہی پاسے، ایہہ ساریاں باہر دیاں بنیاں ہونیاں نیں
 کیوں جو اتھے گڈیاں دا کوئی مقامی برانڈ نہیں۔ پک گل ہوو بڑی دلچسپ سی۔ نکلیاں گڈیاں وچ
 پاکستانی پنجابیاں دی پسند مارو تی 800 سی سی (جیہڑی اوتھے سوزوکی مہران دے ناں نال وکدی
 اے) تے آٹو نیں۔ ہونڈا سینٹر وی ہتھیریاں نیں۔ مڈشیور لیٹ جوائے وی ہے، جیہڑی ڈائیو
 دے دیوالیہ ہون تے جنرل موٹرنوں وکن توں پہلوں ہندوستان وچ ڈائیو ماٹز دے ناں نال
 وکدی ہندی سی۔ پتا نہیں جنرل موٹرا ایہہ گڈی مڑ ہندوستان وچ ٹھلسی کہ نہ۔

ہندوستانی سوزوکی آلیاں ساریاں گڈیاں پاکستان وچ ملدیاں نیں۔ پر اوہ ہور

ناواں توں وِکدیاں نیں۔ کجھ گڈیاں تھوڑیاں ہو ویاں نیں۔ مثال دے طور تے ماروتی چپسی نالِ ملدی گڈی پاکستان وچ سوزو کی پوٹھوہار دے ناں نال وپچی جاندی اے، جیہدے اُتے پچھلے پہیاں دا فاصلہ ماروتی چپسی نالوں کافی گھٹ اے پر ایہہ زمین توں کافی اُچی اے۔ (ایہہ کوئی پکی گل کوئی نہیں) جیہدی وجہ توں چوکھی سترانی لگدی اے تے سڑک توں بناں چلن لئی چوکھی مناسب اے۔ تے اسٹیم پاکستان وچ سوزو کی مارگلہ دے ناں نال وِکدی اے۔ کلئس ناں نال اسٹیٹ کاریاں سٹیشن ویگن دی شکل وچ وی ملدی اے۔ مُکدی گل ایہہ اے کہ سوزو کی ایدھر ہندوستان ہار بہوں وِکدی اے۔

پاکستانی تے ہندوستانی کاراں دا پکو جیہا ہونا، اتھے ای نہیں مُکدا۔ ہونڈا پاکستان تے ہندوستان وچ سٹی تے اکارڈ دے پکو ماڈل وپچدا اے۔ ٹویٹا وی کروا دا اوہی ماڈل وپچدا اے پر ڈیزل انجن نال لا کے۔ ماگھیاں کاراں وچوں کئی مرسدیز بیز دے ماڈل وی دے۔

میرے خیال وچ پور شے نے لہور وچ اپنی دکان کھولن توں بعد کمیں 911 کوچے وچ چکھیا اے پر میں ایہہ سڑکاں تے چلدے نہیں ڈٹھے۔ پاکستانیاں دیاں موٹر سیکلاں مینوں کجھ باہلیاں چنگیاں نہیں لگیاں۔ پر ایہہ ایس واسطے وی ہوسکدا اے کہ مینوں نکلیاں فورسٹروک گھٹ تیل بالن آلیاں سواری دیاں موٹر سیکلاں دا کوئی ایڈاشوق نہیں۔ ہونڈا سی سی 110 تے سی ڈی ہنڈ ریڈ بڑیاں پسند کیتیاں جاندیاں نیں۔ یا ماہاتے سوزو کی دیاں موٹر سیکلاں وی چلدیاں نیں۔ چین دے وژن نال جاپانی وکری تے بڑا فرق پیا اے۔ کیوں جے اوہ مل وچ چپیاں نال نہیں رل سکدے۔ چینی موٹر سیکلاں چنگ چن تے پاک ہیر وورگے ناواں نال وِکدیاں نیں۔ میں جیہناں موٹر سیکل سواراں توں پچھیا، اوہناں دسیا کہ چینی کوالٹی وچ جاپان توں بہوں تچھے نیں پر مل ہتھوں وکری تے چوکھا فرق پے جاندا اے۔

مینوں وڈیاں (12bhp) موٹر سیکلاں (بھاویں دوجی دُنیا دے حساب وچ ایہہ وی کوئی وڈی گل نہ ہندی) یاں اوس توں ودھ پاور بائیک کلاس دی کوئی موٹر سیکل نظر نہیں آئی۔ میرے خیال وچ فورسٹروک سواری دیاں موٹر سیکلاں توں اگے صرف سپر موٹر سیکلاں نیں جیہڑیاں پاکستان وچ صرف وڈے امیراں کول نیں۔

اک عجب شے جیہد اذکر خاص کر کرنا چاہنداں اوہ پھٹ پھٹ سیواہار دے موٹر سیکل

رکشتے نہیں، جیہناں وچ سوسی۔ سی۔ دائو سٹروک موٹر سیکل دا انجن تے چیسز داوی کجھ حصہ ورتیا جاندا اے۔ برانڈ نال جیہڑے میں ڈٹھے اوہ چنگ جی تے سوزو کی ہان۔ ایدھر لے پنجاب دے جتنے حصے میں پھرے، ہندوستان ورگے آٹور کشتے میں صرف لہورای ویکھے، جیہناں دی کنتری موٹر سیکل رکشیاں نالوں کافی گھٹ سی۔ مینوں صرف پیا گودے بنے نظر آئے۔ سیکل رکشتے بھاویں مشینی سواری وچ نہیں آوندے پر ایہہ گل ضرور کراں گا کہ میں ایہہ ایدھر لے پنجاب وچ نہیں ڈٹھے۔

ہُن گڈیاں دے سبھ توں وڈے نمونے دی گل کرنے آں، جیہناں ہندی فلم (غدر) ویکھی اے اوہنوں نوں سمجھ آ جاسی کہ میرا آکھن دا مطلب کیہ اے کہ پاکستانی پنجابی اپنے ٹرک بڑی محنت نال شنگھار دے نیں۔ ٹرک پُرانے زمانے دے بیڈ فورڈ تے ڈاج دی تھاں ہن۔ نسان، مٹسوبشی، مزدا تے ہینوں دے ہوندے نیں پر سوہنے او تنے ای نیں۔ کجھ پرائیویٹ بساں وی ایہناں ای شنگھاریاں جاندیاں نیں۔

جس ویلے میں ویسٹ پنجاب دیاں گلاں سُنائیاں تے اپنے شرماجی آکھن لگے، کاراں موٹر سیکلاں تے بندو کاں چھڈ تے کجھ گڑیاں ال ویکھ تے ہو سکے تے وواہ واسطے کوئی لہہ۔ اصل وچ کافی عرصہ پہلوں میں سہی کر لیا سی کہ گڑیاں مینوں کجھ چوکھا پسند نہیں کردیاں تے اوہدے بعد حیاتی کافی سوکھی ہو گئی اے۔

پک گل ہو رکرن والی اے۔ پاکستانی پنجابی گڑیاں شلوار قمیض پوندیاں نیں تے موڈھیاں تے سوہنے رنگ دا اُتلا لیندیاں نیں، جیہڑا اکثر سر کجھ لئی وی ورتدیاں نیں۔ میں آکھاں گا کپڑے پاون دا ایہہ طریقہ عزت والا اے۔ میرا تے ایہہ خیال اے کہ آزادی تے ترقی دا مطلب ایہہ اے جے گڑیاں جتنی ہو سکے چنگی پڑھائی کرن تے عزت آ لے پیشیاں وچ جان۔ لہندے پنجاب دیاں سوانیاں ڈاکٹر، وکیل تے اُستاد، پلس آلیاں تے ہو رکیہ گجھ بن کے ایہوای کر رہیاں نیں پر کپڑے شرماں آ لے پا کے۔

میرے خیال وچ عورتاں دانگ وکھا ونا صرف اک پیشے وچ ضروری اے۔ سبھ توں پُرانا پیشہ تے ایہہ مقصد جنیاں نوں مگر لاون توں علاوہ کجھ نہیں ہو سکدا۔ لہندے پنجاب دے جتنے وی شرماں آ لے کپڑے پاونے وچ سوانیاں توں گھٹ نہیں۔ چوکھے روایتی شلوار سوٹ پاوندے

نیں تے چنگے لگدے نیں۔ شلو ارقمبض توں علاوہ کپڑے عام طور تے سیکورٹی یاں فوج پلس دے بندے ڈیوٹی اُتے پاوندے نیں جاں مُنڈے کھنڈے جین تے شرٹ جاں فی شرٹ پوندے نیں۔ پر میں بغیر باہواں توں جاں جُستے نال چمڑیاں تنگ شرٹاں آ لے مُنڈے نہیں ویکھے۔ اتھے جیہڑا لفظ ذہن وچ آوند اے اوہ اے تہذیب، جیہڑا انگریزی ترجمہ مینوں سمجھ نہیں آرہیا۔

پنجاب دے پنڈوسوں پھیری سے بڑے نظارے دے۔ واڈھی کان تیار کنک نال ڈلھ ڈلھ پیندے کھیت سن (وسا کھی آون والی سی جیہڑی چڑھدے پنجاب وچ واڈھی دامیلہ ہوندا اے) اوہ شاید ایہنوں کجھ ہو آ کھدے ہون پر کنک داکہ پتا اوہ تے بارڈر دے دوہاں پاسے اکو ویلے تیار ہو جاندی اے۔ میسی فرگوسن تے فورڈ ٹریکٹر تے جان ڈیر واڈھی مشیناں وی دسیاں۔ فیٹ ٹریکٹر اک نویں گل سی۔ اوس ویلے تک مینوں نہیں پتا کہ فیٹ ٹریکٹر وی بناوند اے۔

روڈ سائن تے اشتہار وی ہندوستانی پنجاب آ لے ہونے نیں پر اوہ شاہ مکھی رسم الخط وچ (جیہڑا اردو آ لے حرف ورتدا اے) لکھے ہوئے سن۔ تے مڑ پنجاب دے اوہ نظارے تے اوازاں سن، جیہناں بارے میں صرف کتاباں وچ پڑھیا سی۔ جاں وڈیاں کولوں سُنیا سی۔ اک پنڈ وچ جاتک سکو لے رُکھ پٹھاں کلاس لائی بیٹھے سن تے ٹھنڈی واء مان رہے سن جیہڑی لوکے دے چھڑے چوں انگھ کے ہو رٹھنڈی ہو گئی سی۔

ایہہ نظارہ تئیں چڑھدے پنجاب وچ وی ویکھ سکدے ہو پر پھٹی تے کانے دی قلم توں بغیر، جیہڑے سارے بال ورتدے پئے سن۔ میرے ماپے مینوں دسدے سن کہ چڑھدے پنجاب دے پنڈوسکولاں وچ کاپیاں پنسلوں اپڑن توں پہلاں اوہ وی ایہو ای کانے والیاں قلموں ورتدے ہوندے سن۔

لہندے پنجاب وچ میلے وی ہوندے نیں پر ایہناں نے میلیاں نوں اوسے پُرانی شکل وچ ای قائم رکھیا اے۔ میں اک میلہ ویکھیا تے انج لگا جیوں کسے ہو رزمانے وچ آ گیا ہوواں، بڑا ای سوہنا لگا۔ پک ہو ر چیز جیہڑی لہندے دے پنڈاں وچ سگوس اُنج ای اے اوہ قتل تے ویر نیں، جیہڑے دوجی دنیا لئی تے نکلیاں نکلیاں گلاں توں شروع ہوندے نیں پر پنجابی انکھ ویکھدیاں اوہ گلاں سخت بے عزتی سمجھی جاسکدیاں سن۔ میرے خیال وچ ویر کافی گھٹے نیں پر اچے وی چڑھدے پنجاب نالوں بہوں چوکھے نیں۔ میرے وڈکیاں موجب جو حالت چڑھدے

پنجاب وچ 1970ء تیک تے لہندے پنجاب وچ جُہن تیک ہے۔ ایہہ گل امریت صاحب ہوراں اپنے گانے ”قبضہ“ وچ بڑی صحیح بیان کیتی اے۔

معاشی ترقی چڑھدے پنجاب دے پنڈاں نالوں بہوں گھٹا اے پر ہندوستان دے دوجے علاقیاں وچوں بہتیاں نالوں بہوں ودھا اے۔

بالن آلی گیس پائپاں دے ذریعے لگی ہوئی اے، جیہناں تے میٹر لگے ہوئے نیں تے مہینے پچھوں بل آوند اے۔ چار لیناں دی جی ٹی روڈ پشاور تیک جاندی اے، جیہدے دوہاں پاسے لہندے پنجاب وچ ہوون والی بہترین کپاہ توں دھاگا تے کپڑے بناون دے کارخانے لگے ہوئے نیں۔ میں کچھ تیل دیاں فیکٹریاں وی دیکھیاں۔ ایدھر وسدے لوک مینوں اپنے لگدے لائیاں ہارای لگے۔ اوہو مٹھے سبھا دے ہاسے اوہو ای جھکے تے چادر اں پائیاں ہونیاں، سرے تے پرنا دھریا ہو یا، سگوں مٹھڑے تے کھڑدے جاتک میرے نال ہتھ ملاون دے شوکی جاں میرے اپنے پنڈ دے بالال ہار شے منگدے ہوئے۔

میں جیہناں جیہناں نوں ملیا اوہناں لئی میں جاں تے پترساں، جاں بھائی تے جاں فیر چاچو۔ میں سوچیا ایہہ پردیس تے نہیں لگدا۔ جدکہ چڑھدے پنجابوں باہر ہندوستان وچ مینوں باہلا او پر اپن محسوس ہوندا اے تے اپنا آپ پردیسی جیہا لگدا اے۔ بھوایں ہندوستان میرا ملک ای سمجھیا جاند اے۔

ایہہ وجہ ایڈی کوئی ڈوگھی وی نہیں۔ میراں ناں ای ویکھو۔ سدھو۔ تہانوں کوئی عابد حسین سدھو مل سکدا اے جاں کسے ہور مسلمان ناں والا سدھو۔ وجہ ایہہ وے کہ ایدھر لے جٹ، اودھر لے سکھ جٹاں دے لگدے لانے ای نیں۔ ساڈا پیو دادا اکوای سی۔ ساڈے کچھ وڈکے وچکار لے زمانے مسلمان ہو گئے تے دوجے سکھ ہو گئے تے باقی ہندو ای رہے۔ (جیہناں دی اولاد جُہن ہریانے رہندی اے) چھڑے جٹ ای نہیں پنجاب دیاں ہوروی ذاتاں دے لوک جیہڑے ناں نال ذات لکھدے نیں، تہانوں دوہاں پاسے مل جاندے نیں۔ میں کئی لوکاں نوں ملیاں جیہناں دے لگدے سدھو ہان پر میں لہندے پنجاب دے کسے سدھو نوں نہیں مل سکيا۔ (انشاء اللہ اگلی واری مجلساں۔ رب ساریاں پنجابیوں نوں اوہ جتھے وی وسدے ہوون سکھی وسدا رکھے)۔

اسیں حسن ابدال گوردوارہ پنچہ صاحب گئے۔ آکھیا جاند اے کہ ٹھیک گوردوارے والی

تھاں تے پہلے سکھ گورو، گورو نانک دیو نے اپنے پنجے نال اک بھوں وڈا پتھر ڈک دتا سی، جیہڑا ولی قندھاری ناں دے اک اللہ لوک پہاڑ اُتوں تھلے دھکیا سی۔ آہندے نیں اوس نوں ایس گل دی کوڑی کہ گورو ہوراں اپنے چیلیاں نوں پانی لئی ٹویا کھنے دا حکم دتا کیوں جے اوس پہاڑ اُتے آ لے اپنے تلاء وچوں پانی نہیں سی دتا۔ ٹویا مارنے نال اک چشمہ نکل آیا تے ولی قندھاری دا تلاء ویلھا ہو گیا۔ ایسے واسطے اوہ ایڈا اوکھا ہویا۔

اک دیہوں میں تے میرا بھرا نما شیں بے دلی نال حسن ابدال دے وڈے بزار دیاں سوڑیاں گلگیاں بچ بے بے کچھے ٹرے جاندے ساں۔ نویاں بچناں واسطے دس دیواں کہ بے بے ہوراں داسیر دا طریقہ ایہہ وے کہ ہر نویں تھاں جا کے مارکیٹاں تے بزار پھر کے گھٹ ویلے وچ چوکھیاں شیواں خرید لیندے نیں، جیہڑی میں تے میرے بھرا ڈھونی ہوندى اے۔ تے ابے ہوراں مل بھرنا ہوندا اے۔ پر اوس شامیں اسیں اک اجیہی شے ڈھٹی جیہڑی اسیں اپنے لئی خرید سکدے ساں۔ ایہہ کالی پٹھاناں آلی کھیری سی (پشاور چیل) تے اسیں ٹھوہ ٹھوہ بے بے ہوراں نوں ہٹی اندر جانے دا آکھیا۔ اسیں جیس ویلے اپنی اپنی جتنی پسند کر لئی تے مل کرن دا اوکھا کم شروع ہویا۔ سبزی لین توں علاوہ ہور شیواں خریدن ویلے وی اسیں اگے وی بے بے ہوراں دی مل کرن دی عادت دیکھی ہوئی اے۔ بھاء مکا ونا اک نویں ای شے سی۔ ہٹی آلا پیڈھی پنجابی وچ ایڈا مٹھا بولد ایسا سی کہ جھٹ گوت پکھوں میں وی ہٹی آ لے ولوں بحث وچ رل گیا۔

ایہہ واقعہ تے لہور دا اک ہور قصہ ساڈے سفر دیاں مٹھیاں یاداں وچوں نیں۔ لہور وچ اسیں لسی دے ترے وڈے گلاس پیتے تاں ہٹی آ لے نے پیسے لین توں انکار کر دتا۔ ایس توں سوادی لسی میں صرف اپنی تائی دے گھر پیندا ہوندا سی۔ اُکا انج وی نہیں پاکستان وچ رکشے بساں آلیاں توں لے کے بوتلاں ہوس والیاں تک کنیاں ساتھوں ودھ پیسے وی لئے۔ پر ودھ پیسے تاں ہندوستان وچ وی لوکاں ساتھوں وٹے۔ جدوں کسے شہر جاں قصبے وچ اسیں پہلی واری گئے۔

سردار دیال سنگھ مجھٹھا اوہ بندہ سی جینے اک سو پنجھی ورھے پہلاں ”ٹریبون اخبار“ شروع کیتا سی۔ اوہ دے ناں تے دیال سنگھ ریسرچ تے کلچرل فورم تے دیال سنگھ ٹرسٹ لائبریری لہور نسبت روڈ اُتے ہے۔ فورم دے سکھ یا تریاں لئی چھاپی پکی تے سونی گائیڈ بک میں لہور گوردوارہ ڈیرہ صاحب تے دیکھی۔ ایس گائیڈ بک وچ پاکستان دے سکھ گوردواریاں دی

تفصیل تے سکھ گوردوارہ پر بندھک کمیٹی دے احوال دے نال پہلی واری پاکستان آون والیاں واسطے مڈھلی جانکاری موجود ہے۔

فورم بارے اک ہور دلچسپ گل جیہدا میں ذکر کراں گا، اوہ ایہہ وے کہ ایہدا ڈائریکٹر ڈاکٹر ظفر چیمہ اک جٹ اے۔ گائیڈ بک وچ اک ہور مسلمان جٹ داوی ذکر ہے۔ اوہ اے چودھری شاہد اکرم بھنڈر جیہدا پاکستان دی قومی اسمبلی دامبر اے تے پاکستان سکھ گوردوارہ پر بندھک کمیٹی دارابطہ ممبر وی ہے۔ میں گائیڈ بک وچ دتے کافی گوردوارے ویکھے۔ پر میرے دل تے سبھ توں زیادہ اثر کرتا رپور دے گوردوارے دی یا ترانے کیتا۔ ایہہ ہندوستان، پاکستان بارڈر دے بھوں نیڑے اے تے اتھے گورونانک دیوجی نے اپنی عمر دے آخری اٹھارھاں سال گزارے۔

جدوں گورو جی ایس دُنیا توں وداع ہوئے تاں اوہناں دے مُریداں وچ بحث شروع ہو گئی کہ اوہناں دیاں آخری رسماں کیہ ہونیاں چاہیدیاں نیں۔ ہندو اوہناں دا جٹا ساڑنا چاہوندے سن تے مسلمان دفن کرن دے حق وچ سن۔ آکھیا جاندا اے کہ جدوں ایہہ بحث ابجے چل ای رہی سی تاں کفن پٹھوں لاش غائب ہو گئی تے اوہدی تھائیں پھلاں دیاں پیتیاں رہ گئیاں۔ ایہہ پیتیاں تے کفن ہندواں تے مسلماناں آپس وچ ونڈ لئے۔ ہندوواں اپنا حصہ ساڑتا تے مسلماناں اپنا حصہ دفن کردتا۔ ایسے لئی کرتا رپور گوردوارہ وچ کجھ ای میٹراں دی وتھ تے گورو دی سادھی تے مزار دوویں موجود نیں۔ میرے خیال وچ ایہہ ہندو، مسلماناں تے سکھاں دے وچکار دوستی داسبھتوں وڈا نشان اے۔

مہاراجا رنجیت سنگھ سکھاں دا آخری وڈا حاکم سی۔ اوہدے بعدوں آون والے نکلیاں بادشاہیاں دے مالک سن تے انگریز دے ہتھاں وچ کھیڈے سن۔ رنجیت سنگھ اپنی چنگی وڈی بادشاہی لہور بہہ کے چلائی (لہور جیہڑا ایس ویلے چڑھدے پنجاب دا وڈا شہر اے) اک پکا سکھ ہوندیاں اوس سکھاں دیاں تاریخی تھاواں تے گوردوارے اُسارے تے امبرسروالے ہر مندر صاحب (گولڈن ٹمپل) سنے کئی اگلے گوردواریاں نوں نویں سریوں بنوایا تے مرمت تے صفائی ستھرائی کروائی۔

اپنی یا ترانے وچ میں جیہڑے گوردوارے ویکھے، اوہناں وچوں کنیں راجہ رنجیت سنگھ دے

زمانے دے بنے ہوئے نیں تے اوہناں دیاں عمارتاں بہوں وڈیاں نیں۔ گوردوارہ ڈیرہ صاحب لہور قلعے دی کدھ نال رنجیت سنگھ دی سادھی کول اے۔ ایہہ اوہ تھاں اے جتھے سکھاں دے پنجویں گورو، گوردوار جن دیو جی ہوراں نوں تہیہ دتے گئے، صرف ایس لئی کہ اوہ اپنا عقیدہ چھڈ دین۔ ایہہ تھاں راوی دی کدھی تے ہے۔ چر ہو یاد ریا اپنا راہ بدل چکیا اے۔

گوردوارے دیاں گنبداں تے سونے دی پان تے کندھاں اُتے چٹا پتھر لگا ہویا اے۔ پر مہاراجے دے مقبرے دی ٹوہر تے رعب بٹھا اے۔

لہور وچ شہید گنج بھائی تارو سنگھ سمیت رنجیت سنگھ دے زمانے دے ہور وی کئی گوردوارے جیہڑے اوس زمانے دی اُساری دے چنگے نمونے نیں۔

گورو نانک جی ہوراں دی جنم بھومی ننکانہ صاحب دے سارے گوردوارے بہوں سوہنے نیں۔ اوہناں ساریاں چوں وڈا بے شک جنم استھان ہے۔ عمارت دے ساہمنے آ لے بورڈ *facia splendid* بورڈ دی شان ویکھیاں ای منیا جاسکدا اے۔ میں گوردوارہ پنجہ صاحب حسن ابدال تے کرتار پور صاحب تے پتھر ویکھے جیہناں تے لکھیا ہو یا سی ”پٹیا لے دے شاہی ٹبر ایہہ عمارتاں نویں سریوں بنوائیاں جاں شنگھاریاں تے مرمت کروائیاں“۔ ایہناں عمارتاں دی اُساری دے ڈول توں وی میں بہت متاثر ہویا۔

ایہہ ساریاں عمارتاں 1947ء توں پہلاں دیاں بنیاں ہوئیاں نیں۔ جدوں پاکستان ہندوستان دی ونڈ ہو گئی تاں ایہہ ساریاں عمارتاں ہندوستانی سکھاں دی پہنچ توں باہر ہو گئیاں۔ صرف سال وچ اک جاں دوواری یا تریاں دی اک مٹھی گنتری لئی خاص ویزے پاکستان سرکار دیندی سی۔ ایہدی وجہ توں ظاہر اے ہندوستانی سکھاں نوں بہوں اوکھ ہوئی تے اوہناں داہر جی ایہناں تھاواں دی یا ترالئی نت دعا کرداسی۔ پر میرے خیال وچ ایہہ اک فید اوئی ہو یا، ایہناں تھاواں دا پاکستان وچ ہون کر کے ایہناں دی پُرانی ڈول تے ویترا قائم رہی۔ ایہہ ہندوستان وچ ہون دیاں جاں ونڈ نہ ہون دی تاں کچی گل اے ایہہ وی بارڈر دے اُزلے پاسے دے گوردواریاں ہار سارے چٹے پتھر نال کجے ہوئے ہوندے، جیہڑے سارے اکو جیسے لگدے نیں۔ برطانوی سکھ جیہناں ایہناں تھاواں دی کار سیوالئی اک ایسوسی ایشن بنائی اے تے جیہڑے برطانوی پاسپورٹ کارن سوکھے پاکستان آ جاسکدے نیں۔ مینوں بڑی آس تے تاں لکھ اے بی اوہ ایہناں


عمارتاں دی تواریخی تے پرانی ڈول اپنیاں آون والیاں نسلاں لئی سانجھ کے رکھن گے۔
 تھلے میں اوہ خط دے رہیاں جیہڑا میں واپس آ کے پاکستان تے ہندوستان دے کئی
 مشہور اخباراں دے ایڈیٹراں نوں لکھیا۔ تے ایہہ خط اک ہندوستانی تے اک پاکستانی اخبار وچ
 وی چھپیا۔

”میں پاکستان جان والے سکھ یا تریاں دے جتھے دا حصہ ساں۔ اسیں حسن ابدال
 (پنجہ صاحب) نکانہ صاحب تے لہور (ڈیرہ صاحب) ٹھہرے۔ اسیں تھوڑے چرلئی منڈی چوہڑ
 کانا (سچا سودا)، ایمن آباد (چکی صاحب، لالو دی گھوہی)، روڑی صاحب تے کرتار پور وغیرہ
 وی گئے۔ میں تہیہ سالانہ داہاں تے ایہہ پاکستان دامیر اپہلا پھیر اسی۔ میں ویزہ دین لئی پاکستان
 سرکار داتے چنگے انتظام کرن اُتے صوبہ پنجاب دی سرکار دا تھورایت ہاں۔ میں سکھ یا تریاں لئی
 اچھی ریل گڈی چلان تے پاکستان ریلوے تے راکھی تے امداد دے چنگے انتظام لئی
 پنجاب پولیس دا وی شکریہ ادا کرناں۔ ایہناں دوہاں کھاتیاں دے لوکاں سانوں کھڑے متھے جی
 آیاں آکھیا تے ساڈی سیوا کیتی۔

پاکستان اوقاف بورڈ تے پاکستان سکھ گوردوارہ پر بندھ کمیٹی گوردواریاں دی بھال لئی
 جو کر رہے نیں اوہ سلاہن جوگ اے۔ تے چھیکرو وچ میں لہندے پنجاب دی لوکائی دا شکریہ ادا کرنا
 جیہڑے بڑے مہمان نواز نیں تے اوہناں دی وجہ نال اتھے ساڈا وقت سوہنا گزرن دا سبب
 بنے۔ میں کئی بلی تے اوہناں نال پتے تے فون نمبر وی وٹائے پر بد قسمتی نال میں کجھ نال ایہہ
 وٹاندر انہیں کر سکیا کیوں جو ساڈے جان ویلے اوہ ڈیوٹی تے نہیں سن اوہ صرف جاندی واری
 ساہنوں نکانہ صاحب ریلوے سٹیشن تے ای ملے۔ میں، میرا بھراتے باپو اوہناں نال ڈھیر گلاں
 کردے رہے تے فیرٹرین سٹیشن توں نکل پئی۔

میں دلوں دُعا کردا ہاں کہ دوہاں مُلکاں وچ کارسارے رہندے مسئلے وی نہڑ جان تے
 آون آ لے ویلے وچ کدی وی ایہناں مُلکاں دے بہادر پُتر آپس وچ لڑ کے نہ مرن۔ میں اوس
 دیہاڑے دا خواب ویکھنا جدوں ایہہ دوویں مُلکاں دا سانگا یورپین یونین دے مُلکاں والا ہو
 جائے گا جیہناں وچ وپار تے لوکاں دی آوا جائی سوکھی ہو جاوے گی۔ میرے ہار دوہاں پنجاباں
 وچ وسدے کئی ہور لوکاں دی وی ایہو آس کردے نیں۔

جان لینن دے اک گیت ”خیال، سوچ، تصویر دی“ اک لائن اے:
تسیں آ کھدے او کہ میں سُفنے ویکھناں
پرایہ خواب ویکھن والا میں اکوای نہیں“



لہورتے اوہدے آل دوال دا اک جذباتی سفر

میں بھگت سنگھ دی شہادت دی پنچھتر ویں سالگرہ تے 23 مارچ 2006ء لہور نوں جان دا حیلہ پیا کر داساں۔ میری ایہہ سدھر آہی جے پاکستانی تے ہندوستانی لوک ایہہ تاریخی دیہاڑل کے مناوَن پر کسے کارنوں ایہہ ہونہ سکیا۔ پر ایس سال اچن چیت سدا آ گیا۔ ایہہ ڈاکٹر بی آر امبید کر دے جنم دن تے 13 اپریل نوں لہور وچ اک پرچہ پڑھن لئی سی۔ ایہہ گنگا رام ورثہ فاؤنڈیشن ولوں سی۔ سرگنگا رام ہوراں داناں پنجاب دے ایس بنے تے دلی وچ چنگی طرحاں جانیا جاندا اے۔ دلی وچ وی لہور وانگوں اپنیاں سیواواں لئی مشہور اک گنگا رام ہسپتال ہے۔ بھائی رام سنگھ ہوراں تھیں وکھ سرگنگا رام ہوری وی اک مشہور آرکیٹیکٹ ہان، جیہناں لہور دیاں مشہور عمارتاں ویتریاں۔ اوہناں پٹیاں تے امبر سروچ وی کئی عمارتاں ویتریاں پرگنگا رام فاؤنڈیشن ولوں ڈاکٹر امبید کرتے سیمینار کراون دی مینوں کائی سمجھ نہ آئی، مڑ میں دعوت چاقبولی۔ اپنا لیکھ تیار کر کے ویلے سرگھل چھوڑیا۔ انڈیا توں دوجا پروہنا بنگلور دے ”ڈلت وائس“ دا ایڈیٹوری ٹی راج شیکھر سی۔ پاکستان، نیپال تے یو کے توں وی پروہنے آئے۔ لہور اپڑ کے ایہہ وی پتہ لگا کہ چھڑا لہور ای نہیں سگوں ڈاکٹر ہوراں تے اک سیمینار 14 اپریل نوں کراچی وی ہے۔ کراچی سیمینار وچ وی انڈین ڈلت سکالراں سیر پایا۔

میں انڈین پنجابے جمیا پلپا تے اوہ وی ونڈ مگروں۔ میرے وڈے ضلع بٹھنڈا دے اک پنڈ معراج دے رہن آ لے ہان۔ ایس واسطے میرے لئی لہور جاں لہندے پنجاب جان دے چاء دی کوئی خاص وجہ نہیں سی۔ میں دہریہ ہاں تے پاکستان جاوَن دی کائی مذہبی وجہ وی نہیں سی۔ پر فیرو وی اک چاء جیہا سی۔ ایہدے خورے دو کارن ہان: پہلا ایہہ کہ میں بھگت سنگھ تے اوہدی غدر

تحریک اُتے سٹڈی وچ شامل رہیا ساں تے کرتار سنگھ سرا بھاوی میری توجہ دامر کزر ہیا سی۔ ایہہ دوویں قومی ہیر ولہور جیلے پھاہے لائے گئے۔ بھگت سنگھ دا جیون تے کرنی چوکھی لہور ای سی تے میں اوہدی کرنی دیاں تھاواں تے جانا چاہوند اسان۔ دوجے میں لہور بارے ایہہ وی پڑھیا تے سُنیا اے کہ ”جس لہور نہیں تکیا“ اوہ جمیا ای نہیں“ دوواری لہور وچ کھیڈیا گیا اے۔ ایہہ مشہور محاورہ اصغر و جاہت دے ہندی ڈرامے دا ٹائٹل اے، جیہڑا پہلی واری ملکوں باہر جان دا چاء وی اک وجہ سمجھی جاسکدی اے۔ پر بعدوں جیوں گل نکلی مینوں ایس ملک اندر اک واری وی او پر اپن محسوس نہیں ہو یا، جتھے کہ میں اک باہر لے بندے طرحاں احتیاط نال ٹراں خاص کر جدوں دوہاں دیساں وچ سنبندھ بھاویں اج کل کجھ ول ای نیں پرائڈے گوڑھے بیرانے وی کافی نہیں۔

سچی گل اے کہ ایہہ سانگیاں والی گل لہور وچ تاں بلگل وی نہ چلی تے میں کسے وی لہور پئے ہار دن جاں راتیں کسے وی ویلے کھلا ڈلھائڑ دا پھر دار ہیا۔ بھاویں لہور ایئر پورٹ تے لہندیاں سارای مینوں اک نکا جیہا وخت پے گیا۔ وساکھی دے جتھے دیاں وی تاریخاں ایہو ای سن تے مینوں سکھ یاتری دی کیٹگری وچ ویزا دتا گیا سی۔ پرویزے فارم دیاں چار کاپیاں جیہڑیاں میں آپ بھریاں سن، اوہناں وچ میں اپنے جان دیاں اٹھ تھاہراں لکھیاں سن، جیہناں وچ ٹیکسلا، بھگت سنگھ دی جمن بھومیں فیصل آباد، اسلام آباد تے پشاور وغیرہ سن۔ دلی وچ پاکستان دے ہائی کمیشن نے دو کاپیاں مینوں پر تائیاں کوئی نہ، جیہڑیاں آوا جائی ویلے ایئر پورٹ تے جمع کرانا ضروری سن۔ میرے پاسپورٹ تے اک سکھ یاتری دی مہر لگی ہوئی سی۔ میں ایس بارے ذرا ڈریا ہو یا ساں تے میں پاکستانی ہائی کمیشن دے متعلقہ افسرتوں دوواری پتہ کیتا تے اوس مینوں پک کرایا بئی کوئی مسئلہ نہیں۔ ایئر پورٹ تے ڈیوٹی دین آلی گوی جیہنوں دلی ایئر پورٹ توں ایسے گلوں پر تادتا گیا سی ضد کردی پئی سی، کہ ایہناں دو کاغذاں توں بغیر مینوں دوجی فلائٹ وچ موڑ دتا جائے۔ پر ایس گل تے وی میں گھابریا نہیں۔ اوس اپنے سینئر افسر نال گل کیتی، جیہنوں میں دسیا جے مینوں موڑنا چاہوندے او تاں موڑ دیو۔ میری ٹکٹ میرے مجماناں گھلی سی جیہڑے باہر لہور دی پروہن چاری ریت موجب پھلاں دے ہار لئی اڈیکدے پئے ہان۔ اوہ میرے توں ودھ پریشان سن۔ مینوں تے اوہناں اک سیکورٹی آلے ہتھ سنیہا گھلیا۔ میں اوہناں نوں آکھیا کہ فکر نہ کرو۔ مینوں اک عجیب جیہا حوصلہ سی کہ ماملا نیڑ لاں گا۔

میں ایئر پورٹ دے افسر تے ڈیوٹی آلی گڑی نوں بیٹا کر کے گویا تے آکھیا، میں اک سیمینار وجہوں آیاں تے اوہناں وچوں ہاں جیہڑے چاہوندے ہن دوہاں پاسیاں دے پنجابی چوکھا میل جول رکھن تے لوکاں دے سانگے دھن۔ میں اوہناں نوں سدے دے کاغذ وی وکھائے۔ نالے میں اُردو جاں انگریزی دی تھاں ٹھیکہ پنجابی وچ گل کیتی۔ افسر نوں میری گل دا اِبتار آگیا۔ گڑی وی ہُن پہلے جی اوکھی نہیں سی لگدی تے میں سمجھو پنتالی گومنھاں مگروں ایئر پورٹوں باہر آیا تے میرے مجماناں دی خلاصی ہوئی۔ اوہناں مینوں کھڑے متھے جی آیاں آکھیا۔

سانوں ہوٹل وچ ٹھہرایا گیا، جیہڑا شاید لہور دا تریجاوڈا ہوٹل اے تے سیمینار وی ایسے ہوٹل وچ ہونا سی۔ میں 12 اپریل دی راتیں اپڑیا تے سیمینار 13 اپریل نمائش پنج وچے سی۔

اپنی عادت موجب میں 13 اپریل نوں سویرے سیر لئی نکلیا۔ میری بھارتی شہراں وچ وی ایہو ای عادت سی۔ نکلن تھیں پہلاں میں ہوٹل والیاں نوں کچھیا کہ میں اپنا پاسپورٹ نال کھڑاں؟ اوہناں مینوں پک کرایا کہ ایہدی کائی لوڑ نہیں تے جے کوئی کچھے تاں ہوٹل دانوں دس دینا۔ بعدوں ہو یا انج نئی پورے اٹھ دیہاڑیاں وچ کسے پلے جاں سیکورٹی دے بندے اک واری وی نہیں کچھیا۔ تے میں فیروز پور روڈ چڑھ کے لکشمی چوک جانکلیا۔ بھاویں مینوں تھاواں دا پتہ نہیں سی۔ میں پنجاب اسمبلی توں پریتا تے پتہ مینوں ایہد اوئی کوئی نہیں سی۔ علامہ اقبال دی یادگاری سوہنی عمارت ہوٹل موہرے سی تے اج دے لہور دا کلچرل مرکز الحمرا وی چند کراماں دی وتھ تے سی۔ مال روڈ تے لارنس گارڈن جاں کمپنی باغ جیہنوں ہُن باغ جناح آکھیا جاندا اے وی نیڑے ای سن۔ لہور تے امبرسر دوہاں تھائیں لارنس گارڈن دے ناں دے اکو جیسے باغ سن، جیہناں نوں عام زبان وچ کمپنی باغ آکھدے نیں۔ سیمینار کیوں جے شامیں ہائی ایس لئی میں جھٹ گوبہر جانا چاہوند اسی پر میں جانہ سکيا۔ اگلا چنگا کم جیہڑا میں کیتا اوہ ایہہ سی کہ میں اپنے موبائل دی سم بدل لئی تے عارضی طور تے پاکستانی سم پائی تاں جے لہور تے دوجیاں تھاواں تے اپنے جائواں نال رابطہ رکھ سکاں۔ کرنسی دا کوئی مسئلہ نہیں سی۔ میں بھاویں دلی ایئر پورٹ توں کچھ ڈالر لے لئے سن پر ساریاں مینوں ایہو دسیا کہ انڈین روپیہ وی پاکستان وچ لے لیا جاندا اے۔ ایہہ گل سچ ثابت ہوئی تے میں او تھے ہونداں اک وی ڈالر نہ خرچیا تے اوہ سارے پیسے مڑن ویلے دلی ڈیوٹی فری شاپ تے ورتے۔

ملو ندر جیت سنگھ وڑا تیج نے مینوں اپنے گرائیں واسع خان دافون دتاسی جیہڑا اوہدے جدی پنڈلہ دھے وال وڑا تیج (پاکستان) داسی۔ ایہہ بندہ میری کال سُن کے ایڈا نِش ہو یا کہ سیمینار وِچ اپڑن لئی دو گھنٹے کار چلا کے آیا۔ اوہ مینوں اپنا تے وڑا تیج صاحب دا پنڈ وکھاونا چا ہوندا سی پر میں جانہ سکيا۔ سیمینار دے اُچھے پروہنے گورنر پنجاب خالد مقبول ہو ریں سن۔ پروگرام تقریباً ویلے سر شروع ہو یا تے گورنر اوس ویلے اپڑیا جد میں تقریر پیا کر داساں۔ سیمینار دا پہلا بلیار کراچیوں سریندر و لاسائی سی جیہڑا شیڈولڈ کاسٹ فیڈریشن آف پاکستان دا صدر اے۔ اوہنے پاکستان وِچ دلتاں دی حالت بارے وستھار نال دسیا، جیہناں نوں اک زمانے انڈیا ہارای نوکریاں وِچ کوٹا دتا جاندا سی۔ ایہہ حصہ اک ویلے واپس لے لیا گیا سی تے پاکستانی دلت ایس حصے دی مُرد کے منگ کر دے پئے نیں۔

ڈاکٹر امبیدکر پاکستانی دلتاں وِچ جیہناں وِچ پُستے ہندو تے عیسائی نیں، چنگے چاہے جان دے نیں۔ اگلی بلیار لہوردی اک سکالر رخصانہ صدیقی سی۔ اوس توں بعد اسلام آباد وِچ یو این او دامنائندہ سلیمان آصف بولیا۔ آصف نے کچھلی رات ڈنرو ویلے مینوں اپنی شُدھ ہندی نال حیران کر دتاسی۔ اوہ ہندی تے سنسکرت ادب دا اتنا جانوسی کہ میں سوچیا ایس پاکستانی لوکاں بارے کنا گھٹ جان دے ہاں۔ اگلا بلیار ژرائی بھون یونیورسٹی توں ڈاکٹر شیا م کٹوال سی۔ میرے توں بعد یو کے توں اک پاکستانی اتہاسکار ڈاکٹر فقیر محمد بھٹی بولیا تے گورنر توں پہلوں وی ٹی راج شیکھر بولیا۔

پہلوں گنگارام فاؤنڈیشن دے ڈائریکٹر ڈاکٹر یوسف بخاری نے پرچہ پڑھن والیاں نوں جی آیاں نوں آکھیا تے فاؤنڈیشن دے ٹیچیاں بارے دس پائی۔ وی۔ ٹی راج شیکھر تے میں دوہاں ملکاں دے لوکاں دے گوڑھے سانگیاں بارے گل کیتی۔ میں لہور شہر تے بھگت سنگھ بارے کجھ جذباتی گل کیتی۔ ڈاکٹر امبیدکر دے انسان دوست فلسفے بارے گل کرن توں وکھ میں سُنن آلیاں نوں دسیا کہ لہوردی مٹی میرے لئی وی اوئی ہی پوتر ہے جتنی اوہناں لئی کیوں جے ایس دھرتی وِچ بھگت سنگھ تے کرتار سنگھ سراجا اور گیاں دالہو وی رلیا ہو یا اے۔ میں ایہہ وی آکھیا بئی جلیانوالہ باغ دی مٹی اوہناں لئی وی اوئی ہی مقدس اے جنی ساڈے لئی کیوں جے اوہدے وِچ ہندو مسلمان تے سکھ تیناں دالہو رلیا ہو یا اے۔ میں سُنن آلیاں نوں ایہہ وی آکھیا کہ بھگت سنگھ

تھا ڈاوی اونائی لگدا اے جنا ساڈا..... کیوں جے اوہ اتھے جمیا، اتھے ای اوس چوکھا کم کیتا تے لہور
 وچ ای شہید ہویا۔ میں اوہناں نوں آکھیا کہ اوہ بھگت سنگھ نوں اپنا کیوں نہیں مندے جدا سیس
 تے اوہنوں اپنا قومی ہیرو منیا ہویا اے۔ میں سنتاں وچ سیاسی لوڑاں نال بے عقل مجرمانہ ڈھنگ
 نال بھنائے گئے مذہبی پاگل پئے تے وحشی پئے دا ذکر وی کیتا، جیہدے وچ ہر مذہب دے لکھاں
 بندیاں نہ دسں جوگ مصیبتاں بھوگیاں۔

ماضی بھاویں بھلیا تے نہیں جاسکدا پر ایہدے توں کجھ سکھیا تے جاسکدا اے تے
 سرحد پار و سن والے پنجابی بھیناں بھراواں نوں میری ایہہ ای منت سی۔ گورنر خالد مقبول بڑیاں سمجھ
 والیاں گلاں کیتیاں تے ڈاکٹر امبید کرنوں سراہیا۔ پروگرام مگروں ڈھیر سارے لوک میرے کول
 آئے تے مینوں چھاپا کے ملے۔ ساڈی کلچرل سانجھ بارے میریاں گلاں اوہناں دے دل
 لگیاں سن۔ ڈنر تے میں پاکستانی دلہاں دے نمائندیاں نال ملیا۔ اوہناں وچوں چوکھے کرپشن سن
 تے پنجاب جاں ضلعی اسمبلیاں دے ممبر ہان۔ پاکستان نے تحصیل توں قومی اسمبلی تیک اسمبلیاں دا
 اک نواں نظام بنایا اے۔ لیفٹنٹ جنرل (ریٹائرڈ) ذوالفقار علی خان وی ایس موقعے تے موجود
 ہان۔ اوہ متروکہ املاک ٹرسٹ بورڈ دے چیئرمین نیں۔ ایہہ جاننا دلچسپ اے کہ پاکستان سرکار
 نے گنگا رام فاؤنڈیشن تے دیال سنگھ ریسرچ اینڈ کلچرل فاؤنڈیشن نوں بناون دی منظوری پچھلے
 دو ورھیاں وچ ای دتی اے۔ گنگا رام فاؤنڈیشن اگر وال سٹریٹ، اگر وال دھرم شالا وچ بنی
 اے۔ دھرم شالا دامنہ حال سی پر ہُن لیہنوں ٹھیک کیتا جا رہیا اے۔ سکھ بختھے دے کنیں ممبر
 اوہناں دناں وچ ایس دھرم شالا وچ ٹکے ہوئے سن۔

وسا کھی دے میلے دیاں تقریباں دیال سنگھ فاؤنڈیشن نے اُچھے طور لہور کرائیاں تے
 اوہ تھے پاکستان سرکار اعلان کیتا کہ ٹیکسلا جاں ننکانہ صاحب وچ گورونانک یونیورسٹی بنائی جاسی۔
 گورنر پنجاب آپ وی میلے وچ آئے جتھے انڈین جتھا وی آیا سی۔

میں 21 اپریل دوپہر اپنی واپس دلی فلائٹ تک لہور وچ ای رہنا سی تے میں اپنا ویلا
 چوکھے توں چوکھا فایدے وند ڈھنگ نال گزارنا چاہونداساں۔ میرا مقصد سی کہ میں لکھاریاں،
 عالماں تے اپنی سوچ دے بندیاں نوں ملاں تے تواریخی تھاواں ویکھاں۔ میں سبھ تھیں پہلاں
 پھرن ٹرن والا کم کیتا۔ سبھ توں پہلاں لہور دے عجائب گھر گیا۔ اتھے جس حصے سبھ توں بابلا مینوں

اپنے آل چھکيا اوہ ازادی دی تحریک دیاں بلیک اینڈ وائٹ تصویراں ہان۔ لہور وچ ایہہ ازادی دی تحریک سی، میرے لئی ایہہ رلی ملی تحریک سی۔ میں مہاتما گاندھی، جواہر لال نہرو، سبھاش چندر بوس تے بلد یونگھور گے قومی آگواں نال جناح، لیاقت علی خان تے خان عبدالغفار خان وغیرہ دیاں فوٹو اں تکیاں۔ جناح دی پارسی تیویں رتی تے اوہناں دی دھی دینا دیاں مورتاں میرا دھیان بہوں چھکيا۔ مژگندھارا آرٹ داپورا سیکشن سی، جیہدے وچ صوبہ سرحد دی بدھ ریت دا آرٹ سی۔ ہُن سکھ آرٹ اُتے وی پورا سیکشن اے۔ پُرانیاں ڈیوڈھیاں وی اینیاں من چھکویاں سن کہ اوہناں نوں گھسایا نہ جاسکدا۔

مشہور نیشنل کالج آف آرٹس عجائب گھر دے نال اے۔ پر اوہ تاں میں فیروی ویکھ سکدا سی۔ میں کالج ولوں ہُنے ای چھاپیاں ترے کتاباں ڈٹھیاں، دوسر گنگرام تے بھائی رام سنگھ بارے ہان۔ ایوں لگدا اے جیوں پاکستان تے خاص کر لہور اپنی ریت دادھن بھاویں ہولی ہولی پر پکے پیریں سانجھ رہیا اے۔ ریت جیہڑی بھاویں اسلامی ناہی۔

بزاور وچ دوپہر دی روٹی کھان لئی تہانوں چنگی ردھی سبزی کدی نہ لہجسی۔ نری سبزی نہ کھان آلیاں لئی لہور جنت اے جتھے انارکلی تے گوالمنڈی دیاں فوڈ سٹریٹ پھر کے دوو جے باغ جناح دی شملہ پہاڑی اپڑے، جتھے رات دوو جے کلاسیکی موسیقی دا پروگرام چل رہیا سی۔ فریدہ خانم اوس ویلے اپنا گاؤن مکایا ہا۔ لہور کلچر ولوں اتنا جیوند اشہر اے جے بندہ حیران رہ جاندا اے۔ مینوں جے۔ این۔ یو وچ اپنی پڑھائی داز مانہ یاد آ گیا۔ جدن اسیں کلاسیکی پروگرام سُنن واسطے راتیں چر کے مولنکر ہال جاندا اے ساں۔ دلی وچ اوہ ویلا گزر گیا پر لہور وچ نہیں۔

شاہی قلعہ پھرن دا کوئی ایڈاسوا د نہیں، ایہنوں ایڈا کوئی سانجھ کے نہیں رکھیا گیا پر رنجیت سنگھ دی سادھی جس ایس قلعے بہہ کے حکومت کیتی ایس قلعے دا سمجھو حصہ ای اے۔ انجے پنجویں گورو دا گوردوارا وی۔ کول ای مینار پاکستان اے جیہڑا 1947ء توں بعد بنیا۔ ایہدیاں کندھاں اُتے 23 مارچ 1940 نوں پاس کیتی پاکستان ریزولیشن لکھی ہوئی اے ایہہ قرارداد اُردو، پنجابی، انگریزی، تے بنگالی زبان وچ گھدی ہوئی اے۔

بھگت سنگھ نال جُویاں تھاواں ویکھناں لہور دی اک ہو چھک اے۔ پنجابی دے مشہور ترقی پسند کہانی کار زبیر نال میں بریڈ لاہال گیا، جیہنوں کہ ہُن کوئی کوئی جاندا اے۔ ہال دا ہُن مندا

حال اے تے اتھے اک ٹریننگ سکول چلایا جا رہیا اے۔ اُنج لگداسی کہ کدے ایہہ بڑی سوہنی عمارت ہووے گی۔ نینہہ پتھر خوش قسمتی نال قائم اے۔ ازادی دی تحریک دے ایس ہیڈ کوارٹر دی نینہہ 1900ء وچ سریندر ناتھ سین دھری۔ چنگا تے ایہہ اے جے ہندوستانی سرکار پاکستان سرکار تے بھارپاوے جے ایس بلڈنگ نوں ورثہ مٹھیا جاوے۔ لہور دالالہ لاجپت رائے ہال جیہدے وچ ہک وقت چندی گڑھ آلی مشہور دوار کا داس لائبریری وی رہی اے، ہُن پنجاب پلس دے فنکر پرنٹ بیورو دے قبضے وچ اے۔ میں اتھے نہ جاسکیا تے نہ ای میں اوہ نیشنل کالج لہ سکیا۔ جتھے بھگت سنگھ 1922ء توں 1926ء تک پڑھدا رہیا۔ میں لہور نیڑے خواسریاں پنڈوی نہ لہ سکیا جتھے بھگت سنگھ دائبر کنیں سال رہیا۔

راوی دی کدھی تے اوہ تھاں وی نہ لہی جتھے لالہ لاجپت رائے تے بعدوں بھگت سنگھ، راج گورو، تے سکھ دیو دیاں لاشاں ساڑیاں گئیاں تے بھگوتی چرن وہرہ اپنی جان وی دتی جدوں ٹیسٹ کرن لکیاں بم پاٹ گیا۔ راوی سک گیا اے تے لوک آہدے ہن ایہہ ہُن نالہ بن گیا اے۔ اوہ ایہہ وی آہدے نیں کہ انڈیا راوی داپانی ڈک لیا اے۔ پُرسند داس دے قتل دی تھاں تے نال ای ڈی۔ اے۔ وی کالج دا ہوشل مینوں سوکھے ای لہ گئے۔ ایس تھاں وچ کوئی چوکھی تبدیلی نہیں آئی پر ڈی اے وی کالج تے ہوشل ہُن گورنمنٹ اسلامیہ کالج تے ہوشل بن گئے نیں۔ ایس۔ ایس۔ پی آفس ہُن وی اوہی اے جیہڑا سکاٹ دے زمانے سی۔ میں لہور جیل دے پھانسی گھاٹ آلی تھاں وی گیا جیہڑا ہُن ڈھاہ دتا گیا اے تے اوہی تھاں شادمان چوک جاں فوارہ چوک بن گیا اے۔ ایہہ ہُن رہائشی کالونی اے تے جیل جاں ایہدی تواریخ دا کوئی نشان نہیں جتھے سینکڑے ازادی دے مجاہد پھاہے لگے۔ پاکستان دے جمہوری کا مے 23 مارچ نوں شادمان چوک اکٹھے ہو کے موم بتیاں بالدے نیں۔ ایس تھاں دی تاریخ بارے اتھے اک تختی جاں پتھروی لاونا چاہندے نیں۔ بھگت سنگھ جدوں روپوش سی تے اوہ لہور دے کئی گھراں وچ رہیا جیہناں بارے لوک اج وی گل کردے نیں۔ اک گھر جیل روڈ تے وی دسیا جاندا اے۔ پنجابی دے مشہور لکھاری نجم حسین سید جیل روڈ تے رہندے نیں پر اوہناں نوں اوس گھر بارے کوئی پتہ نہیں۔ میں بھگت سنگھ دی جمن بھونیں وی گیا جیہدے لئی میرے کچھ نویں مقامی سجناں کاردا بندوبست کیتا تے پہلے اسیں وارث شاہ دے مزار جنڈیالے شیر خان گئے۔ اسیں مشہور قصبے

شیخوپورے وچوں لنگھے تے مینوں دُوروں ہرن منار وکھایا گیا جیہڑا شہزادہ سلیم دے شکار دوران مارے جان والے ہرن دی یاد وچ بنائی گئی اک سوئی تھاں اے۔ وارث شاہ دے مزار جانا اک عجیب تجربہ سی۔ اتھے ہر سال ہیر پڑھن دا مقابلہ ہوندا اے۔ جیہڑا امرتا پریتم دی نظم ”آج آکھاں وارث شاہ ٹوں“ گا کے شروع کیتا جاندا اے۔ جنڈیالے توں اسیں ننکانہ صاحب گئے۔ ایہہ اک چھوٹا جیہا قصبہ اے پر اتھے آن جان آلی سڑک پھوں وڈی اے پاکستان اپنیاں سڑکاں تے کافی دھیان دتا اے تے لہور توں پشور توڑی اپنے موٹر وے بارے ٹھیک ای مان کردا اے۔ پر ریلوے سروس ولوں ایہہ دیس کجھ کچھ اے۔ ننکانہ صاحب وچ وڈے گوردوارے سمیت اٹھ گوردوارے نیں۔

فروری 1921ء وچ گوردوارے، مہنتاں دے خلاف مورچہ لگا جیہڑے انگریز دے تھا پڑے تے ایس پاک تھاں نوں پلٹ کر دے پئے سن تے اوہناں گوردوارہ چھڈن توں پہلاں دوسو سکھ مار گتے۔ گوردوارے دے اندر شہید جنڈا اے جتھے اک احتجاج کرن والے کچھمن سنگھ نوں جیوندے ساڑ دتا گیا۔ ننکانے دے پستے گوردوارے گورونانک دے بالین دے واقعتیاں بارے ہین۔ کتھے اوہ جمے، کتھے اوہ کھیڈے، کتھے پڑھے وغیرہ۔ میں اپنے مسلمان بھناں نال لنگر کھا ہا جیہڑے لہوروں میرے نال آئے ہن۔

ننکانیوں، جنڈیالے سدھاراہ اے۔ پر کجھ کلومیٹر سڑک دا ٹوٹا پھوں خراب سی۔ جڑانوالہ جیہڑا اک تحصیل ٹاؤن اے لنگھ کے اسیں چک نمبر 105 جان آلی سڑک تے آ گئے۔ ایس توں پہلے کہ اسیں کسے توں راہ پچھدے ساڈے لئی اک چنگی خبر اڈیک رہی سی۔ سڑک تے اک ٹین دابور ڈلگا سی جیہدے اُتے جیل دے سڑیاں کچھ بھگت سنگھ دی مورت پینٹ کیتی ہوئی سی۔ فیصل آباد (لائل پور) دے کسے جسیر سنگھ ایہہ بورڈ لایا سی تے اُتے اپنا ای میل ایڈریس وی دتا سی۔ ساڈا کم سوکھا ہو گیا۔ جدوں اسیں ایہہ بورڈ پڑھ رہے ساں آسے پاسے تے کجھ لوک ساڈے نیڑے آ گئے تے بھگت سنگھ وچ ساڈی دلچسپی ویکھ کے سانوں اوہدے پنڈ داراہ دسیا۔ کسے مشورہ دتا جے پنڈ جان توں پہلاں سانوں نیڑے ای اک فرحان خان نوں ملنا چاہیدا اے۔ پتہ لگائی فرحان بیاسی ورھیاں دا اک ریٹائرڈ ایکسائز افسر سی تے اوس اپنی فیکٹری داناں گلاب فارم رکھیا ہو یا سی جیہدے بورڈ اُتے ”بھگت سنگھ ٹاؤن“ وی لکھوایا ہو یا اے۔ اوہ لاگے ای چک نمبر 107

پٹھان کوٹ داسی۔ اسیں اوہدے کول اپڑے تے اوس سانوں کھڑے متھے جی آیاں آکھیا۔ اوہدی بیٹھک وچ فریم وچ لگی بھگت سنگھ دی اک بلیک اینڈ وائٹ مورت سی۔ فریم دیشیشہ ٹھاہویا سی۔ ہیٹ والی مشہور مورت سی، فرحان خان بھگت سنگھ دے ٹبر بارے گل بات بہوں خوش ہو کے کر رہیاسی جدوں بھگت سنگھ شہید ہویا اوہدوں فرحان خان صرف پنج ورہیاں داسی تے بھگت سنگھ دے نکلے ویر جیہناں دے ناں اوہ بھل گیا سی اوہنوں ملدے رہندے سی (ظاہر اے اوہ کلیر سنگھ تے کلتار سنگھ دی گل کردا پیاسی)۔ اوہ بھگت سنگھ دا ایڈا چاہن آلاسی کہ میں اوہنوں اوہدیاں لکھتاں دی اک کاپی دینا چاہندا ساں پر میرے کول واڈھو کاپی نہیں سی۔ میں لینٹ ورڈ تے این۔ بی۔ ٹی دیاں انگریزی وچ ہنے ای چھاپیاں کجھ کاپیاں لیاں ہونیاں سن۔ فرحان ساڈے کول گھٹو گھٹ اک گھنٹے لئی ایہہ منگ کے ایہدی فوٹو کاپی کروالئی۔

اسیں ایہہ ویلا بھگت سنگھ دے گھر گزاریا۔ فرحان دے بندے نال چک نمبر 105 گئے۔ سڑک بہوں جنگی نہیں سی۔ جدوں اسیں اوہتھے اپڑے تے ایہہ اوہ پرانا گھر نہیں سی تے تن ورک بھرارل کے اتھے رہندے سن۔ پاکستان وچ وی ورک، رندھاوے، سہگل، بھٹی، چیمے، وڑانچ، گل تے سندھو وغیرہ اتنے ای ہونے نیں جتنے ساڈے پاسے چڑھدے پنجاب وچ۔ ایہہ گھٹو گھٹ چار کنال دارقہ اے جتھے تن بھراواں، اقبال ورک، صادق ورک تے مشتاق ورک دے ٹبر رہندے ہان، جیہناں نوں ونڈگروں ایہہ الاٹ ہویا سی۔

اوہ امبر سردے ورک پنڈتوں آئے سن۔ تتناں وچوں صادق گزر گیا ہویا اے پر اوہدا ٹبر اتھے ای رہندا اے۔ جدوں اسیں اوہتھے اپڑے تے کجھ سوانیاں چلھے کول کم کر رہیاں سن۔ بعدوں اسیں مشتاق ورک دے پتر اختر ورک نوں ملے جیہڑا فیصل آباد وچ وکیل اے۔ اوہنے دسیا کہ صرف گھرای نہیں اوہناں بھگت سنگھ دے باپو کشن سنگھ دا 17 کلبے امباں دا باغ وی لیا سی، جدوں زمین دی قیمت بارے پچھیا تے اوہنے دسیا، ہُن ایہدی قیمت چھ لکھ فی ایکڑ اے جیہدا مطلب اے کہ ایہہ ہُن اک کروڑ توں ودھدا اے۔ بھاویں چک 105 وچ بھگت سنگھ کیاں دے باغ داسانوں پہلوں پتہ نہیں سی پر ایہہ ساڈے لئی کوئی ایڈی اوپری گل نہیں سی۔ جس جج کرتار سنگھ سراہانوں پھاہ دین دا فیصلہ کیتا سی اوس صاف لکھیا سی کہ کشن سنگھ (بھگت دے پو) نے 1914 جاں 1915ء وچ غدر پارٹی لئی اک ہزار روپیہ (جیہڑا جو کا لکھ سمجھو) چندہ دتا سی۔ بھگت

سنگھ تے اوہدے ٹبردی کہانی بہوں من کچھویں ہو جاندی اے کیوں جے اوہناں لئی قوم نال جوت جیون دے سنگھ توں ودھ سی۔ ایس لئی ایہہ گل عجیب نہیں لگدی کہ پشاور یونیورسٹی وچ پولیٹیکل سائنس دا پڑھیا روقار احمد، بھگت سنگھ دے موہ پاروں صرف اوہدے بارے ہو ر جانکاری لین لئی مینوں ای میل تے رابطہ کر دالے، جدول تک میں لہور رہیا اوہ مینوں فون کردارہیا۔ اوہنوں آس سی کہ اوہ مینوں پشاور ملے گا کیوں جے پشاور یونیورسٹی ٹیچر ایسوسی ایشن میرے پشاور آؤن لئی ویزے دی اجازت لئی بہت کوششاں کر رہی سی۔ ایس کجھ عرصہ پہلے ای پشاور یونیورسٹی ٹیچر ایسوسی ایشن دے وفد نوں جے۔ این۔ یو وچ جی آیاں نوں آکھیا سی۔

میرے لہور ہوندا یاں ای ڈان دے کالم نگار رضا نعیم نے وی مینوں ای میل تے رابطہ کیتا۔ اوہ ڈان وچ ریویو لئی بھگت سنگھ دی ”جیل نوٹ بک تے دوجیاں لکھتاں“ دی کاپی چاہوندا سی، جیہڑی میں اکٹھی کیتی سی تے تعارف لکھیا سی تے لیفٹ ورڈ نے ایس 23 مارچ نوں چھاپی سی۔ فون تے کئی واری گل بات کرن توں وکھ میں لہور وچ اوہدے لئی اک کاپی چھڈی۔ رضا کراچی وچ بھگت سنگھ بارے گل بات کراؤنا چاہوندا سی۔

لامپور انگریز افسراں اک ویترواں شہر و سایا سی۔ ایس علاقے دی زمین بڑی زرخیز اے تے پنجاب دے دو جے علاقیاں دے کساناں نوں اتھے زمیناں خریدن لئی ہلاشیری دتی گئی سی۔ انج ای جیوں پنجابی کسان ترائی دے علاقے زمیناں خریدن گئے آہن۔ دلچسپ گل اے ہی زیادہ تر دو آہ توں لوک اتھے گئے۔ اوہناں نوں چک نمبر ناواں دے پنڈاں وچ زمیناں الاٹ کیتیاں گھیاں۔ اتھے آؤن آ لے لوکاں چک نمبر دے نال اپنے پچھلے پنڈاں جاں علاقیاں دے ناں لالے۔ ایس لئی چک نمبر 65 مکن پور اے تے چک نمبر 67 گدڑ پنڈی، چک نمبر 104 سمرا جنڈیالہ سداؤندا اے۔ چک نمبر 105 بنگے اے (دو آہ دے بانگا توں) چک نمبر 106 پھرالا اے۔ چک نمبر 107 پٹھان کوٹ اے تے انجے ای ہو روی نیں۔ ایہہ ناں ونڈ توں مگروں وی چلے پئے نیں۔ سانوں دسیا گیا کہ 1965 توں پہلوں کافی گھلھ سی تے کہیں لوک ایہہ تھاواں ویکھن آؤندے رہندے سن۔ 1965ء مگروں سختی ہو گئی تے ہُن کجھ سالوں توں فیر کجھ کھلھ ہوئی اے تے لوک ایہہ تھاواں ویکھن مڑ آؤندے پئے ہن۔ اوہناں موجب پچھلے سال کینیڈا و سدریاں پنجابیاں دی پوری بس اتھے آئی سی۔

ونڈ مگروں لاسکپور داناں وٹا کے فیصل آباد کر دتا گیا تے ایہہ ٹیکسٹائل انڈسٹری دا گڑھ بن گیا۔ ایہہ ہُن لہور تے کراچی توں بعد پاکستان دا تریجا وڈا شہر بن گیا اے، پر خورے ایس شہرنوں لدھیانے والے مسئلے ای جرنے پئے۔ فیصل آباد دا کپڑا ایشیادی مارکیٹ وچ چنگا گنیا جاندا اے۔ چک نمبر 105 توں اسیں فیصل آباد گئے۔ ہُن رات ہو چکی سی۔ کچھ چر بعد اسیں موٹر وے راہیں تقریباً دو گھنٹے وچ فیصل آبادوں لہور آ گئے۔ ساریاں گڈیاں موٹر وے چڑھن دی اجازت نہیں ایس لئی ٹریفک تیز، اکسار تے محفوظ اے۔

میں گھٹو گھٹ ٹیکسلا تے اسلام آباد ضرور جانا چاہندا اساں پرویلا گھٹ سی تے میں ابے لہور وچ وی لوکاں نوں ملناسی۔ ایس لئی میں باقی دیہاڑے لہور ای رہیا۔ میں فائیسٹار ہوٹل توں بعد وکھو وکھو تھاواں تے شفٹ ہوندا رہیا۔ اک رات میں کچھ نو جوان پڑھیا راں نال گزاری جیہناں چوں اک عمران گورنمنٹ کالج ننکانہ صاحب وچ اردو پڑھاؤندا سی۔ اک رات میں اک این۔ جی۔ او’ ساؤتھا ایشین پارٹنرشپ‘ دے گیسٹ ہاؤس گزاری جیہناں اپنے سٹاف تے کھوجکاراں نال گل بات دا بندوبست وی کیتا۔ ایہدے ڈپٹی ڈائریکٹر عرفان مفتی اک شام مینوں بلھے شاہ دے مزار قصور لے جان دی آفر کیتی۔ ایہہ اک چنگی دعوت سی جیہڑی میں خوشی نال من لئی۔ بھاویں قصور آلی سڑک بن رہی سی تے سفر خواری ای سی تے اسیں 60 کلومیٹر دا سفر کار تے سمجھو..... ترے گھنٹیاں چ کیتا..... مزار دے ماحول نے ایہہ سارا بھلا دتا۔ رات دے تقریباً 11 بجے سن تے مزار لوکاں نال بھریا ہو یا سی جیہڑے مزار دے اندر تے باہر نچ گارہے سن۔ لوک پھل چاڑھ رہے سن پر عورتاں نوں قبر تے جان دی اجازت نہیں سی۔ اوہ پھل مجاور نوں دیندیاں تے باری چوں اندر جھاتی مار لیندیاں۔ ایہہ بلھے شاہ آلی گل نہیں سی پر باقی سارا بلھے شاہ آلا ای رنگ سی۔ بندے جُھمور گے لوک رقص کر رہے سن تے بہت مٹھے سُراں تے دل وچ کھُب جان آلی آواز وچ بلھے دیاں کافیاں گارہے سن۔

ننکانہ صاحب تے وارث تے بلھے دے مزار ویکھن تے ہر طرحاں دے بندیاں نال گل بات کر کے مینوں انج لگا جیوں ونڈ نے پنجابی کلچر دی کھلھ نوں بے جان کر چھڈیا اے۔ دوہاں پاسے پنجابی اک دُوجے دی عجیب جیہی سِک رکھدے نیں، جیہد اپتہ مینوں لہور وچ لگا۔ دونویں پاسے دُوجے پاسے دی تھوڑ دس دی اے تے دونویں پاسے اپنے آپ نوں دُوجے پاسے

بناں پورا نہیں سمجھدے۔ دوہاں پاسیاں دی اک دُوجے لئی کھج (لہندے پنجاب وچ خورے چوکی) اوس تہذیبی نقصان بارے ہوں کجھ دس دی اے جیہڑا ہندوواں، مسلمان تے سکھاں دے اک کلچرل یونٹ دی بلکل بے سُرئی تقسیم پاروں پنجاب دے دو آں حصیاں بھگتیا اے۔ ونڈ جیہڑی سیاسی طاقت لئی خالص سیاسی وجہ توں کیتی گئی۔ میرا خیال اے بنگالی تے پنجابی بارڈر دے ہر پاسے دے سیاستدانان نوں رور ہے ہونے نیں، جیہناں سیاسی طاقت لین لئی اوہناں دے کلچرل یونٹاں نوں قربانی دا بکرا بنایا۔

ایدھر لا پنجاب انڈین پنجاب توں تقریباً تن گنا وڈا اے۔ ایدھر لے پنجاب دی آبادی 9 کروڑ اے جیہڑی ایس دیس دی کل آبادی دے ادھ توں چوکی اے۔ ایہہ صحیح اے کہ پنجابی زبان تے ادب پنجاب دے انڈین حصے وچ چوکھے پنکڑے ہن پر پنجابی کلچر پاکستانی پنجاب وچ چوکھا جیوند اِسد اے۔ پنجاب دے کلچر بارے ایہہ کھج کہ ایہہ صرف واہی نیجی دا کلچر اے ونڈ مگروں انڈین پنجاب توں آئی اے۔ جتھے کوئی اپنی پیڑھی رہتل نہیں بن سکی جد کہ لہور ہمیشہ اکٹھے ہندوستان دے وڈے رہتلی شہراں وچوں اک رہیا اے۔ ایہہ ریت اے جے وی لہور وچ جیوندی اے۔ ونڈ مگروں لہور نے بڑی ترقی کیتی تے لیہدی آبادی اک کروڑ دے نیڑے اپڑ گئی اے۔ ونڈ توں پہلاں لہور تے امبرسر اکوجیڈے جوڑوین شہر سمجھے جاوندے سن۔ ونڈ مگروں مذہبی حوالے نوں چھڈ کے امبرسر سُنکوا گیا اے تے ایس اپنی شان گوا دیتی اے۔

میں اندرون لہور گھم کے لیہدے مشہور بارہاں دروازے ندو کیکھ سکيا۔ لیش پال اپنے وڈے تواریخی ہندی ناول ”جھوٹا سچ“ وچ شاہ عالمی دروازے (جتھے 1947ء وچ بدترین مذہبی فساد ہوئے) موچی گیٹ، بھائی گیٹ، ہاتھی گیٹ تے (جلندھر دے دو موریا پُل ورگے) دو مور یہ گیٹ نوں بڑا سوہنا بیان کیتا اے۔ میرے آخری تین دن پنجاب یونیورسٹی لہور دے گیٹ ہاؤس وچ گزرے تے مینوں پنجاب یونیورسٹی چنڈی گڑھ وچ 1971-1972 دا اپنا پڑھائی دا زمانہ چیتے آ گیا۔ نیو کیمپس دی نیکی جیہی مارکیٹ وچ کجھ چنڈی گڑھ مارکیٹ ورگای رنگ اے۔ پر چنڈی گڑھ مارکیٹ چوکی ترقی یافتہ اے۔ ہوشل جتھے میں سویرے چاء ناشتہ لیا تقریباً پنجاب یونیورسٹی چنڈی گڑھ دے ہوشلاں ورگے ای نیں۔ ونڈ مگروں یونیورسٹی داناں بدل کے ”یونیورسٹی آف پنجاب لہور“ رکھ دتا گیا پر لائبریری تے کیفے ٹیریا ورگیاں عمارتاں تے پرانا ناں

”پنجاب یونیورسٹی لاہور“ ای نظر آؤندا اے۔ چڑھدے پنجاب وچ یونیورسٹی دے سپیلنگ پنجاب یونیورسٹی لاہور توں نکھیرن لئی PANJAB کر دتے گئے۔ اولڈ کیمپس وچ اورینٹل کالج جتھے، اردو، فارسی، پنجابی تے ہُن اک واری فیر ہندی ڈپارٹمنٹ..... ہُن جاناوی دلچسپ سی۔

پنجابی ڈپارٹمنٹ دے دفتر وچ ڈاکٹر موہن سنگھ دیوانہ جاں بھائی سنتوگھ سنگھ توں سادھودت سنگھ توڑی دے ناں ویکھ کے وی اک عجیب احساس ہويا۔ پنجاب یونیورسٹی دا پنجابی ڈپارٹمنٹ 1879ء قائم اے جیہدا خورے ایس پاسے دے پنجاب وچ پتہ ای نہیں۔ پنجاب یونیورسٹی دے ہندی شعبے وچ اکوٹچر جیہڑی کہ عارضی طور تے کم کر رہی اے، اوہ پنجابی یونیورسٹی پٹیالہ دی میری سٹوڈنٹ نکلی۔ اوہ شبنم ریاض اے جیہڑی ویاہ مگروں پٹیالیوں ایم اے کرن توں بعد مالیر کولہ توں لاہور آ گئی۔ لاہور اپنے تعلیمی اداریاں پاروں وی مشہور اے۔ پرائیویٹائزیشن دے اڑے چلا پھینکے ٹیلیں صرف لاہور وچ نیں جیہناں وچ اک زنانہ یونیورسٹی وی اے۔ گورنمنٹ کالج ویمن ”گورنمنٹ کالج یونیورسٹی“ دے عجیب جیسے ناں نال یونیورسٹی بن گیا اے۔

لوکاں نوں ملنا بڑا بھرواں تجربہ سی۔ میرے کول پہلے ای کئیں رابطے تے ریفرنس سن۔ میں مشہور شاعر فیض احمد فیض دی دھی سلیمہ ہاشمی نوں ملنا چاہندا سی۔ اوہنے تے فقیر عزیز الدین جیہڑے دوویں مشہور آرٹسٹ تے آرٹ سکالرنیں ہُنے ای اک سیمینار دے سلسلے وچ پنجابی یونیورسٹی پٹیالہ دے فائن آرٹ ڈپارٹمنٹ دا دورہ کیتا سی۔ تے مُراک شام میں ماڈل ٹاون وچ ہاشمیاں نال اوس گھر وچ گزاری جتھے کدی فیض رہندا سی۔ سلیمہ ہاشمی مشہور نیشنل کالج آف آرٹس دی پرنسپل دے طور توں ریٹائر ہو کے اج کل بیکن ہاؤس یونیورسٹی لاہور وچ Arts Visual دی ڈین اے۔ اوہدا بندہ شعیب ہاشمی اکناکس داریناؤ ڈپروفیسر تے کجھ اخباراں دا کالمسٹ اے تے اک ہنس مکھ بندہ اے۔

اوہناں دی دھی دانان میرا تے دوہتری دانان عانیہ اے۔ سلیمہ دسیا کہ فیض نے سائنڈرس تے فائرنگ دی اواز سنی سی کیوں جے اوہ اوس دن ڈی۔ اے۔ وی کالج دے کدھرے نیڑے سی۔ ایہہ گولیاں پاکستان دے مشہور کیمونسٹ آگومظہر علی خان نے وی سُنیاں سن۔ ایہہ گل اوہدی بیوی تے مشہور لکھاری طارق علی دی ماں نے وی کنفرم کیتی، جیہنوں میں اوہدے گھر جا کے ملیا تے بھگت سنگھ دیاں لکھتاں پیش کیتیاں۔ طاہرہ اوہناں لوکاں وچوں اے جیہڑے

پاکستان وچ بھگت سنگھ دی یاد مناؤندے نیں۔

82 سالاں دی طاہرہ، مظہر علی تے سلیمہ ہاشمی پاکستان دی جمہوری لہر وچ اکیٹو نیں۔

سلیمہ میرے اوہ تھے ہونڈیاں زنائیاں دے اک جلوس وچ گئی۔ کجھے دھڑے دے کامیاں نوں
پاکستان وچ عام زبان وچ سُر نئے آکھیا جاندا اے۔ لہور دے اک ترقی پسند پبلشر تے کتاباں
وتچن والے ادارے فکشن ہاؤس تے مینوں سببوں انج دا اک سُر خا مل گیا۔ فکشن ہاؤس نے اردو
تے انگریزی وچ مشہور تاریخ دان ڈاکٹر مبارک علی دیاں سبھے کتاباں چھاپیاں نیں۔ میں لہور وچ
ونڈن لئی بھگت سنگھ تے ڈاکٹر امید کردے کجھ فوٹو کارڈ لے گیا سی۔ میں اوہناں چوں اک کارڈ
فکشن ہاؤس دے مالک نوں دتا تے اوہ اک بزرگ بندے وی اک کارڈ دی فرمائش کیتی۔ فیر
اوہنے اپنا تعارف کرایا اوہ کمیونسٹ پارٹی آف پاکستان دا کاما اسلم رحیل مرزا سی۔ اوس دسیا کہ اوہ
ہر سال بھگت سنگھ دیہاڑ مناؤندے نیں۔ اجکل پاکستان وچ کمیونسٹ پارٹی تے کوئی پابندی نہیں
پر کھبیاں وچ آپ ای ہُن کوئی ساہست نہیں رہ گیا۔ ایہہ کمیونسٹ پارٹی دے نال نال نیشنل ورکرز
پارٹی، مزدور کسان پارٹی تے لیبر پارٹی ورگیاں دھڑیاں وچ ونڈے ہوئے نیں۔ کمیونسٹ پارٹی
حیدر آباد سندھ وچ کافی تگڑی اے۔

کمیونسٹ لہر دے شروع بارے میں پروفیسر منظور احمد، پروفیسر عزیز الدین احمد تے تحسین
احمد کولوں بڑیاں گلاں سُنیاں، جیہڑیاں زیادہ تر سچیاں سن۔ مینوں تحسین ایس محفل وچ لیا یا سی۔ بیاسی
ورہیاں دے منظور احمد نوں اوہدے بلی گاندھی دامن آلا سمجھدے نیں۔ بھائیں کوئی وی اوہدی
گاندھی دی حمایت نوں ٹھیک نہیں مند اپر ہر کوئی ایس ہنس مکھ تے نرم بندے نال پیار کردا اے۔

میں لہور دے اک صنعت کار پران ناتھ سیٹھ دی بڑی من کچھویں کہانی سُنی، جیہنے
1947ء وچ لہور چھڈن توں انکار کر دتا سی۔ پران ناتھ سیٹھ کو ماد یولالہ ہری کشن لال دا جوانی سی
جیہڑا فضل حسین دی حکومت وچ پہلی واری وزیر بنیا۔ پران سیٹھ نوں 65ء دی جنگ وچ تھوڑے
عرصے لئی گرفتار کر لیا گیا۔ اوہ کجھ ویلے لئی انڈیا آیا تے ہمارے گیا۔ اوہنے اعلان کیتا کہ اوہ لہور
جناں نہیں رہ سکدا۔ اوہ لہور پرت گیا تے ول ہو گیا۔ مشہور لکھاری سجاد ظہیر جیہڑے 47ء وچ
کمیونسٹ لہر آ رگنا نر کرن پاکستان گئے اپنی روپوشی دے زمانے ناں بدل کے پران ناتھ دے گھر
لگے رہے۔ اک واری پلس نے سجاد نوں پھرن لئی پران ناتھ دے گھر چھاپا ماریا۔ سجاد تے نکل گیا

ہو یا سی پر پران ناتھ جیہد یاں عاداتاں پرانے خاندانی لوکاں والیاں سی پلس تے پُوں اوکھا ہویا کہ اوہناں بناں دے اوہدے گھر چھاپا کیوں ماریا..... کیوں جوڈی آئی جی اوہدیا رسی تے فیر اوہنوں دسیا گیا کہ جیہڑا پروفیسر اوس اپنے گھر دی انیکسی وچ رکھیا ہویا اے اصل وچ کمیونسٹ لیڈر اے۔ ایہہ اوہ دن سن جدوں ساحر لدھیانوی وی پاکستان کمیونسٹ پارٹی وچ کم کرن آیا تے لکھاری احمد راہی کول رہیا۔

میں ایہناں بابیاں توں ونڈتوں پہلے تے مگروں دیاں کہانیاں سن کے بڑا سواد لیا۔ ڈاکٹر مبارک علی نوں مل کے بہت سکھیا، جیہڑا جناح بارے وی سچ بول کے لوکاں دی ناراضگی سہہ سکدا سی۔ پاکستان دے پہلے فوٹو جرنلسٹ اٹھانوے ورھیاں دے ایف۔ای۔ چودھری نال ملاقات وی بہوں من کھویں سی۔ چودھری نے فیض احمد فیض نال وی کم کیتا سی جیہڑا ٹریوین دی تھاں ملن والے پاکستان ٹائمز دا ایڈیٹر سی۔

پاکستان دے شروع دے لیڈراں دے فوٹو ایف۔ای۔ چودھری اک کر سچن چھکے۔ ایہہ اوہی اے جس سنٹرل جیل لہور دے فوٹو وی چھکے۔ جد 1960ء وچ ایہہ ڈھائی جا رہی سی۔ اوہدے کول فوٹو اں دی فائل اے جیہدے وچ اوس پھانسی گھاٹ دی فوٹو وی اے جتھے بھگت سنگھ، سرابھاتے ہو رکنیں ازادی دے مجاہد ٹنگے گئے۔ میں اپنے عام کیمرے نال ایہناں فوٹو اں دیاں فوٹو اں چھکنے دا حیلہ کیتا پر ایہہ ممکن ہونہ سکیا۔ پر میرے خیال وچ کجھ دیہاڑے پہلوں ای دلچیت آئی نے اپنے ویڈیو کیمرے نال ایہہ فوٹو اں محفوظ کر لیاں ہان۔

چودھری اپنے پتر جیہڑا کہ لہور دے اک کر سچن سکول دا پرنسپل اے نال رہندا اے تے اوہدے نال گل کرن دا بڑا سواد آؤندا اے۔ چودھری دی خواہش کیہ اے؟ اوہ ونڈتوں پہلوں دے اپنے سچناں نوں ڈھونڈھنا چاہندا اے جیہڑے بہتے فوٹو گرافرن تے دلی سدھار گئے۔ اک دانوں اوس دسیا سی: سی ایل سمرنی اینڈ کمپنی تے دو جے دانشکدہ داس اینڈ کمپنی۔ ایس ٹبر دے ترے بھراہان۔ سندر داس، ہریش تے جگدیش اک فوٹو گرافی کرداتے دوجے کوئی ہو ر کم۔

چودھری اپنی جوانی دے قصے سناؤندا اے۔ جدوں لہور وچ ہندو، سکھ، مسلمان تے کر سچن دکاندار مل کے رہندے آہن تے اوہناں دے ڈونگھے پرانے ہان۔ بہتیاں یاداں لہور وچ اے وی ہن تے اگلی پیڑھی نوں وی جا رہیاں نیں، جیہناں ایہہ گلاں اپنے وڈکیاں توں

نریاں سُنیاں ای نیں۔

لدھیانے توں آیا اک پٹھان ٹبر دامنڈ امیر او اہوا بجن بن گیا۔ اوہ ہوٹل وچ ویٹری تے اپنے وڈکیاں دے لدھیانیوں آؤن دی گل کردا ایڈاجد باقی ہو گیا کہ اپنا موہ دس لئی پیٹری تے پھلاں دی بھری پوری ٹوکری لے آیا۔ اکھے ”آپ ہمارے مہمان ہیں“۔ ایہہ ورتارالہورا اتنا عام اے جے بندہ شرمندہ ہو جاندا اے جے اسیں بارڈر پاروں آئیاں دی اتنی مجمانی تے سیوا نہیں کردے جتنی لہوری کردے نیں۔ ہو روی کئی گلاں نیں، جیوں جتے نوں جیل روڈ تے نجم حسین سید دے گھر سنگت وچ رلنا۔ ویہیاں توں کجھ ودھ سکالرتے لکھاری جیہناں وچ چار پنچ زانیاں وی نیں ہر جمعے نمائشیں او تھے اکٹھے ہو کے گر بانی پڑھدے نیں تے نجم او ہدی تشریح کردا اے۔ فیر اوہ کٹھے شام دا کھانا کھاندے نیں تے نکھر جاندا نیں۔ نجم اپنیاں ترقی پسند لکھتاں پاروں چڑھدے پنجاب وچ وی جانیا جاندا اے۔ نجم اوہ بندہ اے جس 2004ء وچ ”شرومنی پنجابی ساہتکار“ (وڈیشی) ایوارڈ، لین توں نا نہہ کردتی سی۔ اوس ویلے عالمی پنجابی کانفرنس، لئی پاکستانی پنجاب دے وڈے وزیر پرویز الہی وی پٹیلہ یونیورسٹی آئے ہوئے سن۔ انکار صرف اصولاں دی بنیاد تے سی، ہو رکوی وجہ نہیں سی۔ نجم دی بیوی شمیمہ صوفی کلام بھوں سوہنا گاوندی اے۔ لہور بارے بندہ ساری عمر گلاں کر سکدا اے پر میں اک عجیب اتفاق تے کہانی مکاؤناں۔

نواب محمد احمد خان، بھگت سنگھ تے اوہدے سنگیاں دے خلاف لہور سازش کیس وچ سرکاری گواہ سی۔ اوہ پاکستان وچ آنریری مجسٹریٹ دے عہدے تک اپڑیا۔ ستر دے دہاکے وچ اوہ او سے شادمان چوک وچ قتل ہو یا، جتھے بھگت سنگھ پھاہے لگا سی۔ اگلا اتفاق ایہہ سی کہ ذوالفقار علی بھٹونوں ضیاء الحق ایسے نواب دے قتل وچ پھسا کے 1979ء وچ پنڈی جیل وچ پھاہے لا دتا۔ اج ہر پاکستانی مندا اے جے ضیاء الحق دے گیارہاں سال پاکستان دی تواریخ دا سبھ توں کال زمانہ سی۔ دُو جے فوجی آمران ایوب خان، یحییٰ خان تے پرویز مشرف نالوں وی بھٹرا۔ ضیاء شاہی نے پاکستانی سماج دا سیکولر، لبرل تے جمہوری تانا بانا اُدھیر کے رکھ دتا تے اوہنوں اپنے جمہوری حقانوں واپس لین لئی اک لمی لڑائی وچ سٹ دتا۔ ایس ویلے پاکستانی سماج جاگ پیا اے تے ضیاء شاہی دے زہر دے اثر توں نکلسن دی کوشش کر رہیا اے تے ساڈی خواہش تے آس اے جے اوہ لیہدے وچ کامیاب ہو جاوے۔

”بہتا پیار نہ کریں نہیں تے رُل جائیں گا“

اک لما ویزا لے کے پروار سمیت پاکستان آیا ساں۔ پھیر وی پتہ ہی نہیں چلیا کدوں دِن گزر گئے۔ ساڈی والپسی دیاں تیاریاں سن۔ پاکستان دے کلاکاراں نے ساڈے کولوں اک دِن منگیا جو میرے لئی خوش نصیبی سی۔ جیہناں کلاکاراں نوں ملن دی خواہش میرے دِل وِچ چراں توں ٹھاٹھاں مار رہی سی اوہ اج میرے کولوں سماں منگ رہے سن۔ دولتاں، تاں انسان بھج نِس کر کے جاں تِکڑم بازی نال وی ہتھیالیندا ہے، پر کلا صرف اُتے صرف بندے نوں پرودگار ولوں ہی بخش جاندی ہے۔

۴ جولائی 1997 نوں نامور گائیک شوکت علی نے لاہور دے پنج تارہ ہوٹل ’اداری‘ وِچ ساڈی چاء رکھی جس وِچ کئی گائیک، لکھاری اُتے کئی قِسم دے ہور کلاکار بُلائے۔ مہدی حسن ایس چاء واسطے کراچی توں جہاز پھڑ کے اُپڑے۔ ایہناں توں اڈ پرویز مہدی، علی اعجاز، آصف جاوید، لیاقت باجوہ، بابانجی اُتے پنجابی دا اُچ کوئی دا گیت کار ایم صادق وی شامل ہويا۔ شوکت علی نے جی آياں کہن لکياں کياں، میں سوچ رہی اسی سردار صاحب دی آمد اُتے ودھ توں ودھ قیمتی سرمایہ بھینٹ کراں۔ ایس وِچ کوئی شک نہیں غزل دی دُنیا وِچ مہدی حسن دا کوئی ثانی نہیں۔

ساریاں نے آپو اپنے وِچار رکھے، گل مُڑ گھڑ کے اِکو مسلے اُتے آ جاندی۔ سارے ایس گلوں کلپ رہے سن کہ اج دی گائیکی اک شور شرابا بن کے رہ گئی اے۔ ساریاں نے مینوں ایس گلوں اُلاہا دتا، ایہہ بیماری تہاڈے والے پاسیوں شروع ہوئی اُتے کسرایدھروی گھٹ نہیں رہی۔ سچ مچ پاکستان دے سُریلے گائیک اپنے ساز بند کر کے ویلھے بیٹھے ہوئے سن۔ ایس توں

بعد میں سارے کلاکاراں دادھنواد کردیاں چھٹی لئی کیوں جوشا میں شیخوپورے وی کلاکاراں آتے
 کو یاں نے میرے آؤن پاروں پروگرام رکھیا ہو یا سی۔

شیخوپورے پروگرام رات دس بجے توں بعد شروع ہو یا۔ کجھ سبناں نے سچھا دتا
 مولویاں دی اڑ پھس نوں دھیان وچ رکھیاں پروگرام لیٹ شروع کیتا جائے۔ جیوں ہی میں
 ویڑھے وڑیا، اسٹیج سیکرٹری نے میرے ول اشارہ کر کے لاییناں بولیاں۔

’ست بسم اللہ جی آیاں نوں، پیر سلکھنے پائے نیں

رکھاں کیہ میں سبنا اگے، ورھیاں چکھوں آئے نیں

ہر ورھے ساؤن دے مہینے جنڈیالہ شیرخان وچ ہیر پڑھن دے مقابلے ہوندے
 نیں۔ آج وی سارے علاقے دے ہیر پڑھن والے اتھھے آئے ہوئے سن۔ سبھ توں خوبصورت
 ہیر خبرے وارث شاہ دے پنڈوں آئے، پنڈوں کیوں، محلے چوں آئے، تیمور افغانی نے پڑھی۔
 ایس توں بعد اسٹیج سیکرٹری نے اک واسطہ پایا۔

میں مرجاں گا میری گلی نہ ڈھاؤ، باز آ جاؤ

میری پونجی ایہو لکھ نے ہواؤ، باز آ جاؤ

سردار صاحب تسیں ویڑھے چ کندھ ماری، دسو کھٹیا کیہ؟

خدا دا واسطہ من جاؤ بھراؤ، باز آ جاؤ

پنڈال وچ ریشماں آتے عنایت حسین بھٹی پہنچے ہوئے سن۔ ریشماں وچاری بیماری
 جس اوکھیاں سوکھیاں کجھ گیت گائے۔ آج مینوں پہلی وار ریشماں دے چہرے اتے بڑھاپا نظر
 آیا۔ ساریاں نے ریشماں نوں آرام کرن دی صلاح دتی۔

ایس توں بعد جناب عنایت حسین بھٹی نوں اسٹیج اتے بلایا گیا۔ کسے ویلے بھٹی
 صاحب اتے زبیدہ خانم دونویں پنجاباں وچ اپنے ہر من پیارے گائیک سن، شاید ہی کوئی گائیک
 ایہناں دے نیڑے تیرے ڈھکدا ہووے۔ بھلیاں ویلیاں دی گل ہے اوہناں دناں وچ دونوں
 پنجاباں دیاں فلماں اتے گیتاں دا اداں پر دان ہوندا سی۔ بھٹی صاحب دے گیت چھوہن توں
 پہلاں اسٹیج سیکرٹری نے بند پڑھیا۔

پانی پنج دریاواں دا ایسا چنگا، سکی ماں دے دودھ دے وانگ جاپے

بولی ایس پنجاب دے واسیاں دی، مینوں سچی سویر دے وانگ جا پے
 تے انج میریاں غزلاں دا ہر مصرع، پنجابی دوکھیاں نوں اک پُلا نگھ جا پے
 چوہیں تخت ہزاروی رانجھنے دے ہتھ وکھلی کھیڑے نوں ڈانگ جا پے
 بھٹی صاحب نے اپنے ویلے دے سارے مشہور گیت سُنائے۔ انت وِچ بھٹی
 صاحب نوں فرمائش آئی 'آج آکھاں وارث شاہ نوں سُناؤ۔ کدے امرتا پریتم دی رچنا بھٹی
 صاحب نے کرتار سنگھ فلم وِچ گائی سی۔ سن سنتالی بارے بنی ایس فلم نے پورے پاکستان نوں
 جھنجھوڑ کے رکھ دتاسی۔ جیوں ہی بھٹی صاحب نے آواز کڈھی، 'آج آکھاں وارث شاہ نوں کہتے
 قبراں وِچوں بول، پورے پنڈال چوں آواز گونجی، اوئے بھٹی جیوند اے۔ ایس توں بعد ماحول
 کافی گبیر ہو گیا۔

پھیر کویاں نے اپنیاں کوتاواں پڑھنیاں شروع کیتیاں۔ اک نوجوان کوی ناصر
 عباس نے شعر پڑھیا۔

سائیں مرے تے پُوریاں پے گئیاں
 ونگاں توڑ کے رنڈیاں بہہ گئیاں
 لے لے کے سونہیا ناں تیرا
 بُکھاں اُتے نے چنڈیاں پے گئیاں
 دھرتی وی بڑی مظلوم ماں اے
 جیہدے جیوندیاں ونڈیاں پے گئیاں
 کوی اک ہسو کے ورگی گل کہہ گیا۔ ایس توں بعد بابا جمی اپنی کویتا لے کے آیا۔

گولی انھی، گونگی، بولی،
 سنگیو ایہہ داسنگ نہیں چنگا
 ایہد اکوئی وی فائدہ نہیں جے،
 ایہد اکوئی وی رنگ نئی چنگا
 گولی ایہناں ولوں چلے،

گولی اوہناں ولوں چلے،
 گولی نال پُرا پیندا
 ایدھروی ایہہ بندے مارے،
 اودھروی ایہہ بندے مارے
 گولی نال اُجاڑ اپیندا
 اپنے بندے مارن نالوں،
 قبریں وِچ اُتارن نالوں،
 میری مٹو میرے چٹو
 اک دُوجے دے سینے لگو،
 پھلاں دے گلے ستے لہو،
 بندے کھانی گولی دبو
 بندے کھانی گولی دبو

بابا نجی نے سرحدیں اُتے ودھے تہاں نوں گھٹاؤن دی بڑی خوبصورت گل کیتی۔ انت
 وِچ بابا فرید دے پنڈ پاپتیاں توں آئے شاعر ظہور حسین ظہور نوں اسٹیج سیکرٹری نے اسٹیج اُتے سماں
 دتا۔ ظہور ہوراں نے محبت دی گل شروع کیتی۔ جس دے کچھ بول سی۔

اکو دھرتی اکو مٹی میں تینوں توں مینوں پیارا
 توں میرے پنجاب دا پتر جی آیاں نوں جی سردارا
 کیہ ویلا سی اک دُوجے نوں صبر نہ آؤنا جے نہ ملنا
 داتن دتاری بھجنا نسا، ٹاہلی ٹیہنا پہنا پہنا
 چاچے بوٹے سنگھ دے کھیتوں گنا پُنا، دھونا چھلنا
 پیلے رنگ بسنتی واواں گھولناں، سرہواں کھلنا
 کھنڈھاں کول کھلو کے جانا، شرطاں مٹھنا، راوی ٹھلھناں
 اچن اچیت گکارا ہویا، پانی ونڈو، لاؤ ڈھل ناں
 وکھ وکھ بیڑی تے مل گئی، پر اے ملیا نہیں کنارہ

اِکو دھرتی اِکو مٹی، میں تینوں توں مینوں پیارا
توں میرے پنجاب دا پتر جی آیاں نوں جی سردارا
(2)

پنجابی دا پیارا لکھاں، اُردو دا سرمایہ لکھاں
کس دھرتی دا واسی لکھاں، کس دھرتی دا جایا لکھاں؟
اپنے ویڑھے آپے بن کے نواں پروہنا آیا لکھاں
بتو بگتو کس کس دھی دے سر بابل دا سایہ لکھاں
ظُلماں دا ظلمایا لکھاں، تقدیراں دا تڑپایا لکھاں
لکھ نہیں سکدا، لکھ نہیں سکدا تینوں کیویں پرایا لکھاں؟
توں تے سجنا اُچیا سچیاں سوچاں دے اسمان دا تارہ
اِکو دھرتی اِکو مٹی، میں تینوں توں مینوں پیارا
توں میرے پنجاب دا پتر جی آیاں نوں جی سردارا

ایہہ بند سُن کے میریاں اکھاں وچ اتھرو آ گئے۔ جدوں میں اکھاں پُونجھ کے تکیا سارا
پنڈال رومالاں نال اکھاں پُونجھ رہی اسی۔ ظہور نے پھیر اپنی گل کہنی شروع کیتی۔

(3)

ویلے ایسے پاسے پرتے، مکیا پیار جیہاں وچوں
سدھراں سچے موتی سمجھے، نکلے کچھ نصیباں وچوں
اوہ دُکھاں ویلے پھل نہیں کردے، شعلے کردے جیہاں وچوں
لارے تے لہو دیون والے، لبھدے 'لوک' غریباں وچوں
جیہناں چُکھے عُمر ایں لائیاں، اوہی بنے رقیباں وچوں
علماں عقلاں نال بھرے سی، میرے یار طیباں وچوں
خبرے بھکھدی بھٹھی اُتے، کیہڑے ہتھوں ڈلھیا پارہ

اِکو دھرتی اِکو مٹی، میں تینوں توں مینوں پیارا
 توں میرے پنجاب دا پُتر، جی آیاں نوں جی سردارا
 (4)

جا وے جٹا ہیر ویاہ لے، مہینے دے کڈھیا بھرجائیاں
 لڈن، بیڑی، پلنگ نواری وچھیاں سیجاں پریاں آئیاں
 اکھیاں لڑیاں، مجھیاں چریاں جھنگ سیالیں پین دُہائیاں
 ویلے، دونوں پکڑ دلاں نوں، سولاں پار دُسار لنگھائیاں
 وِجھلی کوکے، چیکاں ای چیکاں، کس نے ہیراں ڈولی پائیاں؟
 کن پڑوائے، ٹھوٹھا پھریا، جوگی بنے سواہواں لائیاں
 اوہ کتھے آ گئے رنگ پور کھیڑے، کتھے رہ گیا تخت ہزارا
 اِکو دھرتی اِکو مٹی، میں تینوں توں مینوں پیارا
 توں میرے پنجاب دا پُتر، جی آیاں نوں جی سردارا
 (5)

اپنے اپنے دل دا سودا، کوئی نانک دا پلہ پھڑدا
 کوئی سجنا کرن سلاماں، گنج شکر دیاں ڈھگیاں چڑھدا
 اِکو ہی لاٹ شمع دی ہندی، وکھو وکھ پروانہ سڑدا
 توں وی سوچاں دے نال لڑدا، میں سوچاں دے نال لڑدا
 توں حرفاں دیاں چنساں لدریں، میں حرفاں نوں اُکھلی چھڑدا
 توں اکھراں نوں عشق بناویں، میں اکھراں وِچ موتی جڑدا
 ساڈا نور ’ظہور‘ اے سانبھا، توں سونا تے میں سنیا را
 اِکو دھرتی اِکو مٹی، میں تینوں توں مینوں پیارا
 توں میرے پنجاب دا پُتر، جی آیاں نوں جی سردارا
 ظہور حسین ذات داسنیا راسی، جو مینوں سونا دس کے اپنے پار کھو ہون دی گل کہہ رہیا

میں ظہور حسین ظہور نوں اپنی بکُل دے وِچ گھٹ لیا۔ اوس نے کیہا، ”سردار صاحب لوکاں نے تہا نوں چادر اں اُتے پگاں بھینٹ کیتیاں ہن، میں تاں صرف چند بول ہی تہا ڈی جھولی پائے ہن۔“ میں اوس نوں جواب دیندیاں کیہا ”دوستا چند بول کیہ، توں تاں تن تر لوکی دی مایہ میرے پلے وِچ پلٹ دتی اے۔“ ایس توں بعد مینوں پر بندھکاں نے چند لفظ بولن لئی کیہا۔ شروع وِچ میں پر بندھکاں دادھنواد کردیاں کیہا ”دوستو تہا ڈی بڑی مہربانی، تئیں پیسے دھیلے دا لگ خرچ کیتا، اُتوں ایہناں دیاں ایجنسیاں.....“

اسیں جلو موڑ اُتے پہنچ چکے ساں میں ابے دودھا وِچ ہی ساں، دوستاں نوں پھیر آؤن لئی ہاں کراں جاں نانہہ، کسے آواز نے میرے خیالاں دی لڑی توڑ دتی۔ اک سبزی وِچن والے نے اپنے تھڑے اُتے کھلوکے اُچی آواز وِچ کیہا، سردار جی ست شری اکال، واپس چلے او، پھر چکر لاؤنا، نہ میری جان اُتے نہ پچھان، بندہ صرف میری پگ ویکھ کے اُلا وِچ آ گیا، کمال ایس گل دی سی۔ میرے مونہوں آپ مہارے نکل گیا۔ ست شری اکال، میرے سونہیا، میرے بانکیا اک نہیں میں دس چکر لاواں گا۔ ”ایہہ فیصلہ میرے کولوں کسے الہی شکتی نے کروایا لگدا سی۔ میرے نال دے ساتھیاں دے چہرے اک دم کھڑ پئے، میں اک دم جوش و خروش وِچ آ گیا۔ ساڈے پاکستانی دوست خون ڈولھدے ہن، سدھارن عام مُسبتاں نال نکونک بھریا پیا ہے۔ ڈھٹھے گھوہ وِچ پین ایہناں دیاں ایجنسیاں۔ ایس مُسبتاں دے ہڑنوں کنی کودیر لکھاں کانیاں دا بنھ مار کے ایجنسیاں روکن گیاں۔ ایہہ جوڑ کاوٹاں آرہیاں ہن، ایہناں نے تاں آؤنا ہی سی۔ جو شکتیاں دونواں دیشاں دی عوام نوں لڑا کے ستا ہتھیاؤن دیاں عادی ہن، اوہناں کولوں بھل مانی دی آس کیوں رکھیے؟

لگ بھگ دو مہینے بعد میرا پھر پاکستان جان دا پروگرام بن گیا۔ ایس واری دوستاں نے مینوں پاکستان دے پردھان منتری میاں نواز شریف دا ذاتی مہمان بنا کے بلایا۔ اک چاہ دا پروگرام چودھری ریاض دے گھر رکھیا۔ سرکاری مہمان ہون ناطے شیخوپورے دے سارے افسر میرے آؤن اُتے چودھری صاحب دے گھر پہنچے ہوئے سن۔ پچھلے واری جو اخباری خبر نے چودھری صاحب دی پوزیشن نوں دھکا لایا سی، آج اوس توں کئی گناں زیادہ اوہناں نوں عزت ملی سی۔

ایسے طرحاں آؤن جان دا سلسلہ جاری رہیا تاں ہرواری اسیں ویزے دے فارم وِچ پتہ محمد ارشد ورک دا لکھو اؤندے رہے۔ ارشد وی چھماکیں تہاں ساڈے کول ضرور چکر لا کے جاندا۔ اک ڈھلوں گوت دا بندہ کسے ایجنسی دا کارندہ سی جو ہرواری دا بگے ٹیشن اُتے دیکھن نوں ملدا سی۔ اک دن محمد ارشد ورک دے گھر پہنچ گیا۔ اوس نے جانیاں ہی سوال کیتا ”وکیل صاحب، تہا تھوں گجھ پُچھ گچھ کرنی ہے“، ”ہاں جی فرماؤ“، ارشد نے بڑے ٹھرے نال جواب دتا۔ ”ایہہ دسوئیس وی انڈیا کئی چکر لا کے آئے او، اُتے سردار ہرنیک سنگھ نال تہا ڈاکیہ رشتہ ہے؟“ ارشد ورک نے موڑواں سوال کیتا، ”تہا ڈا اُتے میرا کیہ رشتہ اے، اک جٹ دا جٹ نال کیہ رشتہ ہوندا اے؟“ ڈھلوں نے جانچ لیا کہ بندہ برکن والا نہیں، پھر آپے لائن اُتے آ گیا۔ ”وکیل وکیل صاحب، ساڈیاں تاں اُتوں ڈیوٹیاں لگدیاں نیں، اسیں خانہ پُری جو کرنی ہوئی۔“ محمد ارشد ورک اک دلیر، دیانتدار، اپنے نالوں دوسریاں واسطے جیون والا اُتے انتاں دا شریف انسان ہے۔ اوہ چالھیاں توں ٹپ چُکیا سی۔ گھر دیاں ذمہ واریاں نبھاؤندا جے وی گوارا تھریا پھر داسی جاں ایس طرحاں آکھ لوو..... اُوہنے اپنے بارے کدے سوچیا ہی نہیں سی۔ اسیں جدوں وی شیخوپورے جاندا، ارشد دی چھوٹی بھین رخسانہ جو ایم اے۔ پاس اُتے بڑی سگھڑ سیانی گڑی اے، ساڈے کول اکو مسئلہ لے کے بیٹھ جاندی، تئیں بھاء جی نوں اک گل سمجھاؤ، شادی کروالین، اج تاں ہر کوئی پُچھدا اے، بعد وِچ کوئی نہیں سیاندا۔ اسیں ارشد نوں شادی دے مسئلے بارے ٹولنا شروع کیتا۔ پہلاں تاں اک دو ویری اوس نے ہاسی مخول وِچ ٹال دتا، پھر گھر دے کم گناؤنے شروع کر دتے، ایہناں توں بعد سوچاں گے۔ اک واری پھیر اسیں سارا ٹبر ایہہ متھ کے شیخوپورے گئے جو ایس واری ارشد نوں شادی بارے مناکے ہی واپس آؤنا اے۔ چویں ہرواری ہوندا ایس ویری وی رخسانہ اُچھے طور اُتے اپنے سوہریاں توں شیخوپورے پہنچ گئی۔ اسیں ارشد دیاں ساریاں دلیلاں پاسے رکھ کے رشتہ گوجرانوالے دی اوس گڑی نال پکا کروادتا، جس دا ذکر کئے دناں توں چل رہیا سی۔ میرے بچیاں نے اک شرط ارشد اگے رکھ دتی، انکل شادی ساڈے پیہراں توں بعد ہوئے گی جو اوس نے جھٹ منظور کر لئی۔

بچیاں دے پیہر ختم ہو گئے، شادی دا انتظار کر دیاں مٹھیاں مٹھیاں یاداں شروع ہو گئیاں، اچانک اسمان وِچ دل دہلا دین والے بدل گر جے، گجھ اجیہیاں دُکھ اٹیک گھٹناواں

واپریاں، دونوں دیشاں دے سبندھاں وِچ بے حد گوتن آ گئی۔ سمجھو تہ ایکسپریس ٹرین بند ہو گئی۔
 دو نے دیشاں دے جہاز آؤ نے جانے بند ہو گئے، سرحد اُتے فوجاں لگ گئیاں، خبراں آ
 رہیاں سن، کسے وی دن لڑائی چھڑ سکدی سی۔ ایس جکوتکی وِچ کافی سماں لنگھ گیا، گوجرانوالے توں
 لڑکی دے مامیاں دے سنیے آؤن لگ پئے، ویہ دی تاریخ مٹھی جائے۔ پر ارشد وِک دا اکوہٹھ
 سی، بھارت پاکستان دے سبندھ ذرا ٹھیک ہون دیو، میرے اصلی پروہنے اودھروں آؤ نے ہن۔
 گڑی والیاں واسطے بڑی مصیبت سی، پتہ نہیں حالات سُدھرن وِچ کنا سماں لگے، کیہ اپنی دیر ڈولی
 گھروں نہیں اٹھ سکے گی؟

پھیر اعلان ہو یا فوجاں واپس ہٹ رہیاں ہن۔ فوجاں واپس ہٹیاں شروع ہو
 گئیاں۔ ارشد وِک دے ویہ دی تاریخ 14 فروری 2003 مٹھ دتی گئی۔ سانوں ٹیلیفون آیا شادی
 وِچ سارا پروار پھنچو، ارشد کہہ رہیا سی، میرے تاں نانکے داد کے سارا گجھ تئیں ہی ہو، گجھ دن
 پہلاں آ جانا، بھابی اُتے رخسانہ ویہ دا کپڑا آتے ٹوب گہنا اپنی پسند دا خرید لین گے۔ باقی میں
 گر بچن گل اُتے رتند رنگھ بھنڈرنوں سُنہیا کر رہیاواں۔“ میرے کول ہاں کہن توں بغیر کوئی چارہ
 نہیں سی، جے میں مجبوری دسد، خبرے ارشد شادی اگے پاؤن لئی ضد کردا، نوبت رشتہ من تیک آ
 جاندی۔ میں گل دیپ ناز، اوہناں نال ویزے بارے صلاح مشورہ کیتا، پر کوئی جگاڑ نہیں بن رہیا
 سی۔ ساڈے کول صبر دا گھٹ بھرن توں بغیر ہو کوئی چارہ نہیں سی۔ سویرے شام جدوں وی پروار
 اکٹھا بیٹھا، ارشد دے ویہ دی گل چھڑ پندی، اک دم ساریاں دے چہرے اُداس ہو جاندے۔
 تیرھاں فروری سویرے سویرے شیخوپورے ٹیلیفون ملا یا، ٹیلیفون سُن کے ارشد اک دم کھڑ پیا،
 اوہ سمجھ رہیا سی ویزے مل گئے ہوں گے اُتے میں پہنچن دی اطلاع کر رہیاں۔ پہلاں عید
 مبارک کیہا اُتے پھیر ویزیاں دی مجبوری دی۔ ارشد دے اندروں اک ٹھنڈا ہوا کانکلیا، خبرے شو
 نالوں وی ودھ سپت۔


اینا سر دھراں میں ہو کا،

ٹٹ جان میرے بیڑے وے

اوس دے مونہوں اک دم نکلیا ”ایہہ تاں پھیر کوئی مزہ نہ آیا۔“ ایس توں اگے نہ
 میرے وِچ بولن دی کوئی ہمت سی نہ اوس وِچ۔ بس ٹیلیفون بند کر دتا۔ رات پین اُتے مینوں نیندر

نہیں آرہی سی۔ ساری رات جاگو میٹی وچ نکل گئی۔ میں سوچ رہیساں، عاصمہ جہانگیری نوں
 پاکستان وچ بھارت دا ایجنٹ کیہا جاندا اے، اوہ دوہاں دیشاں دی دوستی دی وکالت کردی ہے، پر
 ورلڈ پنجابی کانفرنس وچ بھارت سرکار نے اوس نوں دلی داویزا نہیں دتا۔ ایدھر اسیں لوک دوہاں
 دیشاں دی دوستی دے مدعی ہاں، پر مینوں ویزا نہیں مل سکيا۔ میں سوچ رہیساں جو لوک دوہاں
 پاسیں محبتاں ودھاؤن دی گل کردے ہن، اوہناں واسطے سارے رستے بند ہن، جو لوکیں
 حالت وگاڑن وچ رچی رکھدے ہن، اوہ کسے نہ کسے رستے داخل ہواں جاندا ہن۔
 دل بھریا ہویا ہے، ہارمونیم والے بھائی نے آج پھیر سُر اا اُتے انگلاں رکھ کے اپنی
 گل دہرائی۔

’بہت پیار نہ کریں،
 نہیں تے رُل جائیں گا
 اتھے رُل موئے لکھاں،
 اکھاں چار نہ کریں
 توں وی رُل جائیں گا‘



خالی

موئے تے وچھڑے کون میلے

خالی

کتھا اک چوری دی

امرتا شیر گل، پر گل داندھ کتھوں بنھاں!

ایہہ اوکڑ اوڈوں وی پیش آئی سی جدوں میں امرتا شیر گل بارے کتاب لکھن لگا ساں..... کتاب لکھی وی گئی، چھپ وی گئی، کراچی تے لہور وچ اوس بارے مکھ وکھالی دے فنکشن وی ہو گئے پر گل داندھ نہن والی اوکڑ ساری حیاتی، میرے لکھن دی سبھتوں وڈی اوکڑ بنی رہی اے۔ اک ہو ر اوکڑ وی ہے، جیہڑی مینوں کئی واری لکھن توں ہلک دیندی رہی اے۔ اوہ ہے اپنے بارے لکھنا۔ اک واری میں اک لکھاری ججن نوں پچھیا، اپنے بارے کیویں لکھیے۔

”اپنے بارے؟“

”آہو، سمجھو، ہڈ بیتی کیویں لکھیے۔ گل داندھ کتھوں بنھیے؟“

”اپنے بارے لکھن دی بہت پیڑ اٹھے تاں اپنے وجود دا اک ٹوٹا پھڑٹو، پر ہووے سچی مچی وڈو ددا ٹوٹا، ہر واقشی تاں وجود دا ٹوٹا نہیں ہوندی نا، بس اوس بارے لکھن لگ پوو، تہا نوں پتہ وی نہ چلسی تے تئیں اپنے بارے لکھی جا رہے ہو۔“

میں آکھیا، ”میرے وجود دے اُن گنت ٹوٹے نیں، اک اوہناں وچوں امرتا شیر گل وی ہے، بھاویں میرے جمن توں چار ورھے پہلوں اوہ ایس جگ توں مونہہ موڑ گئی سی۔“

میرے چوکھے پڑھے لکھے ججن نیں ہٹ ہٹ میرے ول ویکھدیاں آکھیا:

”پرایہہ امرتا شیر گل ہے کون سی؟ میں تاں امرتا پریتیم داسنیا اے۔“

”آہواو ہو سمجھ لے، اوڈوں اوہاناں امرتا شیر گل ہونداسی۔“

تے میں اپنے ججن نوں سنکھیپ وچ امرتا شیر گل دی کہانی سنائی:

”سکھ پیو تے ہنگیرین ماں دی اولاد، ہنگری دے شہر بوڈاپسٹ وچ، 1913 وچ جنم
ہویا۔ پہلی تے دوجی جگت لام اندرو چری تے شوگمار دے آکھے موجد 1941 وچ جو بن رتے
مر گئی۔“

”پراہندے وچ توں کتھوں آ گیا۔“ میرے جتن اپنی جاچے ڈھیر سیانا سوال کیتا۔
”میں پہلی واری اوہ داناں زمر د ملک دی اک نظم وچ پڑھیا سی۔ تینوں پتہ اے، اوہ
آپ وی جو بن رتے مریا سی“.....

بس اوہ ناں میرے وجود دا انگ سنگ بن گیا۔ ہُن جی کرے اوہ دیاں پینٹنگز ویکھن
نوں پرکتوں سرائے لہے۔ اک دن لاہور میوزیم گیا، کجھ پینٹنگز دے کارڈ خریدن لئی۔ اک کارڈ نے
میںوں اتھے ہی پھر گھتا۔ ایہہ امرتا شیرگل دی پینٹنگ سی۔ Veena Player تصویر وچ اک ہور
زنانی ڈاڈھے چاء نال وینا سنگیت سُن رہی اے۔ میں کٹھے پنجاہ کارڈ خرید لئے تے اوس سال ہر
دوست نوں نوس ورھے دے کارڈ وجھوں گھلے۔ دوجے دن لاہور میوزیم گیا تاں جے امرتا شیر
گل دی بنائی ہوئی اوس پینٹنگ نوں اوہ دے اصلی روپ وچ ویکھ سکاں..... میں کناچر اوہ پینٹنگ
پڑھدا رہیا، اوہنوں اپنے اندر اتار دارہیا۔ جیویں امرتا پریتیم دیاں کجھ نظمیں نوں اپنے ساہواں دا
سُر کیتا سی۔ ہُن جدوں جی گھبراوے جا کے پینٹنگ ویکھ آواں۔ امرتا دے نال نال میںوں اوہ وینا
وجاوں والی تے اوہ دے نال وینا سُنن والی دوویں کجھ اپنیاں اپنیاں جاپن لگ پیاں۔ اک دن
میوزیم گیا تے اوہ پینٹنگ اتھے نہیں سی۔ کئی واری فیر گیا پر زراش ہو کے مڑیا۔ اک واری اتھے
اک بندے نال گل ہوئی، پتہ لکھا، امرتا شیرگل ساڈی نہیں سی۔ اوہنوں قومی عجائب گھر وچ سجا
کے کیوں رکھیے۔ اوہ او دھر لے پنجاہ دی سی۔ مچھیا پنڈ دی، جیہڑا امرتا دے لاگے ہے۔ میں
ریڈیو پاکستان جاندیاں ایپریس روڈ توں کئی وار مچھیا ہال اگوں لنگھیا سی۔ ایپریس روڈ داناں
تے کجھ اوکھا جیہا عربی ناں ہو گیا سی پر مچھیا ہال نوں اے لوکی مچھیا ہال ای کہندے سن۔ جیویں
میں آپ آریا نگر دی اک گلی ارجن سٹریٹ وچ رہندا ساں۔ کجھ چرپا کے میں فیر میوزیم گیا، امرتا
دی پینٹنگ کسے سٹور وچ ٹوڑتی گئی سی۔ اک دن شاہ حسین کالج وچ زمر د ملک نال ایہو گل
سنا جی کیتی تاں اوہ دیاں اکھاں جیویں روہ نال بھر گئیاں۔ میں امرتا شیرگل بارے اوہ دی نظم دا
عاشق ساں، فیر مان بھریا ملک، نمہی گوجیہی واج وچ بولیا:

”احمد سلیم! ساڈے کول امرتا شیر گل دی اک ہور پینٹنگ وی ہے، اک پورٹریٹ،
توں زبیدہ آغانوں کدی ملیا ایس؟“ نہ وچ میں سر ہلایا تے زمر د آکھن لگا، ”ساڈی بہت وڈی
آرٹسٹ اے، پنڈی وچ کنٹمپری آرٹ گیلری چلاوندی اے۔ اوہدی گیلری وچ ایہہ پینٹنگ لگی
ہوئی اے۔“

ہُن مینوں پنڈی جان وی اُتال سی، پر اوہوں ای پُور بی بنگال اندر اک وڈا گھلو گھارا
شروع ہو گیا۔ مینوں جاپیا او تھے، بنگال وچ شاہ حسین دے ماڈھو قتل ہو رہے نیں۔ میں شاعر حسین
نوں گلاں کر دیاں لکھیا:

اُٹھ اولال حسینا! اُٹھ لالن دے یار
وچ بنگالے تیرے ماڈھو مردے پئے نیں
لالن دے گیتاں تے گولے ورھدے پئے نیں
اج مُنڈرل تے ٹیگور دے گیت سُنہرے
ڈاڈھے ظلم تے دکھ تیسے جردے پئے نیں
وچ بنگالے، تیرا ماڈھو کھم کلا
اوہنوں چھپی پالے، اوہدا پھڑلے پلا
تیریاں گیتاں دے ویری رنج اوہدے اُتے
لے کے گولیاں دے ہڑھ، چڑھدے پئے نیں
دُ لے بھٹی وچ بنگالے اُٹھ کھلوتے
اُٹھ او شاعر، کتھے گئی بندوق او تیری
میریا شاعر، لمیاں کالیاں راتاں آئیاں
ماڈھو بن مڑ لمیاں کالیاں راتاں آئیاں
اُٹھ اولال حسینا، اُٹھ لالن دے یار!

ایہہ ماڈھو لال دادر باری تے مارچ دی اخیر اتوار۔ اوہ دن ایہہ نظم میں زمر د
ملک نال سانجھی کیتی۔ اوہ ڈھیر چر گجھ نہ بول سکیا، فیر ہو لی جیہی آکھن لگا، ”ایس حالت وچ تینوں
میری گل بڑی absurd جیہی لکسی پر پتہ نہیں کیوں چیتے آ گئی اے۔ امرتا شیر گل آرٹ وچ بنگال

سکول دی ات ورو دھی سی جد کہ ساڈے عبدالرحمان چغتائی ہوری بنگال سکول فیم پتر کارسن.....“
ایہدے نال ای ایہہ کنا وڈا دکھانت سی کہ 25 تے 26 مارچ دی وچکار لی رات
ڈھا کہ یونیورسٹی وچ جدوں فوج نے کریک ڈاون کیتا تاں سبھ توں پہلاں مارے جاوے والے
لوکاں چوں ڈھا کہ یونیورسٹی دی کینٹین داما لک ماڈھوتے اوہدے گھر دے چار پنچ جی سن۔ ایہہ
ماڈھولال حسین دی کرامت سی یاں ایس نمائی جیہی نظم دی؟

ایہہ گل سچی مچی بلیک کامیڈی ورگی جاپی سی۔ اوس راتیں میں ہور نظماں لکھیاں.....
اوہناں دا اکو سوناواں سی سدا جیوے بنگلہ دلش۔ اوہناں چوں اک نظم میں اپنی پارٹی دے
رسالے نوں چھپن لئی گھل دتی۔ اوہ اردو ترجمے دے نال چھپ گئی، میرے وارنٹ نکل آئے۔
میں سول لائن تھانے آپ جا کے گرفتاری دتی۔ بلیک کامیڈی جیہی اک ہور گل: میں پنڈی
جان دے جان دے تھانے اپڑ گیا سی۔ تھانیدار حلیمی نال پیش آیا تے آکھن لگا، ”توں آپ گرفتاری
دے کے اپنی ادھی سزا گھٹائی اے“۔ اوہدی حلیمی توں جذباتی جیہا ہو کے میں کچھیا، ”ایس ایچ او
صاحب! تیں امرتا شیر گل نوں جان دے او؟“

پرایس توں وی وڈی بلیک کامیڈی میری بھین دے گھر واپری، میری بھنیویں یا سمین
اپنی ماں نوں کچھن لگی:

”مے نوں کیوں پھڑیا نیں“

”تیرے مے نے یچی خان دے خلاف اک نظم لکھی سی۔ ایس لئی“۔

”پرایہدے وچ پھرن والی کیہڑی گل سی، اوہ مے دے خلاف نظم لکھ لیندا“۔

ایہہ جون 1971 سی مینوں فوجی عدالت توں قید تے جرمانے توں وکھ پنچ کوڑیاں دی
سزاوی ہوئی۔ جدوں جنوری 1972 وچ سزاواں ختم کر کے میری رہائی ہوئی تاں باہر سبھ گجھ بدلایا
بدلیا سی۔ میرے بچن تے انقلابی دوست ڈاکٹر عزیز الحق، میرے مان وچ اک اکھ کیتا پر کتاب دا
پناہر تن دی دیر سی کہ اک گولی اوہدے وجود چوں پار ہو گئی۔ شوگمار دیاں سطران دھران دیاں میں
عزیز الحق بارے اک نظم لکھی:

”اساں تاں جو بن رتے مرنا“

اُستاد دامن کول گیا، اوہناں اُٹھ کے چھپی پالئی، ”کو میرا ہیرو آ گیا“۔ میں کاہدا ہیرو

ساں۔ ہیرو تے شہید تاں بنگال وچ سن۔ گجھ چر مگروں فیض صاحب کول گیا۔ گلاں گلاں وچ امر تاثیر گل داف کر آ گیا۔ آ کھن لگے۔

”بھئی اسیں تے آپ اوہدے مداح ہاں۔ اپنے ویلے دی بہت وڈی جینیس سی۔“
 میں آ کھیا ”زبیدہ آغا کول اوہدی اک پینٹنگ ہے۔ پنڈی اوہدی گیلری وچ لگی ہوئی اے۔“
 پنڈی دے فیکرتوں اوہناں نوں جیویں گجھ چیتے آ گیا۔ آ کھن لگے۔
 ”بھئی..... بلوچستان صوبے وچ تیری پارٹی دی سرکار بن گئی اے۔ گجھ چر لئی کوئے
 توں ہوا، گجھ آرام کر لے، فیر اسلام آباد وچ تیری لوڑ اے۔“

جدوں کجھ مہینے پا کے میں اسلام آباد گیا تاں فیض صاحب نیشنل کونسل آف آرٹس
 (PNCA) دے چیئرمین بن چکے سن۔ مینوں اوہناں لوک ورثے دے بھاگ وچ، پنجاب دا
 لوک ورثہ کٹھا کرن داکم دے دتا۔ ایہہ 1972 دا اخیر یاں 1973 دامنڈھ سی۔ میں خوش ساں۔
 اک وار فیر فیض دے اپنے نیڑے ہون دا بھاگ جا گیا سی۔ میں ایس گلوں وی خوش ساں کہ کسے
 ویلے وی پنڈی جا کے زبیدہ آغا دی گیلری وچ امر تاثیر گل دا بنایا پورٹریٹ ویکھ سکد اسوں۔ پر
 اودوں ای پتہ چلیا جے زبیدہ آغا دی گیلری پیک ہو گئی اے تے خبراں موجب ساریاں پینٹنگز
 PNCA دی نیشنل آرٹ گیلری وچ لگ جاسن۔ پتہ نہیں ایہہ معاملہ کیوں لمک گیا تے تصویراں
 کتے 1978 وچ جا کے نیشنل گیلری دا حصہ بنیاں۔

میں 1975ء وچ اوہوں جا چکیا ساں۔ اصل وچ فیض صاحب نوں اوہوں دھکا دین
 دیاں سازشاں شروع ہو گیا سن۔ اک دن اوہ نیشنل کونسل دی دکان نوں ٹھوکر مار کے لہور آ گئے۔
 گجھ چر مگروں میری واری وی آ گئی۔ لوک ورثے دے دھکے شاہاں مینوں وی دھکا دے دتا۔ فیر
 سندھ تے کراچی دی لمی یا ترا..... کدی کدی پنجاب آونا تاں اُستاد دامن ٹوں، احمد راہی ٹوں،
 ڈاکٹر نذیر ہورائیں نوں مل لینا.....۔ نجم حسین سید ہورائیں دے دربار حاضری دے لینی، جے سببیں
 مارچ دی اخیر لی اتوار آ جاوے تاں ماڈھوال حسین دے دربار تے دھمال پالینی! انج پنجابوں دُور
 ہو کے وی پنجاب نال جُورے رہن دے بھاگ لگے ہوئے سن۔ اودھر لے پنجابوں امرتا پریم
 ہوری مُرد مُرد لکھ رہے سن۔

”بھئی! اک واری دلی دا پھیرا مار لے بابا فرید تے نظام الدین اولیاء دا اوہلا لے

کے آجا۔

بابا فرید تے نظام الدین اولیاء دی سک سانجھ دا پتہ سی پر خورے کیوں انج کرن نوں
جی نہ منیا۔ اخیر اک سبب بن ہی گیا..... پورے پنجاہ دناں دی، امرتسر، جالندھر، دلی تے بمبئی دی
لمی یا ترا.....

ایہہ ساری گل میں تفصیل نال اپنی کتاب 'جھوک را بھن دی' وچ لکھ چکیا
واں..... اتھے گل سانجھی کرنی اے امرتا شیر گل دی۔

میں جے دن دلی رہیا..... روز نیشنل گیلری آف مارڈن آرٹس پہنچ جاندا..... امرتا
شیر گل دیاں پینٹنگز دے دو درجن پرنٹس تاں میں پہلے دن ہی خرید لئے سن۔ پر روز او تھے جان دا
اک بھیت سی۔ میں گھنٹیاں بدھی اوس کمرے وچوں نہ نکلا ایتھے امرتا دیاں سوتوں ودھ پینٹنگز
پیاں سن۔ میں اوہناں نوں ویکھ ویکھ نہال ہوندا رہندا پر مینوں اک مان وی ہوندا کہ اتھے امرتا
دیاں دو پینٹنگز گھٹ نیں، جیہڑیاں ساڈے کول نیں۔ اسیں لہوریاں اسلام آباد وچ ساہ لیندے
آں تاں آسے پاسے کہتے امرتا دی مہک کھلری ہوندی اے۔

اک دن دلی وچ ای مینوں اک بجن ملے۔ ناں اوہناں دا رہن دیو۔ میرا عشق
دیکھو نیں تاں مینوں اک دن اپنے گھر سد لیا اوہناں کول امرتا شیر گل بارے پُرانیاں کترناں،
کتاباں تے کنا گجھ ہو رسی۔ اوہناں وچ اک خاص چیز 'مارگ' دا امرتا شیر گل و شیش انک وی
سی۔ میرا جی کرے، سارا گجھ ہونجھ کے لے جاواں اوہ میرا چاہ ویکھدے تے مینوں ہو، ہو،
ترفاوندے رہے۔ اخیر اوہناں چیزاں دے بدلے اوہناں میرا سارا بوجھا خالی کروالیا۔ میں
واپس پاکستان آؤن والا ساں، ایس لئی مینوں بوجھے دے خالی ہون دی بھتی پرواہ نہیں سی پر میں
پاکستان ڈھیر دولتاں سمیٹ کے آرہیا ساں ایس لئی انتاں دا خوش ساں۔

دلی وچ مینوں اک ہو ر ملاقات وی یاد آوندی اے۔ نیشنل گیلری آف مارڈن آرٹس
وچ اک دن امرتا شیر گل دے بھنیویں ووان سندر م نال ملاقات ہو گئی۔ اوہناں نال اوہناں دی
بیگم گیتا کپور وی سن۔ اوہ دوویں جی بڑے خش وی ہوئے تے حیران وی کہ اک پاکستانی
لکھاری، امرتا شیر گل تے اوہ دے کم نال ایناں موہ رکھدا اے۔ ایہو گل ووان سندر م ہوراں چار
ورھے مگروں میری کتاب Amrita Sher Gil: A Personal View (امرتا شیر گل: اک

نجی درستی کون) دے فلیپ وچ وی لکھی سی۔ میں آپ اے تائیں ایس گل دا کارن نہیں لھ سکیا کہ ایہہ کتاب میں کیوں تے کیوں لکھی۔ نہ میں چترکار، نہ چتر کلا دا پارکھ نہ چتر کلا دا پترکار۔

اگست 1983ء وچ میں پاکستان پریتا تاں سارا دیس اک سیک جیسے نال بھریا ہویا

سی۔ ضیاء ڈکٹیٹر شپ نوں ہٹاؤن لئی سیاسی پارٹیاں۔ Movement for Revival of Democracy (MRD) دے نال پیٹھ سڑکاں اُتے نکل آئیاں سن۔ پورے پاکستان وچ سندھ دے لوکی ساریاں توں اگے سن۔ کراچی وچ عورتاں دیاں سنسٹھاواں، لکھاری، اداکار، پترکار، سٹریٹ تھیٹر دے کامے، چترکار تے دوجے سوجھوان اک مُٹھ ہو کے ڈکٹیٹر شپ نوں ڈھان دا جتن کر رہے سن۔ اوہناں تپدے بلدے دناں وچ، میرے اندر اک ہوراگ وی بل رہی سی۔ امرتا شیرگل بارے کتاب لکھنی اے۔ میں بمبئی وچ سمیتا پاٹل، دپتی نول، گلزار، ساگر سرحدی تے تھیٹر، سینما نال جڑے کئے ہی لوکاں نوں ملیا ساں۔ جی کرداسی، اوہناں ملاقاتاں باتاں دا حال وی لکھاں۔ میں مزدوراں دے اک اُرڈو مہینہ وار پرچے دا ایڈیٹر ساں تے اپوزیشن دے اک اخبار لئی کالم وی لکھیا کرداساں۔ اک دن کسے کم پاروں انگریزی ڈیلی ڈان دے دفتر گیا۔ اوہتھے اک بی بی سنیہ حسین نال ملاقات ہوئی تے جیویں میں کیلیا جیہا گیا۔ جی کرے، سبھ کچھ چھڈ کے بس روز او سے نوں ملیا کراں۔ اک دوست نال گل کیتی، کہن لگا:

”توں اوہدے لئی ہندوستان دیاں یاداں، ملاقاتاں کیوں نہیں لکھدا، انج روز مل لیا

کریں گا۔“

”پریمینوں انگریزی لکھنی نہیں آوندی۔“

”اوہ تے تینوں سکھنی پسی۔“

”پرائی چھیتی کیوں سکھاں۔“

”دوچار انٹرویو کسے کولوں ترجمہ کرا لے، ہولی ہولی آپ وی لکھن لگ جاسیں۔“

کراچی وچ میری اک چنگی دوست سی تحریک نسواں دی آگ، کلاسیکی ڈانس، ودھیا

پینٹر تے ٹی وی اداکارہ شیما کرمانی۔ میں اوہدے کول گیا تے اپنی لوڑ بیان کیتی پر اصلی گل نہ دسی۔

آکھن لگی۔ سمیتا پاٹل دا انٹرویو میں ترجمہ کردیاں گی۔ پر کیہ تُوں سچی مچی سمیتا نوں مل کے آیا

ایں، میں ٹیکسٹ دے نال ٹیپ وی اوہنوں دے آیا۔ اوہدے نال امرتا شیرگل دی گل وی سانجھی

کیتی۔ دو چار دناں مگروں شیمانے فون کیتا کہ ترجمہ ہو گیا اے۔ میں اوہنوں آکھیا:
 ”ڈان دے ایونگ اخبار سٹار دی ایڈیٹر سنیہ نال تیری چنگی واقعی اے۔ اوہنوں
 سفارش دا اک فون کر دے“۔ اوہنے میرے سامنے فون ملایا۔ سنیہ نے اگوں آکھیا کہ اوہ انٹرویو
 پڑھ کے چھاپن دا فیصلہ کر لے گی۔

میں انٹرویو لے کے گیا۔ سنیہ کا غذاں وچ رُجھی ہوئی سی۔ مینوں ویکھ کے رُکھے جیہے
 سبھا نال آکھن لگی:

”انٹرویو دے جاؤ، میں پڑھ کے دساں گی“۔ سُن کے میرا دل بُجھ جیہا گیا۔ تن چار
 دن لنگھے ہون گے کہ مینوں دو تن دوستاں دے فون آئے۔ سمیتا دا انٹرویو چھپ گیا سی۔ میں بچ
 کے اخبار لیا۔ ویکلی ایڈیشن دے پہلے صفحے اُتے چھپیا ہو یا سی، رنگین تصویراں سن۔ میں اخبار
 دے دفتر بھجیا۔ سنیہ کم کر رہی سی۔ مینوں ویکھ دیاں ہی کھڑے متھے پٹھن لئی آکھیا۔

”تہانوں ایڈے ودھیا انٹرویو لئی سفارش دی کیہ لوڑ سی..... جیہڑیاں لکھتاں بارے
 مینوں فون آندالے اوہ میں ڈسٹ بن وچ سٹ دیندی آں.....!“

میں ہٹ ہٹ اوہدے ول ویکھ رہیا ساں۔ کچھ پل رُک کے آکھن لگی:
 ”اوس دن میری لیڈ سٹوری کھنچ گئی، میں مجبوراً تہاڈا انٹرویو پڑھن لگ پئی۔ من دے
 کیہڑے ویک چوں سمیتا نال گلاں کیتیاں۔“

ہُن میں حوصلہ کر کے آکھیا ”ایہہ تاں بس ایویں ای سی..... اصل وچ تے میں امرتا
 شیر گل بارے لکھنا اے۔“

میں اُٹھیا تاں اندازہ نہیں سی جے سنیہ نال ورھیاں بدھی کم کرن دا موقع نصیب ہون
 والا اے۔ تے اک لمی تے دُونگھی دوستی مانن دا بھاگ وی۔ میں سنیہ لئی بہت لکھیا پر جدوں امرتا
 شیر گل بارے میرا پہلا لیکھ چھپیا، اخبارنوں بہت فون آئے۔ سنیہ اُچھا میرا شکریہ ادا کیتا۔ سنیہ
 ہُن جتھے وی ہے، رب اوہنوں خوش تے سُنکھی رکھے کیوں جے اوہدی صلاح بناں میں امرتا
 بارے کدی نہ لکھ سکدا۔ اخبارنوں جیہڑے فون آئے، اوہناں وچ اک فون اک بزرگ تے
 ریڈیو (آل انڈیا تے مگروں پاکستان) دے اک ریٹائرڈ افسر سید رشید احمد، ہوراں داسی۔ سید
 رشید احمد دا ذکر بی۔ سی سانیاں نے اپنی ہڈ بیتی وچ چوکھے لفظاں وچ کیتا اے۔ اوہناں رشید

صاحب دانت (Statue) وی گھڑی سی۔ رشید صاحب میرے لئے اپنا سنیہا تے فون نمبر چھڈی سی۔
میں فون کیتا۔ آکھن لگے۔

”بزرگو، امرتا بارے لکھیا جے، ذرا اپنا دیدارتاں کرادیو“۔ (او دوں میں 38 ورھیاں داساں)۔
میں ہس کے آکھیا۔

”چنگا جوانا، کل شامیں تیرے کول آ کے چاہ پیساں“۔

اصل وچ رشید صاحب مینوں اپنے ویلیاں دا، امرتا شیرگل داکوئی پرانا عاشق سمجھ
رہے سن تے ایہہ جانن لئی اُتاو لے ہو رہے سن کہ امرتا نال میری کئی کو گوڑھ سی..... میں اوہناں
دے گھر اپڑ کے اپنے آون دی اطلاع کروائی۔ اوہ آپ چھیتی چھیتی باہر آ گئے۔ مینوں ویکھ کے
اُتاو ل نال کچھیا..... ”احمد سلیم ہو ری نہیں آئے“..... میں چپ.....
”لگدا اے اپنے اسٹنٹ نوں گل دتا نیں“.....

میں اوہناں ول گوہ نال ویکھیا، اگے ودھ کے چھٹی پائی تے ہولی جیہی آکھیا: ”میں
احمد سلیم ای ہاں“۔

اوہناں کنبدیاں انگلاں نال میرے موڈھے تھپتھپائے تے اپنیاں باہواں وچ لے کے
اندروں ودھے۔ سوہنے موندھے والا اک بڈھا جوان، پتلے جُٹے پر ہتھیاں دی تگڑی پکڑ والا رشید احمد
مینوں سدھا اپنے ڈرائینگ روم وچ لے گیا۔ اندر پہنچ کے جاپیا، میں اج دا خاص پروہنا ساں۔

اوس دن دی ملاقات تے اوہناں نال ہونیاں ہو رہیاں تھیں ملاقاتاں توں پتہ چلیا کہ اوہ امرتا
شیرگل دے بہت ڈونگھے دوست رہے سن، خاص کر امرتا دے اخیر لے دناں وچ۔ اوہناں کول
یاداں دے نال نال امرتا دے خطاں دا خزانہ وی سی۔ دوجی یاں تیجی ملاقات وچ اوہناں اوہ خط
میرے سامنے کھول کے رکھ دتے۔ اوہ شام میں امرتا دے خطاں نال بتائی۔ رشید صاحب مینوں
آگیا دے دتی سی کہ جے میں چاہواں تے اوہناں خطاں وچوں گجھ سٹراں نقل کر سکدا اواں، پر
پورے پورے خط نہیں۔ ہُن میں امرتا شیرگل بارے کتاب لکھن دامن بنا چکیا ساں۔ مینوں
خاص دلچسپی ایس گل نال سی کہ امرتا دی موت دا اصل کارن کیہ سی۔ موت توں کجھ چر پہلاں
اوہدی ذہنی حالت دا پتہ لانا ہووے تاں رشید صاحب دے ناں امرتا دے ایہہ خط ای نیں
جیہڑے اوہناں دناں دی کہانی اُتوں پردہ چکدے نیں۔ میں کنا ای چر اوہناں خطاں وچوں

پُرانے دناں دی مہک بھالدار ہیا۔

ہُن میں روز رشید صاحب کول جاندا۔ امرتا شیر گل بارے کوئی گل چھیڑ دیندا۔ اوہ دھیان نال میرا سوال سُندے، کجھ پل سوچدے فیر ہولی ہولی، دھیرج نال بولنا شروع کر دے۔ مینوں اوہناں دی گل سنن اُتے آپ وی چوکھا دھیان دینا پیندا کیوں جے اوہ جیویں اپنے آپ نال گلاں کر دے جاپدے۔ میرے وجود نوں بھُل کے شاید امرتا شیر گل دا کجھ سا بچھا کر دے جاپدے، بولدیاں بولدیاں اوہ اُٹھدے، خطاں دا تھیلا چُک لیا ندے، کسے خط وجھوں کجھ سٹراں پڑھ کے سناوندے تے فیر مہان اکلا پے وچ ڈُب جاندا۔

ساڈی بھتی گل بات 1937ء تے 1941ء دے لہور بارے ہوندى۔ جدوں امرتا لہور وچ آ کے رہی سی۔ 21 نومبر 1937 امرتا شیر گل لئی اک بہت وڈا دن سی جدوں فلیٹیز ہوٹل دے بال روم وچ اوہدیاں پینٹنگز دی نمائش ہوئی۔ اوس دن لہور دا کیپڑا آرٹسٹ، لکھاری، شاعر، سوجھوان سی، جیہڑا اوہ تھے نہ اپڑیا ہووے۔ امرتا ہفتہ کو پہلاں لہور اپڑی سی تے اوہدی ہوند نے لہور نوں جیویں اک ہور جیہا چائن بخش دتا سی۔ (دس ورہیاں مگروں ایہہ چائن لہودے ہنیریاں وچ ڈُب جانا سی) نمائش مک گئی پر اوہدے اوہ تھے ہون دارولانہ مُکلیا۔ اج اوہ موشن پکچرز دے اکٹھ وچ انڈین فلماں بارے لیکچر دے رہی اے۔ کل اوہ پنجاب سٹوڈنٹس یونین دے جلسے وچ نوجواناں نوں بغاوت دی پریرنا دے رہی اے۔ فیر اک دن اوہ امرتا پڑ جاندی اے تے دُوجے دن ہڑپے، جتھے اوہ پنجاب دی مڈھ قدیم سبھیتا دے نشان ویکھدی اے۔ فیر اک دن اوہ پیسے کماون لئی نواب مظفر علی قزلباش دا پورٹریٹ بنا رہی اے (ایس پورٹریٹ دا اُجے تائیں کھوج نہیں لگ سکيا)۔ تے دُوجے دیہاڑے اوہ شکنتلا کپور نوں ساہمنے بٹھا کے اوہنوں حُسن وند رہی اے۔ کیہ مطلب؟ جی سچی مچی، عام جیہی شکل صورت تے کو جھے ہتھاں والی گڑی امرتا نوں آکھدی اے میرے ہتھ سوہنے کر کے بنادے، اُنکلاں پتلیاں پتلیاں ہون۔ پیسیاں دی مجبوری اے۔ امرتا سوہنا مکھڑا تے سوہنیاں پتلیاں پتلیاں اُنکلاں بنا دیندی اے پر اوہدے اُتے اپنے دستخط نہیں کر دی۔ ایہہ اک آرٹسٹ دی اپنی آنکھ اے جے اوہ اپنیاں نقلی تصویراں تے دستخط نہ کرے۔

اک تھاویں پکا سودی اک گل پڑھی سی۔ اک دن نیویارک توں اک امریکی آرٹ ڈیلر اوہدے کول آیا تاں آکھوس ”میں تیری اک پینٹنگ دو لکھ ڈالرز وچ خریدی اے، ویکھ کیہ

ایہہ اصلی اے؟“ بے دھیانی جیہی نال پکاسو نے پینٹنگ اُتے نظر ماری تے آکھیا، ”ایہہ نقلی اے۔“ کجھ دناں مگروں اوہ ڈیلر فیر آیا تے آکھن لگا، ”تیری ایہہ تصویر میں چار لکھ ڈالرز وچ خریدی اے کیہ ایہہ اصلی اے؟“۔ پکاسو آکھیا، ”نہیں، ایہہ اصلی تصویر نہیں ہے۔“ تیجی واری اوہو ڈیلر اک ہوو پینٹنگ دے نال آیا تے اوہو سوال پچھیا ”ایہہ وی نقلی اے۔“ پکاسو جواب دتا..... ”پرا ایہہ تاں میں تیرے کولوں مل لیتی سی..... کیہ تُوں نقلی تصویراں بناوند ایں؟“..... پکاسو جھٹ آکھیا، ”ہاں میں بہتیاں تصویراں نقلی ہی بناوند اہاں۔“

پر امرتا شیر گل نے دو چار پورٹریٹ ہی نقلی بنائے ہوسن۔ شکنتلا کپور دے پورٹریٹ سنے۔ ایس پورٹریٹ دی قسمت دے بڑے اُتار چڑھاؤ رہے نیں۔ 1947ء دے گھلو گھارے مگروں ایہہ اک کباڑیئے کول اپڑ گئی۔ جتھے اوہ پتہ نہیں کنا چر کباڑ خانے دا حصہ بنی رہی۔ 1950ء دے دہاکے وچ لکھاری اشفاق احمد دی نظرے چڑھ گئی۔ اوہناں تن رُپیاں وچ لیہنوں خرید لیا۔ اشفاق احمد کولوں آرٹسٹ زبیدہ آغا لے کے پنڈی اپنی آرٹ گیلری وچ لالئی، جیہڑی اوہ اوتھے کئی ورھے لگی رہی۔ آرٹ گیلری دا کوٹھپیا گیا تاں ایہہ پینٹنگ نیشنل کونسل آف آرٹس کول آ گئی۔ کونسل نے لیہنوں اپنی نیشنل آرٹ گیلری دا حصہ بنالیا جتھے ایہہ کئی ورھے لگی رہی..... 1981ء وچ امرتا دے بایوگرافر اقبال سنگھ پاکستان آئے۔ اوہ امرتا شیر گل دی

جیونی لکھ رہے سن۔ سید رشید احمد نوں وی ملے۔ اوہناں وچ ڈاڈھیاں گُوڑھیاں گلاں ہونیاں پر اک گل جیہڑی رشید احمد ہوراں نوں چنگی نہیں سی لگی اوہی اقبال سنگھ دی ایرکھا۔ رشید احمد کول امرتا دے پُرانے خط پڑھ کے تے اوہناں خطاں وچ امرتا دی رشید نال نیڑتا ویکھ کے اوہ خوش نہیں سی ہوئے۔ اقبال سنگھ امرتا بارے جیہڑی کتاب لکھی اوہ دے وچ اوہناں تفصیل نال دسیا کہ امرتا اچانک ہیضے دا شکار ہو کے مر گئی سی جد کہ ایہہ خط گجھ ہوو کہانی سناوندے سن۔ خطاں وچ اوہ مُڑ مُڑ کے کسے انجانے ڈر بھے دی گل کردی اے، کجھ بھیت دسن نوں اُتاو لی جا پدی اے۔ پر کجھ دسن دا موقع کدی نہیں آوند..... ایہہ خط رشید احمد، اقبال سنگھ اگے رکھ دتے جیویں میرے اگے رکھ دتے سن پر اقبال سنگھ نے اک دوسطراں ہی نقل کیتیاں۔ ایہہ گل سُناندے سُناندے رشید احمد اک اُداسی جیہی نال بھر گئے سن..... اوس شامیں..... میں گھر گیا تاں میں اک نظم لکھی..... امرتا شیر گل بارے تے اگلے دن جا کے اوہناں نوں سُنائی:

ہتھ جو پیار کر دے نہیں
 سکھنے ہتھ
 محبوب دے مکھ نوں چھو ہندے ہتھ
 تے زخمی ہوندے ہتھ
 سپیاں نال گلاں کر دے ہتھ
 تے محنت دے بھار نال چتھے ہوئے ہتھ
 اوہدے ہتھاں دے سنگی ہتھ
 کرامتی ہتھ
 کہانی ہتھ
 کہانی، جیہڑی پُرانے خطاں وچ کتے مرگئی
 تے مرے ہوئے ہتھ
 تے اگست مگروں سیال دے ٹھرے ہوئے ہتھ
 تے جیوندے ہتھ
 تے اک وار فیر مرے ہوئے ہتھ
 تے اخیرِی بھیت دس نوں سہکدے ہتھ
 تے کجھ دے بنا، اُداسے، مُڑ جان دے ہتھ
 تے ہتھ، جیہڑے اخیرِی بھیت نہ سُن سکے
 میں اوہناں ہتھاں اگے جھکیا
 اوہناں چوں کتاب ڈِگ پئی
 فیر سکھنے ہتھ
 ہتھ جو پیار کر دے نہیں

میری نظم سُن کے رشید احمد چوکھا سماں کجھ نہ بولے تے اخیرِی جیہڑی آکھیا:
 ”جے تُوں امرتا نوں ملیا ہوندا“

میں محسوس کر سکتا ہوں، اوہناں خطاں وچ موت دے ڈرٹوں، وچھوڑے تے
اکلاپے ٹوں، اکلاپے دے ہنیرے نوں تے ہنیرے دی اوس سو جھٹوں، اوس شامیں میں اک
ہور کوتا لکھی:

میرے ہتھاں اُتے ہنیرا ڈگیا اے
تے رنگاں دا
موت دے نیل وچ ولھیسے مونہہ ورگا
تے اگست دی سِک جیہا
سِک، جیہڑی سیال دی کالی، برفائی کندھ وچ چُنی گئی
تے ساہ لیندی اے تے رنگاں وچ اے تائیں
ہنیرا ڈگدا ای نہیں
میرے ہتھاں اُتے
اوہدے ہونٹھاں توں
اک نیلے دردوانگ.....

”ایہہ تاں عشق اے“..... نظم سن کے رشید احمد، ہوراں آکھیا.....

اقبال سنگھ اپنے پاکستان دے پھیرے وچ اشفاق احمد نوں وی ملے تے اوہناں کولوں
شکنتلا کپور دے پورٹریٹ دی کہانی سنی..... اقبال سنگھ ایہہ کہانی پوری تفصیل نال امرتا شیرگل
بارے اپنی کتاب وچ لکھی اے۔ اوہ 1981ء وچ پاکستان آئے سن۔

گجھ سماں پا کے جدوں میں اشفاق احمد نوں ملیا تاں اوہناں دسیا کہ اقبال سنگھ امرتا شیر
گل دی اوہ پینٹنگ لجانا چاہوندے سن، جیہڑی اوہناں نوں کباڑیے کولوں لکھی سی۔

ایہہ پینٹنگ کیوں شکنتلا کپور دے گھروں کباڑیے تیک اپڑی، ایس کہانی اُتے اے
تائیں پردہ پیا ہویا اے، جدوں 1987ء وچ امرتا بارے میری کتاب چھپی تاں میں اقبال سنگھ
دے حوالے نال اشفاق احمد دا بیان اپنی کتاب وچ شامل کیتا سی۔ ایہہ 1987ء دی ہی گل اے کہ
شکنتلا کپور جی اپنے پورٹریٹ نوں بھال دے پاکستان آئے۔ اوہناں دی آمد دی کہانی میں دو

لوکاں کولوں سُنی اے۔ اوہناں وچوں اک نیشنل کونسل آف دی آرٹس دے اوس ویلے دے
ڈی۔ جی سن۔ شکنتلا جی دے نال دو تین عورتاں سن۔ اک پاکستانی عورت وی سی..... شکنتلا جی
آکھیا.....

”ایہہ جیہڑی پورٹریٹ تہاڈے کمرے وچ لگی ہوئی اے..... ایہہ میری اے۔“

ڈی۔ جی ہوراں حیران ہو کے اوہناں ول ویکھیا، اک عام جیہی شکل صورت، مدھرا
جیہا قد، بھار اپنڈ اتے موٹے موٹے ہتھ۔ اوہ اے کجھ کہہ وی نہیں سن پائے جدوں شکنتلا جی نے
چیک بک کڈھی، ڈی۔ جی صاحب ول اگے کیتی تے آکھیا.....

”ایہہ بلینک چیک ہے، ایس پورٹریٹ بدلے جی رقم چاہو، بھرتو۔“

ڈی۔ جی صاحب، اوس مان متی بی بی نوں دھیرج نال آکھیا.....

”اپنا چیک اپنے کول رکھو..... ایہہ پورٹریٹ ساڈا مان اے..... امرتا ساڈی وی اوئی
ہی ہے۔ جی تہاڈی۔“

نراش شکنتلا جی او تھوں چپ کر کے ٹر گئے..... سُنیا اے اقبال سنگھ تے شکنتلا جی دیاں
ایہناں کوششاں مگروں ایس پورٹریٹ لئی سرکاری پدھر اُتے وی گل بات ہوئی پر پاکستان اپنی
دولت، ہندوستان دے حوالے کرن لئی تیار نہ ہویا تے ایہہ پینٹنگ پاکستانی آرٹ دا اٹھلا خزانہ
بنی رہی۔

1992ء وچ میں اپنی کتاب دے دُوجے ایڈیشن اُتے کم رہیا ساں جدوں میں اک
اخبار وچ پڑھیا کہ امرتا شیرگل دا بنایا اوہ پورٹریٹ نیشنل آرٹ گیلری چوں غائب (یاں چوری)
ہو گیا اے۔ چنگارولا پے گیا..... پاکستان وچ اپنی طرحاں دی ایہہ پہلی چوری سی۔ اخباراں وچ
کھپ پے گئی..... افواہ اُڈی جے اوہ پورٹریٹ بارڈر کراس کر گیا اے۔ اوس ویلے دے ڈی جی
اُتے دبا پین لگے۔ اوہدی قیمت لکھاں وچ دسی جان لگی..... مینوں دو گلاں دی حیرانی سی۔ اک
تے ایہہ جے امرتا دے دستخطاں بناں وی اوہدا مل لکھاں وچ پے رہیا سی۔ تے دُوجی گل ایہہ کہ
جے ایہہ پورٹریٹ ہندوستان اپڑوی گیا تے کیہ شکنتلا جی یاں او تھوں دی کوئی گیلری، ایہنوں کیسے
کندھ دی سجاوٹ بنا سکے گے؟..... اک پتر کارجن نے بڑے مزے دی گل کیتی:

”ایہہ تے انج ای اے جیویں گھر دے اک کمرے وچوں تئیں لیہنوں پُرا کے کسے

دو بے کمرے وچ لادیو۔

”پر کمریاں دے وچکار تے کندھ اُسر گئی اے نا!“ میں یاد کرایا۔
”آہو کندھ اُسر گئی اے، میں لیہنوں ڈھاہن دی گل تے نہیں کیستی، میں تے اک
کمرے چوں.....“

”کندھ تے کندھ ہوندی اے“.....

میں ایس توں ودھ ہو رکھ نہ آ کھ سکیا.....



اُستاد شاعر برکت رام یمن

(26 جنوری 1905 - 22 دسمبر 1967)

مینوں شری برکت رام یمن جی بارے کجھ لکھن لئی کیہا گیا تاں میں کئی دن سوچیں
پیار ہیا کہ کیہ لکھاں! کتھوں شروع کراں! پراج قلم کاغذ لے کے بیٹھا ہاں تاں اکھیاں اگے
اُونہاں نال بتایا سارا ویلا کیویں سچرا ہو گیا ہے! ذہن وچ ولولے اُٹھ رہے ہن! میرے گرائیں
تاں چویں یاداں دے میلے ہی جڑ گئے نیں۔ بہت ساریاں یاداں جنہاں نوں چیتے کر کے اپنے
آپ اُتے مان محسوس ہوندا ہے کہ میں شری برکت رام یمن جی دے پر یوار چوں ہاں! بہت
ساریاں یاداں ایہو چھیاں وی نیں، جنہاں دا چیتا آؤندے ہی جی گج گج بھراؤندا ہے! آج تھکھے
جھاتی ماری تاں ویکھیا کہ حالے وی بہت کجھ رہ گیا ہے یمن جی بارے ان ڈٹھا! اُن کہیا! ایہہ
ساریاں خوبصورت یاداں ایس قلم نال پروکے تہاڈے ساہمنے پیش کرن دی کوشش کر رہیا ہاں۔

پنجابی دے ممتاز غزل گو شری برکت رام یمن جی دا جنم 26 جنوری 1905 عیسوی نوں
سیالکوٹ دی تحصیل پسروردے قصبے قلعہ سو بھا سنگھ دے نال دے پنڈ بھٹہ وچ ہويا۔ اوہ اے پنج
سال دے ہی سن کہ پتا داسا یہ اوہناں دے سرتوں اُٹھ گیا۔ اوہناں دی ماما جی نے، جس نوں سبھ
'بے بے جی' کہہ کے پکار دے سن، کرڑی محنت کر کے یمن جی اُتے اُونہاں دیاں تن بھیناں
نوں پالیا۔ اوہناں دی وڈی بھین اسرا دیوی، چھوٹیاں بھیناں انتی دیوی اُتے کیسری دیوی سن۔
پنڈ دے قصبے قلعہ سو بھا سنگھ وچکار ڈیک نندی نوں پار کر کے یمن جی قصبے دے سرکاری سکول
پڑھن جاندے سن۔ جدوں اوہ پنجویں چھیویں وچ پڑھدے سن تاں اوہناں دے من وچ پنجابی
قصبے پڑھن دا شوق اُٹھیا۔ قصیاں دیاں سٹراں جداوہ گاگا کے پنڈ والیاں نوں سناندے تاں پنڈ

والے ایسے ہونہار بچے توں وارے وارے جاندے جو پڑھائی وِچ وی بہت ہُشیاری۔ پنڈ دے لوک ایہناں کولوں چٹھیاں پڑھواؤن اُتے لکھواؤن آؤندے سن۔ ہیر (وارث شاہ)، سوہنی (فضل شاہ)، سستی (ہاشم)، پورن بھگت (پنڈت کالی داس گوجرانوالیے) آد قِصیاں نوں پڑھدے گاندے یمن جی اے ستویں وِچ ہی سن کہ اوہناں نے پیت، چھند وِچ ’رُوپ بسنت‘ دا قِصہ لکھ دتا۔ اوہناں دے کاؤ شوق نوں ودھاؤن وِچ اوہناں دی جماعت دے انچارج اُستاد غلام احمد پابند داتا تھا پڑاسی۔ چوداں پندرہاں سال دی چھوٹی عمرے یمن جی اُردو وِچ شعر کہن لگ پئے۔ گھر دی مالی تنگی کارن پڑھائی دے نال نال نوکری وی کرنی پئی۔ پڑھائی دے دوران ڈاکٹر دے کمپوڈر اُتے کسے وکیل دے منشی وی رہے۔ ایس دے نال نال اوس وقت دے رواج مطابق چھوٹے چھوٹے قصے کاؤ رُوپ وِچ لکھ کے ویچدے رہے۔ روزی روٹی واسطے ایہو جیسے رُجھیویاں نے اُتے نال ہی پڑھائی دی لگن نے یمن جی نوں چھوٹی عمر وِچ ہی سو جھ بوجھ بھریا بنادتا۔ پڑھائی دے دوران ہی اوہناں نے اپنا تخلص ’یمن‘ رکھ لیا۔ ’یمن‘ عربی زبان داسُبد ہے۔ یمن دامتِی وی بُرکت ہی ہوندا ہے۔ ایس نام نال دنوں دن آس پاس دے علاقیاں وِچ بہت مشہور ہو گئے۔

ایسے سیمیں دوران اوہ دیش وِچ چل رہی آزادی دی لہر نال بہت پر بھاوت ہوئے۔ سکولی دنوں وِچ ہی دیش بھگتی دیاں کوتاواں لکھنیاں شروع کر دیتیاں جو اوہ ساتھی و دیارتھیاں نوں سناؤندے۔ انگریزاں دے خلاف لکھی اک کوتا سکول دے سارے بچے گاؤن لگ پئے۔ ایہہ گل سکول دے ماسٹر کول پہنچ گئی۔ کھوج کرن اُتے جد پتہ چلیا کہ ایہہ کوتا یمن جی دی لکھی ہوئی ہے، تاں ماسٹر نے ایہناں نوں طلب کر لیا۔ بہت دھمکایا کہ ایہہ سرکاری سکول ہے اُتے انگریزاں وِردھ کوتاواں لکھنا جرم ہے۔ اوس نے ایہناں کولوں لکھی ہوئی کوتا منگی۔ ایہناں نے کوتا دین توں انکار کر دتا۔ غصے وِچ بے قابو ہو یا ماسٹر ایہناں دے ہتھ گُرسی دے پاویاں تھلے رگھ کے گُرسی اُتے بیٹھ گیا۔ پر ایس دیش بھگت بچے نے ماسٹر نوں کوتا نہیں دتی۔

قلعہ سو بھاسنگھ دے سرکاری سکول دی پڑھائی پوری کر کے، یمن جی نے پسرورتوں ماسٹری دا کورس کیتا اُتے سکول ماسٹر ہو گئے۔ ماسٹر ہو کے آپ اوس سہ دے اُستاد کوپیاں دی سنگت وِچ پٹھن لگ پئے اُتے پھیر دُور دُور کوتاواں پڑھن لئی جانا شروع ہو گئے۔ 1925

عیسوی وچ آپ دی شادی سورن دیوی نال ہو گئی۔ وقت دے نال نال پرپور وچ دوپٹراں اُتے دودھیاں دا اودھا ہویا۔ وڈا پتر اوم پرکاش (دلی)، وڈی دھی پرکاش دیوی (بٹالا)، نکلی دھی گیلش دیوی (دلی) اُتے نکا پتر پریم پرکاش (بٹالا) نیں۔ ماسٹری دے کم وچ یمن جی بہت کامیاب رہے۔ آپ جی دا کوتاواں لکھن داشوق وی ودھدا ہی چلا گیا۔

کامیاب ماسٹری اُتے کامیاب شاعری یمن جی نوں 1934 عیسوی وچ لاہور لے گئی اُتے آپ سنا تن دھرم ہائی سکول، لاہور وچ ماسٹر لگ گئے۔ لاہور آ کے اوس وقت دے اُستاد کوپاں نال میل جول ہون لگ پیا۔ اپنیاں رچناواں پنڈت رام شرما اینڈ وکیٹ نوں وکھالیاں شروع کر دتیاں اُتے اوہناں نوں ہی کاؤ گورودھار لیا۔ ایس دے نال ہی لاہور دے مشہور کوپاں اُستاد ملکھی رام لاہوری، اُستاد عشق لہر، اُستاد دیال سیالکوٹی، اُستاد محمد رمضان ہمد دی سنگت توں وی بہت فیض حاصل کیتا۔

آپ لاہور پنجابی کوی سبھا دے اٹھ سال لگا تار پردھان رہے۔ ایہہ سبھا ہر مہینے اک کوی دربار کرواندی سی جس وچ لاہور اُتے آسے پاسے دے کوی حصہ لیندے سن۔ ایہہ کوی دربار وچھووالی، ننگین دی حویلی، شاہ عالمی دروازہ، نسبت روڈ، گوالمنڈی آد تھاواں اُتے کیتے جاندے سن اُتے دیر رات تک چلدے سن۔ ایہناں کوی درباراں دے راہیں لوکاں وچ پنجابی زبان لئی پیار اُتے شوق پیدا کیتا جانداسی۔ اُستاد کوی اپنے شاگرداں نال شرکت کردے سن۔ 1940 دے دہاکے وچ اُستاد ملکھی، اُستاد ہمد، اُستاد وحشی، سندر داس زر، فیروز دین شرف، اُستاد دامن ہوراں دا بول بالا سی۔ یمن جی نے ایہناں نال مل کے پنجابی بھاشا دا بھنڈار بھرن وچ جیہڑا حصہ پایا ہے اوہ بھلا یا نہیں جاسکدا۔ کہندے نیں ایہناں کوی درباراں نوں سُنن واسطے ٹکٹ خریدنی پیندی سی جد کہ آج کل سُنن والے اکٹھے کرنے پیندے نیں۔

آپ دی مشہوری اپنی ودھ گئی کہ جتھے جتھے پنجابی وسدے سن، او تھوں کوی درباراں لئی آپ نوں سدے آؤن لگ پئے۔ چھوٹی عمر وچ ہی آپ نوں سبھ اُستاد یمن، کہن لگ پئے۔ آپ ہر کاؤروپ، چھند بہر، شعراں دیاں خوبیاں اُتے نقطیاں دیاں باریکیاں پچھاندے سن۔ نوجوان شاعر آپ توں صلاح لین لگ پئے۔

کوی درباراں دے رُجھیویں اُتے ایہناں لئی دلش دے کونے کونے جان کارن

1946 وچ ماسٹری چھڈ دتی۔ لیہناں دناں وچ ہی کتاباں دی دُکان کھولی، جو زیادہ وقت آپ داوڈ اپتر ہی چلاند اسی۔ 1946 تک آؤندے آؤندے لاہور وچ فرٹو دنگے ہون لگ پئے۔ 1947 دے شروع تک آؤندے لاہور وچ اگاں لگنیاں شروع ہو گئیاں اُتے لوکاں اُتے حملے ہون لگ پئے۔ 1947 دے رولیاں دے دناں وچ آپ لاہور دے گھرنوں تالا لگا کے پنڈ آ گئے۔ اتھے آ کے کریا نے دی دُکان شروع کیتی۔ پر حالات بد توں بدتر ہون لگ پئے۔ 15 اگست 1947 نوں دیش آزاد ہو یا پردیش دے فرٹو دنگے پنڈاں وچ وی پہنچ گئے۔ 28 اگست دی سویرے لاگے دے پنڈاں وچ اگاں دے دھوئیں اُٹھن لگے، اُتے یمن جی نوں پر یوار سمیت پنڈ چھڈنا پیا۔ دیش وٹ دے دُکھ بھرے واقع نے یمن جی دا سبھ کجھ لٹ لیا۔ بس پر یوار سچد اپچاؤند اتن دناں بعد ڈیرا بابا نانک پہنچیا اُتے آپ اپنی بدھی ماں نوں، جو اوس وقت پچاسی ورھیاں دی سی اُتے جس دی اکھیاں وچ روشنی نہیں سی، موڈھیاں اُتے چُک کے ایس پار لے آئے۔ ایس وچ آپ دے وڈے پتر نے وی سارے رستے آپ دی مدد کیتی کجھ دن اپنی وڈی بھین دے پنڈ رُک کے آپ یکے طور اُتے بٹالا آن سے اُتے من وچ دھار لیا کہ آخری ساہ اتھے ہی پُورا کرنا اے۔

دیش وٹ دے سبھ کجھ کھس گیا۔ ایدھر آ کے زندگی دی نویں شروعات کیتی۔ مالی تنگیاں توں چھٹکارا پاؤن لئی کدی ہوٹل حلوائی دی دُکان کیتی، کدے آٹے دا ڈپو کھولیا، کدی کجھ، کدی گجھ۔ دو تین سالوں بعد پھیرا یہ سبھ کجھ چھڈ کے پنجابی ماں بولی دی سیوا وچ جُجو گئے۔ دیش وٹ دے واقع نے یمن جی نوں بہت گہرا صدمہ دتا۔ ایس دُگھ نوں اوہناں نے اپنی اک نظم 'پناہ گیراں دی ہیر وچ' انج بیانی اے۔

کریں یاد اپنی کدے پناہ گیرا، توں تے چمکدا سیں آب و تاب اندر
 دولت، حُسن، حکومتاں رہندیاں سن، سجدے کردیاں تیری جناب اندر
 واہی، ونج، مُلازمت دستکاری، ہر اک مدّ سی تیرے حساب اندر
 رانجھا تخت ہزارے دا چودھری سی، توں سیں چودھری سارے پنجاب اندر
 تیری دُھم ترنجاں وچ ہے سی، تیرے نال محفل ہر اک سچ دی سی
 تیرے نال سی رونق اکھاڑیاں دی، تیری ونجھلی جگ وچ وچ دی سی
 موجود نام اکھنڈ پنجاب دا سی، تے جندے نال گیا اقبال تیرا

دغے باز بھراواں نے نال دھو کھ، دبّ لیا زمین تے مال تیرا
 تیری سانجھ دی کسے نہ قدر کیستی، تے رہیوں سانجھ نہاندیاں سانجھیا اوئے
 سونا شُدھ بے قدراں دے ہتھ آکے، گیا پتلے دے وانگر مانجھیا اوئے
 چھیک ہون تھلے جناں بھانڈیاں دے، خالی رہن اوہ کدے نہ بھرے جانے
 اوڑک اپنے آپ تے بھار پیندے، نخرے نت نہیں کسے توں جرے جانے
 سبھ گجھ گنوا کے وی اوہناں نے جیون دی اُچائی دا پتہ نہیں چھڈیا اتے لکھیا۔

بھلے عاجزی دے وچ وی اُچائی دا نہ کچھ
 نگاہ نیویں رگھ، نگاہ وچ ارادے اُچے رکھ
 اوہ کیہ بجلیاں توں کبے، اوہ کیہ جھکھڑاں توں جھکے
 جیہدے اڈ گئے سواہ ہو کے آہلے دے کھ
 دنگے، فساد، اگاں، قتل تے اُجاڑے ویکھ کے یمن جی دا جیون اک وراگی وانگ ہو
 گیا۔ کلیم وچ ملے بٹالا شہر دے نو اس اُتے کئی لوک مدت تک رہندے رہے، جدوں تک کہتے ہو آسرا
 نہیں ملیا۔ ہر اک دی مدد کرنا اوہناں دے سُبھا وچ سی۔ دھن نال اوہناں نوں کوئی پیار نہیں سی۔
 وقت نے پھیر کروٹ بدلی اتے حالات ٹھیک ہونے شروع ہو گئے۔ آپ نوں
 دُوروں دُوروں سدے آنے شروع ہو گئے۔ یمن جی برکت رام یمن، توں برکت رام یمن
 'بٹالوی' ہو گئے۔ پھیر اپنے ایس پاسے دے ہم عصر کوی ساتھیاں ودھاتا سنگھ تیر، کرتار سنگھ بلکن،
 نند لال نور پوری، ہزارا سنگھ مشتاق، ہزارا سنگھ گورداس پوری، دیوان سنگھ مہرم، رام نارائن سنگھ
 دردی، گردیو سنگھ مان آدناں کوی درباراں داٹھاٹھ بنھن لگ پئے۔

شری برکت رام یمن، پنجابی شعری دُنیا دا شنگار سن۔ اوہناں نے اک ہزار توں اُتے
 اُچ پائے دیاں کوتاواں لکھیاں۔ ہر کا وروپ اتے کا ورنگ وچ اوہناں ہتھ از مایا۔ پبلشراں دی
 بے ترسی اتے اپنی خالی جیب دی مار دے کارن اوہ اپنا کلام نہیں چھپوا سکے۔ پنجابی ادھیمن سکول
 گورونانک یونیورسٹی دی پیرینا صدقہ یمن جی دے دھیاں پُتراں نے اوہناں دیاں ساریاں
 لکھتاں یونیورسٹی دے حوالے کر دتیاں سن۔ ڈاکٹر بکرم سنگھ کھمن جی اتے ڈاکٹر ہرجیت جی
 (اجو کا جالندھر دُور درشن) نے کوی دے جیون اتے شخصیت بارے یمن جی دے پریوار توں

جانکاری حاصل کیتی۔ ایہناں دا کجھ کو چھڈ کے سارا کلام فارسی اگھر اں وچ سی جس نوں گور منکھی وچ بدلن دا کم ڈاکٹر مان سنگھ امرت جی نے کیتا۔ اوہناں دے سارے کلام چوں کجھ چونویں پراگیاں نوں ایڈٹ ڈاکٹر ستندر سنگھ جی نے کیتا۔ ایہہ چونواں کلام کتابی روپ وچ برکت رام یمن، جیون اُتے رچنا دے ناں نال 1978 وچ چھپیا۔ یمن جی دیاں ساریاں لکھتاں اے جی وی گرو نانک دیو یونیورسٹی، امرتسر دے پنجابی و بھاگ کول نیں۔ اوہناں دا زیادہ تر کلام اے جی وی اُن چھپیا پیا ہے۔ ایس وچ اوہناں دا اک اُن چھپیا ناول، اکھان کوش اُتے اک ہڈ بیتی پاکستان وچ پندرہاں دن وی سی۔ یونیورسٹی نوں چاہیدا ہے کہ اوہناں دا سارا کلام برکت رام یمن رچناولی دے نام اُتے چھاپے تاں جو کہ پنجابی بولی دے بھنڈار وچ وادھا ہووے۔

پنجابی غزل دے کھیترو وچ جو جمال اُتے کمال یمن جی نوں حاصل ہويا، اوہ ہور غزل کاراں نوں گھٹ ہی نصیب ہويا اے۔ تغزل، نازک بیانی، بریک بینی اُتے روپ و دھان نال مالو مال اے یمن جی دا کلام۔ غزل دی آتمناں جھن والے پنجابی غزل گو ویر لے ہی ہن۔ یمن جی اوہناں وچوں اک نیں۔ اوہ تول ٹکانت اُتے پنگل عروض دے کاریگر سن۔ اوہناں دی شاعری بولی دی سادگی اُتے زبان دانی دی امیری دا نمونہ اے۔ اوہ اپنیاں کو تاواں وچ محاورے بڑے ڈھکویں ورتدے سن۔

سٹیج اُتے جد اوہ اپنیاں نظماں، غزلاں، رباعیاں سناندے تاں سنن والیاں نوں کیل لیندے سن۔ لوک مستی وچ جھوم اٹھدے اُتے محفلاں واہ واہ نال گونج اٹھدیاں سن۔ یمن جی اک بہت ودھیا غزل گو تے ہے ہی سن، اوہناں دا غزل کہن دا انداز وی بہت سُر یلا اُتے اثر دار سی۔ اوہناں دی اپنی آواز وچ پیش کیتی ہوئی صرف اک ہی غزل دی ریکارڈنگ میرے کول ہے جو اوہناں نے ایس دُنیا توں رخصت ہون توں کجھ دن پہلاں ہی ریڈیو سٹیشن جموں اُتے پڑھی سی۔ ایہہ ریکارڈنگ apnaorg.com دی سائیٹ توں سنی جاسکدی ہے۔

لوک شہد اولی یمن جی دی کاؤڈا شنگاراے۔ اوہناں نے نت دے لوک و بہار وچوں عام پرچلت شہداں نوں بھرویں مطلب اُتے پر بھاوت روپ وچ ورتیا اے۔ ڈاکٹر سُریندر کابلوں جی دے کہن طرھاں۔ بیان دی چٹنگی، چُن چُن کے، گھر گھر کے خیال پورے ویک وچ و ہاؤنے، اپنے مضمون نوں کھول کے بیان کردے ہوئے اوس دا پر بھاؤ دونا چونا کردے جان،

ایس فن دے اُستاد سن یمن جی۔

اُستاد دے طور اُتے یمن جی اک سکول سن جس توں اوہناں دے درجناں شاگرداں نے فیض پایا۔ اوہناں دی اُستادی توں رہنمائی تے قلم توں اگوائی لے کے اوہناں دے درشکاں، (ناظرین) سروتیاں، شاگرداں اُتے کئی پنجابی کوپیاں نے خوب توں خوب تر دیاں منزلاں طے کیتیاں۔ شوگمار بٹالوی وی اوہناں دے شاگرد سن۔ اصل وچ شوگمار نوں شوگمار بٹالوی بناؤن والے یمن جی سن۔

کسے نوں وی سیدھ دین جاں سکھلان لئی اوہ منع نہیں سی کردے۔ ڈیرادون دے اک نوجوان ہرچرن جیت سنگھ 'چن' نے جو مالی طور اُتے کمزور سن، شعری کھیتز وچ پیر رکھیا ہی سی۔ یمن جی اپنی گھر والی نال اک مشاعرے وچ شرکت لئی آئے ہوئے سی۔ اک ہور نوجوان کوپ سپورن سنگھ 'بھکاری' یمن جی دا شاگرد سی اُتے ڈیرادون ہی رہنداسی۔ اوس نے 'چن' جی نوں یمن جی نال ملوایا۔ 'چن' جی کسے مہمان استاد شاعر نوں تلاش رہے سی۔ اوہ کنیاں توں نراش ہو چکے سی۔ یمن جی دی اُستاد روپ وچ مشہوری بارے اوہ نوں پتہ سی۔ 'چن' مشاعرے دے اگلے دن یمن جی اُتے اوہناں دی پتی نوں اپنے گھر لے گیا۔ چن نے گلاں باتاں دے دوران یمن جی دے چرنی لگ کے کہا، "مینوں اپنے چرنی لگا لو، تسیں آج توں مینوں اپنی اُستادی بخشو، مجھ غریب نوں ہور کون شاگرد بنائے گا؟" یمن بہت کول دل دے سن۔ چن دی پیار اُتے عزتاں بھری ضد و یکھ کے رُک نہیں سکے۔ چن نوں دونہ ہتھاں نال پھڑ کے اٹھایا اُتے چھاتی نال لالیا اُتے بولے، "آج توں توں میرا شاگرداں۔" ڈاک راہیں اوس دی کلاس دھدے رہے اُتے شاعری دیاں بُنیادی تکنیکاں سمجھاندے رہے۔ ہرچرن جیت سنگھ 'چن' نے اپنی کتاب 'رِشاں' وچ لکھیا ہے، "میری کاؤ کلا نوں سودھن لئی میرے ستکار یوگ اُستاد سورگ و اسی سری برکت رام جی 'یمن' بٹالوی دا میرے سر اُتے ہمیشہ ہتھ رہیا ہے۔" اوہناں دے جیٹھے شاگرد سرداری لال 'تارہ' جی سن جیہناں نوں 'پنجاب دی بلبل' کہا جاندا سی۔ جسونت رائے 'رائے' نوں 'پنجاب دی کول' کہا جاندا سی۔ رام شرن 'پریمی' (لدھیانہ)، کرتار سنگھ 'نرگس' (ممبئی)، شوخ بٹالوی، ہرچرن جیت سنگھ 'چن'، پرشوتم لال وحشی، سپورن سنگھ 'بھکاری'، ست پال 'طالب'، خوش دل سمرالوی، دیوان سنگھ 'عاجز'، رام کرشن 'بالم'، چمن لال 'سکھی'، گرداس سنگھ 'نرمل'، رام کرشن 'ناز'، بھیم سین سیوک، ہرنام

داس سیوک، امر ناتھ بارا، جیون پرکاش جیون، پریم سنگھ دردی، مہاویر سنگھ دردی، تے سادھو سنگھ اننت آپ دے شاگرد سن۔

یمن جی پہلاں اُردو وچ شاعری کردے سن، پر 1935 توں اوہناں نے ماں بولی پنجابی دا پلہ ایس طرحاں پھریا کہ مردے دم تک نہیں چھڈیا۔ جدوں کو تا لکھدے تاں اوہ دیش بھگتی دے گیت گاؤندے، سیاسی جھیڑاں کردے، مذہبی رنگ جماؤندے، اُتے سماج دے وکھرے والاں نوں سنوار دے۔ جدوں اوہ غزل لکھدے تاں اوہ اک اُستاد غزل گو دے رُوپ وچ اگھاں ساہمنے آؤندے۔

یمن جی دی شاعری وچ پنجابی پنگل دا نبھاء بخوبی ہويا ہے۔ کو تا دے گیت لکھن لگیاں جتھے اوہ پنجابی چھند اُتے بحراں ورتدے اُتے پیت اُتے کبت نوں اپناؤندے، او تھے اوہ غزل لئی پیت اُتے کبت نوں تیاگ کے فارسی بحراں نوں ترجیح دیندے سن۔ ایہہ چیز اوہناں دے غزل پراگے دی آتما نوں جھن دی سوچک ہے۔ ایسے چیتنا کارن یمن جی دیاں غزلاں ہوراں نالوں کہتے اگے نکلدیاں محسوس ہندیاں نیں۔

پنجابی پنگل اُتے فارسی عروض وچ ’رکن‘ اک خاص چال وچ کجھے ہوئے ہون کارن سکتے نوں برداشت نہیں کردا، پر پنجابی پنگل دیاں بحراں سکتے نوں لمکا کے جاں تیز رو وچ پڑھ کے اُچارن انوسار ڈھال لیاں جاندیاں ہن۔ یمن جی دا کمال ایس چکرتوں بچے رہن دا ہے۔ اصل وچ وزن تول دی سوچ اوہناں نوں قدرت ولوں ملی ہوئی سی اُتے اوہ پنگل نوں وی او سے شُدھ طور نال نبھاؤن دے کاریگر سن، جس نال ایس اوہناں نوں فارسی بحراں نبھاؤندے ویکھدے ہاں۔

یمن جی دی اک مشکل ایہہ سی کہ اوہناں غزل وی سٹیج اُتے پڑھنی ہندی سی۔ ایس لئی جتھے اوہناں نوں عروض دی سختی نال پالنا کرنی پیندی سی، او تھے اوہناں نوں سٹیج اُتے غزل سناؤن لئی اپنے سروتیاں دے سچ سواد نوں وی مکھ رکھنا پیندا سی۔

یمن جی دی غزل دی کھنگی دار از وی ایہو ہے کہ اوہناں نے چھند پر بندھ، بحر اُتے زبان دانی نال اپنی غزل نوں تراشیا۔

پروفیسر گرچرن سنگھ اپنے لیکھ غزلاں دے جھومر وچ لکھدے نیں، ’’برکت رام یمن اک اُستاد غزل کار ہے جو اپنی ایس کلا وچ پنجابیاں دا امن دخل حاصل کر سکيا ہے۔ (ریشما، انک


سری کنول اندر کنول اپنے لیکھ پنجاہی غزل، ارنہ توں وکاس وچ لکھدے نیں کہ ”برکت رام یمن پنجاہی دے اُستاد غزل گوں۔ پر میرا گت مضوعات دے نال نال اوہناں دیاں غزلاں سدا چارک اُتے اُپدیشک بھاواں نوں وی درس اندیاں ہن۔ برکت رام یمن دیاں غزلاں دی اک نویکلی خاص گل ایہہ ہے کہ اوس نے چوکھیاں غزلاں گل بات دے رُوپ وچ لکھیاں ہن۔ ایس کر کے اوس دیاں غزلاں وچ سروتا سنبندھ بنیا رہندا ہے۔ ایہناں وچ بھاویں فارسی اُردو اکھراں نوں ورتیا گیا ہے، پھر وی ایہناں غزلاں وچ پنجاہیت دارنگ جھلکدا ہے۔ ایہہ اوس دی مولکتاوی ہے اُتے خاصیت وی۔“

کھوج پتر کا، آدھونک کا واک (ستمبر 1983، انک 22، پیج 208 پبلیکیشن بیورو، پنجاہی یونیورسٹی، پٹیالہ)

یمن جی دی شیلی وی بے مثال ہے۔ اوہ غزل دے اُسلوب، زبان، محاورہ بندی، شبہ چون، لفظی تکرار، قافیہ دی چُست بندش اُتے شبداں دے پھیر بدل وچوں ہنے اُجاگر کرن دے خاص اُستاد سن۔ شبہ الزکار اُتے شبہ سندر تاناں ارتھاں دا کھلار پیدا کرن وچ بہت سہل ہن۔ کلا کچھ توں اوہناں جنی پکیائی سانوں دُوجے پنجاہی غزل گو شاعراں وچ گھٹ ہی دسی ہے۔ نمونے پاروں اوہناں دے کجھ شعر پیش ہن:-

اوکھا تے وچھوڑا وی، ملنا وی کھری مُشکل
جدھر وی نظر کیتی، اودھر ہی دھری مُشکل
اوہ مل کے کدوں بیٹھا، اوہ رل کے کدوں تُریا
جس کہہ تاں لئی سوکھی، پر سُن کے جری مُشکل
دُشمن وی نہ پھس جاوے، زُلفاں دے شکنجے وچ
ایس پھاہی وچ جو پھسیا، ہووے گا بری مُشکل
دم گنویں یمن، رہ گئے، اوکھی اے دوا پھر نی
بس چارہ گرو جاو، ہُن چارہ گری مُشکل

سوچدا ہاں ویکھ کے نت ڈگدے مستی وچ پیار
 گجھ نہ گجھ تاں پی کے ٹھیدے کھان دے وچ ہے سواد
 پین وچ وی رند نوں اونا نہ شاید مل سکے
 ساقیا! جناں تیرے ترسان دے وچ ہے سواد
 چپ نہ کر ملاں! ذرا ٹریا چل اپنی لیک تے
 آؤن لگا گجھ تیرے سمجھان دے وچ ہے سواد
 توں سمجھنا ایں، تیرے گھل جان لئی ہاں لوچدا؟
 میتھوں پچھ، کنا تیرے شرمان دے وچ ہے سواد
 دل توں چاہندے وی زبانوں ہاں کیوں نہیں آکھدے
 آپ ہی جانو کہ کیہ کلپان دے وچ ہے سواد
 کیہ سواد آیا 'یمن' عشقوں بچا لئی زندگی؟
 یار دے نال توں فدا ہو جان دے وچ ہے سواد



یاد تیری نے کسے دے نال کیہ کیتی؟ نہ پچھو
 رات اوس دی رگن دیاں تارے کنج بیتی؟ نہ پچھو
 چیز سی دیکھن دی ایہہ عیسیٰ جے اکھیں ویکھدوں
 آخری ہچکی تیرے پیار کنج لیتی؟ نہ پچھو
 ویکھ لئی دُنیا تیری اوئے مالکا دُنیا دیا،
 تیری دُنیا وچ 'یمن' دے نال کیہ بیتی؟ نہ پچھو

فارسی اُتے اُردو غزل وچ پُرانیاں حادثیاں نوں اشارے اُتے کنارے نال نبھاؤن
 دی پر مہرا بھتی پُرانی ہے۔ 'یمن' نے ایسے طرحاں دیاں روایتاں نوں پنجابی وچ آسانی سمیت
 پرچلت کرن دا جتن کیتا ہے۔ اوہناں نے پُرانے رنگ وچ بڑے پیارے شعر آکھے ہن۔ کئی لوک
 اوس دی ایس مجبوری نوں اُردو غزل دی نقل کہن دی جسارت کردے ہن؛ اسیں ایس گل نوں 'یمن'
 جی نال بے انصافی من دے ہاں۔ اوہناں دے وکھو وکھو رنگاں دے ایہو جیسے گجھ شعر پیش ہن:-

پتہ وی سُو کسے تے وچھن وچ ٹقصان کنا اے
 وساہ مڑ وی کری جاندا اے، ایہہ دل نادان کنا اے
 بھری محفل وچوں مینوں ایں اٹھایا جارہیا اے چُن کے
 بھری محفل وچوں چُنیا جان وچ وی مان کنا اے؟
 زراشا، بے بسی، حسرت، پریشانی، پشیمانی
 اُجڑ گئے دل دے پرچن لئی، اے سامان کنا اے؟
 چچر چھلاں دے وچ پھیسے نہ، اندازے نہیں لگدے
 کنا رے پٹھیاں نوں کیہ پتہ، طوفان کنا اے؟
 یمن، بھگوان بن سکدے کہ نہیں، ایہہ پھیر سوچاں گے
 اے تاں جاچنا ایں ایہہ آدمی انسان کنا اے؟

غزل دے پار کھواں تغزل، نازک خیالی، تخیل، سُجھاؤ، پرتیک اُتے غنائیت آدنوں
 غزل دی روح نیا ہے۔ شوخی ایہدا اک ہوو وڈا گن ہے۔ اوہناں دے کمال دا سواد مانن لئی
 اوہناں دیاں سرجیاں غزلاں وچوں دیکھو ایہہ شعر:-

دوست اپنے ایس طرحاں گجھ کرم فرماندے رہے
 دُشمنان دی دُشمنی دے گل گلے جاندے رہے
 رحمتاں توں فیض کیہ پانا سی اوہناں بُزداں
 قہر توں ڈردے گناہ کردے ہوئے گھبراندا رہے
 گجھ سچائیاں نے بھرم دل دا گنویا وار وار
 گجھ بھلیکھے ہن کہ جو رہ رہ کے بھرماندے رہے
 کس قدر گھاٹے دا سودا سی، یمن، ساڈا پیار
 پل ک پل ہسن تے ساری عمر پچھتاندے رہے

یمن جی رُباعی دے بادشاہ منے جاندے سن اُتے پنجابی وچ رُباعی نوں پرچلت کرن
 وچ اوہناں دا بڑا حصہ رہیا ہے۔ رُباعی دے روایتی ٹکانت اُتے وزناں نوں یمن جی نے بھلی
 بھانت نبھایا اے۔ رُباعی دا پر بھاؤ اوہدی سنپورنتا اُتے تیکھتا اُتے ہے۔ یمن جی ایس پکھوں وی

اُستاد سن۔ پنجابی کوی ہزار سنگھ مشتاق دے کہن طرحاں ”بہت گھٹ پنجابی شاعر ایہناں دا مقابلہ کر سکدے ہن۔“ اوہناں دیاں کجھ رُباعیاں پیش نیں:

کوئی دسدا اے اوہ پھل بن کے چمن وِچ وسدا
کوئی مند اے اوہ پر بت تے جاں بن وِچ وسدا
مندراں وِچ تاں صرف مُور تِی رُکھی اے ’یمن‘
مُور تِی والا اے انسان دے من وِچ وسدا

ہر کوئی آہندائے میں کھاناں ایمان دا کھٹیا
نوکری، واہی جاں مزدوری دُکان دا کھٹیا
بھاویں ہتھ پیر وی کم دیندے نے اپر ’یمن‘
آدمی کھاندا اے دراصل زُبان دا کھٹیا

’یمن‘ جی نے غزل اُتے کجھ لیکھ وی لکھے جیہناں وِچ اوہناں نے غزل دی پر کرتی، پنجابی وِچ غزل دے پرولیش اُتے غزل دی تکنیک اُتے روشنی پائی اُتے تکنیکی کچھ توں ایس شعری روپ نوں سمجھاؤن دا جتن کیتا اے۔ ’یمن‘ جی دے پنجابی غزلاں دے پٹھ لکھے چار لیکھ ملدے نیں:

1۔ ’پنجابی وِچ غزل لڑی۔ 1، کوتا انک جنوری، سالانہ انک، 1957

2۔ ’پنجابی وِچ غزل لڑی۔ 2، کوتا انک، اپریل 1957

3۔ ’پنجابی غزل اُتے عروضِ رِشماں انک، اگست 1961 (غزل نمبر)

4۔ ’غزل کیہ ہے؟ اُتے ایس طرحاں ایہہ پُستک ”برکت رام یمن: جیون اُتے رچنا (تبیج 212-203) پرکاشک گورونانک دیویونیورسٹی۔

ایہہ لیکھ یمن جی دی اُستادی دی صرف تصدیق ہی نہیں کردے، سگوں نویں شاعراں نوں عروض دیاں بُنیادی اصولاں دی واقفیت کرائی اُتے عروضی دواناں نوں ’غزل‘ کاو روپ دے اصولاں بارے لکھن بارے inspire کیتا۔ مہان غزل گو شری دیپک جیتوئی جی دی کتاب ’غزل کیہ ہے؟‘ داناں یمن جی دے لکھے لیکھ توں ہی لیا گیا ہے۔ جیتوئی جی دے دل وِچ

یمن جی دے لئی بہت آدرسی۔

یمن جی دی شخصیت بہت ہی مہان سی۔ یمن جی دا پہناوا سبھ توں وکھری اسی۔ گرمیاں وچ تنگ موہری دا چوڑی دار پجامہ اُتے بنگالی کٹ چھوٹے کالراں والی قمیض پاندے سن۔ سردیاں وچ لیہناں کپڑیاں نال ہی بند گلے دا گرم کوٹ پاندے سن۔ بریک ملل دی چٹی طرے دار پگ بندھدے سن۔ بڑی تیز چال نال چلدے سی۔ دُوروں ہی پچھانے جاندے سن کہ یمن صاحب آ رہے نیں جاں جا رہے نیں۔ سارا شہر اوہناں نوں جاند اسی۔ ہر رکشے والے نوں یمن جی دا گھر پتہ سی۔ بیٹھدیاں یمن جی نوں دسنا نہیں سی پیندا۔ لوکاں نوں کسے وی دفتر، ڈاکخانے، بینک کوئی مشکل ہوندی یمن جی نوں لے جاندے سی۔ یمن جی دی اپنی عزت سی کہ اوہناں دے دفتر، ڈاکخانے، بینک آدے پہنچدے ہی کم سنور جاندے سی۔

بچیاں نے آؤنا اُتے گزارش کرنی، ”باپو جی کل ساڈے سکول فنکشن اے۔ میں اک کوٹا جاں گیت سناؤنا اے۔“ یمن جی بچیاں نوں کوٹا اُتے گیت لکھ کے دے دیندے۔ بٹالے دے پریا محلے اک بزرگ سنگیت دے ٹیچر سن جو انھے سی۔ یمن جی بچیاں نوں سکھاؤن واسطے اوہناں نوں بھجن اُتے گیت آد لکھ کے دے دیندے سی۔

یمن جی دا دل بہت ہی وڈا سی۔ جدوں اوہ لاہور رہندے سی تاں اوہناں دا اک شاگرد رام کرشن ’ناز‘ سی جو اک کوی دربار وچ اوس نے یمن جی دی اک کوٹا وچ ’یمن‘ دی تھاں اپنا تخلص ’ناز‘ لگا کے اوہناں دے ساہمنے منج اُتے پڑھ گیا۔ خوب واہ واہ لٹی۔ کوی دربار ختم ہون اُتے یمن جی بولے، ”اوائے میرے اگے ہی توں میری کوٹا اپنا ناں لا کے پڑھ گیا ایس؟“ ناز بولیا، ”اُستاد جی شاگرد تاں تہاڈے ہی ہاں، ناں تہاڈا ہی روشن کیتا اے۔“ یمن جی بڑے ہی دریادل سن یمن جی، بس مسکرا دتے۔

رام کرشن ’ناز‘ لائل پور دے اک رتے پتے پر یوار داسی، پر لاہور وچ اپنیاں عادتیاں دے کارن اوہ تنگ دست ہی رہند اسی۔ اکثر یمن جی دی پتی کولوں (جیہناں نوں چھوٹے وڈے سبھ بھابھی جی کہندے سی) بہانے مار کے پیسے لے جاند اسی۔ اوس نوں پتہ سی اُستاد جی مٹھے دے بہت شوقین نیں۔ اک دن یمن جی دے گھر اوہناں دی غیر حاضری وچ گوالمنڈی لاہور آیا اُتے یمن جی دی پتی نوں کہن لگا، ”بھابھی جی، اُستاد ہوراں لئی گنے دی رولیا نی اے، گاگردے دیو۔“

اوہناں نے نازنوں پتل دی گا گردے دتی۔ شام نوں جدیمن جی گھر آئے تاں اوہناں نے یمن جی نوں دسیا کہ ناز آ یاسی پتل دی گا گر لے گیا اے رولیان واسطے۔ یمن جی مُسکرا ندے ہوئے بولے، ”گئی تیری گا گرہن۔ پیسیوں ٹٹیا ہونا اے، گا گروتج کھانی ایں اوس نیں۔“ سچ وی ایہہ ہی سی۔ بجائے ناز اُتے ناراض ہون دے یمن کجھ دن بعد گھر واسطے اک ہو رگا گر خرید لیا۔

یمن جی اپنے سارے پر یوار نوں بہت ہی پیار کردے سن۔ بچیاں نوں مارنا، دھتکارنا اوہناں نوں بالکل وی پسند نہیں سی۔ اگر کوئی بچہ ضد وِچ رو رہیا ہوئے تاں اوہ کہندے سی، ”ایس نوں کوئی نہ چھیڑے، نہ چُپ کرائے۔ ایہہ آپے ہی چُپ ہو جائے گا۔ نہیں تاں اگے وی ضد کرے گا۔“ اُتے پھیر ہوند وی ایہو سی کہ بچہ اپنے آپ چُپ کر جاند اسی۔ اوس دیاں ضداں وی گھٹ جاندیاں سن۔ یمن جی نے جدوں دُور دے پروگراماں توں گھر واپس آؤنا تاں آؤندے ہی سارے پیسے اپنی پتی نوں دے کے کہنا، ”بھاگ وان! مَن میرے خرچے دے پیسے مینوں دے دے۔“ گھر دیاں ساریاں ذمہ واریاں یمن جی دی پتی ہی سنبھال دی سی۔ پیسے نال اوہناں نوں اُکا ہی پیار نہیں سی۔

یمن جی اپنی ماما جی ہر کور دیوی دا بہت ہی ستکار کردے سن۔ ماما جی نے وی اپنے اکلوتے پُتر نوں پتا داسا یہ سِر اُتے نہ ہون دا احساس کدے نہیں ہون دتا۔ ماں نے جاں کسی ہو ر نے بالک نوں پیسے دینے تاں بے بے جی نے کہنا، ”پُت پیسے سنبھال کے رکھیں۔“ بھولا بھالا بالک پیسے پنڈ دے نال وگدی ڈیک ندی دے کنڈھے اُگے اک دے بُٹیاں وِچ ریتیلی زمین وِچ دب آؤند اسی۔ ماں نے کچھنا، ”پُت پیسے سنبھال کے رکھ لئے نیں۔“ بالک برکت رام نے کہنا، ”بے بے جی، میں بوہت سنبھال کے رکھے ہوئے نیں۔“ اک وار پنڈ دے مُنڈیاں نے ایہناں نوں پیسے دبدے ویکھ لیا۔ جدوں اگلی وار بالک برکت رام پیسے دیکھن گئے تاں او تھے اک وی پیسہ نہیں سی۔ بہت پریشان ہو گئے۔ گھر جا کے ماں نوں سبھ کجھ دسیا۔ ماں نوں بیٹے دے بھول پئے اُتے بہت پیار آیا تے بچے نوں چھاتی نال لالیا۔ یمن جی دی ماما پُتر نوں سدا انج ہی پیار کردی رہی۔

سن سنتالی شروع ہو یاسی۔ یمن جی داوڈا پُتر ستاراں اٹھاراں سال داسی، لاہور دے اک کالج ایف۔ کام وِچ پڑھدا سی۔ یمن جی دی وڈی بھین دے پتی (جیجا پنڈت ٹلسی رام

بھار دواج) دی بٹالے دے لاگے الیوال وچ دُکان سی۔ اوہناں دی جان پہچان والے پنڈت دیوان چند جی (جونارووال دے رہن والے سن) اپنی دھی گیلش دے لئی ورڈھونڈ رہے سن۔ ٹلسی رام جی دے خیال وچ یمن جی داوڈا پتر آیا۔ اوہ دیوان چند جی نوں لے کے یمن جی دی ماں کول پنڈ بھٹہ پہنچے۔ یمن جی لاہور سن۔ بے بے جی نوں داماد ٹلسی رام جی نے آؤن دامتقصد دسیا۔ دیوان چند پنجاب پولیس وچ نوکری کردے سی۔ بے بے جی داماد دے کہن اُتے گڑدی روڑی اُتے سوارو پیہ لے کے رشتہ پکا کر دتا اُتے اگلے دن ہی رشتہ داراں اُتے جانکاراں نوں پوترے دے رشتہ ہون دے پتا سے وی ونڈ دتے۔ کجھ دناں بعد یمن جی ماں نوں ملن لاہور توں نکلے۔ قلعہ سو بھانگھ ریلوے سٹیشن اُتے اُترے تاں بازار توں ہو کے ہی پنڈ جانا پیندا سی۔ جیوں ہی بازار وچ آئے، جانکار یمن جی نوں ودھائیاں دین لگے۔ یمن جی حیران کہ لوک کاہدیاں ودھائیاں دے رہے نیں۔ آخر کجھ ہی لیا۔ لوک بولے، ”واہ! یمن جی، مُنڈا چپ چاپ منگ لیا اے تاں ہُن کچھ دے او کہ کاہدیاں ودھائیاں؟“ یمن جی نوں سمجھن وچ دیر نہیں لگی۔ بازار وچ ودھائیاں لیندے لیندے پنڈ پہنچے۔ او تھو وی راہ وچ ودھائیاں ملن لگیاں۔ یمن جی گھر پہنچے۔ بے بے جی نوں پیری پینا کیتا، گلاں باتاں شروع ہوئیاں۔ کجھ دیر بعد بے جی بولے، ”برکت رام! ٹلسی رام آیا سی، اوم دار رشتہ لے کے۔ جوئی سی میں کنج نا نہہ کردی۔ میں سوا روپیہ اُتے گڑدی روڑی لے لئی اُو اُتے اوم دار رشتہ کر دتا ای۔“

یمن جی ہس کے انھی ماں نوں بولے، ”بے بے جی، تہیں رشتہ کر دتا تاں ہو گیا رشتہ۔ بوہت بوہت ودھائی ہووے۔“ یمن جی دی پتی، پتر اوم پرکاش اُتے سارا پر یوار لاہور سی اُتے کسے نوں پتہ وی نہیں سی ایس رشتہ بارے۔ ایسا سی یمن جی داستکار ماں لئی۔ دلش دی ونڈ دے بعد و سا کھدے مہینے 1948 وچ یمن جی نے وڈے پتر اوم پرکاش جی دی شادی کیتی۔ او سے گڑی دے نال جس نال رشتہ بے بے جی نے پکا کیتا سی۔

یمن جی دی ماما جی داسرگ واس نوے سال توں اُپر دی عمر وچ 19 مارچ 1955 دوپہر نوں ہويا۔ اوس دن یمن جی دی جالندھر ریڈیو سٹیشن دے سٹوڈیو وچ ہون والے پنجابی کوی دربار وچ شرکت سی۔ یمن جی دی ماما نوں دُنیا توں اپنے جان دا ویلا ساہمنے نظر آ رہیا سی۔ جدوں یمن جی گھروں جالندھر جان لگے، تاں ہمیشہ دی طرحاں ماں دے پیر چھوہن گئے۔ بے

بے جی بولے، ”برکت رام! آج پُت نہ جا۔“ یمن جی بولے، ”بے جی، سرکاری پروگرام اے، میرا جانا لازمی اے۔“ بے جی سوچ کے بولی، ”پُت نہ جاویں تاں ٹھیک اے۔ پر سرکار دا حکم جو مننا اے ضرور جا پھیر۔ پر تینوں چھیتی ہی واپس آنا پینا ای۔“ بے جی چنگے بھلے سن۔ یمن جی بے جی دیاں گلاں اُتے ہس پئے اُتے بولے، ”بے جی، سرکار دا پروگرام اے اگر میں نہیں گیا تے سرکار نے ہتھکڑی لا دینی اے۔ ماں پُت اک دوجے نال ہسن لگے۔ پھیر ماں بولی، ”ٹھیک اے برکت رام تیری مرضی۔“ پُت نے ماں دے پیر چھو ہے اُتے ماں نے پُت نوں چھاتی نال لالیا۔

یمن جی نے ریڈیو سٹیشن اُتے اپنی نظم پڑھ کے ختم کیتی۔ اوہناں دی طرف اک ساتھی کوی بلگن جی نے اک پُرزہ پھرایا۔ ایس اُتے لکھیا سی، ”یمن جی تئیں آج توں یتیم ہو گئے ہو، ٹھاڈی بے جی داسرگ واس ہو گیا اے۔“ یمن جی دیاں اگھاں گلیاں ہو گئیاں۔ پگ دے لڑنال اکھاں پونجھیاں۔ یمن جی بہت ہمت والے انسان سن۔ چپ چاپ سٹوڈیو چوں اُٹھے اُتے باہر آ گئے۔ رات ہو چکی سی جد ریڈیو سٹیشن وچوں باہر آئے۔ 1955 وچ کاراں ٹیکسیاں وی وریاں ہی نظر آؤندیاں سن۔ کسے طرحاں رات نوں ٹیکسی لہے کے بٹالے نوں چل پئے۔ ادھی رات بٹالے گھر پہنچ گئے۔ وڈاپُت دلی سی۔ اوس نوں ٹیلیگرام دتی اُتے اوہدا انتظار کرن لگے۔ یمن جی اپنی انھی ماں نوں دلش وئڈ دے وقت ہو رہے قتل عام وچوں بچا کے اپنے موڈھیاں اُتے چُک کے لیاے سی۔ دراصل وڈاپُت مضبوط شریرا سی اُتے یمن جی دی رستے وچ طبیعت خراب ہون کر کے اوہی بے جی نوں چُک کے لیا یا سی۔ پُتر دے آؤن اُتے یمن جی بولے، ”اوم، توں ہی اپنی دادی نوں ایس پار لے کے آیا سی، ایس لئی تیرا ہی پُت حق اے کہ توں بے جی داسنکار کریں۔“ یمن جی نے اپنی پیاری بے جی دا اتم سنسکار اپنے وڈے پُتر اوم پرکاش کولوں ہی کرایا۔ یمن جی بہت وِشال دل دے مالک سن۔ جس تھاں اُتے ماں داسنکار کیتا سی او تھے اوہناں دی سادھی بنائی۔ سادھی دے چاروں طرف وِگن کر کے اوہناں پھلاں دی کیاری لائی ہوئی سی۔ زندگی دے انت تک ماں دی سادھی اُتے متھا ٹیکن جاندے رہے اُتے کیاریاں دی دیکھ بھال کردے رہے۔ یمن جی داسنکار وی ماں دی سادھی دے کول ہی کیتا گیا اُتے پرپوار نے یمن جی دی سادھی وی ماں دی سادھی دے نال ہی بنائی۔ دوویں سادھیاں بٹالا وچ آج وی

موجود نہیں۔

بٹالے یمن جی دے گھر دے دو حصے سن۔ اک حصے وچ رہائش لئی کمرے بنے ہوئے سن، رسوئی سی اُتے اُتے چوہا راسی۔ ایس چوہا رے وچ یمن جی اپنے کوی دوستاں، شاگرداں نال مشورے کردے سی اُتے کلام سانجھا کر دے سی۔

مکان دا دوسرا حصہ پہلے حصے توں چار پنچ فٹ اُچا سی اُتے اوس وچ وی کمرے، رسوئی سی اُتے اُتے چوہا راسی۔ ایسے چوہا رے وچ آکے شوگمار بٹالوی یمن جی دی الماری وچوں کویاں دے کلام دیاں کتاباں لے کے پڑھدار ہندا سی۔ کافی جگہ خالی سی جس وچ یمن جی نے گلاب اُتے موتیئے دے پھلاں دے پودے لگائے ہوئے سی۔ کچھ پودے کوار گندل دے وی لگائے ہوئے سن۔ یمن جی کسے نوں وی پھل نہیں سی توڑن دیندے۔ مکان دے ایس اُچے حصے نوں گھر وچ تھرا کیہا جانداسی، ایسے تھڑے اُتے یمن جی منجی اُتے گول تکیے اُتے آرام دی مندر اوچھہ پیندے ہوئے کتاباں پڑھدے سی اُتے کوتاواں لکھدے سی۔ ایسے ہی تھڑے اُتے یمن جی دے ساہمنے پیڑھے اُتے بیٹھ یمن جی کولوں شوگمار بٹالوی کوتادی کارگیری سکھداسی۔ 1953 توں 1960 تک اوہ اکثر یمن جی دے گھر ہی ویکھیا جانداسی۔

یمن جی دھارمک و ہماں اُتے پاکھنڈاں توں دور رہندے سی پر بھگوان وچ اوہناں دا عقیدہ بڑا پاکسی۔ گھر دے تھڑے اُتے لگائے ہوئے گلاب اُتے موتیئے دے پھل کوئی توڑے ایہہ اوہناں نوں گوارا نہیں سی۔ اک دن گھر دے کول ہی رہن والی ساوتری دیوی یمن جی دی وڈی دھی پرکاش دیوی دی سہیلی سی جس نوں سارا محلہ تاندھی چاچی کہنداسی، یمن جی دے گھر آئی۔ اوہ مندر جا رہی سی اُتے اوس نے یمن جی کولوں کچھ پھل توڑن دی اجازت منگی مندر بھگوان نوں چڑھان لئی۔ یمن جی بولے، ”بی بی تیرے بھگوان نوں ساڈے بوٹیاں دے پھل چنگے نہیں لگدے۔“

اوہ مندر چلی گئی۔ یمن جی اپنے کماں وچ لگ گئے۔ ایسے وچ چوہیاں دی ڈار آئی اُتے چُنچھاں نال سارے پھل کھنڈی کھنڈی کر گئی۔ یمن جی جد تھڑے اُتے آئے تاں اوہناں پھلاں دیاں پتیاں زمین اُتے کھلریاں ویکھیاں۔ ایسے وچ تاندھی چاچی مندر توں واپس آکے گھر پر سادین آئی۔ یمن جی بولے، ”دھیئے! تینوں بھگوان جی واسطے پھلاں دامنہ کیتا، پر تیرے

بھگوان جی نے چڑیاں نوں بھیج کے سارے پھل لالے نیں۔ توں ضرور مندر واسطے پھل لے جایا کر۔“ ایس دے بعد بھگوان نوں چڑاؤن واسطے پھل توڑن واسطے کدی منع نہیں کیتا۔
 یمن جی اپنے آدرشاں اتے اصولاں دے بہت ہی پکے سن۔ بٹالے توں ایم۔ ایل۔ اے۔ اتے پنجاب سرکار دانتیری اوہناں اتے زور پاؤندار ہیا، کہ یمن جی اوہناں دے حق وچ سٹیج اتے آکے کوتاواں پڑھن۔ یمن جی ایہہ کہہ کے صاف منع کر دیندے، ”میں اپنی قلم نوں داغ نہیں لانا۔“ ایس وجہ نال اوہ منتری یمن جی نوں تنگ وی کردار ہیا۔ اوہناں دے اک شاگرد نوں وگاڑن والا وی اوہی سی۔

اکتوبر، 1967 دی اک رات یمن جی گھروچ ڈگ پئے اتے اوہناں نوں دماغی سٹ کارن برین ہیمریج ہو گیا۔ علاج لئی ڈیڑھ مہینہ گرو تنج بہادر ہسپتال، امرتسر ہے۔ پر ہوش نہیں پرتی۔ 22 دسمبر 1967 نوں سد یوی وچھوڑا دے گئے۔ یمن جی دے شاگرد اتے استاد غزل گو چمن لال سکھی جی نے اپنے کاؤگر نوں ایہناں شہداں نال شردھا نچلی دتی۔

لے گئی یمن نوں، بنھ کے موت ظالم،

جیہڑا بے نہیں سی ایستھوں جان والا

سوئے امرت دے شعراں وچ سی جس دے،

جیہڑا مویاں وچ جان سی پان والا

دھنی قلم داشیریں زبان والا،

ماہر فن دا کامل استاد سی اوہ

رمزاں ادب دیاں سبھے جان داسی،

کرداد لے ناشاد نوں شاد سی اوہ

نقطے شعر دے خوب پچھانداسی،

دیکھ لینداسی جھٹ باریکیاں نوں

پورا سخن دے کنڈے سی تول اوہدا،


سہندا نہیں سی کدے ودھکیاں نوں

عرشوں اوہدا تخیل بلند ہے سی،

سدا نیک و چار و چار داسی
جذبہ پیار داسی اوہدے دل اندر،
دیند ادرس اوہ پریم پیار داسی

اوہدے جان نال پیا خلا جیہڑا،
پورا نہیں اوہ سُکھی، خلا ہونا
مات بھاشا پنجابی دا دُیمن، ورگا،
پیدا لال نہیوں دوسرا ہونا

ایہو جیہی و لکھن روحانی آتے مہان شخصیت دے مالک سن میرے دادا سری برکت
دُیمن، بٹالوی جی!



ایہو جیہا سی لال سنگھ دل

اج توں کئی ورھے پہلاں..... نہ میں اوہدی کوئی تصویر دیکھی سی تے نہ ہی کدے
اوہنوں میں ملی ساں۔ بس اوہدیاں لکھتاں وچوں ہی اوہنوں تکیا سی تے تمنا سی کدے کدھرے
میں ملاں جاں ویکھاں۔

بھاجی گر شرن سنگھ نال کم کردی ساں اوہوں میں۔ موت۔ در۔ موت نالک جیہڑا
اوہناں دنّاں وچ لوکاں دیاں دلاں دے اندر دھسیا پیا سی۔ اک بڑے خونخوار ات وادی دی ماں
دارول سی میرا تے میرا نام جیدی سی۔ اسیں ماچھیواڑے دے علاقے دے کسے پنڈ وچ نالک
کیتا۔ پروگرام ختم ہون توں بعد میں کابلی کابلی پنڈال وچوں باہر نکلی بس پھرن لئی۔ لنک روڈ تے
جار ہی ساں تاں چارے پاسے فصلاں نال بھرے کھیتاں تے شام داہنیرا پسر رہیا سی۔ اچانک
پتہ نہیں کیہڑے پاسیوں اک بندہ آیا مارچو جیہا..... رلیا ہو یا مدھرا قد..... پکا رنگ..... چہرہ
جھڑیاں نال بھریا ہو یا۔ وٹو وٹ کپڑے تے ہتھ وچ نکا جیہا کالے رنگ دا بیگ..... اوہ میرا راہ
روک کے کھڑا ہو گیا تے مینوں افسراں وانگ حکم دتا۔

”جیدے تے توں اگے نہیں جاسکدی“

اک دم میں اوہدے ول ویکھیا۔

”کیوں“ اے میرے موہنہ وچ ہی سی کہ اوہ آپے بولن لگ پیا.....

”آؤ کیکھ میرے پنڈے تے زخماں دے نشان“

اوہنے اپنی میلی جیہی قمیض نوں گلے توں اتار لیا تے پجامہ پرچک کے لتاں باہواں تے
کالے ہو چکے ڈھیر سارے نشان وکھاؤندا پھر جوش وچ بولی گیا۔

”ویکھدی ایس، ایہہ زخم اے جسے مساس ہی سکے۔ اج پھر ہرے کردتے توں جیہڑا اتھاس
 اج سٹیج تے دکھایا اے..... تینوں کیہ نہیں پتہ ہڈیں ہنڈایا اے..... پرکمال سی توں..... تیری سلامتی
 دی دعا منگدا ہاں۔ پچھلے مہینے اجمیر شریف دی درگاہ تے گیا ساں۔ درگاہ توں میں اک نگ لے
 کے آیا ہاں..... مینوں ہن تک صرف دو ہی عورتاں چنگیاں لگیاں نیں..... اک جھانسی دی رانی
 تے دوجی درگاہ بھابی۔ ایہناں دیاں مڑیاں قبریں لہھن پھر داساں..... اج تہی وی ایہناں وچ
 شامل ہو گئی۔ کئی دیر دا ایہہ نگ میں اپنی جیب وچ لئی پھر داساں..... اج ایس نگ نوں مساس منزل
 ملی ہے۔“

اوہنے اپنی گوتی دی اندر لی جیب وچوں نکلے جیسے موم جامے دے لفافے وچوں کچ دا
 چٹا نگ کڈھیا تے میری تلی تے رکھ دتا۔

”ایہہ نوں مندری وچ مڑھا کے انگل وچ پالینا“

اینا کہہ کے اوہنے میرا راہ چھڈ دتا تے جھونے دی پرالی نوں لگی اگ والے دھوئیں نال
 دھکھدے کھیتاں وچوں لنگھدا میریاں اکھاں توں اوہلے ہو گیا۔

پترکاری تے ناٹکاں وچ کم کرن کر کے ایہو جیسے چاہ واند اکثر ملدے ہی رہندے
 ہن۔ ایس لئی اوس دن میں اوس واپری نوں وی گنہگار تال نہ لیا تے نگ نوں پرس وچ سٹ کے
 گھر نوں آ گئی۔

ایس گھنٹا توں تن گو مہینے بعد پنجابی بھون لدھیا نے وچ کسے ستھ ولوں لال سنگھ دل دا
 سمنان سی تے ایس پروگرام وچ مینوں وی شاعری پڑھن لئی بلایا گیا سی۔ لال سنگھ دل دی اک
 جھلک دیکھن دی تمنا..... اوہدیاں کوتاواں..... جیہڑیاں میرے دماغ وچ ہر ویلے طوفان
 مچاؤندیاں سن۔ میں سارے رجھیویں چھڈ کے پنجابی بھون پہنچی۔ کوئی حد نہ رہی میری حیرانگی دی
 کہ اوس دن اجمیر شریف دی درگاہ توں لیا ندا نگ دین والا بندہ لال سنگھ دل سی جیہہ نوں میں بڑے
 ورھیاں توں پڑھ رہی سی تے ملن دی خواہش سی۔ اوس دن فنکشن توں بعد جد مینوں ملیا تاں
 پہلاں ایہو پچھیا،

”نگ مندری وچ مڑھالیا سی؟“

”بس اج ایتھوں جا کے.....“ میں آکھیا۔

اک وار اوہنوں میں سمرالے ملن گئی۔ ٹرک یونین دے وڈے اڈے تے اوہ اپنے اک بھائیوال نال لکڑی دے کھوکھے تے چاہ داکم کرداسی۔ ٹرکاں دے ڈرائیوراں کنڈکڑاں نوں کوڑی چاہ بنا کے دیندا تھاں تھاں توں جوٹھے گلاس لہدا پھر دا..... تے بڑی رات گئی اوہناں توں دو دو روپے وصول داتے اوہناں دیاں الٹیاں سدھیاں چنگلیاں گلاں وی سن دا۔ کہندے ہن اک واری اوہنوں پنجابی ٹریبون وچ کلاس فوردی نوکری مل چلی سی پر ہوا روئی کہن لگا۔

”دل ساڈے نالوں وڈا شاعر ہے۔ اوہ ساڈے پٹھن لئی کرسیاں صاف کردا پھرے تے سانوں پانی پلاندا پھرے، ایہہ ساڈے توں برداشت نہیں ہونا.....“

بھلا جے ایہہ نوکری اوہنوں مل وی جاندی تاں کیہ سی۔ اے سی وچ تاں پیٹھدا..... بھکھدیاں دو پہراں نوں سر داتے رلدا تاں نہ..... بجھوئیں تنخواہ تاں ملدی..... دو دو روپے لئی اوہنوں دو ٹکے دے چنگلے ہوئے ڈرائیوراں دیاں پینٹیاں تاں نہ کرنیاں پندیاں۔

جدوں اوس دن اوہ مینوں اپنے گھر لے کے گیا، اوہدے میانی نماں کمرے دیاں بھیڑیاں پوڑیاں چڑھن لگیاں، پوڑیاں دے نال بنی اوہدی بھر جائی دی ہاتھی جڈی مجھ نے تازے گوہے نال لہڑی پونچھ میرے کپڑیاں تے ماری تے میری گلے توں لے کے تھلے تک ساری قمیض گوہے نال لہڑ گئی۔

اوہ بڑا دکھی ہو یا تے غصے وچ بولن لگا۔

”جے مینوں پتہ ہندا کہ ایس بھیڑی جیہی بدھی والی نے ایہہ کارا کرنا اے تاں میں ایہنوں پہلاں ہی چار ٹوبے مار کے رکھدا..... بھلا ایہو جیسے جانور نوں وی کیہ کرنا اے جیہنوں آئے گئے داوی پتہ نہیں لگدا.....“

اوہدی نیویں جیہی چھت والا کمرہ تھاں تھاں توں سلا بیا پیاسی..... سارا سماں اکھڑیا اکھڑیا..... اک گھ وچ میلے کچیلے کپڑیاں دا ڈھیر..... سیونک کھادیاں کتاباں تے بے شمار چٹھیاں..... منجے تے سردے والا ورگی وچھی چادر تے پھلکاری دے چند والی گدولا بنی رمنائی۔ ایہو جیسے عالم وچ وی مینوں اوس دن بہت چنگا لگا اوہدے مونہوں اوہدی بیتی زندگی دی کہانی سن کے۔ بار بار میریاں اکھاں وچ پانی تیرا دیکھ اوہ تھوڑا چپ ہو جانداتے میرے چہرے توں وی کوئی ایہو جیہی کہانی پڑھن دا جتن کردا۔ اوہنے میرے توں وعدہ لیا کہ میں جدوں وی اپنی ٹیم نال

سمرا لے وچوں لنگھاں اوس نوں ملے بنانہ جاواں۔

شام لدھیانے پرتن ویلے جدوں اوہ مینوں اڈے تے چھڈن آیا تے بازار وچوں لنگھیاں میں اک دوکان توں تختے دے طور منجے تے وچھان لئی گوہڑے رنگ دی چادر خرید کے دتی تے کہیا کہ ایہنوں اج ہی وچھالینا.....“

اگلی وار جدوں اوہ مینوں غدري بابیاں دے میلے تے جلدھر ٹکریا تاں میں پچھیا کہ چادر منجے تے وچھالئی سی جاں نہیں۔ میری گل سندیاں نال اوہ تھوڑا جیہا مسکرایا تے آکھن لگا۔
”چنڈی گڑھ توں نر پمادت نے آؤنا اے مینوں ملن۔ میرے تے کوئی ڈاکو مینٹری فلم بناؤنی اے..... بس میں اوہنوں ہی اڈیکدا پیا ہاں..... بس جس دن اوہنے آؤنا ہويا او سے دن وچھالینی اے میں.....“

اوہناں دناں وچ میں دلش سیوک اخبار داکم کردی ساں۔ اک پورے پیج دا کالم لیکھک دیاں چار فوٹو لاکے ایتوار دے میگزین سیکشن لئی تیار کردی ساں۔ اوہدے لئی میں لال سنگھ دل دا انٹرویو کرنا سی۔ پنجابی بھون لدھیانے وچ اک پروگرام سی جیہڑا رات نوں ختم ہويا۔ میں بلیر پروانہ نوں کہیا کہ اوہ ایس انٹرویو کرن وچ میری اج مدد کرے۔

ہنیرے ہوئے جداسیں گھر پہنچے تاں چاروں پاسے دھند گوڑھی ہوگئی سی۔ سڑک تے لگیاں تیز روشنی والیاں وڈیاں بتیاں وی دیوے دی روشنی وانگ جگدیاں لگ رہیاں سن۔ ٹھنڈ نال سارا علاقہ سن ہويا پیا سی تے ہنیری کالی بولی رات وچ ہتھ نوں ہتھ نہیں سی دس رہیا۔ دل دی نشے پتے کھان والی عادت توں میں جانو ساں۔ گھر دا گیٹ کھول دیاں میں آکھیا:

”میں اپنے گھر وچ کسے شرابی نوں وڑن نہیں دیندی تے نہ ہی کسے نوں کوئی نشہ کرن دیندی ہاں۔“

میری گل دا اوہنوں بجلی دے جھٹکے ورگا اثر ہويا تے اک پل وچ اوہ گیٹ دے باہر گلی وچ چلا گیا۔ میں تے بلیر نے بڑا روکيا پر نہ نیا۔ بلیر نے اوہدی بانہہ پھڑلئی تے اندرون کچھیا۔ اوہدے ماڑ چو جیسے وجود وچ پتہ نہیں کتھوں لوہے ورگی طاقت آگئی۔ اوہنے غصے نال بلیر دی بانہہ اکو جھٹکے نال پرے نوں سٹی تے منھاں سکناں وچ کاہلے کاہلے قدم تر دا ہويا برف وانگ جی ہوئی رات دے ہنیرے وچ ساڈیاں اکھاں توں او لھے ہو گیا۔ میں گھر دے ویڑھے وچ بڑی پریشان

کھڑی سی۔ بلیروی حیران پریشان۔ تھوڑی دیر بعد میں چپ نوں توڑیا:

”اوہدے کول کوئی بھارا کپڑا وی نہیں ایس ویلے ایستھوں سمرا لے نوں کوئی بس وی نہیں جاندی..... لوہڑے دی ٹھنڈ وچ مر جاوے گا اوہ..... جان تاں اوہدے وچ اگے نہیں لہدی..... ایہہ سارا کجھ میرے سر لگے گا۔ میں اپنے آپ نوں کدے وی معاف نہیں کر سکاں گی۔ توں میرے نال چل آپاں بائی پاس توں اوہنوں لہ لیا یئے.....“

اسیں دور چوک تک تے گھٹنا گھروں نوں جاندی سڑک تے دور دور تک گھم کے ویکھیا۔ اوہ سانوں کدھرے نالہا۔ بہت اداس ہوئے گھر مڑ آئے۔ گھر دا گیٹ ابے وڑے ہی ساں کہ اوہ پتہ نہیں کدھروں گیٹ تے آکھڑا ہویا۔

”بیبا میری ہن تک دی زندگی وچ پہلی وار ہے کہ میں کسے عورت دا حکم نیا اے.....“
اوہنے اپنی قمیض دے پاسے والی جیب وچوں زردے دی ڈبی کڈھی تے مٹی رنگی کڑتی دی اندر لی جیب وچوں پواتے دوویں چیزاں نال وگدی نالی وچ وگاہ ماریاں تے تیزی نال گیٹ ٹپ کے اندر آ گیا۔ اوہدے بلکھ ٹھنڈ نال نیلے گوڑے ہوئے پے سن..... مینہہ ورگی دھند نال کپڑے گلے۔ کمرے اندر لنگھ کے اوس نے بجلی دا ہیٹرو وی بند کر دتا تے آرام نال صوفے تے بیٹھ گیا۔

پوری رات اسیں اوہدے نال سوال جواب کردے رہے تے اوہنے چاء تک وی نہ پیتی تے مونہہ ہنیرے سانوں دسے بناں ہی چپ چپتے بلیر دے نالوں اٹھ کے پتہ نہیں کیہڑے ویلے چلا گیا۔

ایس گھٹنا توں کئی مہینے بعد سمرا لے پڑو دروڑ تے کلونت سنگھ ترک دے بیٹے راجے دا ویاہ سی جیہڑا دل دے گھر توں کئی میل دور شہر دے دو بجے پاسے نویں اُسر رہی کالونی وچ سی۔ ادھی رات ویلے جدوں اسیں جاگو لے کے محلے دیاں گلیاں وچ پھر دیاں پیاں تاں اوہنوں میں دوروں ویکھیا۔ اوہ راجے دے گیٹ موہرے کھڑا سی۔ میں بڑی حیران سی کہ اوہنوں میرے سمرا لے آؤن دا کوں پتہ لگ گیا۔ میں کول پہنچی تاں میرے کچھن توں پہلاں ہی اوہ دسن لگ پیا۔

”توں پا کھر دے رکشے تے سمرا لے اڈے توں بیٹھ کے ایس گھر آئی۔ اوہنے مینوں دسیا کہ جیہڑی پتر کارا اوس دن تینوں چاء دے کھو کھے تے ملن آئی سی اوہ میرے رکشے تے بیٹھ کے ایس گھر گئی استھے رکشے والیاں نوں میری ساری خبر ہندی ہے..... میں سوچیا اوہ مینوں بہکا

رہیا ہے..... بیباک آکھدا ہاں جے ایہہ اوہدی گل جھوٹھ ہندی تاں پا کھرنے میرے ہتھوں نہیں
سی بچنا..... ارج اوہدا ایس دھرتی تے اخیر لادن سی..... بس میں تاں اپنی رات گئی اپنا شک کدھن
آیا ہاں۔“

اوس دن راجے دے ویاہ تے دل دے شہر سمرالے جان دی خبر میں اوہدے توں چھپا
کے رکھی سی۔ میری چوری پھڑی گئی میں بڑی شرمندی جیہی ہو گئی۔
اوہ اکثر مینوں فون کردا۔

بیبا میرا بلا مر گیا..... اوہ مینوں بہت پیار کردا سی..... جھاؤ جیہا! جدوں وی میں پڑھن
لکھن لئی پٹھدا اوہ میری بکل وچ آوڑدا..... جدوں وی اکتا وچ غرقیا ہندا اوہ میرا مونہہ تک چم
جاندا..... پریم پرکاش نوں جلندھر فون تے ضرور دسی اے بلے دے مرن دی خبر کئی واری فون کیتا پر
بھیرا فون ہی نہیں چک رہیا۔ ہن میں آپ چلا ہاں جلندھر..... میں چاہوندا ہاں جے چار بھرا نہیں
تاں اسیں دوویں تاں اوہنوں دفنائیے..... باہر سٹے تے اینویں کاواں کتے تے نہ کھاندے پھرن۔“
”بیبا میں مسیت مسلماناں دے منڈیاں نوں الف۔ بے پڑھاؤن لگ پیا ساں۔ بچے
میرے کولوں پڑھ کے بڑے خوش سن..... پر ارج اوہ مولوی کہن لگا مونہہ متھا سوار کے آیا کرتے
کپڑے وی حال دے پا کے آیا کر..... کنجراتوں میرے مونہہ متھے توں کیہ لینا اے..... بیبا میں
کل توں مسیتے نہیں جانا.....“

”ارج نر پمادت آئی سی۔ اوہ میرے کولوں عجیب و غریب سوال پچھدی رہی..... مینوں
وی چنگا لگدا رہیا۔ پھر اوہ مینوں اپنی وڈی کار تے لے گئی..... نہر دے کنڈھے بیٹھ گئی..... اوہدا
ایس طرحاں دا سبھا مینوں چنگا لگا..... عجیب ہے اوہ..... کدے کدے ایہہ سبھ کجھ میری سمجھ توں
باہر ہندا ہے.....“

ایس طرح دے فون اوہ مینوں کئی واری کردار ہندا۔ اوہنوں جدوں وی کوئی وڈا انعام
ملدا میں پر بندھکاں نوں ہمیشہ کہندی..... سارے پیسے لیہنوں کٹھے نہ پھڑا دیو..... تھوڑے
تھوڑے کر کے دیو..... جاں لیہدا گھر وساؤن دا کجھ سوچو..... پیسے دین دی بجائے گھر دا کوئی
سمان بنا دیو..... میری کدے وی کوئی نہ سن دا۔ رقم جنی مرضی وڈی ہندی، کجھ دناں وچ ہی
ختم..... شیلڈاں توں پتل لاہ کے گھر دے بھانڈے والیاں کول وچ دیندا آتے لونیاں جے کدے

دھوکے باہر سکنے پاؤںیاں تاں آنڈھی گوانڈھی چوری لاہ کے لے جاندے۔

اک واری اوہنوں تیہہ ہزار دانعام دو آ بے دے اوہدے باہروں آئے چاہ وند نے
وڈے اکھ وچ دتا..... میں کیہا کہ ایہہ سارے پیسے غلام محمد گوریے نوں پھڑا دیو۔ اوہ تھوڑے
تھوڑے کر کے ہر ہفتے دیندا رہے گا..... نالوں کوئی گوریے نال لاگت بازی والا بول پیا۔

”اکوہی گل ہے“

پچھلے مہینے پنجاب راج بجلی بورڈ ساہت سبھا ولوں اوہنوں سمنانت کینا گیا۔ مینوں
سکول وچ پیراں وچ ڈیوٹی لگن کر کے چھٹی نہ مل سکی تے سٹیج توں اٹھ کے کچھے آ گیا۔

”توں کتھے سی..... میں تینوں کدوں دا ویکھدا پیا ہاں۔ میں تینوں اج پارٹی دینی

ہے..... بیبا تیری پارٹی دا کیہا اے، 10-15 روپے وچ ہی مک جاندی ہے.....“

پروگرام ختم ہون تے اوہنے مینوں چلن لئی کیہا۔ بھارت نگر چوک دے کونے والی
پھلاں دی دوکان تے اوہنے مینگوشیک دے دو وڈے گلاس بنوائے۔ اک گلاس میرے ہتھ وچ
پھڑا اوہ اپنے آپ بولی گیا۔

”بیبا پتہ نہیں ہن کیہ ہندا اے، میرے پیٹ وچ کوئی پھنیر سپ اے جیہڑا دنے
رات پھنکارے ماردا رہندا اے..... مینوں اوہدے پھنکارے ٹکٹن نہیں دندے پئے..... اپنے
ڈاکٹر..... اپنے ساہتکار..... اینیاں سرکاراں جیہڑیاں میرے مرن مگروں میرے مرثیے پڑھن
گیاں..... اوہناں نوں کیوں نہیں خیال آؤندا میں کنا اوکھا ہاں..... مینوں لگدا ہے مینوں ایس
پھنیر سپ نے کسے ویلے وی ڈنگ مار لینا اے۔ میں بہت تھک گیا ہاں ایہو جیہا بھار ڈھو ڈھو
کے..... بھلا جے میرا پیٹ پاڑ کے ایس پھنیر سپ نوں کوئی باہر کڈھ دیوے..... چندر ماں تک
پہنچی سائنسدانی لئی ایہہ کیڈی گڈی وڈی گل ہے۔ میں کجھ چرہور جی سکاں..... ایس طرحاں میں
کدے نہیں سی ہاریا..... ایہہ سالی صحت میرے کولوں وس نہیں ہندی..... جیسے ایڈیاں ایڈیاں
وڈیاں مہماں نال ٹکراں لپیاں..... میریاں چورو چور ہو پیاں ہڈیاں وی میرا ساتھ دیندیاں
رہیاں..... اج کیہ ہو گیا ہے مینوں..... کہندے نے زہرنوں زہر ماردی ہے۔ میرے اندر اپنی
زہر ہے..... ایس ناگ نوں کیوں نہیں ماردی۔ اے جے میں بہت کجھ لکھنا اے..... پر..... نہیں.....
بیبا میں ہار نہیں سکھی..... میں مقابلہ کراں گا.....“

اوہدے کولوں میگو شیک پیتا نہ گیا۔ بس، دو گھٹ بھرے تے باقی دا بھریا بھرایا گلاس
چھڈ دتا۔ مینوں گھرنوں توں کے آپ ساہنے شراب دی وڈی دوکان دے پچھلے پاسے بنے حاطے
وچ وڑ گیا۔

کجھ دنوں لئی میں پنجاب توں باہر گئی ہوئی ساں۔ رومنگ پین کر کے میں کئی واری
کالاں نہیں سن دی تے موبائل پرس وچ ہی رکھ دیندی ہاں۔ میں شام نوں مسڈ کالاں چیک
کیتیاں تاں اک ہی فون توں چووی گھنٹیاں وچ اوہ دیاں پیتی کالاں سن۔ اگلے دن میں پنجاب
پہنچیاں ہی سمرا لے گئی..... اوہ بوندلیا جیہا پیاسی۔ گل کردیاں بے شک زبان وچوں کدے
کدے تھڑک جاندی پر اوہ بولی گیا

”کتھے چلی گئی سی توں..... مینوں فون تے بڑا لہیا..... میری موت توں بعد میری زندگی
دے سارے پلاں نوں..... سارے دکھانت نوں توں اپنے ناکاں وچ ضرور ڈھالیں..... بس
توں ہی ایہہ سب کجھ کر سکیں گی..... ہو کر کسے تے مینوں اکا امید نہیں..... دکھ نوں اوہی سمجھ سکدا اے
جیسے دکھ خود ہنڈھائے ہوں..... کل دادن میرے لئی شاید چڑھے جاں نہ چڑھے..... ہن مینوں
تاں مور چہ فتح ہی لگدا اے“

اوہنے بولنا بند کر دتا تاں میں کئی دیر اوہنوں زندگی نال جوڑن دیاں جھوٹھیاں ترکیباں
دسدی رہی پر اوہدے چہرے دی دکھ وچوں زندگی ناں دی روح غائب ہندی جا رہی سی۔ شام
نوں میں گھر آ گئی پر اوہدی زندگی دی داستان مینوں بہت بے چین کر رہی سی۔

اگلی شام اوہ فون آیا ”..... بیبا..... میرے اندر جیہڑا پھلیئر سپ سی اوہنے سینکڑے
سپو لیے پیدا کر دتے نیں اک کولوں میں نہیں سی ہاردا..... ہن میں کلاتے اوہ سینکڑے..... میں ہار
گیا ہاں..... میں تے کدے سوچ وی نہیں سی سکدا کہ موت مینوں انج ہرائے گی..... میں تاں
برے توں برے حالات وچ وی بس جینا ہی سکھیا سی۔“

میں اوہنوں کہیا کہ ”بس اج دی رات کٹو..... لدھیانے میرے کئی اچھے ڈاکٹر واقف
ہن۔ کل نوں سارے چیک کرواواں گے..... میں آپ آ کے اپنی گڈی تے لے جاواں گی.....“
تے کل..... پتہ نہیں سی..... سچیں چڑھنا نہیں سی۔ میں تاں اچھے لدھیانے ہی ساں۔
سمرا لے جان لئی سوچ رہی سی..... گورنئے ہوراں ڈی ایم سی لے وی آندا۔ حالت زیادہ وگڑ گئی

سی..... ڈاکٹر! نے اوہدا پیٹ پاڑیا..... تے سچیں پتہ نہیں پیٹ وچ کیہ سی..... ایوے ووے
ہسپتال دے ایسے ماہر ڈاکٹر! دی وی سمجھ توں باہر..... اوہناں اک پل وچ پیٹ سی
دتا..... حیران ہاں کہ اینا وڈا سچ اپنے اندر لے کے کیوں پھر دارہیا سی اوہ..... ثابت..... ثبوت۔
میری تلی تے رکھیا اجیر شریف دی درگاہ توں لیاندا کچ دا نگ مینوں کسے قیمتی ہیرے جواہرات توں
وی مہنگا جاپ رہیا سی..... جھانسی دی رانی..... بھابی درگادیاں مڑیاں مسیتاں توں گھم کے آتے
پھر میرے تک پہنچیا..... دل دی حیاتی دے سارے ورھے..... پولیس اینا کھدی رہی کہ تے پیا
کمبل پسینے نال گھٹ تے لہو نال ودھ بھجدا..... پنجابوں بہت دور یوپی دے ویران علاقیاں وچ
جیہناں پناہ دتی اوہناں پولیس نالوں وی کئی گنا ودھ ظلم کیے۔ موت کئی واری عین قریب آ کے
مڑدی رہی..... ظلم دے اتہاس کہندی حکومت اوہدے حق سچ دی آواز نوں خزل دانا م دیندی
رہی..... اک نہیں اوہ کئی چکیاں وچ پسیا..... اک یگ..... اک اتہاس جیویا اوس..... میں اپنے
ناٹکاں راہیں زندہ رکھاں گی ایہہ سارا کجھ..... اوہدی سوچ تے پہرہ دیاں گی جسم ہی تے گیا
ہے..... اوہ زندہ رہے گا..... ہمیشہ..... ہمیشہ لئی..... ساڈے دلاں دیاں دھڑکناں وچ!



میتھوں میرا پر ہاوڈا

(شوگمار بٹالوی نال کیتے سفر تے اک جھات)

شوگمار نال کیتے میرے سفر دی شروعات کدوں ہوئی ایہہ اک لٹی کہانی ہے۔ پرگل
میں 1965 توں شروع کردا ہاں جدوں میں شو نوں پہلی وار ملیا ساں۔
شو دی کوتا پڑھدا سندا میں جوانی دی دہلیز تے پیر رکھیا سی۔ بچپن وچ ہی اپنے گھر
پر وار توں جدائی نے میری بال عمر وچ اک سوگی احساس بھر دتا سی۔ ایس احساس نے مینوں کوتا
دی پہچان کروائی۔ میریاں اداس گھڑیاں وچ شو دی کوتا میرا ساتھ دیندی سی۔ مینوں دھرواس
دیندی سی۔ میں شو دے درد نوں سمجھن لگ پیا ساں۔ اوہدی پیڑ نال میرا شبد ہن رشتہ جو گیا سی۔
شو نے اپنی پیڑ نوں برہاداناں دتا۔ ایہہ شبد اوسدی سر جنا نہیں سی۔ شیخ فرید نے برہا
نوں سلطان دادر جہ دتا سی پر شیخ فرید دی بانی وچ ایس دے ارتھ ادھیا تمک دائرے اندر سمیت
رہے سن۔ شو نے ایس شبد وچ آکاش داکھلا رپسار سمندر دی گہرائی تے پوناں دی بھٹکن بھر
دتی۔ تن حرفاں دے ایس شبد نے اوہدی روح دی سٹوچی تڑپ، اوہدی تلاش تے گوڑ سمیٹ
لئی۔ برہا اوس لئی ساری منگھتا دے درد دا مہان کاو بن گیا۔

اسیں سبھ برہا گھر جم دے

اسیں برہادی سنتان

برہا کھائیے برہا پائیے

پرہا آئے ہنڈھان

کسے وی زبان وچ شبد منگھئی سوچ وچوں جنم لیندا ہے۔ پھیرا یہی شبد منگھئی سوچ نوں

پر بھاوت کرن لگدا ہے۔ اوہنوں اپنے رُوپ وِچ ڈھالدا ہے۔ ہر ہاشو دی کاو سوچ تے رچنا دا
 کیندر بن گیا سی۔ ہر ہانال اوس دا اٹھ رشتہ سی۔ اوس نے لکھ توں (ساڈے پوتریاں وِچ ہر ہا
 رگھیا ساڈیاں ماواں) قبر تک (اساں جون ہنڈھانی مہک دی، سانوں ہر ہا دا وردان) اپنی
 سنگھپ جیہی عمر ہر ہا دے ناں لا دتی سی۔

شوہنوں ملن توں تن گوسال پہلاں مینوں بیرنگ کالج بٹالہ صرف اک سال پڑھائی
 کر کے چھڈنا پیا سی۔ دراصل ایہنیں دینیں میں بے گھر ہو گیا ساں۔ در در بھٹک رہیا ساں۔
 انیکاں پا پڑو لینے پئے۔ ٹیوشناں پڑھائیاں۔ اک پرائیویٹ سکول وِچ نوکری مل گئی۔ دوستاں
 نے امرتسر گونیز روڈ تے اک ہوٹل وِچ کمرہ کرائے تے لے کے سر لکاؤن دا وسیلہ بنا دتا۔ میں
 دن بھر کدیں آرٹ گیلری کدیں میونسپل لائبریری وِچ بیٹھا رہندا۔ جد کدیں دوستاں نوں کمرے
 دی ضرورت پیندی اوہ مینوں پیسے دے کے باہر بھیج دیندے۔ میں اُپر تھلے دو تن فلماں ویکھ
 لیندا۔ پھیر ریلوے اسٹیشن دے وِچنگ روم وِچ بیٹھا سویر ہون دی اڈیک کردا۔

کئی واری پتلی گھر امر چتر کار دی دکان تے چلا جاندا۔ امر نے میری پہلی کوتاواں
 دی کتاب مٹی دے مانس دا کور بنایا سی۔ اک ودھیا چتر کار تے کوی نوں زندگی دیاں لوڑاں نے
 رکشیاں تے ویل بُوٹے پیٹ کرن تے مجبور کر دتا سی۔ اک دن اوس کیہا، یار، شوگمار بٹالوی اج
 کل تیرے ہوٹل دے نیڑے ہی رہ رہیا اے اوہنوں ملیا ایں؟

اوس شام گرینڈ ہوٹل دے باہر میں شوگمار نوں ملیا۔ اوس نے مینوں گر شرن سنگھ دا
 نائک دیکھن اوس نال جان لئی کیہا۔ سنجائی وِ بھاگ جتھے گر شرن سنگھ دانا ٹک کھیڈیا جانا سی زیادہ
 دُور نہیں سی۔ سڑک دی بھیڑ توں بے پرواہ تڑے جاندیاں شوہنے دسیا کہ اوس دا کاونا ٹک لونا
 چھپ رہیا سی۔ اوہ لونا دیاں سطراں سناؤن لگ پیا، (میں اگ ٹری پردیس نی سٹیو، اگ ٹری
 پردیس اک چھاتی میری ہاڑت پیندا، دوجی تپدا جیٹھ)

اج سوچدا ہاں کہ شوہ دے عورت لئی ورتے بمب۔ اگ تے سہنی دودھاری تلوار بن
 جان دی سمر تھا رکھ دے ہن۔ اگ تے سہنی داسکیت کام دی اوس اوستھاو ل ہے جیہڑی بھارتی
 سبھتا وِچ سدا بہن بھاونا نال ویکھی گئی ہے۔ ایہہ بمب ورت کے بے شک اوہ عورت دے
 اوہناں منو بھاواں نوں کیلن وِچ سپھل رہیا جو اوس توں پہلی پیڑھی دے کویاں دی پکڑ وِچ نہیں

آئے سن۔ پر اوس دی کوتا وچ ایہناں بمباں دی بھر مار عورت بارے پر چلت سٹیر بیٹھناں دی
انجانے ہی حمایت کر جاندی ہے جیس وچ عورت نوں صرف کام پورتی داسا دھن سمجھیا گیا ہے۔
پھیروی میں سمجھدا ہاں کہ پنجابی ساہت وچ سُمو چے طور تے لونا عورت نال جگاں توں ہو رہی بے
انصافی وِرد دھ اک بے مثال آواز ہے۔ عورت دی زریکھ پچان داود دھیا نمونہ ہے۔

نائک گھر پنچن توں پہلاں اسیں کئی سالوں داسفر طے کر لیا سی۔

امر تر رہندیاں تن چار واری شوگمار نوں ملن داموقع ملیا۔ اسیں لارنس روڈ تے تڑ
پیندے۔ کدیں سندھی کافی ہاؤس وچ بیٹھ جاندے، کدیں بیئر بار۔ شو اپنے بارے گلاں کردا،
میں سندر ہندا۔ کئی واری اوس دیاں گلاں وچ گجھ نکلے اک دوجے نال میل نہ کھاندے۔ پر
مینوں ایس دا کوئی فرق نہ پیندا۔ مینوں اوس دے مونیوں گجھ وی سُننا چنگا لگدا۔

شوگمار امر تر چھڈ کے بٹالے چلا گیا۔

بٹالہ چھڈن توں پنج سالوں دے بعد قدرت مینوں ایس شہر واپس لے آئی شوگمار
دے شہر۔ ایہناں سالوں وچ میں کسے طرح پرائیویٹ امتحان دے کے بی اے پاس کر لیا سی۔
میں بیرنگ کالج بٹالہ وچ انگریزی وچ ایم اے کرنا چاہندا سی پر کالج دی پڑھائی دے خرچ بارے
سوچ کے دل دُبن لگدا سی۔ ہمت کر کے عرضی دے دتی۔

کالج وچ داخلہ مل گیا پر رہن دی سمیاحل نہ ہوئی۔ اک دن میرے اک جماعتی نے
کیہا، شوگمار سٹیٹ بینک آف انڈیا وچ نوکری کر دا ہے کالج دے نیڑے کوٹھی کرائے تے لے کے
رہ رہیا ہے۔ مینوں ہنھیرے وچ روشنی دی کرن دکھائی دتی پر میں جھجکدا رہیا۔ کالج دے سالانہ
کانٹیسٹ وچ اک پروفیسر دے کہن تے میں اپنی نظم پڑھی۔ مینوں پہلا انعام ملیا۔ شوگمار نوں جج
دے طور تے بلا یا گیا سی۔ فنکشن دے بعد شو ملیا، گل لایا، کیہا تیری نظم چنگی لگی ملدا رہیا کر۔

اک شام کالج دے بعد میں شوگمار دی کوٹھی گیا۔ اوہ بڑے پیار نال ملیا۔ مینوں سمجھ نہیں
آ رہی سی کہ گل کیوں شروع کراں۔ اوہنے میرے چہرے نوں پڑھ لیا تے کیہا، توں اینا اُداس
کیوں ہیں؟ میں کیہا، میرے کول رہن دی تھاں نہیں۔ اوس نے جھٹ کیہا، توں اتھے کیوں نہیں آ
جاندا۔ اگلے دن میں اپنیاں کتاباں تے چار کپڑے چک کے شوگمار دے گھر رہن لئی آ گیا۔

شوگمار عمر وچ میرے توں نوں سال وڈا سی۔ میں اوس نوں بھاء جی کہہ کے بلاؤنا

شروع کر دتاسی۔ کئی واری نشے دی حالت وِچ اوہ آکھدا، توں میرا چھوٹا بھراہیں۔ میرا جی کردا
میں اوس دے ہر لفظ تے وشواس کراں۔ بہت دیر بعد سمجھ آئی کہ شو کسے نوں وی احساس کروا
سکدا اسی کہ اوہ اوس دا جگر می دوست ہے۔

شو دے کہن تے میں اپنے امریکن پروفیسر نال گل کیتی کہ اوہ شو دیاں کوتاواں دے
انگریزی انووادنوں ایڈٹ کرے۔ ایہہ انوواد شو دے اک قدر دان انگریزی دے پروفیسر نے
کیتا سی۔ پر جد میں ایہناں کوتاواں نوں پڑھیا تاں میری ہمت نہ پئی کہ میں ایہناں نوں اوس
پروفیسر نوں وکھاسکاں۔ میرے خیال وِچ شو دی کوتاواں انگریزی وِچ انوواد کرنا اوس دے ہنر
نال بے انصافی کرنی سی۔ میرا مطلب ہے ایہناں سطر اں وِچلے احساس نوں کسے ہور زبان وِچ
کیویں پیش کیتا جاسکدا ہے:

تینوں دیاں ہنچھواں دا بھاڑا
فی پیڑاں دا پراگا بھن دے
بھٹھی والیے چنے دیے ڈالیے

ساڈا عشق کنوارہ مر گیا
کوئی لے گیا کدھ مسان وے
ساڈے غین تیری اج دیدی
پے کر یا کرم کران وے

سانوں دے تے بھر تویتڑے
تیری فرقت دے سلطان وے
اج پریت نگر دے سورینے
سانوں چونکی بیٹھ کھڈان وے

کیہ غیر پنجابی پاٹھک ایہناں شبد اں دی روح نوں پہچان سکے گے؟ اوس مٹی دی
مہک محسوس کر سکے گے جیس دھرتی دی ایہہ اُچ بھن؟ شو نوں شاید میرے کولوں ایہہ اُمید نہیں سی۔

دو چار رواریا د کرواؤن بعد اوس نے کہنا چھڈ دتا۔

ساہت بارے جے اسیں کدیں گل کیتی ہووے تاں یاد نہیں۔ اپنے سمکالی لیکھکاں بارے شو دے کیہ وچارسن؟ اپنی عمر توں وڈے گجھ اک مشہور ساہتکاراں توں علاوہ اوس کول کسے دی پرسنسا لئی شبد گھٹ ہی سن۔ اوس کول پنکڑ دے لیکھکاں دیاں کتاباں آوندیاں پر میں اوس نوں کوئی کتاب کھول کے پڑھدیاں کدیں نہیں ویکھیا سی۔ اُنج اوس دی یادداشت کمال دی سی۔ جو گجھ اوس نے اپنے کالج دے دناں وچ پڑھیا سی بہت گجھ یاد رکھیا سی۔

سال 1966 دے آخری دن سن۔ شو اپنے ویاہ بارے گل کرن لگیا۔ مینوں حیرانی ہوئی۔ کون سی اوس دے جیون ساتھ دی چون؟ ایہہ سبھ کدوں ہو یا؟ کیویں ہو یا؟ شاید اوس نے ایہہ گل میرے نال سانجھی کرن دی ضرورت نہ سمجھی ہووے۔ خیر، اوس دے چہرے تے رونق آ گئی سی، آواز وچ اک نواں سرور بھر گیا سی۔ کئی واری گلاں کردا کردا اوہ اُداس ہو جاندے۔ میں اوس دی اُداسی سمجھداسی ایس لئی چکھن دی لوڑ نہیں سی۔ اوہ اپنا ویاہ دھوم دھام نال کرنا چاہونداسی پر اوس کول ویسے نہیں سن۔

شو دے کہن تے میں اوس دے دوستاں نوں چٹھیاں لکھن لگا۔ اوس نوں سہائتا دی لوڑ سی۔ مینوں یاد نہیں اک وی خط دا جواب آیا ہووے۔ شو دی ڈپریشن ودھ رہی سی۔ اوہ اپنی برات وچ شامل ہون والے وڈے وڈے لوکاں تے اپنے رُتبے دی موہر لاؤنی چاہونداسی۔ مینوں ایس مدھورگی برتی تے گھرنا ہون لگی سی۔ اوس دے کہن تے میں نہ چاہونداسی اوہ وی اوس دے اک قدردان پنجاب سرکار دے منتری نوں ملیا تے اوس دی سہائتا کرن داسُنیہا دتا۔ پٹھان کوٹ جا کے اوس دی ہون والی پتی دے پر یوار نوں ملیا۔

شو گمار دے ویاہ بارے میری یاد دُھندلی پے گئی ہے۔ بس یاد ہے پٹھان کوٹ دے ریسٹ ہاؤس وچ فروری مہینے دی اک سرد شام، یاد نہیں کون ایس جشن وچ شامل سی تے کون نہیں۔ یاد ہے نشے داوگداریا اوس دریا وچ ڈوبے کئی لوکاں وانگ میں وی ڈوب گیا ساں۔

ارونا بھابی جد شو دے ایس گھر آئی (جتھے میرے علاوہ ہیرنگ کالج دا اک ہور سٹوڈنٹ وی رہنداسی) تاں لکيا جیویں پت جھڑ وچ بہار آ گئی ہووے۔ شو دی سنگت وچ میری پڑھائی دا کافی نقصان ہو چکا سی۔ مینوں آؤن والے امتحاناں دا فکر لگ گیا۔ شو نوں کیہا، میرا

اک جماعتی اگلا رہندا ہے۔ میں گجھ دناں لئی اوس نال رہ کے پڑھائی کرنی چاہوندا ہاں۔ شو نے
کیہا، ٹھیک ہے جدوں تیراجی کرے آ جایا کراہیہ گھر تیراوی ہے۔ میں اپنیاں کتاباں تے چار
کپڑے کچھے مارے تے بناں گجھ کہے باہر نکل آیا۔

میری خانہ بدوشی دا سلسلہ پھر شروع ہو گیا۔ دن کالج وچ نکل جاندا، رات اج اتھے
کل اوتھے۔

ایہناں دناں وچ میں شو گمارنوں ملن نہیں گیا۔ میں نہیں چاہوندا سی کہ اوس نوں
میری مفلسی تے ترس آوے تے اوہ مینوں مڑ گھر آؤن لئی کہے۔ شو دیاں اپنیاں ذمہ واریاں
سن۔ میں ایہناں ذمہ واریاں وچ شامل نہیں ہونا چاہوندا سی۔ کدیں کدیں ایہہ جانن نوں من
کردا، کیہ اوہ میرے بارے سوچدا سی؟ شو نوں اپنے بارے کہن دی لوڑ کدیں محسوس نہیں کیتی سی۔
درد دے رشتے دی کوئی زبان نہیں ہوندى۔

میں ایم اے دا پہلا سال پاس کر لیا سی۔ میرے امریکن پروفیسر نے مینوں ہوسٹل وچ
کمرہ لے دتا۔ ہوسٹل شو گمار دی کوٹھی توں پنج گومنٹ دُور سی۔ کئی واری اوہ اچانک آ جاندا۔
اسیں قادیان والی سڑک تے نکل تڑدے۔ اوہ اپنی کوئی نویں نظم سناؤندا، میں سُندا۔ میں کیہ لکھیا
ہے، ایس بارے اسیں گھٹ ہی گل کردے۔ صرف اک واری اوس نے گلاں گلاں وچ کیہا سی،
توں اپنی نویں کتاب داناں دل دریا سمندروں ڈونگھے رکھ لے (ایہہ کتاب 1968 وچ تیری
کو تاواں دے ناں پٹھ چھپی سی)

شو گمار جدو ناناں دتے گئے بھارتی ساہت اکادمی دا پُرسکار لے کے دلی توں واپس
آیا تاں مینوں ہوسٹل وچ ملن آیا۔ میرے نال شام دی روٹی کھادی تے پھیرا سیں بازار ول تڑ
پئے۔ کہن لگا کہ اوہ اک لمی کو تا لکھ رہیا ہے۔ گجھ لائناں سُنائیاں:

میرا سنکٹ سدا ایہہ سی

میرا سنکٹ سدا ایہہ ہے

عمر جد ہان سی میرے

میں اوس دے ہان دا نہیں ساں

میں اوس دے ہان دا جد ہو یا

اوہ میرے ہاں دی نہ رہی
 سو مینوں کل دی عمر ا
 ہمیشہ اج ہنڈھانی پئی
 تے میری اج دی عمر ا
 میرے لئی روز ورتھا گئی

چار دہاکے پہلاں سُنیاں ایہہ ٹکاں اج وی میرے ذہن وچ تازہ ہُن میں سمجھدا ہاں
 چنگی کو تادا ایس توں وڈا ثبوت کیہہ ہو سکدا ہے؟ مینوں اپنے دوست دی پراپتی تے مان سی۔
 شوگمرا جد باپ بن گیا تاں سُن کے ہو ر خوشی ہوئی۔ پھیر سوچیا، شو مست ملنگ انسان
 ہے پروارک بندھنا تے سماجک رسماں دے دائرے توں زریپ۔ کس طرحاں چلے گی گرہست
 دی گڈی؟ پھیر اوس دے گھراک بیٹی نے جنم لیا۔ سُنیا شو نوں اپنے بچیاں نال بڑا موہ سی۔ اوہناں
 دا بہت خیال رکھدا سی۔ اوس نے اپنے بارے کدیں فکر نہیں کیتا سی۔ ہُن اوہ اپنے بچیاں دیاں
 لوڑاں بارے فکر مند سی۔ سُن کے چنگا ہی لگیا۔

شوگمرا لئی ہُن بٹالہ بہت چھوٹا ہو گیا سی۔ بٹالے ورگا شہر اوس دے پیراں نوں تِرن لئی
 سڑکاں دے گجھ ٹوٹے دے سکدا سی۔ اوس دے پنکھاں نوں اڈن لئی آسمان دے اک ٹکڑے دی
 لوڑ سی۔ شو بٹالہ چھڈ کے چنڈی گڑھ چلا گیا۔ میں ایم اے پاس کر لئی سی۔ مینوں بیرنگ کالج وچ
 انگریزی دے لیکچرار دی نوکری مل گئی۔

اگلے گجھ مہیاں وچ میرا چنڈی گڑھ جانا ودھ گیا سی۔ میری ہون والی پتی پنجاب
 یونیورسٹی وچ کلاساں لے رہی سی تے گرلز ہوسٹل وچ رہندی سی۔ میں اوس نوں ملن یونیورسٹی
 جاندا پر ٹھہر دا شوگمرا دے گھر ہی۔ جد شو نوں ساڈے میل جول بارے پتہ لگا تاں اوہ بڑا خوش
 ہویا۔ تے پھیر اک دن شو دے گھر میری ہون والی پتی دا وڈا بھرا مینوں ملن آیا۔ شو نے
 میریاں تعریفاں دے پُل بٹھ دتے۔ میری ہمت دی داد دتی۔ میرے اُجلے بھوکھ دی گل کیتی۔
 ایس سٹکھیپ جیہی ملنی نے ساڈے رشتے تے پروانگی دی موہر لا دتی۔

مئی 1970 وچ مینوں اک امریکن یونیورسٹی وچ داخلہ مل گیا۔ 6 جولائی نوں پٹیا لے
 میری شادی ہوئی۔ شام نوں شوگمرا آیا۔ مینوں مبارک دتی۔ پھیر اوہ بٹالے توں آئے گجھ

دوستاں نال باہر چلا گیا۔ اگلی سویر شوٹرن لگیا تاں میں وعدہ کیتا کہ امریکہ جان توں پہلاں اوس نوں ملن چندی گڑھ آواں گا۔ اگست دے انت وچ میرے سپیاں دی پیڑ مینوں سمندروں پار لے گئی۔

امریکہ آکے میں شوٹنوں اک وی خط نہیں لکھیا سی۔ میں اوس نال کیتا وعدہ نبھایا نہیں سی۔ سوچا ساں کہ دو گوسال بعد میں اپنے دیس مڑ جاواں گا۔ چندی گڑھ جا کے اوس کولوں مُعافی منگ لواں گا۔ اوہ سمجھ جاوے گا۔ پروقت نوں ایہہ منظور نہیں سی۔

امریکہ وچ پہلے دو سالاں وچ میں سنگھرش کردا لگ بھگ ٹٹ گیا ساں۔ حوصلہ قائم رکھن لئی میں بھوکھ بارے سوچن لگدا۔ میرے تے میرے اتیت وچلی دُوری ودھ رہی سی۔ میں اپنے اتیت وچ مڑنا نہیں چاہندا ساں۔ دوستاں دے خط آؤندے، میں دو چار سطران لکھ بھیجدا۔ پھیر اوہ سطران وی چپ دے سمندر وچ ڈب گئیاں۔

جون 1973 دا اوہ دن اج وی یاد ہے جیویں کل دی گل ہووے۔ میں واشنگٹن سٹیٹ یونیورسٹی دے انگریزی و بھاگ وچ پی ایچ ڈی دا ویدیار تھی سی۔ بٹالے توں اک دوست داخلہ آیا۔ لکھیا سی، شو بھاء جی ہُن نہیں رہے۔ ایوں لگیا جیویں جسم دا اک انگ ٹٹ کے سدالئی جُدا ہو گیا ہووے۔

میرے امریکہ آؤن توں بعد شو دی زندگی وچ کیہ واپریا ایس بارے مینوں کوئی خبر نہیں سی۔ پردیس رہندیاں تیراں سال میں دیس نہیں پریتا۔ پنجابی ساہت نال میرا رشتہ لگ بھگ ٹٹ گیا سی۔ کئی سال بعد شو دے آخری دناں بارے پتہ لگا۔ اوس دی جسمانی، مانسک تے جذباتی حالت بارے طرحاں طرحاں دیاں کہانیاں تے قصے پڑھن سُنن نوں ملے۔ اوس دے آخری دناں دی وِتھیا نے میرا دل ہلا کے رکھ دتا۔ میرا من ایہہ سمجھ کجھ مثنویں انکار کردار ہیا۔

سُنیا کہ اوس دی ایس حالت وچ اوس دی انگلینڈ پھیری داوڑا تھ سی۔ اوس دے سر تے انگلینڈ جان دا بُھوت کئی سال پہلاں سوار ہو چکيا سی۔ کئی واری اوس مینوں اپنے اک مہربان دے بھیجے سپا نسر شپ دے کاغذ دکھائے سن۔ اوہ انگلینڈ جان لئی اینا اُتا ولا کیوں سی؟ شہرت کھٹن لئی؟ پیسہ کمان لئی؟ اپنا علاج کروان لئی؟ جاں؟ کدیں آکھدا، گارگی، سیکھوں امرتا سمجھ باہر تڑے رہندے نیں انگلینڈ وچ لوک مینوں ویکھن نوں ترسدے نیں بس ہُن میں وی چلے ہی جانا

اے۔ اوس دی ایہہ خواہش آ خرپوری ہو ہی گئی۔

جس شوگمارنوں میں جولائی 1970 وچ چھڈ کے آیا سی اوہ شو اپنے جو بن تے پر تہھا دی سکھر تے سی۔ اوس شو دی یاد میرے بیتے دناں داسر مایہ ہے۔ میں صرف اوس شو دی گل ہی کراں گا۔

شوگمار نے اپنے آپ نوں جو بن رُتے تڑ جان داوچن دتاسی۔ ایس پگھوں اوہ وچن دا پکا نکلیا۔ میں اکثر سوچدا ہاں، شو زندگی توں اینا اُپرام کیوں سی؟ آخر ایسا کیہ دُکھی جیس نے اوس نوں سموچی زندگی توں اُپرام کر دتاسی۔ شو نے لکھیا سی، ایہہ پھٹ ہن عشق دے، ایہناں دی کیہ دوا ہووے۔ بے شک عشق دے پھٹ لا علاج ہن پر فیض احمد فیض دے کہن انوسار، ”اور بھی غم ہیں زمانے میں محبت کے سوا“۔ غم تاں ہر زندگی وچ ہے پر ایس دی کوئی وجہ تاں ہونی چاہیدی ہے۔ اپنے وڈے دُکھ دی وجہ وی وڈی ہونی چاہیدی ہے۔

میرے خیال وچ شوگمار دا دُکھ جھن لئی سانوں شو دی لا جوتی دے مکھ بندھ وچ سنت سنگھ سیکھوں دے شو بارے لکھے شہداں تے دھیان دینا پوے گا: ”اوس دے دُکھ او تھوں شروع ہوندے ہن جتھے کیٹس دے ختم ہوندے ہن“۔ ہن ذرا انگریزی دے ایس امر کوئی کیٹس دے دُکھاں تے نظر مارئے۔ اٹھ سال دی عمر وچ باپ مر گیا۔ دس سال دی عمر وچ دادا، جو کیٹس نوں پال پوس رہیا سی، مر گیا۔ مامے نے اوس دی دیکھ بھال دی ذمہ داری لئی پر کیٹس ہالے تیراں سالاں داسی جد ماما مر گیا۔ چودھویں ورھے وچ ماں مر گئی ٹی بی دی لا علاج بیماری نال۔ سارے پرپوار دا بھار کیٹس دے موڈھیاں تے آن پیا۔ ہالے اگئی سال پورے نہیں کیتے سن کہ چھوٹے بھرانوں نامراد ٹی بی کھا گئی۔ دو سال بعد اوہ گودی جیس نال اوس نے جین مرن دے وعدے کیتے سی چھڈ گئی۔ چوہہ سال دے وچالے ٹی بی نے کیٹس دے جسم نوں اپنا گھر بنالیا۔ عمر دے پنجھی سال تے چار مہینے پورے کر کے جان کیٹس ایس دُنیا نوں الوداع کہہ گیا۔

میں ایہہ جھن دی کوشش کر رہیا ہاں کہ جتھے کیٹس دے دُکھ ختم ہوندے ہن او تھے کس طرحاں دے دُکھ شروع ہوندے ہون گے؟

پر آلوچک دی اک سطر نے شوگمار دی زندگی بدل کے رگھ دتی۔ اوہ موت نوں چٹھیاں لکھن لگ پیا۔ اوس دے اپنے کہن مطابق، پہلے پیار نوں گنو آ کے اوہ مُرد زندگی بھر کسے

گڑی نوں پیار نہیں کر سکيا۔ ہُن اوس نوں موت نال عشق ہو گیا سی۔ پر جان کیٹس نوں موت نال
عشق نہیں سی۔ زندگی نے بے شک دکھ ہی اوس دی جھولی پائے سن اوہ سدا زندگی دا عاشق بنیا
رہیا۔ سگوں اوس نوں سدا ایہہ جھورا کھاندار ہیا کہ وقت اوس نوں زندگی دیاں انمول داتاں نوں
مانن توں وانجھیاں رکھے گا۔ ایہہ سوچ کے اوہ ڈر جاندا سی۔ ایس ڈر دا پرگٹاوا اپنی کوتاہی وچ کردا
سی۔ موت دے سہم نوں سو یکا کرنا اوس دی کوتاہی ایمانداری ہے۔

جس سال سنت سنگھ سیکھوں نے شوگمار دی زندگی دی کتاب دے اک پنے تے جان
کیٹس داناں جھریٹ دتا سی اوس سال شو عمر دے پنچھی ورھے پورے کر چکا سی۔ ہُن اوس نوں
موت دے اک نویں میل پتھر دی تلاش سی (پر ہن چند میری نے سٹیو، کوہ اک ہور مکایانی، پکا
میل موت دا نظریں، اے جی وی نہ پر آئیانی)۔ اک رات امرتسرتوں کوی دربار بھگتا کے مڑ دیاں
اوس کیہا، بس ہُن میں ہور نہیں جینا عیسے نوں تیتی سال دی عمرے سولی چڑھا دتا سی میرے لئی شاید
کوئی صلیب۔ میں سُن کے کنب گیا سی۔ شو دی عمر اوس ویلے تہیہ سالوں دی سی۔ کجھ سمیں بعد
اوس لکھیا:

میرے ورگے مسیح واسطے

کل بہت سستے نیں

صلیباں توں بناں وی مرن دے

کئی ہور سستے نیں

ایہناں رستیاں وچوں اک رستہ جاندا سی نشے تے مدہوشی دی دنیا ول۔ کجھ سال ایس
رستے تڑیا جاسکدا سی۔ شو کول ایس سفر لئی کسے پاسپورٹ، کسے ویزے دی ضرورت نہیں سی۔ اوہ
ستھاپت لوک پرے شاعری۔ ایس رستے تڑن نال اوس دا اپنی منزل تے پہنچنا نشچت سی۔ موت اوس
داراہ وکھ رہی سی۔

جے سوچیا جاوے تاں شو دی زندگی وچ قدرت نے کینیاں داتاں بخشیاں سن جو
تھڑاں مارے ایس دیش وچ بہت گھٹ لوکاں نوں نصیب ہونداں ہُن۔ پھیر اوہ کیہڑا دکھ سی
جیس توں چھڑکارا پاؤن دی اوس نوں اپنی کاہل پئی سی؟ شاید اصلی غم نالوں کلپت غم دے دریا وچ
دُبن دا اپنا ہی آئندہ ہے۔

کو تا لکھدا لکھدا شو گمار خُود کو تا بن گیا سی۔ کو تا اوس دی زندگی وِچ ایس طرحاں رِج گئی سی جس طرحاں ناڑیاں وِچ وگدا خون۔ اوہ اوس مقام تے پہنچ چکا سی جتھے کلا کار اپنی کلا وِچ سما جندا ہے۔ جاں اِنج کہہ لوو کہ کلا کلا کارنوں اپنے وِچ سمیٹ لیندی ہے۔ دوہاں وِچ کوئی فرق جاں فاصلہ نہیں رہندا۔ شو گمار لئی زندگی تے موت وِچ کوئی فاصلہ نہیں رہیا سی۔


زندگی شو گمار لئی اک کاو نائک بن گئی سی جیسی دی کتھا اوس نے خود لکھی سی۔ ایس نائک دا سوتر دھار اوہ آپ سی تے آپ ہی ایس دا زردیشک۔ ایس دا درشک وی اوہی سی۔ اپنی آواز دے جادو دا کیلیا سر و تاوی آپ سی۔

اِنج ایہہ سطر اں لکھدیاں سوچدا ہاں کہ میلاں تے ورہیاں دا اکٹھے سفر کرن دے باوجود وی شو گمار میرے لئی ہمیشہ اک پیرا ڈاکس بنیا رہیا ہے۔ کسے حد تک ایس سارے اپنے اپنے پیرا ڈاکس ہاں۔ آتم وِرو دھ منگھی فطرت ہے۔ شو گمارنوں جتنی محبت تے مانتا اپنے سروتیاں تے پاٹھکاں کولوں ملی اوس دا اندازہ لاؤنا مشکل ہے۔ پر اوہ آلوچکاں توں ملن جاں نہ ملن والی مانتا نوں ہی ترجیح دیندا رہیا۔ سمکالی ساہوکار سمنان تے پرمانکتا حاصل کرن لئی جد طرحاں طرحاں دے پر پنچ رچدے تاں اوہ اوہناں دی بندیا کردا۔ بُرزو آقیمتاں دی نکھیدی کردا پر خود لیہناں دا شکار بن جندا۔ اپنے ناں نال آپ جوڑے اپنے پہچان پتر ”بٹالوی“ نوں وگاہ وگاہ ماردا۔ اپنے منڈھلے گیتاں (مینوں ہیرے ہیرے آکھے) نوں نکاردا (”ایہہ میری ان پڑھتا دا ڈھنڈور لپٹ رہے“۔) اپنے مدھورگی چھو کڑ تے شرم محسوس کردا۔ زول سچی کو تا (لوکیں پوجن رب میں تیرا پر ہڑا، سانوں سو مکیاں دا جج وے تیرا ہڑا) لکھن دی سمرتھار کھدا سرکاری محکمے لئی اشتہاری تگ بندی کرنوں وی گریز نہ کردا۔ مینوں ایہہ شبہ لکھن لئی اپنے ضمیر تے دوستی دے احساس نال سنگھرش کرنا پیا ہے۔ ایہناں شبداں دی تلخی نے میری روح نوں جھنجھوڑ دتا ہے۔

شو گمار بارے لکھدیاں مینوں اسمرتھتا محسوس ہوندی ہے۔ شو گمار ورگا شخص اپنا اتہاس آپ لکھدا ہے۔

شو گمار داناں موہن سنگھ، امرتا پریتم دی پیڑھی نال جوڑیا جندا ہے۔ اصل وِچ اوس دا رشتہ مرزا غالب مجاز لکھنوی دی پرپرا نال ہے۔ اوس نے کو تا لکھی ہی نہیں، کو تا نوں جیویا ہے، بھو گیا ہے۔ جے اوس نے عمر بھر غم دے گیت ہی گائے ہن تاں ایہی اوس دی ہوندا، اوس دی کلا

دا بچ سی۔ غالب دے کہن وانگ، قید حیات و بند غم اصل میں دونوں ایک ہیں، موت سے پہلے
 آدمی غم سے نجات پائے کیوں شو دے غم، دکھ، درداگے پرشن چنھ کھڑا کرن دی لوڑ نہیں۔
 شو گمار دی رچنا کسے سہتک ما پند جاں روائتی کسوٹی تے پوری اترے جاں نہ اترے،
 اوس دی مہانتا اوس دے پاٹھکاں دے دل دیاں گہرائیاں، ذہن دیاں پرتاں تے روح دیاں
 گکھاواں وچ اتر کے اپنا سد یوی ستھان بنالین وچ ہے۔ میرا و شو اس ہے کہ جد کدیں دُنیا دے
 کسے وی کونے وچ دو پنجابی مل پٹھن گے تاں شو گمار داذ کر کیتے بنناں نہیں رہن گے۔



مرن داشوقین، منیر نیازی

سفر دی رات مُک گئی۔ سائیں منیر نیازی رحمۃ اللہ علیہ حیاتی داد ریا پار کر گئے۔ منگل، 26 دسمبر 2006ء اوہناں دے کوچ دادن متھیا گیا سی۔ اوہ اُناسی سال دے سن۔ منیر اوہناں لوکاں چوں سن جیہڑے کدی نہیں مردے پر اوہناں نوں مرن دا بڑا شوق ہوندا اے۔ اوہناں نے آپو کیہا سی:

گجھ اُنج وی راہواں اوکھیاں سن
گجھ گل وچ غم دا طوق وی سی
گجھ شہر دے لوک وی ظالم سن
گجھ مینوں مرن داشوق وی سی

تے اوڑک منیر داشوق پورا ہو گیا۔ موت جھاتی پائی تے منیر نوں نال لے گئی۔ پر اوہ کتے وی نہیں گئے۔ گجھ لوک اجیہے ہوندے نیں جیہناں دی زندگی موت نال مُک نہیں جاندی۔ منیر وی اوہناں لوکاں وچوں نیں۔

میں ایس گل نوں ذرا دو جے لفظاں وچ کہنا چاہواں گا، جدوں کمیونی کیشن دا کاریکرم چل رہیا ہووے اوس ویلے شہداتاں کنناں وچ گھل جاندے نیں پر سمجھ اپنی تھاں توں نہیں ہلدی۔ سُنن تے پڑھن والا اپنی سمجھ ورتدا اے۔ اِنج دو جے بندے کول جا کے شہداں دا انواد ہو جاندا اے۔ شہداں دا ارتھ بدل جاندا اے۔ میرا مطلب اے میں اوہناں لوکاں وچوں نہیں، جیہناں لئی لوک مر جاندے نیں۔ موت کسے نوں مٹا نہیں سکدی۔ موت اک ٹرانزٹ لاؤنچ اے جتھوں لوک جہاز بدل دے نیں۔ منیر نیازی اِنج وی حیات اے پر منیر نیازی بارے گل کرنا اِنج ای اے

جیویں کسے ڈونگھی تے تل پائی جھیل وچ کسے ٹٹے ہوئے ڈالے دی ببری سُنناں۔ منیر دی زندگی
ایک لمی کوتا ورگی اے۔ اک اجیہی لوک داستان جیہڑی ہر دو پہرنوں ٹوتاں دی نگھی چھاں تھلے
وت وت پڑھی جاندی اے۔ کدی لگدا اے منیر دی شاعری اک جیوندی جاگدی گڑی اے جیہڑی
رستہ بھل گئی اے تے اوہنوں راہ وکھان لئی کل جہان اُٹھ کے ٹر پیا اے۔

منیر نیازی دی حیاتی داپنڈا ضلع ہوشیار پور دے اک نکے جیسے پنڈ خان پورتوں شروع
ہو یاسی۔ رستے وچ سری نگروی آیا، بہاؤ پور تے ساہیوال وی پراوہناں دی ڈاچی لہور آ کے بہہ گئی
تے پھیرا ایہہ شہر اوہناں دا شہر بن گیا۔

منیر سمندری فوج وچ نوکری وی کیتی پر کدی ایس نوکری داناں بھل کے وی نہیں لیا۔
ایہہ ملازمت اوہناں دی حیاتی دا ہک گجھا کچھ سی۔ ایس ملازمت دی یاد شاید پانی دا اوہ استعارا
اے جیہڑا اوہناں دی شاعری دا ہک وڈا رچا اے۔

ایس زمین تے ٹردے جاؤ گے ملے گا پانی
ایس زمین نوں پُج دے جاو تھلے ہووے گا پانی
چارے پاسے مل کے بیٹھا، لا کے پھاہیاں پانی
چن نوں ویکھ کے شوکراں مارے وانگ سودائیاں پانی

منیر دی شاعری تے شخصیت دادا ابراہینا وڈا اے جو میرے جیسے بونے دی نگاہ او تھے
تیک نہیں اپڑ سکدی۔ اوہ ہک اجیہا jade اے، جیہدے ہزاراں شیڈ نیں۔ سمجھ نہیں آوندی کہ
کیہڑے کیہڑے shade دی گل کراں۔ اوہ دی شاعری ایس ویلے دا سبھ توں وڈا لیکھا اے۔
اوہ دے نال بتائے ہوئے زمانے کہانیاں ورگے نیں۔ میں اوہ کہانیاں سناؤناں چاہناں پر لگے گا
جو میں اپنی سیلزمین شپ کر رہیا ہاں۔ ایہہ کہانیاں میں ضرور لکھاں گا تے تہانوں سناواں گا۔ ایہہ
کہانیاں سب دیاں صفتاں ورگیاں نیں۔ کلا دے اوس سب دیاں صفتاں ورگیاں جیہنوں منیر
کیلیا ہو یاسی۔ اوہ کہند اے:

مہک ہووے تے او تھے سب
سُر ہووے تے او تھے سب
دھرتی پیٹھ ہنیریاں اندر

زر ہووے تے او تھے سب

اک دن، ستر دو پہریں میں تے اعجاز بٹالوی چائینز لئج ہوم وچ بیٹھے شاعری دے رُکھ گن رہے ساں۔ اعجاز کیہا: مسعود! تینوں نہیں لگدا جو منیر نوں ویرن نظر اوندے نیں؟ مینوں اوس ویلے مجید امجد ہوراں دی گل یاد آئی جو منیر دی شاعری آسمانی طاقتاں دا چتکار نہیں، ایہہ تے سچ مُچ دی شاعری اے۔ پر اعجاز بٹالوی دا خیال سی جو منیر ویرناں دی دنیا دا پاندھی اے۔

سمندر نوں منیر اپنا نکا بھرا کہندے ہوندے سی۔ اک واری کراچی وچ پاکستان نیوی دے اک جہاز اُتے اپنے چاہی واناں دی دعوت اُتے، جیہناں نوں او admirers کہندے سن، اُم الخبائث نال شغل کر رہے سن۔ منیر نیازی شراب نوں ہمیشہ پیار نال اُم الخبائث کیہا کردے سن۔ جہاز دے عرشے تے بہہ کے او ہناں شراب گلاس وچ پائی تے سمندر دے پانی تے ترونکا مار کے آکھیا: لے کا کا! توں وی پی۔ منیر زیادہ تر سُکر دی حالت وچ رہندے سن۔ اُم الخبائث او ہناں دے ویرن نوں بہت موکلا تے چیرا کردیندی سی۔ تے perception بہت wide ہو جاندی سی۔

منیر دی گل بات وچ وی شاعری دارنگ ڈلھکاں ماردا رہنداسی۔ اوہ لفظاں نوں شاعرانہ رنگ وچ ورتداسی تے او ہدی گل بات وچ ہک نویکلا پن پیدا ہو جانداسی۔ منیر جدوں صوفی ہووے اودوں نیویں پا کے تُردا اے تے بڑی نرمی تے بھولپن نال گل کردا اے۔ ایہہ حالت اک انٹرول ورگی ہوندی اے جیہدے وچ اوہ بولن دی طاقت لہر رہیا ہوند اے۔ بولن دی ایس طاقت نوں اوہ قوتِ گویائی کہند اے تے کدی پیار نال اُم الخبائث۔ اُم الخبائث کدی گرائی واٹر بن جاندی اے، تے شاعر اوس بال وچ تبدیل ہو جاند اے جیہڑا پنگھوڑے وچ پیا پیا بڈھا ہو گیا ہووے۔ منیر جدوں اپنے توں گھٹ عمر دیاں لیکھکاں یا شاعراں نال گل کردا اے تاں او ہناں نوں کا کا، بغل بچہ یا گلیکسو بے بی کہہ کے بلا وندا اے۔ او ہدے بہت ساریاں گلیکسو بیبیاں وچوں اک میں وی ہاں۔ ستر دے دہاکے وچ میں ذرا چوکھا صحت مند ساں تے منیر میراناں گلیکسو بے بی پایا ہو یا سی۔

منیر نوں میں پہلی واری سٹھ دے دہاکے دیاں چھیکڑ لیاں سالاں وچ لہور وچ ویکھیا سی۔ اوہ حلقہ ارباب ذوق داسکرٹری سی۔ بیٹھک مکن مگروں سارے لکھاری ٹی ہاؤس وچ جا بیٹھے تے چاء دا دور چلن والا سی۔ اوس دن منیر گوڑھے سلٹی رنگ دا سوٹ پایا ہو یا سی تے ویکھن وچ

ادیب گھٹتے بیورو کریٹ بہتا لگ رہی سی۔ بیرے چاء لیا کے رکھی تے منیر چاء کپاں وچ پان لگ پیا۔ اچن چیتی اوس نگاہ ماری، میرے ولوں ویکھیا تے پچھیا: تئیں چاء پیو گے؟ میں نا نہہ کر دتی۔ میں اوس ویلے ہور دے کسے وی لکھاری نوں ذاتی طور تے نہیں ساں جاندا تے اوہناں دے نیڑے بہند اووی سنگ رہیا ساں۔ میں اک خالی میز ویکھ کے بیٹھ گیا۔ لکھاری اک دوجے نال گلوگی ہور ہے سن۔ چاء دیاں پیالیاں وچ تچے پھنوا لیاں لے رہے سن۔ چنگا بھلا رولاسی۔ مینوں منیر دی ہک نظم یاد آ گئی:

آدم سن، یاں جانور سن
روٹیاں کھائی جانداں سن
رولاپائی جانداں سن

منیر عام گل بات شاعری دی جس پدھر تے کرداسی اوہنوں سن کے دو جا شاعری بھہمبل بھوسے وچ پے جاندا سی۔

اک شام دی گل اے۔ ٹی ہاؤس دے باہر لال پری اڈا کے منیر تے میں مال دے فٹ پاتھ تے رکدے رکدے ریگل چوک نوں جا رہے ساں۔ جی پی او دے کول حبیب جالب مل پیا۔ جالب صاحب داموڈ آفسی۔ شراب وی نہیں سی لےھی تے سیاسی منیری وی ڈپریشن پیدا کیتا ہو یا سی۔ جالب زمانے داشکوہ شروع کردتا منیر دلاسا دین لئی جالب نوں کیہا: حبیب! فکر نہ کر۔ میرے کول بڑی طاقت اے۔ میں سارے دلدر دور کر سکناں۔

منیر طاقت دا استعارا جالب نوں کسے ہور دنیا وچ لے گیا تے اوس ولد ادتا: ہاں بھئی، تیرے نال فوج تے حکومت جو ہوئی۔

جالب دی ایہہ ٹچکر سن کے منیر نوں غصہ آ گیا۔ اوہ جالب نوں کہن لگا: اوئے بُڈھیا رچھا! تینوں آڈالان لئی ہمیشہ کوئی کالا باغیاں کوئی ایوب خان چاہیدا ہوندا اے۔ جدوں نہیں لہدا او دوں توں یاراں نال آڈالان دی کوشش کرنا ایں۔ ایس شاعرانہ expression دے بعد دوویں گوروشانت ہو گئے تے پھیر ہاسیاں دافوار اچھٹ پیا۔

بادہ نوشی منیر دی زندگی دا سبھ توں اچھا عمل سی۔ شراب اوہدے لئی سواری سی جیہڑی اوہنوں پرستاناں تے اپسراواں دیاں واساں والے ہرے بھرے جنگلاں وچ لے جاندا سی۔

منیر دے اندر کئی جہان لگے ہوئے سن۔ اوہ دے ان ٹلیکٹ دی بند دروازیوں والی حویلی دے اندر
 کئی صدیاں، کئی نسلاں، کئی ونکوونکی خلقتاں آباد سن۔ بھوتاں، چوہیلاں، کچھل پیریاں، نشانیاں
 چھڈ جان والے جنات، فقیر تے اولیاء اللہ دی اک ان ڈھکی کائنات سی جیہدے وچ منیر رہندا
 سی۔ شراب اوہنوں پچھاندی سی تے اوہدا آدر کردی سی۔ شراب اوہدی دوست سی۔ اک واری
 اسلام آباد وچ بادہ نوشی دی اک محفل وچ کسے اوپرے جیسے جوان منیر نوں آکھیا:

”خاں صاحب! تسیں شراب کیویں پی لیندے او۔

میں پیواں تاں مینوں دھکھڑ نکل اوندے نیں۔“

منیر پوری سنجیدگی نال اوہنوں ویکھیا تے آکھیا:

”پُتر! شراب نوں پتا لگ جاندا اے اوہنوں کون پی رہیا اے۔“

دارو چھکن والیاں دے مہاراج حکیم بوعلی سینا دارو اُتے فارسی وچ پک چوکا ماریا سی۔
 اوہناں کیہا سی جو دارو اُٹن ہو جان والیاں داویری تے پی کے ہوش وچ رہن والیاں دایا رے۔
 تھوڑا پیوتاں تریاق اے جے بہتا پیوتاں دارو سپ دی وس بن کے لڑ جاندا اے۔ میرے حساب
 نال دارو نے منیر نال ہمیشہ وفا کیتی اے۔ منیر کہندا ہوندا سی جو تھوڑی جیہی مچھاں نوں لاو نلئی مل
 جاوے تے پھیر شہر وچ کچھرے اُڈان داندھ بچھ جاندا اے۔

بولن دی طاقت لہسن لئی کدی کدی منیر نوں اڈیک دالما تے سنگھنا جنگل کچھنا پیندا
 سی۔ جس زمانے ذوالفقار علی بھٹو مولویاں دامونہ بند کرن لئی اوہناں نوں خالی بوتل دی چوسنی لائی
 تے شراب تے پابندی لائی اودوں منیر نوں ایس دا بڑا دکھ ہویا۔ اوس آکھیا:

”ایڈی سختی تاں حضرت عمرؓ نے وی نہیں سی کیتی جی بھٹو نے کر چھڈی اے۔“

شراب تے پابندی لگ گئی سی۔ ٹی ہاؤس دیاں پوڑیاں تے شاماں نوں کھلن والاے
 خانہ بند ہو گیا سی۔ بادہ نوشی دا نکال سک گیا سی۔ شاعر تے مرن لگ پئے سن۔ اوس ویلے پانی نوں
 شراب سمجھ کے پین دا جادو ایجاد ہویا:

شام کے رنگوں میں رکھ کر صاف پانی کا گلاس

آبِ سادہ کو حریفِ رنگِ بادہ کر لیا

منیر دے چاہن والیاں دا جتھا بڑا وڈا اے تے ویلے دے نال نال ایہہ جتھا اک

مہان سینا بن دا جا رہیا اے۔ منیر لیہناں ساریاں لوکاں نوں نال لے کے ٹرنا چاہندا اے تے اوہ اک وڈے پریورتن دے نقشے واہندار ہندا اے۔ اوہ لوکاں نوں انھیرے چیتا دوا کے اک سوہنا تے سچا وسیب اُسارن دا اُتساہ دیندار ہندا اے۔

سرتے گھپ ہنیر تے دھرتی اُتے کال
پیریں کنڈے زہر دے، لہو وچ بجے وال
جتن کرو کچھ دوستو، توڑو موت دا جال
پھڑ مری اوئے رانجھیا، کڈھ کوئی تکھی تان
مار کوئی تیر اوئے مرزیا، کھچ کے ول اسمان

منیر نیازی، اقبال دی روایت دا ورودہ کردا اے تے طاؤس و رباب دی نندیا نہیں کردا۔ پر اوہ رانجھے دی وکھلی دیاں سراں نوں بدلنا چاہندا اے۔ اوہ ایسی سُر لہر ہیا اے جیہدے وچ کسے اُڈدے ہوئے تیر دی شکتی ہووے جیہڑی سینے دے آر پار ہو کے موت دا جال توڑ سکے، اوس موت دا جیہڑی وسیب تے لٹھی ہوئی اے تے شہراں نوں قبرستان بنا رہی اے۔ منیر لئی تیر، سُر تے حرف اکوچت دے تن ناں نیں۔ اوہ لیہناں ناواں دا جاپ کر کے گھنی پورنتا تے لگن نال اپنے سفنے چتر دا اے۔ ایہہ سفنے اک سنبھیا نیں، اک ان ڈھی دنیا دا پیغام نیں۔ پر ایہہ پیغام اپڑایاں وی نہیں اپڑ رہیا:

حرف اک دو جے حرف دا پردہ میٹھوں قیاس نہ ہويا
ساری حیاتی حرف لکھے پر حرف شناس نہ ہويا

ایہہ اوہدی کلاتے اوہدی انا عیاں میں دی عاجزی وی اے۔ میں دی عاجزی؟ اوہ پر نہیں لگدا ایہہ شبد؟ پر ایہہ عاجزی وڈپ اے، مہانتا اے۔ حرف شناسی دے دعوے توں انکار سچ داسبھ توں وڈا گواہ اے۔ اوہدی ایہہ گل سن کے سقراط یاد آوندا اے، جیہنے کیہا سی جو اوہ اک گل جاندا اے کہ اوہ کجھ وی نہیں جاندا۔

منیر دی میں یاں انا دا ویروا کرے تاں اوہدی میں ذاتی گھٹ تے سدھانت پورک بہتی لگدی اے۔ نظریاتی میں اوہدی دھار مک میں اے۔ اوہ کہندا اے:

سب سے بڑا ہے نام خدا کا، اُس کے بعد ہے میرا نام

ایہہ قرآن دا فلسفہ اے۔ منیر اپنے اندر اک دھار مک صوفی سی۔ اوس اپنی اک کتاب رسول کریم ﷺ دے ناں وی کہتی ہوئی اے۔ اک واری اوہ دے المثل دے دفتر وچ اسیں دوویں رسول کریم ﷺ دے ذکر تے روپے ساں تے منیر نے کیہا: تیریاں اکھاں وچ رسول کریم ﷺ دے ناں تے ہنجو آئے نیں تے مینوں بڑا چنگا لگا اے۔ ایہہ اک خوبصورتی دی گل اے۔

قرآن دے مطابق رب نے فرشتیاں نوں دسیا سی جو اوہ زمین تے اپنا نائب بنان لگا اے۔ اوس نائب یاں خلیفے دا تصور منیر دی شاعری وچ خدا تے انسان دے رشتے نوں بیان کردا اے تے رب دے ناں دے بعد اپنے ناں دی وڈیائی کردا اے۔ پراوہ میں منیر دی ذاتی میں نہیں انسان دی میں اے۔ اوہ انسان جیہد اک چہرہ محمد ﷺ دا چہرہء انور وی اے۔

ایہہ تاں سی نظریاتی گل۔ ہُن ذاتی گل وی کرنی چاہیدی اے۔ مینوں دن تے ترخ یاد نہیں۔ لاہور نیشنل سینٹر وچ منیر دی کتاب 'ماہ منیر' دی مونہہ دکھائی یا اُدگھاٹن سی۔ کشور ناہید سینٹر دی ڈائریکٹر ہندی سی۔ فیض صاحب مرحوم بیٹھک دے پردھان سن۔ منیر اوہناں دے نال کرسی تے بیٹھا ہو یا سی۔ لیکھک اپنی اپنی واری تے منیر دی کتاب بارے اپنے وچاردس رہے سن یا لیکھ پڑھ کے سنا رہے سن۔ منیر دے کرتے دی جیب وچ وِسکی دا ادھاسی، اوہ تھوڑی تھوڑی دیر بعد کرسی توں اُٹھ کے واش روم ول جاندا سی تے گھٹ لا کے آجاندا سی۔ اک واری اوہ گھٹ لا کے مڑیا تے ویکھیا جو فیض صاحب اپنی تقریر کر رہے ہن۔ منیر بے چین ہو گیا۔ اوہنے بیٹھک وچ بیٹھے سہیل احمد خان کوں کچھیا: ایس گٹھو (فیض صاحب) نے میری عدم موجودگی وچ میرے خلاف تاں کوئی گل نہیں کہتی؟ ایہہ اوس شک دا اظہار سی جیہدے وچ اوہ رہندا سی۔ اپنی کتاب 'دشمنوں کے درمیان شام' دا مظلوم منیر آپ اے۔ اوہ ساری عمر ایسے شک شبے دا شکار رہیا تے ایس شک توں کدی وی چنڈ نہ چھڑا سکيا۔

بیٹھک مکن گروں فیض صاحب آکھیا: منیر! کوئی تازہ کلام سنا: منیر نیازی ایہہ شعر پڑھیا:

جو مجھے بھلا دیں گے، میں انہیں بھلا دوں گا

سب غرور اُن کا میں، خاک میں ملا دوں گا

فیض صاحب ایہہ شعر سن کے کیہا: منیر! ایہہ شعر تاں پنجابی دا ہو یا۔ اک اردو داوی

سُنا۔ شعر وچ پنجابی پئے دا کھڑکا دڑکا اینا سی کہ اوہ اردو ہوندیاں ہو یاں وی اردو نہیں سی لگدا۔ نالے

اوہدے اندر بدلہ لین دی پٹھان روایت وی پوری طرحاں رچی ہوئی سی۔ اوہ پستول نہیں سی چلاؤندا پر جملہ مار کے تراہ وی کڈھ دیند اسی تے ساہ وی۔ اوہدی گل تھلے آ کے بڑے بڑیاں دی چیس نکل جاندی سی۔ بابے ظہیر کشمیری نوں ویکھ کے شاید منیر دی کوئی شرارت دی رگ پھڑکدی سی تے اوہنوں بابا سنہری بچھو کھندا ہوندا سی۔ ظہیر نوں ایس چھیڑ تے بڑی کوڑ چڑھدی ہوندی سی۔ اک واری لاہور ٹیلی ویژن تے کوئی پروگرام ریکارڈ کرانا سی۔ میں تے منیر سٹوڈیو ول جا رہے ساں تے رستے وچ ایک منڈلی بیٹھی ویکھی۔ صوفی غلام مصطفیٰ تبسم کچھ چاہن والیاں وچ گھرے ہوئے سن۔ میں کیہا، جے خان صاحب اجازت دین تاں میں صوفی صاحب نوں سلام کر لوں؟ منیر کیہا، میں وی چلاں گا۔ صوفی صاحب دے کول جا کے منیر نے کیہا: ہیلو بے بی تبسم! صوفی صاحب اگوں بولے! ہاں بے بے۔ تے پھیر صوفی صاحب مینوں آکھن لگے، اوئے ایس بد معاش نوں ایتھوں لے جا۔ تے منیر صوفی صاحب نوں اکھ ماری تے پھیر اسیں دوویں اگے کھسک گئے۔

منیر دے جملے توں وڈے بزرگ تے اولیاء وی نہیں سن بچ سکدے۔ اک رات شراب دی تلاش وچ اسیں بھائی دروازے توں لنگھ کے داتا دربار ول نکلے۔ داتا دربار داسنہری بوہا نوں نوں لگا سی۔ اوہ دروازے نوں ویکھ کے رُک گیا۔ پھیر ٹھنڈا ساہ بھر کے آکھن لگا: اچھا بھئی علی ہجویری! اللہ محمد ﷺ دے صدقے میرے تے تیرے دوہاں دے گناہ معاف کرے۔ شاید منیر لئی اوہ دروازہ جیہدے اُتے سونا لگیا ہو یا سی اک گناہ دا کچھر سی۔ بھلا کسے فقیر نوں سونے نال کیہ لگے۔ مردنوں تاں نبی کریم ﷺ سونا پان توں انج ہی منع کیتا ہو یا اے۔ جدوں مذہب لوکاں دی جہالت دا اکھاڑہ بن جاوے، تے حکم دے خلاف سونا ورتیا جان لگ پوے تاں مذہب باقی نہیں رہ جاند۔

اوہ دوجیاں نوں تاں ایہہ نصیحت کردا ہوندا سی کہ ردِ عمل وچ مبتلا نہیں ہونا چاہیدا پر آپ ہر ویلے ردِ عمل دا شکار رہندا ہوندا سی۔ کسے وی صورت حال وچ، کوئی وی بنداہو وے تے اوہ منیر دی پسند دے خلاف گل کرے منیر اوس نوں نہیں سی بخشدا۔ اوہدے تے مکروہ ہون دا لیبیل لا دیندا سی۔ منیر دے ویلے دا اک دوجا شاعر مینوں یاد آؤندا پیا اے۔ ناصر کاظمی۔ ناصر حلقے دے وچ پڑھے گئے ہک مضمون وچ کیہا سی جو اوہ گاہل دا جواب گاہل نال نہیں دے سکدا۔ اوہ گاہل سن کے اداس ہو جاند اے۔ پر منیر دی ذات دے اندر یدھ تے مزاحمت دا اک سوما سی جیہڑا ہر

ویلے شر شر و گدار ہنداسی۔

اوہدے بارے کہن دیاں ہزاراں گلاں نیں۔ اوہ اپنی ذات وچ اک الف لیلیٰ سی۔
یا ترا، ان ڈٹھیاں سیمواں دا ہول، ہجرت تے منزل تے نہ اپڑ سکے داملال، اوس دی شاعری تے
ذات دی ست رنگی پنگھ دے ہلارے نیں۔ ایہناں ہلاریاں دی فریکوئنسی ماپنا میرے وس دی گل
نہیں۔ پر میں چاہناں جو میں باراں ورھیاں وچ منیر نوں ویکھ کے مل کے، اوہدے نال سفر کر کے
جو کچھ ویکھیا اے اوہدے منظر نامہ لکھاں۔ مینوں نہیں پتا میری نظر تے کوئی دوجا کتنا اعتبار کر سکے گا۔
جے کوئی اعتبار نہ وی کرے تاں کیہ۔ میں منیر دے نال اپنی ارادت دی چرچا ضرور کرنی اے۔
ہُن جدوں منیر دریادے پار چلا گیا اے، اوہدے قدماں دے نشان ایس کنڈھے تے
ایڈے پکے نیں جیہڑے کدی نہیں مٹ سکدے۔ چلو رسم پوری کریئے تے منیر لئی فاتحہ آکھیے:



گیت گلزار دانش نگار نند لال نور پوری

ایس گل وِچ اٹل سچائی اے کہ سماں لہراں نوں جنم دیندا اے اُتے لہراں انقلاب نوں جنم دیندیاں نیں۔ ایس نال معنوی سوچ وِچ اکسارتا بھنگ ہوندی اے۔ ایس پرکار اکسارتا وِچ جدوں ورودھ اُتھدا اے تاں کوئی نہ کوئی لہر اُٹھ کھڑی ہو جاندی اے۔ اُنہویں صدی دے پنجاہواں کو دے نیڑے ول جے جھاتی ماریئے تاں صاف اے جو اُس ویلے بابا رام سنگھ کوکا دی کوکا لہر پورے زور شور نال اُبھر چکی سی جو سراسر انگریز سرکار دے ورودھ وِچ سی اُتے جس نے سن 1857 دی جنگ آزادی، کانگریس لہر، اکالی لہر، خلافت لہر، کرتی کسان لہر اُتے سنگھ سبھا لہر آد انیکاں لہراں نوں سُر جیت کر دتا سی۔ ایہناں لہراں دے پر بھاو نے بدیشاں وِچ بیٹھے بھارتی وی چوکنے کر دتے سن اُتے غدر گونجاں اتھے پین لگ گئیاں سن۔ جتھے سرائے اُتے اوس دے ہور ساتھیاں نے امریکہ وِچ تڑپنا آرنھیا او تھے اجیت سنگھ، راس بہاری بوس اُتے سردار بھگت سنگھ ہوراں نے بھارت وِچ ہل چل پیدا کر دتی اُتے لوکاں نوں سچیت کرن لئی کاوک ہتھیاں دی ورتوں نال کاوک کھیترون گرماؤنا آرنھیا۔ کوی درباراں نوں راجسی جاگ لا کے انقلابی رنگ بکھیر دتا۔ دلش بھگتاں دی ودھدی لہر نے پر میرائی تے مداحی کاؤنوں تھم کے دلش پیار وِچ بدل دتا جو بہت ای اہم تبدیلی سی۔ ایس دا اثر غلامی ہنڈھا رہی لوکاں اُتے تاں پینا ای سی، کالجاں وِچ پڑھدے وِدیارتھیاں نوں وی حرکت وِچ لے آندا۔

نند لال نور پوری دا جنم 1906 وِچ لائل پور لاگے مائی جھگی والے پاسے پنڈ شیر پور وِچ ہويا۔ اوس دے پتا دانانیشن سنگھ اُتے ماتا دانام حکم دیتی سی۔ ڈسٹرکٹ بورڈ دے پرائمری سکول وِچوں پرائمری پاس کر کے پنجویں جماعت وِچ خالصہ ہائی سکول لائل پور وِچ داخل ہو گیا

جتھوں اوس نے میٹرک پاس کیتی اتے اگوں پڑھائی لئی خالصہ کالج لائل پور وچ داخلہ لے لیا۔
 ساتھک ماحول نے کوی درباراں دے شنگار، کویاں نوں رچناواں وچ انقلابی رنگ بھرن لئی ہمت
 دتی اتے گاما گانا مارو، بچ بچ گھاٹ، جلیاں والے باغ اتے بھگت سنگھ دی شہیدی نے سستے پئے
 کویاں نوں جگا دتا۔ سکولاں کالجاں دے نو جوان و دیارتھیاں نے جلسے جلوساں راہیں اتے کویاں
 نے کوی درباراں راہیں لوک بھلائی پکھاں دا زوردار مظاہرہ کر کے دلش بھگتی دی لہروں گرم کر
 دتا۔ اُستادشاعراں دیاں مجلساں وچ کوی لوک عشق تے شنگار دیاں نظماں نوں چھڈ کے لوک
 حقان اتے دلش بھگتی دے دل کنباؤ بولاں نال جڑو گئے۔ ایہناں وچ شرف، ہمد، تیر اتے دیوی
 داس سارے ای نو جوان کئی پر میرائی و چار دھاراں نوں تیاگ کے راجسی کھیت وچ رلن لگے۔
 ایہناں نو جواناں دیاں تکھیاں قلمماں توں پر بھات ہو کے ہیرا سنگھ درد، گر مگھ سنگھ مسافر سنے
 کشتہ تے چا ترک دلش آزادی دی لہر والے کوی درباراں وچ شامل ہون لگ پئے۔ نندلال
 نور پوری اے کالج وچ ای پڑھدا اسی جو ایہناں کوی درباراں وچ آؤن لگت پیا۔ ایس واسطہ ایہہ
 ہو یا جو درباری دلش پیار دی رنگت نے اوس توں کالج چھڈوا دتا اتے اوہ پڑھائی چھڈ کے ایہناں
 کویاں نال قدم پٹن لگ پیا۔

نندلال دی گھریلو حالت بوہتی چنگی نہیں سی۔ اوس نوں چھیتی ای گیان ہو گیا جو کاو رچنا
 نال من تاں رج سکدا اسی، پیٹ نہیں رج سکدا۔ ایس لئی کوئی دھندا اپناؤنا پینا اے۔ ایس گل نوں
 اندر وسا کے اوس نے سکول ماسٹری اختیار کر لئی۔ طبیعت منجلی سی اتے ایہہ نوکری راس نہ آئی۔
 میلیاں ٹھیلیاں اُتے جا کے چھنچھاں ویکھن داشونق سی۔ ایس لئی شریر چکاؤن اتے لشکاؤن دا
 خیال زور پھرن لگ پیا۔ بار دے علاقے دی کھلھی اتے رس بھری جانگی ہوا، سرسبز چر انداں،
 گنڈھیاں مجھاں دے دودھ اتے من دے بے لگام گھوڑے نے اوس نوں بوہت قد آور اتے تکررا
 جوان بنا دتا۔ اک دن سکول وچ ای ماسٹراں وجوں گرسی اُتے بیٹھے بیٹھے ای کدھروں ایہہ گل
 کئیں پے گئی جو لائل پور وکھے پولیس دی بھرتی ہونی اے۔ بھرتی والا دن پتہ کر کے پناں سوہ
 کڈھیاں سویرے سویرے لائل پور وچ کے بھرتی دفتر وچ ہو رکئی نو جواناں دی قطار وچ جا کھڑا
 ہویا۔ انگریز ریکروٹنگ افسر نے پہلی تگنی وچ ای اوس نوں چھوٹا تھانیدار چن لیا اتے بیکانیر دے
 اک تھانے وچ تعائنات کر دتا اتے اوس نے اوتھوں ای ماسٹری توں استعفا بھیج دتا۔ بھاویں

پولیس دی نوکری تاں جنگی سی اُتے ٹھک نال تھانیداری کر کے اوس نے اپنے فرائض وی پوری
 ذمہ داری اُتے ایمانداری نال ادا کیتے پر پولیس و بھاگ دے کچھن اُتے ورتاؤ اوس نوں پسند نہیں
 سی۔ کیونکہ پولیس داویہار، کچھن اُتے سُبھاء اوس دے سُبھاء نال میل نہیں سن کھاندے اُتے کوئی
 پردا پروان نہیں سی کردا۔ ماڑی قسمت، ایہناں دناں وچ ای اک گھٹناواپر گئی۔ سپرنٹنڈنٹ پولیس
 نوں خبر ملی جو اک تھان اُتے شراب کڈھن دی ناجائز بھٹھی چل رہی اے۔ اوس نے نور پوری
 نوں چھاپا مارن لئی گھل دتا۔ جدوں اوہ عملے سنے او تھے چُجا تاں پنڈ دے لوک اکٹھے ہو گئے اُتے
 پولیس اُتے حملہ کر دتا۔ دوہاں پاسیوں ڈھیر چرمقابلہ ہوندا رہیا اُتے پولیس نوں گولی چلاؤنی پئی
 جس نال تن بندے مارے گئے اُتے شراب کڈھن والے گرفتار کر لئے گئے۔ ایس بدلے
 بھاویں نور پوری دی دھاک بیٹھ گئی اُتے اوس نوں بہادری دا تمغہ دے کے آدرکیتا گیا پر اوہ
 اندروں اندریں اپنے آپ نوں بہت دکھی محسوس کرن لگا۔ کئی دن اُدا سی وچ چُپ چاپ بیٹھا رہیا
 اُتے ایہہ گیت لکھ کے دل دے غبار کڈھے اُتے من نوں ہولا کیتا:-

ایہتھوں اڈجا بھولیا پنچھیا
 وے توں اپنی جان بچا
 اتہے گھر گھر پھایاں گڈیاں
 توں چھریاں بیٹھ نہ آ
 اتہے ڈاکے پین دوپہر نوں
 تیرا دین گے آ لھنا ڈھا
 اتہے زہر بھری وچ دانیاں
 تیری دتی چوگ کھنڈا
 اتہے چوڑے والیاں روندیاں
 گل وچ زلفاں پا
 اتہے دُب دُب مویاں سونیاں
 اتہے لہو بھرے دریا
 اتہے قبریں سستے سورے

ماواں نوں تڑفا
 اتھے بندے کھاوَن آدمی
 اتھے بھیناں مار بھرا
 اتھے جیہ کٹا کے جائیں گا
 اتھے گیت نہ ٹھہرے گا
 اوہ توں نور پوری پچھتا نہیں گا
 ایہتھوں مُرد و طناں نوں جا

نور پوری اے بریکانیر وِچ ای تھانیدار سی جو سِمتا دیوی نام دی اک گُروی نال اوس دا
 ویاہ ہو گیا جس توں چھ گُوریاں اتے دو مُنڈے پیدا ہوئے اک دا نام سِتنام تے دُوجے دا ست
 کرتار رکھیا۔ نور پوری بھائیں آپ تاں کیس دھاری نہیں سی پر اوس دے سبندھ ہندو اتے سکھ
 دونوں پر یواراں نال سن۔ گورو گھر نال نور پوری دی بے انت شردھاسی۔ اوس دی سکھی شردھا
 پیٹھ لکھے گیتاں چوں ڈلھ ڈلھ پیندی ہے:-

- 1 چم چم رکھونی ایہہ کلغی جُجھاردی
- 2 وسدے آنند پورنوں چھڈ چلیا کلغیاں والا
- 3 ادھی راتیں ماں گُجری گھوڑیاں چناں دیاں گاوے
- 4 بندیا توں رب دے چپڑاں ماریاں
- 5 کتھے ماتا تو ریا اجیت تے جُجھارنوں

نور پوری دھارمک وکھاوے دا بچ کے ورودھی سی۔ جدوں وی کوئی اوس نال
 دھارمک گل چھیڑدا تاں اوہ ایہہ کہانی سناؤن لگ جاند ا جو اوس دی پتی اُمرت چھک کے اپنے
 آپ نوں شیرنی تے چنڈی دس لگ پئی سی اتے آپ نوں او پری جیہی ہو اوچ اڈی دسدی سی۔
 کافی سماں اوہ سپندار ہیا اک دن اوس نوں اوہ پیکے چھڈ آیا اتے اودوں تک نہ لیا یا جد تک اوس
 دی عقل ٹکانے نہ آگئی اتے اوس نوں سمجھ نہ آگئی کہ دھرم چھڑا رہیہ ریت نوں ہی نہیں کہندے۔
 ایہہ کہانی بھائیں کنی ای سچی ہووے پر جس صبر سنتو کھنال سِمتا دیوی اوس نال نزواہ
 دُنیا بھر دے دُگھ سہہ کے کر گئی، ہوو کوئی ہوندی، کدوں دی کنارہ کر جاندی۔ پولیس دی نوکری

توں استعفادے کے پینتی سال دی عمرے سن 1941 وچ اوس نے جدوں بیکانیر توں پنجاب ول
 مونہہ موڑیا تاں اوس دی چار دھارا وچ بوہت پکیائی آ گئی سی جس نال اوس دی کاو پر کر یاوی
 بوہت پختہ آتے اثر والی ہو گئی سی۔ اوس نے ہن گھل کے کوی درباراں وچ جانا آرنہ کر دتاسی۔
 کوی دربار وچ جدوں وی کوئی کوتا جاں گیت بولدا تاں سروتیاں نوں جھومنالا کے اک نواں
 رنگ جمادیندا۔ ایس طرحاں اوس نوں تھوڑے سمیں وچ ای کوی درباراں داسنگار سمجھیا جان لگت
 پیا۔ اوہناں دناں وچ چھڑے دورنگ ای اُگھڑ رہے سن۔ اک دھار مک، گرو رنگ والا آتے
 دوجا دلش بھگتی والا۔ پنجابی وچ ایس دے نال نال اک زول ساہتک لہروی چل پئی سی جس
 دے زیر اثر فلمی کمپنیاں دی لوڑ مطابق نور پوری نے بہت سندر گیت لکھے۔ اوس ویلے دھوری فلم
 کمپنی بہت پرسدھ سی جس دی منگ آتے نور پوری نے سن 1940 وچ فلم، منگتی، دے گیت لکھے
 جس نال اوس دی دھاک بیٹھ گئی آتے ہر پنجابی دی زبان اُتے اوس دے بول سُر بن بن نکلن
 لگے۔ ایس چکھوں گیت بہاراں دے، آتے ولایت پاس، دے اجیہے گیت لکھے جو کالجوں دے
 مُنڈے گڑیاں گلیاں مَحلیاں وچ اوس دے گیتاں نوں گاؤندے سُنے جان لگے۔ ایس چکھوں اوس
 نے مرزا صاحبان دا اوپیرا وی لکھیا۔

نور پوری دی مقبولیت دُور دور تائیں کھنڈ گئی جس نوں بھانپ کے کولمبیا ریکارڈنگ
 کمپنی نے اوس نوں فلمی گیت لکھن لئی رکھ لیا آتے نال ای اوہ نور کمپنیاں لئی وی لکھن لگ پیا۔
 گراموفون مشیناں مارکیٹ وچ آچکیاں سن جیہناں راہیں اوس دے گیتاں دی چھہر تویاں راہیں
 گھر گھر لگن لگ پئی آتے ایس طرحاں نور پوری دے دن پھر گئے آتے اوس دا بوہت ودھیا گزرا
 چل پیا۔

15 اگست 1947 نوں دلش دی ونڈ ہو گئی آتے پاکستان ہوند وچ آ گیا آتے انیکاں ای
 گھربار دے اُجڑے بجز لے لوکاں نال نور پوری اپنے پر یوار نوں وی پنجاب توں ٹٹ کے بنی
 دھائی آب دھرتی آتے آن و سیا۔ ہن و سُن لکیاں نور پوری پھیرا کھڑ گیا آتے مندی حالت دا
 شکار ہو گیا۔ سبھ لوک مُڑوسپے دے چکر وچ پھسے ہوئے سن۔ اجیہی حالت وچ ساہتکار وچاریاں
 ول کس نے دھیان دینا سی۔ نور پوری نے چونہ پاسیں ہتھ پیر مارے۔ دن رات کوششاں
 کرنوں بعد اوس نوں بھاشا و بھاگ پنجاب وچ نوکری مل گئی جو اوس دو کوسال ای کیتی سی کہ من

اُچاٹ ہو گیا اُتے اوس نے نوکریوں استعفا دے دتا۔ نوکری چھڈن توں بعد نور پوری ماڈل ہاؤس
 کالونی جالندھر وچ رہن لگ پیا۔ ہُن گزارا چھڑا کو تا کہن اُتے ای سی۔ ایس لئی کدی کوئی مشاعرہ
 ائینڈ کر لیندا اُتے کدیں ریڈ یو اُتے کو تا پڑھ آؤندا اُتے تھوڑے بوہتے پیسے مل جاندا۔ آمدنی
 دِن دِن گھٹدی چلی گئی اُتے اوہ غربی وچ جکڑ دا چلا گیا۔ اُتوں دھیاں جوان ہو گئیاں اُتے اوہناں
 دے ویامون ورن دی چٹنگھن وانگ کھان لگ پئی۔ جے چاہندا تاں دوستاں مَتراں اُتے
 اپنے ان گنت مداحاں توں سہایتا لے سکدا سی۔ پر بے لاگا نکھی اُتے غیرت مند طبیعت نے
 ایس پاسے جھاکن توں روکی رکھیا۔ خُدداری اوسدے روم روم وچ بھری پئی سی۔ آمدنی دے گھٹن
 نال پر یوار وچ کھان ہنڈاں دیاں وسٹواں دی تھوڑ ہو گئی اُتے اوس نوں سریرک کمزوری نے آن
 گھیریا۔

شراب پیون دی عادت تاں نور پوری نوں چڑھدی جوانی توں ای سی۔ چنی پریشانی
 دے گھیرے نال اُدا سی اُتے غم نے ہور زور پالیا جس دے غلبے نوں غلط کرن لئی ہر وقت شراب دا
 سہارا لین لگ پیا اُتے نشے وچ گر وند ہو کے گھر دی دشاناں بھل گیا۔ بچیاں دی دیکھ بھال بھلا
 اوہ ہُن گھروں باہر ای تھڑیاں اُتے راتاں گزارن لگ پیا۔ اوس دی ایہہ حالت ویکھ بھال
 سرکار وٹوں اوس نوں ساہتک سیوا بدلے 5 روپے مہینہ وظیفہ وی لا دتا پر 12 جیاں دے گزارے
 لئی ایہہ بہت گھٹ سی۔ اوہ مایوسی وچ گھر کے ہر پکھوں ای بے انت تھک گیا۔ کمزوری کارن کوی
 درباراں اُتے جاناوی چھٹ گیا۔ خوشی بھرے گیتاں دی تھاں غماں نال بھرے گیتاں دا سہارا لے
 کے اوہ من نوں ہولا کرن لکيا۔

بڑا دُنیا دا میں ستایا ہویا ہاں
 کہ تنگ ایس زندگی توں آیا ہویا ہاں

کفن وچ ذرا سوون دیو، نہ بولو
 میں زندگی دے پندھ دا تھکایا ہویا ہاں
 نہ دوزخ دی اگ وچ میری بالومٹی
 میں دُنیا دا پہلاں جلایا ہویا ہاں

قبر وچ غریب شتہ نہ ساہ لین دیندے
گناہاں دے ڈرداد بایا ہو یاہاں

ذرا ساہنے بہہ کے ویکھن دے اوس نوں
جو لگد اسی اوس کول آیا ہو یاہاں

جدِ دل چوں نکلی ہوک ویکھو:

بناں کفن دے لے چلو یا مینوں
'ہے لگ کے گیا' آکھو سنسار مینوں
گوانڈھی نے دبی حقیقت ہے میری
اوہدے رو برو کر لو اک وار مینوں
نشر جس نے کرنا میرے مگروں مینوں
اوہ ہُن کیوں فی کہند اکناہ گار مینوں
جیہناں دے پیاراں نے تھاں تھاں تے بھنڈیا
بڑے یاد نہیں میرے اوہ یا مینوں
میں ارج خالی ہتھیں سجن کول چلیاں
بڑا ہونا پیناں شر مسار مینوں

جویں میں پہلاں وی کیہا، نور پوری بہت خُددار بندہ سی۔ اوس نے نہ کسے اگے ہتھ
اڈیا اُتے نہ زُبان تک ہلائی۔ ویلے دے دھکے کھاندا رہیا اُتے جیون نوں بھار سمجھدا رہیا۔ ایسے لئی
اوس نے کیہا سی: ”گھرو کی تروٹاں اُتے تنگیاں توں تنگ آ کے اک وار میں آتم ہتھ لئی من بنالیا۔
میں گھوہ وچ چھال مارن ٹر پیا۔ رات دا ہنھیر اسی۔ اک تھاں ماڑی جیہی لو سی۔ ایہہ کسے مئیاری
والے دی دُکان سی۔ میں اندر جھاتی ماری تاں ساہنے کندھ اُتے شہید بھگت سنگھ دی تصویر سی۔
میں کپلیا گیا۔ سولپاں اُتے گاؤن والے وریام نے میرے من نوں مُڑ کے قائم کر دتا۔ میں سوچیا

کہ اپنے جے اُتے اُن جے گیتاں دا گلا گھٹن دامیرا کیہ حق اے؟ میری کلا عاتاں لوکاں دی امانت اے۔ کیہ مینوں امانت وچ خیانت کرنی چاہیدی ہے؟ سو میں اوہنیں پیریں پرت آیا۔ نور پوری دی بیماری اُتے غربی ودھدیاں گئی اُتے آس دا دیوا تیل توں سکھنا اُتے چانن ولوں مدھم پیندا گیا اُتے ہولی ہولی آتم بتیا دا خیال، اندر مڑ جاگن لگ پیا اُتے اُسل وٹے لیندالیندا سکھراں اُتے اپڑ گیا۔ 13 مئی سن 1966 نوں رات 9 بجے اوس نے اپنے گھر لاگلے گھوہ وچ چھال مار کے جیون توں مُکٹی پراپت کر لئی اُتے سماج اوس دی موت بارے جتنے مونہہ اونیاں گلاں کر کر کے اگلے سارے دن اوس دی موت دے زرنے کردار ہیا۔

نور پوری نے پہلی عمرے ای خوبصورت گیت لکھنے شروع کر دتے سن جو ہر ضروری موقعے نال میل کھاندے ہن۔ ساہت نوں پڑھن توں پتہ چلدا اے، جو یں کہ اوس نے مینوں دی دسیاسی، کہ نور پوریاں اوس دی پہلی پُستک اے جو سن 1947 توں پہلاں اوس نے لاہور وچ چھپوائی سی۔ ہولی ہولی سمیں دی ٹور دے نال نال اوس دی رچنا دی ٹوروی جاری رہی اُتے اوس نے ونگاں، جیوندا پنجاب، نور پوری دے گیت، سوغات اُتے آخری سوغات پُستکاں ماں بولی پنجابی دی جھولی پائیاں۔ پُستک سوغات نوں بھاشا بھاگ پنجاب ولوں پہلا انعام دے کے مان دتا گیا۔

نور پوری 'لوک کوتا' پکھاں داسر جن ہارسی۔ اوس نے کوتا، گیت، غزل کا وروپاں اُتے قلم کشائی کر کے شدھ لکھن کلا دا ثبوت دتا۔ اوس نے اپنیاں کویتاواں وچ اتہاسک، رومانیک اُتے روحانی رنگاں نوں بہت خوبصورتی نال کھلاریا اُتے پنجاب دی رہنی بہنی، پنجابی سبھیاچار تے پنجابیاں دے سُبھا نوں بہت رتجھ نال اُلکیا اُتے ٹھیٹھ پنجابی ورت کے اپنا پنجابی ماں داوشیش پتر ہون دا ثبوت دتا۔ ایس طرحاں اوہ پنجابی جیون دیاں رنگینیاں اُتے شوخیاں بیانن وچ اپنا بدل نہیں رکھدا۔

نور پوری نے کئی صنف اُتے ہتھ ازمایا اے اُتے ہر صنف دی سر جنا وچ سہل وی رہیا اے۔ پر جو کمال اوس نے گیت سر جن وچ کیتا اے، اوہ لازوال اے۔ اوہ اپنی پُستک 'نور پوری دے گیت' وچ آپ ای کہندا اے کہ سن 1925 وچ میں اپنا سبھ توں پہلا گیت 'میں وطن دا شہید ہاں' بھگت سنگھ دی شہیدی چٹھوں لکھیا سی جیہنوں گا کے سینکڑے کلاکاراں نے پیسے کمائے۔ ایس چٹھوں میں سینکڑے گیت لکھے اُتے گیتاں دیاں کئی پُستکاں لکھیاں اُتے فلمی

گیت وی لکھے جو آج وی نویں جا پدے نیں۔“

نور پوری دا وچاری سی کہ جیہدے گیت جیوندے نیں اوہ دلش وی سدا جیوندہ رہندا اے۔ اوہ اپنے گیتاں راہیں دلش نوں کجھ دے جان دی تاں گھر رکھدا سی تاں جو اوس ولوں اپنے دلش اتے قوم دا حق ادا ہو سکے۔ ایسے لئی اوہ اپنے گیتاں نوں اپنی سبھتوں بہترین کمائی کہندا ہوندا سی۔ اوس نے جنگی طرحاں بھانپ لیا سی کہ اوہدے گیتاں نوں گاؤن والے بہت ناشکرے نیں۔ پر اوہ ایہہ کہہ کے ای من ڈھالیندا سی۔ میں ویکھیا کہ اوہ ایداں کہندا یاں اکھاں بھر لیندا سی۔ کچھن اتے ایہو کہہ دیندا سی:-

”ایہہ میرا سبھا اے۔ سہ سہ اے اتے آدمی آدمی اے“ ایس طرحاں اوس نے گاؤں دی ناشکری دا بیج اُگھاڑیا اے۔ اوہدا عقیدہ سی کہ لوک گیت صدیاں تک جیوندے رہندے نیں، بھانویں لیکھک رہے جاں نہ رہے۔ اوہناں دی کیتی کمائی گاؤن والے ہڑپ کر جاندے نیں۔ لیکھک تاں بُھاں اُتے جیہدے ای پھیر دے رہ جاندے نیں۔ گائیک آزادی نال گم کڈھ کے بھڑولے بھر لیندا اے اتے لیکھک ہتھ ملدا ای رہ جاند اے“ نور پوری اپنے نال دا پری بارے ایس طرحاں کہندا سی:-

”لکھن والا ہمیشہ ای پچھتاںدا اے۔ گیتاں دی کمائی اوہ آپ نہیں کھاسکدا، دوجے ہور لوک ای کھاندے نیں میرے سینکڑے گیت ریکارڈ ہوئے نیں۔ کمپنی والیاں دی ہمیشہ چاہ رہی اے کہ میرے گیت جویں وی میں دے سکاں، اوہ ریکارڈ کر دے رہن پر میں تاں سدا ایہو چاہیا اے جو اوہ گیت ریکارڈ ہون چہناں دی عمر ہووے اتے قوم، بولی اتے دلش دی خدمت وچ پورے اُترن۔“

گیت معنوی مناں دے احساساں اتے جذبیاں وچ اُگویاں من دیاں لہراں دے ہڑھ ہوندے نیں جو آپ مہارے بے روک ٹوک کانگاں بن بن لفظاں دی ہنتر وچ اُچھل پیندے نیں اتے ایہناں دا رچنہار پناں سوچے سمجھے ای اپنے تاثرات دا شکار ہو کے اپنی منزل اتے اپنے ڈٹھے جاں اُن ڈٹھے نشانے ول پندہ کردار ہندا ہے اتے دھیانے بے دھیانے روائتی مُلاں نوں دکھاؤندا رہندا ہے۔ نور پوری نوں میں ٹھیک ایہیے روائتی مُلاں نوں ای مان دین لئی بندھ کر دیاں ویکھیا ہے۔ سن 1945 دی گل اے۔ میں اے۔ ایس۔ کالج کھنہ وچ پڑھدا ساں

اُتے پروفیسر برہم سروپ سکسینہ مینوں فارسی اُتے پروفیسر ہری کرشن رتن پنجابی پڑھاوندے سن۔
 دونویں اپنے ویلے دے اُگھے لکھاری سن۔ اوہناں نے کالج وچ اک کوی دربار کروایا جس وچ کئی
 نامور شاعران نوں سدّیا گیا۔ ایہناں وچ نند لال نور پوری وی سن۔ ایہناں دے گیت اسیں اوس
 ویلے چل رہی مشہور فلم وچ سُن دے ہوندے ساں جو، منگتی، نام نال مشہور سی۔ ایس فلم دا گیت
 'ایتھوں اڈ جا بھولیا پنچھیا' تاں پنجاب دے پنڈ و حلقیاں وچ گھر گھر تک اپڑیا پیاسی۔ میں کالج
 وچ پہلی وار نور پوری دے درشن کیے سن۔ اوس ویلے اوہ 48 سال دے سن ایہناں ہی دناں وچ
 پنڈاں وچ راتاں نوں گاؤن و جاؤن دے جلسے لکیا کردے سن جیہناں وچ مُنڈے، گڑیاں دا
 بھیس کر کے نچار بندے سن اُتے نچدے گاؤندے سن اوہناں دے نال اٹھ سٹ ہو رہے وی
 ہوندے سن جو سازی اُتے کتھا کار ہوندے سن۔ جس دن جلسہ ہونا ہوندا سی، آ لے دو آ لے دے
 پنڈاں دے لوک رات نوں ہُم ہما کے تَچ جان دے سن نچار نچدے ہوئے عام کر کے نور پوری
 دے ایہہ گیت گاؤندے سن:-

بھولا پنچھی.....

اوہ دُنیا دے بند یو.....

وطن دا شہید.....

چلے میرا گویا.....

دیوردی جوانی نے.....

اک کنڈے والا آ گیا پروہنا.....

سڑ کے سڑ کے جان دیئے.....

مینوں دیوردے ویاہ وچ.....

ڈولی وچ وٹ لگے.....

گڈے اُتے آ گیا صندوق مٹیارد آدک.....

میں ویکھیا کہ لوکی جھوم جھوم جلسے والیاں دے نال نچن لگت جان دے سن۔ اسیں
 جدوں اپنے پروفیسراں نال ایہناں گیتاں بارے گل کردے تاں پتہ چلدا کہ ایہہ سارے ای
 گیت نند لال نور پوری دے نیں۔ کوی درباراں وچ بھاویں تیر، بلگن، گندن، عاصی، مان،

صابر، مسیت اُتے ہو رکئی کوی اپنا کلام پیش کر دے سن پر نور پوری دارنگ سدا ای نیارا ہوندا سی۔
 کالج دے کوی دربار وچ جیہڑا گیت نور پوری نے سُنا یا سی اوہ ایہہ سی:-
 ”میں وطن داشہید ہاں میری یاد بھلا دینی“

مینوں ہُن تک یاد اے کہ سارے حاضرین جھومن لگ پئے سن۔
 نور پوری اکلے گیتاں دا ای اُستاد نہیں سی، اوس نے بہت خوبصورت 12 غزلاں وی
 لکھیاں نیں جو بہت رتجھ نال ارشاد کردا ہوندا سی۔ ساریاں غزلاں شُدھ بھجراں، قافیے اُتے
 ردیف وجوں بے مثال نیں اُتے غزل موڈھی دے سارے پیمان دے مطابق نیں بھاویں ایہہ
 غزلاں اک توں اک ودھ نیں پر دو تین تاں بوہت ای ودھیا نیں۔

زندگی وچ ہر قدم نوں سنبھال کے دھردار ہیا
 زندگی وچ چار دن آئی بہار

بناں کفن دے لے چلو۔۔۔۔

نور پوری شراب دے نال سگرٹ وی بے تحاشہ پیندا سی۔ سگرٹ کشی دے نال نال
 عام کر کے ایہہ واک بار بار ای دُہر انداز ہندا سی۔

”نند لال تاں جمن توں پہلاں ای مر گیا سی۔ پر نور پوری؟ نور پوری تاں کدے نہیں مرے
 گا۔ اپنا رنگ پیدا کرو..... بھاویں بوری دے کپڑے پا کے ترو، پر بھرے بازار وچ ٹہاڈا اپنا رنگ
 ہووے۔“

نور پوری ندھڑک ہو کے ہر گلن کہہ دین دی دلیری رکھدا سی بھاویں اوہ گئے لگے اُتے
 بھاویں گوڈے کسے دی پرکھ دی اوسدی اپنی ای کسوٹی سی اوہ تاں امرتا نوں وی سسھل گیت کار نہیں
 سی مَندا۔ امیراں دے چونچلیاں بارے کہندا ہوندا سی:-

”عیب! عیب!! صرف غریباں وچ ہوندے نیں۔ امیراں دے پاپ وی پُسن
 ہوندے نیں۔ گناہ تاں میں اُتے توں کر دے ہاں جاں اوہ کر دے نیں جو سچ دی بھال کر دے
 نیں، امیر نہیں.....“

میں نور پوری نوں بہت نیڑیوں ویکھیا اے اوہ تَج کے کول دِل سی اوہ اپنے گوانڈھیاں
 نال بہت پیار کرداسی۔ اپنے بچپن دی اک گھٹنا بارے اوس نے مینوں دسیا:
 پاکستان وِچ رہندیاں اپنی اک گوانڈھن دی گڑی دی موت ہو گئی جیہنوں اوہ اپنی دھی
 سمان سمجھداسی اوس نے رو کے کیہا۔

”میں اوہنوں اپنیاں بچیاں وانگ پیار کرداسی پر اک دِن اوہ اچانک مر گئی اوہدی پیڑ
 درساؤن لئی میرے شبد اں وِچ شکستی نہیں میں ایہہ وین لکھیا سی۔“

لَدی جاندے ای اوڈھولیا

جیہناں دی کر مچی لوء اے

چنڈ کئی مدھم سی ہوئے

لَدی جاندے ای اوڈھولیا

میں چاہوند اہاں فقیر ہو جاواں اَتے تھاؤں تھاؤں گاؤںدا بھراں۔


نور پوری وِچ لوک درد سُنن سناؤن دی بہت زبردست تانگھ سی اوہ لوکاں نوں اپنا درد
 سُنّا کے اپنے غم نوں غلط کرنا چاہونداسی۔ اوہ لوک دکھاوے دے وِرو دھسی تاہیوں اوہ کہندا ہوندا
 سی اَتے لوکاں دے روئے دا خوب پانچ اُگھاڑداسی۔

”لوک میرے شعراں دیاں تعریفاں کردے نیں، گل وِچ ہار پاؤندے نیں۔ انعام
 وی دیندے نیں۔ پر کاش! اوہ میری اندر لی بھکھ نوں وی ویکھن، ایہی سرمایہ داراں دا جگ
 اے۔ اتھے گھوہ اُتے کھڑے لوک وی پیا سے نیں۔ میری بد نصیبی اے جو میں شاعر ہاں۔ کاش!
 میں کوئی چھوٹی موٹی دوکان پالیندا، میرے بچے بھکھے تاں نہ مردے۔ شعر کہنا جاں تاں
 بد معاشاں دا کم اے اَتے جاں پھیر فقر اں دا میں تاں کجھ وی نہیں ہاں۔ سُریندر کور ہوراں میرے
 گیت گا کے کوٹھیاں پالیاں۔ ہز ماسٹر والیاں نے کاراں خرید لیاں ہر بھجن سنگھ رتن دے گل وِچ
 ریشمی قمیض اے اوس نے کوئی شعر نہیں کیہا اَتے لکھیا۔ میں شعراں نوں خُون وِچ رنگیا اے پر
 میرے کول ایہی نیلا رنگیا کھد ردا گڑتا اے۔ کوٹھی کاراں بارے تاں میں کدی سوچ وی نہیں سکدا
 کوئی درباراں دیاں چار چھلواں نال کیہ بند اے؟“

اک وار میں اوس نوں پچھیا کہ تئیں ادیب کس نوں مندے ہو؟ اُتر وِچ اوس نے اُتر

دِتا سی کہ اوہ شور پاؤ لکھاریاں توں نفرت کرداسی نشے وِچ آ کے اوہ کئی واری تاں اجو کے کویاں
 اُتے پروگریسو کویاں نوں گالھاں کڈھدا ہوندا سی جو اندروں ہو راتے باہروں ہو نہیں۔ کئی وار اوہ
 مشاعرے وِچ ای کھریاں کھریاں سناؤن لگ پیندا سی۔ اوہ بے پرواہ شاعر سی، منگتا اُتے مٹھی
 چا پی کرن والا کوئی نہیں سی۔ اوس نوں اٹکھ اُتے اپنی پچھان دا احساس سی۔ کہندے نیں کہ مرن
 توں پہلاں اوس نے شراب پینی چھڈ دتی سی۔ غماں وِچ دُبے نے حُد گشی کر لئی نہ مکان، نہ
 دُکان، نہ رسوئی وِچ آٹا۔ اوہ بچیاں دارب راکھا سمجھ تڑ گیا۔ دُنیا نوں اُتے سمیں تک، جی کردا اے
 ایس دُنیا نوں میں ہس کے ٹھوکر مار دیاں، کہندا پنجا بیاں نے میری یاد بھلا دینی، کہہ کے الوداع
 منگدا ہی تڑ گیا جگتا دے شبد اں وِچ۔

‘نور پوری ہوٹلاں، کلباں وِچ جیوندا رہے جاں نہ، اوہ کھیتاں، کساناں دے
 وِڑھیاں، کرتیاں دے دِلاں، جھومدیاں فصلاں، گوری دیاں جھانجراں، میلے دیاں شوکناں،
 رُتیاں اُتے کامیاں دے وِشال مناں وِچ سدا ای وِسیار ہوئے گا۔



نور جہاں

میرے لئی ایسی دُنیا بارے سوچنا وی ممکن نہیں سی جس وِچ میڈم نور جہاں نہ ہون۔ پرسن 2000 ممکن دے نیڑے آیا تے اوہ واپر ہی گیا جس بارے سوچیا وی نہیں سی جاسکدا۔ میڈم نور جہاں نہیں رہے۔ اتے اسیں ہُن کدے وی اوہناں جیہا کوئی ہو نہیں ویکھ سکاں گے۔ نہ اوہ آواز سُن سکاں گے۔ پر اوہ اوس گانگی وِچ ہمیشاں جیوندے رہن گے جو اوہ ساڈے لئی چھڈ گئے ہن۔

اوہ ستمبر 1926ء ہفتے والے دِن مدد علی اتے فتح بی بی دے گھر قصور وِچ پیدا ہوئے سن۔ اوہناں داناں اللہ وسائی رکھیا گیا سی۔ تیراں بچیاں وچوں اوہ سبھ توں چھوٹے سن۔ چھ بھیناں سن۔ سبھ توں وڈی بھین عیدن سی، جیہناں دانا کاح گیت کارتنور نقوی نال ہو یا۔ ہو بھیناں سن بی بی گلزار، امینہ بیگم، بہار و اتے عُمده مشین۔ ایہہ ناں ایوں پیا کہ اوہناں دی واج سان اُتے لگی اپنی تیکھی سی کہ لوک کہندے سن کہ ایس گڈی دے گلے وِچ تاں جیویں کوئی مشین لگی ہوئی اے۔ ست بھرا سن جیہناں دے ناں سن: میاں نواب دین، گل محمد ”گلو“، محمد حسین، صدیق، عنایت حسین اتے محمد شفیع۔ اوہناں دے تن بھراتاں پاگل خانے اپڑ گئے سن۔

نور جہاں نے ساری عمر اپنے وڈے سارے بھریاں مالی لوڑاں پُوریاں کیتیاں اتے دُور پار دے ہو سکاں دیاں وی۔ اک وار اوہناں کیہا، ”لوک مینوں کہندے ہن کہ میں کم کرنا بند کیوں نہیں کر دیندی۔ بئی کیویں کراں کم بند؟ جے میں کم نہ کراں، تاں ایہناں ساریاں دا دھیان کون رکھے؟“

پاکستان فلمی صنعت دیاں دونو جوان اتے بہت چنگیاں گانگی دیاں فنکاراں، عذرا جہان اتے شاعرہ، نسیم، اوہناں دے ٹبر وچوں ہن۔

لہورتوں 1933 وچ چھپے فلم سٹارز رسالے وچ فلم اشاراں دی اک فہرست وچ اوہناں بارے درج ہے کہ ”اوہ دُبلے پتلے، ناڑک اتے خوبصورت ہن۔ اوہناں دے وال کالے، مُلائم اتے اکھاں ٹونے ہار ہن۔ اوہ کوہ نور یوناٹڈ آرٹسٹس وچ شامل ہو گئے اتے اوہناں دیاں کجھ فلماں وچ کم کیتا۔ مگروں اوہناں نوں سیون یوناٹڈ آرٹسٹس نے مُلازمت دتی اتے اوہناں دیاں کجھ فلماں وچ اوہناں خلیل دے ساویں مڈھلا کردار نبھایا۔ مگروں شاردا فلم کمپنی وچ شامل ہو گئے اتے ڈھیر فلماں وچ اہم کردار نبھائے۔ ہُنے جیسے پرتمادی پتت پاون وچ نظر آئے ہن۔“

اوہ صرف چار ورھیاں دے سن جدوں اوہناں دی پہلی فلم بنی سی۔ نور جہاں ہمیشہ چاہیا جو ایہہ اک رُمانک بھیت ہی رہے پئی اوہ کیہڑے ورھے جے سن۔ جدوں پہلی وار 1967 وچ میں اوہناں نوں لہور ملیا، اوہناں مینوں کیہا سی، ”لوک اکثر میری عمر دا حساب لاؤندے رہندے ہن۔ زندگی اتے لوکاں ولوں اپنے تجربے دے حساب نال میں ہمیشہ توں سو سال دی ہاں۔“

اوہناں دی گانگی اج وی اوویں دی اوویں جیوندی اے جیویں سٹھ سال توں ودھ پہلاں دے اوس دُراڈے سمیں جیوندی سی، جدوں پہلی وار اوہناں دی کوئل ورگی آواز لہور دے گاؤں ہالاں وچ اتے چھوٹیاں شہراں وچ سُنی گئی۔ نکجلی وانگ سریر وچ پھر جان والی آواز، سسکھراں اُتے کدے وی جھوٹھی نہ پیندی، کدے وی بے سُری نہ ہوندی، سگوں کجھ اجیہی مکمل جو رب نے کسے سوہنے جیسے دیہاڑ آپ گھڑی ہووے۔ اوہناں وی اپنا ایہہ ٹخفہ ازائیں نہ کیتا۔ اوہناں سخت محنت کیتی، اٹھ، سُلگ، انتھک، بنا شکوے، ہر ویلے اوس نوں سودھ دیاں اتے مانجھدیاں رہے جیہدی اوہناں نوں بخشش دتی گئی سی۔ مہان بن لئی اوہناں بڑی محنت کیتی۔

اوہ اک غیر معمولی تربیت سن جیہناں ہمیشاں اپنی ہی منوائی۔ اوہناں چنگے ویلے وی ہنڈھائے تے ماڑے وی، ویاہ ہوئے، طلاقاں ہونیاں، کئی واری دل ٹٹیا، وقتی اتے سنجیدہ عشق وی کیتے۔ مشہوری، دولت، اکلپاوی ویکھیا اتے زندگی دے اخیر وریاں وچ ماڑی صحت

او ہناں دا کھہڑا نہ چھڈیا۔ ایہہ سبھ او ہناں اک چُپ چُپتی خُو دعتادی اتے بہت ساری پھبت نال ہنڈھایا۔ اوہ کدے وی اپنے دُکھاں دی کہانی نہ کردے، کدے ترس نہ منگدے۔ او ہناں اتے الزام لگا کہ اوہ کُنجوس ہن۔ ایہہ سچ ہے، اوہ ہے سن کُنجوس، کیوں جے اوہ، اوہ سبھ کجھ گوانا نہیں سن چا ہوندے جو او ہناں آپ اپنیاں محنتاں نال حاصل کیتا سی۔ پر بڑے کھلے دل وی سن۔ او ہناں ورھیاں بدھی اپنے وڈے سارے بُردامالی بوجھ چُکیا۔ اپنے دُوجے گھر والے اعجاز دُرانی دی امداد نوں تِج کے اپڑے جدوں اوہ نِشلیاں شیواں دی سمگلنگ دے جُرم وِچ انگلینڈ جیل وِچ ڈکے پئے سن پر جیسے جنسی ملاں مارن خاطر او ہناں نوں چھڈ کے او ہناں نال بڑی ماڑی کیتی سی۔

کسے سے شوکت حسن رضوی، او ہناں دی خاص محبت رہے سن۔ جیہناں میڈم بارے اک گندی کتاب لکھی جیہدے پاروں او ہناں دی جد پُشت بدنام ہوئی۔ او ہناں مُعاف کرنا او ہناں نوں بہت اوکھا لگدا سی۔ اک وار میں نُور جہاں نوں پچھیا، ”کیہ اخبار صحیح آکھ رہے نیں جوں تُساں شوکت حسین رضوی نال صلح کر لئی اے؟“

وڈی حیرانی نال او ہناں دے مُونہوں نکلیا سی، ”جو کجھ او ہناں میرے نال کیتی اے، اوس توں بعد میں کیوں مُعاف کر سکتی آں؟“

میں کیہا اوہ سبھ کجھ واپرے نوں تاں ہُن بہت عرصہ ہو گیا اے اتے شاید ہُن تاں تہا نوں اوس صدے وِچوں نکل آؤنا چاہیدا سی۔ او ہناں جواب دتا سی، ”اوہ ہُن افسوس کردا اے۔ اوہ تاں بس ایہو چاہندا اے کہ میں او ہناں مُعاف کردیواں۔ روند اے، کیر نے پاؤندا اے تے چیرکاں ماردا اے۔ پر میں کس طرحاں بھلا سکتی آں جو اوس میرے نال تے میرے بچیاں نال کیتی؟“

میں کیہا، ”میرا تاں خیال سی تئیں بڑے نرم دل او؟“

”اوہدے واسطے نہیں“، او ہناں جواب دتا سی۔ کہن لگے ”صرف ایہی نہیں، میں تاں او ہناں دی بیوی نوں وی پسند نہیں کردی۔ اوس عورت، گٹھو بیگم نوں۔“ او ہناں جڑیا۔

ایکٹریس یا سیمین بارے، جیہڑی زرینہ، ریشماں دے ناں توں فلماں وِچ آئی سی اتے جیہدے نال نور جہاں نوں طلاق دے کے رضوی نے نکاح کرایا سی، نور جہاں ایسے طرحاں گل کردے سن۔ یا سیمین قد دی مدھری سی، ایسے لئی نور جہاں نے اوس نوں ایہہ ناں دتا سی۔

دل دے پہلے اپریشن مگروں جدوں اوہ لاہور پرتے تاں چھیتی مُڑ گاؤن لگ پئے،
 اوہناں کیہا کہ ”ایہہ آواز اللہ میاں داٹکھہ اے اتے اوہناں دی بخشش نال میں ایس نوں سانجھی
 رکھیا اے۔“

1992 وچ اوہناں مینوں کیہا، ”جدوں میں مائیکروفون ساہمنے کھلوندی آں، تاں
 صرف میں نہیں او تھے کھلوتی ہوندی۔ اپنے موڈھیاں اُتے، مینوں اپنے ماپے کھلوتے محسوس
 ہوندے ہن۔ مینوں پتہ ہے اوہ او تھے ہوندے ہن۔ ایہہ اک کرشمہ اے۔ کسے وی شو ویلے سٹیج
 اُتے کھلوتی دی جیہڑی آواز نسیم سُن دے او، اوہ میری بول چال والی آواز نہیں ہوندی۔ یقین کرو،
 میں نہیں جاندی اوہ کتھوں آؤندی اے۔ ایہہ اُپر والے داٹکھہ اے جو اوس اپنی بخشش نال میری
 سانجھ وچ دتا اے۔ ایہہ اوہدی چیز اے، میری نہیں۔“

اوہناں دسیا کہ اوہناں دے دل دے بانی پاس اپریشن توں بعد اوہناں نوں پک نہیں
 سی کہ اوہ مُڑ کے گاؤی سکن گے کہ نہیں۔ پر چھ ہفتیاں بعد، اک سویر بڑا ڈر ڈر کے، اوہ گاؤن بیٹھے
 تاں بس لگ پئے گاؤن۔

”میں پننالی منٹ گایا۔ میری آواز چنگی تے تکرڑی سی اتے میں رب دے احساناں پٹھ
 دب گئی۔ مینوں اپنے کم نال محبت اے۔ جدوں گاؤندی آں، مینوں رب اپنے نیڑے جا پیدا
 اے۔ ایہہ میری دُنیا اے، میری زندگی، میرا عقیدہ اے۔ صرف رب جاند اے میرے دل اُتے
 کیہ پتہ اے، میں کیہ محسوس کرنی آں۔ میں سمجھا نہیں سکدی۔ میری ہُن اکونشا ایہہ اے۔
 دوسریاں نوں خوشیاں ونڈاں، لوکاں دے کم آواں، ہسپتال بناواں، اپنے بچیاں دی امداد کراں۔
 مینوں محسوس ہوند اے پئی جیہڑی زندگی رب مینوں میرے اپریشن بعد دتی اے اوہ کسے خاص
 مقصد لئی دتی اے۔ میں ایس وقت نوں اللہ رُسل دے لیکھے لاؤنا چاہوندی آں۔ ایس طرحاں
 محسوس کردی آں ہُن میں۔“

1980 وچ کسے ویلے، لاہور وچ نوید ریاض نال گل بات کردیاں اوہناں اپنے
 مڈھلیاں ورھیاں نوں چیتے کیتا تاں اوہناں دا لہجہ بڑا اُٹنواں سی۔ ”میں صرف 15 دی ساں
 جدوں ماں بن گئی ساں (اصل وچ اوہ 16 جاں 17 ورھیاں دے سن۔ شوکت حسین رضوی نال
 اوہناں دا ویاہ 1943 وچ ہو یا سی)۔ بچیاں بارے کجھ نہیں سی جاندی۔ اپنے آپ نوں بچہ ہی

سمجھدی سی۔ میں اپنی چھوٹی سی کہ گجھ پتہ نہیں سی ہوندا۔“

پھیر اوہناں اپنی ماں بارے گل کیتی۔ ”سویر دے ریاض توں بعد، مینوں پڑھنا لکھنا سکھاؤن لئی اک اُستانی آؤندے سن۔ کدے کدے، ایہہ مینوں بہت اوکھا لگدا، ایس کر کے اک دن میں اعلان کر دتا کہ میں ہُن ہور نہیں پڑھنا۔ اوہ اکو واری جدوں میری ماں میرے تے ہتھ چکيا۔ اوہناں بس اکو واری میرے اُتے ہتھ چکيا اتے کیہا، ”نہیں، نوری جی، تہسی پڑھو گے۔“ ہُن سوچدی آں کہ ماں پاروں ہی سی جو میں پڑھنا لکھنا سکھ لیا۔ جدوں میں کوئی گانا ریکارڈ کردی آں، میرے سامنے کاغذ اُتے لفظ ہوندے ہن اتے رب دی سونہہ جنی وار میں ورقہ ویکھدی آں، اپنی ماں نوں یاد کردی آں۔ دل کردا اے ہتھ اُچے چک رب اگے دُعا کراں کہ میری پیاری ماں نوں اپنے نیڑے رکھے۔ تہا نوں پتہ اے، اینا ساں لنگھن بعدوں وی مینوں چیتا اے کہ پیو دے کندھاڑے چڑھی اوہناں نال گلی وچ آئی آں۔ کندھاڑے چڑھی، پٹھاں لوکاں اتے دوکاناں ول ویکھدی پئی آں۔ ہائے، بڑے یاد آؤندے نیں اوہ دن!“

جدوں پہلی وار نور جہاں نوں دل دی تکلیف ہوئی، مینوں چیتا اے میں کیہا سی، ”اوہ دل وی کیہ کردا، ویکھو نہ، کسے داعویدار رہے نیں ایس دے اتے کئی وار پھڑ پھڑایا اے ایہہ اوہناں لئی جیہڑے اوس دل نوں چنگے لگے۔ چلدیاں چلدیاں جاں کسے سہانی جیہی گرمیاں دی شام ہوں۔“

سانوں ہمیشہ جاپنا کہ میڈم نوں کوئی چیز نہیں توڑ سکدی۔ ایس لئی اوہناں دی موت، اک اجیہا گھانا لگدا اے جس نوں پورن لئی بڑا سماں لگے گا۔ آخری سالوں وچ اوہناں بہت تکلیف ویکھی۔ ہُن اخیر اوہناں نوں چین آ گیا اے۔ اک وار کسے اوہناں توں پچھیا کہ اوہ کدوں توں گارہے نیں۔

”شاید گاؤندی ہی جی ساں۔“ اوہناں جواب دتا سی۔

میرے دوست ایم رفیق لنڈن رہندے ہن جیہناں اپنی زندگی دا بہت حصہ خاموش فلماں دے زمانے توں لے کے آج تیک دے بھارتی اتے پاکستانی سینما بارے کھوج وچ لنگھایا اے۔ نور جہاں دے گاؤن بارے سبھ توں بہتی جانکاری بے شک اوہ رکھدے ہن۔ اوہناں ثابت کیتا اے کہ نور جہاں دا ٹبر قصور وں لاہور آ یا سی جتھے اوہناں دی وڈی بھین عیدن اتے حیدر

بندی نے (جیہناں نوں اوہناں دی بھین آکھیا گیا اے پر شوکت حسین رضوی کہندے ہن کہ اوہ اک رشتے دار سن) اپنا سٹیج داکیر یز شروع کیتا۔ نور جہاں اک نعت گاؤن وچ اوہناں دا ساتھ دتا جو بہت مشہور ہوئی۔ ایس دا منگھڑ اسی: 'ہنستے ہیں ستارے، یا شاہِ مدینہ'۔ ایس دی موسیقی ضیاء چشتی نے دتی سی۔ پھیر اوہناں ایہہ ٹبر کلکتے ٹر گیا، جتھے آس کیتی جا رہی سی کہ دونویں وڈیاں گڑیاں نوں فلماں وچ کم کرن دا موقع مل جاوے گا۔ پر اصل وچ ایس طرحاں نہ ہو سکيا حالانکہ اوہ سٹیج اُتے آؤندیاں رہیاں۔

کوئی 1930 دے آ لے دو آ لے دی گل اے کہ نور جہاں نوں اک خاموش فلم ہند کے تارے وچ اداکاری دا کم ملیا۔ ایس فلم نوں انڈیا پکچرز، کلکتہ نے بنایا سی۔ مگروں، ایہہ ٹبر بمبئی چلا گیا جتھے نور جہاں نے ہور خاموش فلماں وچ وی کم کیتا۔ بمبئی وچ 1931 وچ جیہڑیاں خاموش فلماں اوہناں کیتیاں اوہ سن: بریو واریر، چندر منی، گڈ بائی کنگ شپ، ہارٹ تھیف، جنگِ دولت، میچک آف لو، ٹیکلیس، پرتھوی راج، شالیواہن، سونگ آف سورو۔ بھارت دی پہلی بولدی فلم جو اوہ سے سال آئی، آردیشیر ایرانی دی 'عالم آرا' سی۔

پہلی پنجابی فلم 'شیدا جاں پنڈ دی گڑی' 1936 وچ کلکتے بنی سی۔ جدوں نور جہاں نوں اک کافی چنگی گاؤن والی اداکارہ لے طور اُتے جانا جان لگا سی۔ پروڈیوسر کے ڈی مہرا ایہناں تیناں بھیناں نوں ایس فلم وچ اداکاری اُتے گاؤن لئی اوہ تھے لیاندا۔ اتے گجھ سال پہلاں اوہناں دی پنجاب وچ بڑا ای مشہور ہون والی نعت نوں چیتے رکھ دیاں، اوہناں ایہہ نعت وی اپنی فلم وچ رکھ لئی۔ بھاویں اُردو وچ ہون کر کے ایہہ پنجابی فلم وچ گجھ اوپری ہی لگدی سی۔ ایس توں علاوہ، نور جہاں نوں اک پنجابی گیت وی گاؤن نوں دتا گیا۔

اوہناں دی پہلی بولدی فلم سی 'سسی پُون'۔ جیہڑی 1932 وچ بمبئی وچ بنی۔ اتے اوہناں دی بھارت وچ آخری فلم سی 'مرزا صاحب'۔ جو 1947 وچ آئی، جس ورھے انگریزاں دا راج مکیا اتے بھارت اتے پاکستان دو آزاد ملک بنے۔ اوس دوران اوہناں دیاں ایہہ فلماں آئیاں:

1933۔ آبِ حیات، انتقام، پت پون، شاہِ سُبحان

1934۔ سنیماکوئین، کالا باگھ جاں بلیک ٹائیگر، غریب کا پیارا، نیکی کا تاج، قسمت کی کسوٹی، سیتا،

وامن اوتار جاں دانی سمرات، ویر بھارت جاں شیر ہند۔

1935۔ علاؤ الدین دوئم جاں آج کا علاؤ الدین، گھر جوانی۔ جانِ عالم، انجمن آرا جاں پریم
پُر نما، کالا سوار، کارواںِ حسن، مصر کا ستارہ، رنگیلا نواب، کشتی دھرم۔

1936۔ رُمینک انڈیا، شیدا جاں پنڈ دی گڑی (پہلی پنجابی بولدی فلم، کلکتے بنی)، توپ دا گولا،
مسٹر اینڈ مسز بومبے۔

1937۔ آدرش مہلا، بسمل کی آرزو، چابک سوار، فخر اسلام، جواہر ہند، پرکھ، مسٹر 420، سروجنی،
تارن ہار۔

1938۔ برہمچاری، ہیر سیال (بھارت دی دوجی پنجابی فلم، کلکتے بنی)، پُر نما، رائیل کمانڈر،
شریف ڈاکو، نہ ہونے والی بات جاں امپوسبل۔

1939۔ گل بکاؤلی (بھارت دی تہجی پنجابی فلم، لاہور بنی)، ایماندار۔ پیغامِ حق۔

1940۔ بجنی۔ میلہ جٹ (پنجابی، لاہور وِچ بنی)

1941۔ چوہدری۔ ریڈ سکینل، اُمید، سسرال

1942۔ چاندنی، دھیرج۔ فریاد، خاندان (لاہور بنی)

1943۔ دُہائی، نادان، نوکر

1944۔ دوست، لال حویلی

1945۔ بڑی ماں، بھائی جان، گاؤں کی گوری، زینت

1946۔ انمول گھڑی، دل، ہجولی، جادوگر، مہارانا پرتاپ

1947۔ عابدہ، جگنو، میرابائی، مرزا صاحبان۔

نور جہاں نے بھارتی فلماں لئی 127 گیت گائے اتے 1932 توں لے کے 1947

تک اوہناں دیاں فلماں دی گنتی سی 69۔ اوہناں دیاں بے آواز فلماں 12 سن۔ اوہناں دیاں
55 فلماں بمبئی بنیاں، 8 کلکتے، 5 لاہور اتے 1 رنگون، برما وِچ۔

پاکستان وِچ نور جہاں نے 13 فلماں بنائیاں، چن وے (پنجابی، 1951) توں

شروع ہو کے مرزا غالب (1961) تک۔ ایہہ فلماں سن: چن وے (1951)، دُپٹہ (1952)،

گلنار (1953)، پائے خاں (1955)، لخت جگر، انتظار (1956)، نوران (1957)، انارکلی، چھو

منتر (1958)، پردیس، نیند اتے کوئل (1959) اتے مرزا غالب (1961)۔ چار پنجابی دیاں سن، نو اُردو دیاں.....

نوید ریاض نال اپنے انٹرویو وچ، اوہناں کیہا کہ اوہناں نوں اپنے گھروں باہر جانا پسند نہیں سی اتے پارٹیاں اوہناں نوں کدے پسند نہیں سن۔ اوہ ہونٹاں اتے عوامی میل جول توں وی کئی کتر اوندے سن۔ ”میں اک سدھی سادی، اُلجھناں توں بنا زندگی جینا چاہندی آں۔“ اوہناں کیہا سی۔ اوہناں دی سبھ توں وڈی دھمی اُودوں ہی لہور دے شاہنور سٹوڈیو دا اندر لا پاسہ ویکھیا سی جدوں اوہ ویہی گئی سی۔ اعجاز درانی توں ہونیاں اوہناں دیاں تن دھیاں نے تاں اک وار وی نہیں سی دیکھیا۔ اوہناں کجھ مان نال کیہا سی۔

اک اجیہی زنانی ہون دے باوجود جو ویمینز لب جیویں اسیں اج ایس نوں سمجھدے آں توں پہلاں ویمینز لب والی سی، نور جہاں روایتی سن۔ حیرانی دی گل اے کہ اوہناں دا زانیاں بارے نظریہ، پُرانے رواج داسی۔ جاں شاید اوہ انسانی نیکی توں نا اُمید سن۔ ایس دی ہمیشاں مینوں حیرانی ہندی کیونکہ اوہ اک اجیہی زنانی سن جیہناں اپنیاں شرطاں اُتے زندگی ہنڈائی اتے جو کسے دی محتاج نہیں سی۔

شوکت حسین رضوی اپنی گھر والی بارے اپنی گال گلوچ نال بھری کتاب وچ دعویٰ کیتا کہ اوس ٹوں اوہناں نے ای سٹار بنایا سی۔ پر گل اینویں نہیں سی۔ نور جہاں رضوی نوں ملن توں پہلاں ہی سٹار سن۔ اُنج وی کون اوہناں دے زور آورا تے انوکھے فن دی راہ وچ کھلو کے اوہناں دی مشہوری داراہ ڈک سکد اسی؟

1981 وچ اوہناں اک انٹرویو وچ کیہا، ”زنانی کم کردی اے تاں اوس نوں اخیر ملدا کیہا اے؟ جے سکھ اوس نوں ملدا اے تاں اپنے گھر دیاں چار دیواراں اندر۔ میرے نالوں ودھ محنت کس کرنی اے؟ تے میں تہا نوں کچھدی آں کیہڑا سکھ لبھیا اے مینوں؟ جدوں گھر والے نوں پتہ لگدا اے کہ اوہدی گھر والی اوہدے توں ودھ کماسکدی اے، تاں اوہ اوس توں نفرت کرن لگ پیندا اے۔ اوہ چاہندا اے کہ گھر والی دی اوس اُتے ای ٹیک ہووے، پوری طرحاں۔ جے اوس اپنے لئی سویٹر خریدنے ہون تاں اوہ چاہے گا کہ گھر والی اوس توں خیرات منگے۔ ایہہ ہوندا اے ساڈے مُلک وچ ساڈیاں زانیاں نال۔ مرد نہیں چاہندے کہ گھر والیاں

مالی طور اُتے آزاد ہوں۔ زنانی پوری طرحاں اپنے خاوند دے آسرے اُتے ہووے تاں ہی آس کر سگدی اے پئی اوس کول گھربا راتے اک زندگي ہووے گی۔“

اوہناں اک وار مینوں کیہا سی، ”جدوں کسے مردنوں پتہ لگدا اے کہ اوہدی گھر والی وِچ پیسے کماؤن دی، بہت سارا پیسا کماؤن دی وی، قابلیت، ہنر جاں لیاقت اے تاں اوہدا حوصلہ ڈول جاندا اے، اوہ لڑن نوں اُلر اُلر پیندا اے۔ ایہہ اے ساڈا زنانیاں دا حال جو اوج کل کم کر دیاں نیں۔ ایہہ ملدا اے زنانیاں نوں بدلے وِچ جے اوہ کم کرن تاں۔ بیٹی اتے نکارنا۔ اوہ سارے آدمی جیہناں دیاں گھر والیاں سہل ہن وکھو وکھری پدھر دیاں ہن۔ اوہ بھاونادے شکار ہونے ہن۔ میرا خیال اے ایس دیس وِچ زنانی نوں کماؤنا نہیں چاہیدا۔ مینوں چاہدا اے اوس دا ویاہ تاں ہی چل سگدا اے جے اوس کول گجھ نہ ہووے۔“

اوہناں مان نال دسیا کہ اوہناں دی اک دھی نے فرانسیسی سکھی، ٹائپ رائیٹر ورتتا اتے گھوڑ سواری وی۔ ”پتہ اے میں اوس نوں کیہہ کیہا؟“ اوہناں پچھیا۔ ”میں کیہا، تینوں گھربا بارے سوچنا چاہیدا اے۔ تُوں کیہہ بننا چاہندی ایں؟ پو لو گھوڑ سواری کھیڈی گی؟ اخیر تاں زنانی دی خوشی اوس دا گھر والا، اوہدے بچے اتے اوہدا گھربا رای ہونے نیں۔ ایس سماج وِچ تاں ایہو چلدا اے۔“

اک واری اوہناں 1965 وِچ پاکستان دی بھارت نال پہلی جنگ ویلے گائے اپنے جوشیلے گانیاں دی گل کیتی۔ ”میں تہا نوں اوہناں دناں بارے دسدی آں۔ کسے مینوں گاؤن لئی نہیں سی کیہا۔ میں آپے سویرے ریڈیو پاکستان نوں فون کیتا تے کیہا کہ میں آکے گانا گاؤنا چاہونی آں۔ اوہناں نوں یقین نہ آیا، بس کچھی جان، ٹئیس میڈم نور جہاں او؟“ اوہناں سوچیا کوئی جھوٹھ ہی مار رہیا اے۔ اخیر میں کیہا ”کیہ سوچدے پئے او۔ ایہہ سارے پاسے بمب ڈگ رہے نیں، گولا باری ہو رہی اے۔“

پہلاں مینوں گھروں باہر جان لئی پاس لینا پیا کیونکہ شہر وِچ کرفیو لگا سی۔ جدوں میں اوہتھے اپڑی اوہ بہت خوش ہوئے تے بڑے حیران وی۔ ”سچ مُج ٹئیس او؟“ اوہ آکھی جان۔ ”ہی، ٹئیس ویکھ رہے او، میں کیہا۔ کوئی سازندے آس پاس نہیں سن۔ پر میں کیہا کہ کوئی فکر نہیں۔ میں آپ ہی مبارک سمیت چار سازندے نال لے آئی ساں۔ میں ہی لفظاں نوں موسیقی دتی۔“

میریا ڈھول سپاہیا، میرا سوہنا شہر قصورنی، اتے ایہہ پتر ہٹاں تے نہیں وکدے، سبھ میریاں ای بنائیاں ہونیاں دھناں نیں۔ مینوں سچ مچ ایہہ پتر ہٹاں تے نہیں وکدے دی دھن بناؤن لئی کجھ منٹ ہی لگے سن۔ طبلے اتے صابرسن اتے سارنگی اتے نظام صاحب۔ ریکارڈنگ اعظم صاحب نے کیتی۔ اتے بے شک غلام تہسم صاحب وی سن، جیہناں کلام لکھیا۔ تھوڑے جیسے ای ہوندے سی نا، اسیں!۔“

اوہ چیتے کردے رہے، ”میں سازندے اپنی گڈی وچ چڑھالینے اتے جتھے ریکارڈنگ ہوندی اسیں اپڑ جانا۔ جدوں تک مینوں یقین نہ ہو جاندا اپنی سبھ کجھ صحیح ہو گیا اے میں گھر نہ جاندی۔ اک وار، میری گڈی اے سٹوڈیو وڑی ای سی کہ اک گولے دی چھلتر ڈگی اتے اوہ سنتری مر گیا جس نے ہٹے ہٹے دے اشارے نال مینوں اندرواڑیا سی۔ اوہدی تھاں میں وی ہو سکدی سی۔ اُودوں میریاں تن نکلیاں دھیاں سن، دس، نوں اتے دو سال دیاں۔ اوہ تھے ڈھلیاں مٹھیاں سن اتے گھر اوہناں دا خیال کرن لئی کوئی نہیں سی۔ جنا، جیہڑی سبھ توں وڈی سی، اوس نے چھوٹیاں دادھیاں رکھیا۔ حالانکہ اوہ آپ وی اے بچی ہی سی۔ میں سویرے پنج بجے اٹھ کے اوہناں لئی کھانا پکاؤندی اتے پھیرر آؤندی۔ جدوں سائرَن و جنا، میں اوہناں نوں اوس مورچے وچ دھک دینا جیہڑا اسیں پٹیا ہو یا سی۔“

”جدوں سائرَن و جنا، اسیں ریکارڈنگ کردے ہونا۔ میں اوہناں نوں کہنا، جانا ای اے تاں مائیکروفون سامنے گاؤندیاں جاییں۔ اوہناں منڈیاں بارے سوچو جیہڑے او تھے لڑ رہے ہن۔ جدوں میں میریا ڈھول سپاہیا، گایا سی، ایہہ پہلوں ریکارڈ نہیں سی کیتا۔ میں ایہہ سدھا مائیکروفون وچ گایا سی۔ تے ایہہ لائیو ہی سنایا گیا سی، کیونکہ ٹیپ ریکارڈر خراب سی اتے چل ہی نہیں سی رہیا۔ میرے لئی اوہ گھڑی بہت دل مُنویں سی اتے میں بہت روئی سی۔ حسن لطیف جو میرے لئی میرے بھراوانگ سن، اوہنیں دینس میری بڑی مدد کیتی۔ اوہناں مینوں کیہا، تسیں اک بہت خوبصورت کم کیتا اے۔ اوہناں مینوں بہت ہلاشیری دتی۔ اوہناں کیہا میں اُم کلثوم وانگ آں۔ اوہناں دے لفظ مینوں کدے نہیں بھلے۔ اوہناں دامیرے اتے بہت ڈونگھا اثر پیا۔“

شوکت رضوی، جس نے نور جہاں نال لاہور اتے بمبئی وچ اک بڑے طوفانی عشق مگروں ویہہ کرایا اتے آزادی توں بعد پاکستان آؤن دے کجھ سالوں بعد طلاق دے دتی،

نور جہاں نال بتائی زندگی بارے لکھی اپنی کتاب 'نور جہاں کی کہانی میری زبانی' وچ نور جہاں بارے، اوہناں دی آواز اتے اوس دے اوس جادو بارے جو کہیں دے بتین نال نما نہیں پیا اک وی گل چنگی نہیں کیتی۔ پھیر وی، ایہہ واجب ہی ہووے گا جو اوہناں دے لکھے دا خلاصہ اتھے دے دتا جاوے۔

اوہناں لکھیا اے کہ..... جدوں رضوی نوں 1942ء وچ خاندان ڈائریکٹ کرن لئی لاہور سدیا گیا، نور جہاں، اپنیاں بھیناں نال امرتسر وچ اک ڈانس پارٹی نال سن۔ نوں فلم لئی ہیر وکین چلنی سی جس دے پروڈیوسر دل سکھ پنچولی سن۔ اوہناں لکھیا اے کہ ایس پی سنگھا، پنجاب یونیورسٹی دے وائس چانسلر، دی مدد نال کئی گڑیاں آڈیشن لئی بھیجاں گئیاں سن پر اوہناں وچوں اوہناں نوں کوئی وی نہ چچی۔ اوہ چاہوندے سن کہ اوہناں دی ہیر وکین پر دے اتے پندرہاں سو لھاں سالاں توں ودھ دی نہ لگے۔ نور جہاں دی اوس ویلے اپنی گواہی عمر سی۔ اوہناں فیصلہ کیتا کہ اوہناں نوں اوسے دی لوڑ سی۔ نور جہاں نوں بلا لیا گیا پر دسیا نہ گیا کہ تئیں ہیر وکین بننا اے۔ اوہناں توں ہی ایہہ عشق شروع ہو گیا اتے پھیر نور جہاں دے بھراواں دی مرضی دے الٹ ویاہ ہو یا۔ جیہڑے نور جہاں نوں ہتھوں گناوا نا نہیں سی چاہوندے۔ اوہ اوس ڈانس پارٹی دی روح اتے سبھ توں وڈی کھج سی۔

اک دن، شوٹنگ چل رہی سی، جدوں رضوی نے نور جہاں نوں محول کیتا، تئیں کہہ دیا تیل لاؤندے اووالاں تُوں؟ بڑی بھیڑی مہک اے۔“ اوہ کہندے ہن کہ ایہہ لفظ اوہناں دے مونیوں نکلن دی دیر سی کہ نور جہاں رون ڈھ پئی اتے چپ ہی نہ ہووے!“ او کہہو جیہی زبانی اے ایہہ!“ اوہناں نوں چیتا اے کہ اوہناں نے اپنے آپ نوں اینویں ای کہہا سی۔“ مینیوں اودوں ہی خبردار ہو جانا چاہیدا سی کہ ایہہ تاں بڑی خطرناک تربیت ہن پر مینیوں تاں عشق چڑھیا ہو یا سی۔ مینیوں گجھ نہ دسیا۔ ایسے گل کر کے شوٹنگ پنچ چھ دن رکی رہی۔“

اوہ کہندے نیں کہ جدوں شوٹنگ مڑ چالو ہوئی تاں میں پکی دھار لئی سی کہ نور جہاں ول دھیان نہیں دیاں گا۔ پر ہو یا ایہہ کہ پنچولی دے بھتیجاں دے مناؤن نال، جیہڑے سٹوڈیو وچ گھمدے پھر دے رہندے سن، رضوی نے نور جہاں نال صلح کر لئی۔ عشق پھیر شروع ہو گیا۔ اک دن، بڈھے پنچولی نے رضوی نوں سد کے آکھیا،“ ویکھو شوکت، میرے بھتیجے تہاڈے دوست

ہن اتے میرے لئی تئیں اوہناں ورگے ای او۔ میری اک صلاح اے تہاں نوں۔ ایس عشق نوں
اپنے دونوں وچالے اک کھیڈ تائیں ای رہن دینا، ایس گل نوں کھیڈ توں اگانہ نہ ودھن دینا۔
اج دے دن تائیں اوہناں دے لفظ میرے کناں وچ گونج رہے ہن۔ پر میں اٹھا ہویا ہوساں
عشق وچ۔“

رضوی نے ہور لکھیا اے کہ ”اک دن، مال روڈ (لہور) اُتے مینوں اک دوست ٹکریا
جس مینوں کیہا کہ تینوں کوئی لہر ہیا اے۔“

اوہ دوست مینوں مال روڈ توں ہٹوئیں اک گھر وچ لے گیا جتھے میں نور جہاں نوں ویکھ
کے حیران رہ گئے۔ پر اوہ اکل نہیں سی، اوہ دے نال حسن امین وی سن۔ (اوہناں بارے تھوڑی دیر
بعد گل کراں گے)۔ انج جا پدا سی اوہناں دونوں دی ہاسے مخول وچ اک دوجے نوں سر ہانے
مارن دی لڑائی ہو رہی اے۔ ”میں او اک رہ گیا۔“ رضوی نے لکھیا اے۔ ”ایہہ اوہ زنانی سی
جیہڑی مینوں اپنی محبت دالیقین دواؤندی رہندی سی۔ میں حسن امین نوں چکھیا ایہہ سبھ کیہ اے۔
اوہناں جواب دتا کہ ایہہ نور جہاں دی شرارت اے۔ اوہناں ہی آکھیا سی کہ مینوں او تھے سدیا
جائے۔ تانجو میرے دل وچ حسد پیدا ہووے۔“

میں ایتھے ایہہ ذکر وی کر دیاں کہ حسن امین نے آپ مینوں دسیا سی کہ نور جہاں
اوہناں دی پہلی محبت اے۔ اوہ گورنمنٹ کالج، لہور، پڑھدے سن جدوں اوہناں نے پہلی وار
نور جہاں نوں اپنیاں اکھاں نال گوندیاں ویکھیا سی۔ اوہناں نوں نور جہاں نال عشق ہو گیا۔
اوہناں قصور تائیں نور جہاں دا چکھا کیتا اتے اپنے ٹبر دی مخالفت دے باوجود، نور جہاں نال
اوہناں دا عشق چلیا۔ میں حسن امین نوں اوہناں دے گھر اسلام آباد وچ 1999 دیاں گرمیاں
دے اخیر ول ملیا سی تاں اوہناں مینوں نور جہاں لئی اپنی عمر بھر دی سچ بارے دسیا۔ ایس توں
پہلاں، اوہ دن اک افواہ اُڈی سی کہ نور جہاں کراچی وچ وفات پا گئے ہن۔ حسن امین نے
کیہا، میں ہُنے نور جہاں نوں فون کرنا اتے اوہناں اوہ سہ ویلے فون کر دتا۔ اوہ وار وار نور جہاں
نوں کہہ رہے سن، اونوری، مہربانی کر کے مینوں مُعاف کر دے۔ میں حسن نوں کیہا کہ میرے
ولوں وی اوہناں نوں سلام آکھدے اتے میرا یاد وی کرادے تاں امین نے نور جہاں نوں آکھیا
میرا اک مٹر میرے نال اے اتے تہاں نوں سلام آکھ رہیا اے۔ جدوں امین ہور اں فون اُتے دسیا

کہ میں کون آں تاں اگوں نور جہاں نے کیا، میں اوس دا اک پُرانا اتے خاص متر آں۔ ساڈے اندر خوشی دی لہر دوڑ گئی کہ اوہ جیوندے سن، بھاویں کسے طرحاں وی تند رست نہیں آکھے جا سکدے سن۔ میں حسن امین نوں کیا، سانوں جشن مناؤ نا چاہیدا اے۔

”پھیر آؤ شمعین نال ہی جشن منائیے۔“ اوہناں شان نال آکھیا۔

”اسلام آباد وچ شمعین؟“ میں پچھیا۔

”ہاں بالکل، اسلام آباد وچ شمعین،“ اوہناں جواب دتا۔

اوہناں سچ مچ ہی چنگی فرانیسی شمعین دی بوتل کڈھ لیاندی جس نال اسیں میڈم دی صحت دا جام پیتا۔ میں اوہناں نوں ایہہ وی پچھیا کہ اوہ اوہناں توں مُعافی کس گل دی منگ رہے سن۔ اوہناں حسرت نال جواب دتا۔ ”اوہ چاہوندے سن کہ میں اوہناں نال ویاہ کراواں، پر میں تاں اوہنیں دینیں بس کرکٹ ہی کھیڈنا چاہوندہ اسان۔“

مُرشوکت حُسنِ رضوی دی کہانی ول آؤندے آں۔ نور جہاں نے وعدہ کیتا کہ اوہ باقی ساریاں نوں چھڈ دے گی اتے ایہہ عشق پھیر نوں دم شروع ہو گیا..... خاندان رلیز ہوئی اتے جھٹ پٹ ہی ہٹ ہو گئی..... اتے چھیتی ہی مگروں، اوہناں ویاہ کرا لیا..... رضوی اتے نور دے پہلے دو بچے، اکبر اتے اصغر، بمبئی جمے۔ اوہناں دی شادی بُد ازندگی کافی ٹھیک ٹھاک ای جا پدی اے اتے رضوی کہتے وی اپنی بیوی دے کسے آپ ہدرے و طیرے دا ذکر نہیں کردے، ہوائے اک حادثے دے کہ اوہناں دی اپنے پُرانے عشق حسن امین نال ملاقات ہوئی جو بمبئی اوہناں نوں ملن آ گئے سن۔ خاندان توں بعد، نور جہاں داناں چڑھ گیا اتے اوہناں کئی فلماں بنائیاں۔

اوہنیں دینیں ماحول گجھ ایہو جیہا خراب ہو گیا سی کہ ایہہ بُر بمبئی چھڈ کے کراچی آ کے وس گیا جتھے رضوی نے گارڈن ایسٹ وچ اک گھر خرید لیا۔ رضوی لکھدے ہن کہ اوہناں اپنا کم بدلن دا فیصلہ کر لیا سی اتے فلماں چھڈ کے جائیداد خرید و فروخت کرن دا کم شروع کرن دا سوچیا۔ اوہ اوس تھاں نوں خریدن دے چاہوان سن جتھے بعد وچ بنگلی دے بلب بناؤن والی ہائسنز فیکٹری بن گئی۔ پر نور جہاں ایس اتے زور دتا کہ اوہ اوہوم کار کرن جس دا اوہناں نوں تجربہ اے اتے جس لئی اوہ بنے سن۔ ایہہ سیانی صلاح پاروں۔ رضوی دی لکھت وچ نور جہاں لئی کوئی شکریہ نہیں لکھدا۔ اوہ لہور آ گئے، جتھے رضوی نے بھاں بھاں کر دا شوری سٹوڈیو خرید لیا جس نوں اوہناں

پاکستان دے بانکے اوپنگ بیٹسمین نذر محمد نال نور جہاں دار مانس فلم چن وے بناؤن ویلے شروع ہويا۔ رضوی دے لکھن مطابق نذر محمد موسیقار فیروز نظامی دے رشتے دار سن اتے شاہنور آوندے جاندے سن جتھے ایہہ فلم بن رہی سی۔ نذر محمد نوں موسیقی دا کجھ علم وی ہے سی۔ نور جہاں اتے نذر دیاں آپس وچ اکھاں وی لڑ گئیاں ہونیاں سن۔ رضوی مطابق، نور جہاں کول کرفیو پاس ہوندا سی۔ اوہ چٹا برقع پہن کے نذر نوں ملن جاندی۔ رضوی دے مخبراں اوہنوں ایہناں خفیہ ملاقاتاں دی دس پائی اتے اک دن، اوہناں چپ کر کے نور جہاں دا ہتھکڑا کر کے پتہ کر لیا کہ جو اوہناں نوں دسیا گیا اے اوہ سچ اے۔

جدوں وی میں نور جہاں نوں نذر محمد بارے چکھنا تاں اوہنے کہنا کہ اوہ اوہدے لئی اکبر جاں اصغر وانگ اے۔ پر پھیر جدوں ایس بدنامی پاروں بہت شرمندہ ہونا پیا تاں رضوی نے ایس بارے کجھ کرن دا فیصلہ کر لیا۔ اک دن اوہناں دے ڈرائیور امیر حسن نے اوہناں نوں رپورٹ دتی کہ اوہ ہنوں نور جہاں نوں اسلامیہ پارک چھڈ کے آیا اے جتھے نذر محمد نال ملن لئی تھاں متھی ہوئی سی۔ رضوی دو کاراں بھر کے دوستاں اتے مددگاراں نال اوس گھر اپڑ گئے جیہدی ڈرائیور نے پہچان رکھی ہوئی سی۔ ایہہ اک بڈھے بندے دا گھر سی جیہڑا تعویذ دھاگے دے نال دیسی دواواں دا کمروی کرداسی۔ رضوی نے جاؤ ہاکھڑ کایا۔ اوہدے بندیاں گھر نوں گھیرا لیا۔ بوہا گھلایا تاں اوہنے چکھیا، اتھے نور جہاں آئی اے؟

بڈھے آدمی نے اینویں داوکھالا کیتا پئی اوس نوں پتہ ای نہیں کہ نور جہاں کون اے۔ ایہدے توں رضوی دا پارہ چڑھ گیا۔ اوہنوں پاسے کر، اوہ اُپرلی منزل دیاں پوڑیاں چڑھن لگ پیا، جتھے صرف اک کمرہ ای سی۔ بڈھا آدمی چیرکاں مارن تے رولار پاپاؤن لگ پیا تاں جو ایہہ چھاپا پین پاروں عاشق خبردار ہو جاون..... نذر محمد نے باری وچوں باہر پنچی فٹ پیٹھاں زمین اُتے چھال مار دتی۔ اوہ اپنی بانہہ دے بھار ڈگا اتے اوہدی بانہہ ٹٹ گئی۔ رضوی دے مددگاراں اوہنوں پھڑ لیا۔ نور جہاں ایس دوران رون لگ پئی۔ نور جہاں تھلے آچیک چھاڑا پاتا کہ اوہناں دا گھر والا ہی تاں اوہناں نوں ہوو مر داں کول بھیجا اے۔ نور جہاں اینا گورولا پایا کہ آئندھ گوانڈھ باہر آ گئے۔ جھٹ پٹ ہی کوئی دو گوسو لوک اوہتھے آجڑے۔ نذر پیٹھاں زمین اُتے بے

سُدھ پیاسی۔ کریسیٹ فلمز دے میاں احسان وی آ پہنچے اتے نور جہاں نوں اوتھوں لے گئے۔ پنچی فٹ توں چھال مار کے بانہہ تُووان پاروں نذر پھیر کدیں کرکٹ نہ کھیڈ سکیا۔ پاکستان دی کرکٹ نال ایہہ سبھ توں ماڑی ٹریجیڈی واپری سی۔

رضوی نے نور جہاں دے خلاف جو کجھ چنگا بھڑا لکھیا اے، میں اوس داخلہ دے دتا اے۔ اک میوزیکولوجسٹ، سعید ملک ہوراں جیہناں دی رائے دی میں قدر کرداں، اتے جیہڑے رضوی نوں وی چنگی طرحاں جاندے نیں، اک وار مینوں دسیا کہ میں نور جہاں پاروں اپنے لیکھاں وچ رضوی اُتے بہت سخت لکھیا اے۔ اوہناں ایہہ وی آکھیا کہ رضوی نے نور جہاں بارے جو وی کیہا جاں لکھیا اے، اوس نوں وی تھاں دینی بندی اے۔ پر جو وی رضوی نے کیہا جاں لکھیا اے اوہدی تائید نہیں کر رہیا۔ ایس وچ تھوڑا ہتھیار وی اے۔ پر ایس نال نور جہاں دی مہانتا گھنڈی نہیں۔ اوہ اک غیر معمولی زنانی سی اتے معمول دے معیاراں نال اوہناں بارے فیصلہ کرنا واجب نہیں ہووے گا۔

رضوی دی لکھت وچ ہاں دی چھوہ لئی کوئی تھاں نہیں، نہ اوس گھنی محبت لئی جو کدے اوہناں نور جہاں لئی محسوس کیتی۔ ایسا پچر لنگھن دے بعد رضوی نوں قصور دی ایس اُبھردی جادو گرئی نال، جس دی آواز پگھلی چاندی ورگی سی، محبت کر پٹھن دا افسوس کرن دی کیہ لوڑ سی۔ اوہناں دیاں یاداں وچ، جیہناں وچوں میں بہت کجھ اتھے لکھ دتا اے، اوہناں بار بار نور جہاں نال ویاہ کر پٹھن دا افسوس جتایا اے۔ جد کہ اوہ کسے اُچے نوابی جاں جاگیر دار گھرانے دی گڑی نال وی ویاہ کراسکدے سن۔ پر اخیر اوہناں نوں چیتے کیتا جائے گا تاں اوہناں دے اپنے کیتے کم راہیں نہیں سگوں ایس لئی کہ اوہ کدے نور جہاں دے شوہر رہے سن۔ رضوی اتے نور جہاں ویاہے گئے سن جدوں نور جہاں مسال سولھاں دی سی۔ ایہہ کئی گل اے کہ رضوی اوس الہڑ گڑی دے عشق وچ انھے سن جس دا موسیقی دا ہنر چیتکاری سی اتے کامیاب ہون دی جس دی دھن اپنی کولمی چوڑی سی جہاں کہ اوہ پینڈ و علاقہ جس وچوں اُبھر کے اوہ ساہمنے آئی سی۔

رضوی دی کتاب اوس زنانی دے خلاف الزاماں دی جھڑی اے جس اوہناں نوں تن بچے دتے سن: اکبر، اصغر اتے ظلیہ ہما۔ نور جہاں داناں اتے اوہناں دی شہرت نوں نیواں کرن وچ رضوی نوں کوئی نموشی جاں پچھتاوا نہیں ہویا۔ ایہہ رونا روندیاں کہ نور جہاں نے

او ہناں نوں وار وار دھوکھا دتاسی۔۔۔۔۔ اوہ اپنے آپ نوں اک وچارا گھر والا پیش کرن دی کوشش کردے ہن۔۔۔۔۔ جیہڑی گل دا اوہ ذکر نہیں کردے اوہ ایہہ اے کہ اوہ آپ وی کوئی فرشتہ نہیں سن۔ اتے اوہناں دی زندگی وچ اپنیاں گوزنیاں سن جیہناں نوں قبول کرن دی اوہناں کول ہمت نہیں۔ رضوی کہندے ہن کہ اوہناں نے بچیاں خاطر ویاہ چلائی رکھیا، ایہہ اک اجیہی دلیل اے جو کہتے نہیں کھلوندی۔ جے ویاہ اینا ہی ماڑی جتا اوہ دسدے ہن تاں پھیر نور جہاں اوئی ای بھیرے، لا پرواہ ماں وی ہونی اے۔ پھیر تاں بچیاں لئی بہتر ایہو سی کہ ایہہ ویاہ نہ رہندا۔ نور جہاں دا رضوی نوں چھڈ جان دے بہت چر بعد رضوی ایہہ شکایت وی کیتی کہ نور جہاں نے اوہ دے پتر اوہ دے خلاف کردتے سن۔ اوہ میرے خون دے پیاسے سن۔

نور جہاں نوں جانن والے گواہ ہن کہ اوہ اپنے بچیاں اتے کیویں جان چھڑکدے سن۔ اکبر خاص کر، اوہناں دیاں اکھاں دا تارہ سی۔ اوہ اوہناں دی کمزوری سی اتے اوہناں توں بھاویں جو مرضی منوالیندا۔

رضوی دے اپنے دونوں جیاں دی سانجھی زندگی بارے ایس گھٹیا بیان وچ اک وار وی اوہناں نور جہاں دے موسیقی دے کمال ہنر نوں نہیں منیا۔ اوہ اک غیر معمولی زنانی سن جیہناں دیاں خوبیاں اتے کمیاں اوہناں دی وڈتن دی فطرت کر کے ہی غیر معمولی سن۔ نور جہاں جیہیاں زنانیاں نوں اوہناں ہی معیاراں نال نہیں پرکھیا جاسکد جیہناں نال عام انساناں نوں پرکھیا جاند اے۔ ہوسکد اے اوہ لوڑی، حرصی، ڈکوڈو لے کھاندے اتے کجوس ہون پر اوہناں ہمیشاں بہت فراخ دلی وی دکھائی۔ ساری عمر، اوہناں اپنے پرپوار دا خیال رکھیا۔ اوہناں کدے وی اپنے منڈھلے سمیاں نوں نہیں بھلایا جس نوں کوئی بہشت نہیں آکھیا جاسکد۔ نور جہاں اپنی زندگی بڑی خود اعتمادی اتے بڑی پھبت نال ہنڈائی۔ ہورتاں ہو، مرداں دی ایس دُنیا وچ اوہناں اپنیاں شرطیں اتے زندگی گزارے۔

اک وار میں اوہناں نوں پچھیا سی کہ اوہناں اتے ایہہ الزام وی لگدا اے جو اوہ کدے کدے اپنے پرسنکاں نال کورے ہو جاندے سن۔ اوہناں جواب دتا۔ ”میںوں جدوں کسے دے گھر رات دے کھانے داسدا ملدا اے۔ اتے جدوں سارے کھاٹن، تاں میںوں کچھیا جاند اے کہ کیہ میں گانا گاواں گی۔ اتے میں کہندی آں نہیں، کیونکہ میں کھانا کھان آئی آں،

گاؤن نہیں۔ جے میں ایہہ آکھاں، تاں کیہ ایہہ ان پروفیشنل ہووے گا۔ میں اپنے کم دی پھبت اتے ایس داماں رکھن دی کوشش کیتی اے۔“

جدوں پہلی وار میں اوس کمال دے موسیقار حسن لطیف نوں جیہناں ’لٹ اُجھی سلجھا جا رے بالم‘ (’لٹ اُجھی سلجھا جا رے بالم دی دُھن اصل وچ موسیقار رشید عطرے نے فلم ’سوال‘ لئی بنائی سی۔ اے فلم 1966 وچ ریلیز ہوئی۔ ایڈیٹر)؛ میرے ہاتھوں میں مہندی لگی، اتے جا اپنی حسرتوں پے آنسو بہا کے سو جا، دیاں طرزاں بنائیاں، نور جہاں دے گلبرگ والے گھر (جوہن ڈھاء دتا گیا اے) 1969 وچ ملیا۔ تاں نور جہاں نے میری اوہناں نال ایہہ کہہ کے واقفی کرائی کہ، ”ایہہ میرے گینگ دے نیں۔“

میڈم دے عشق وی قصہ بن گئے سن۔ کیہ کدے اوہناں نوں کسے نے اوہناں دے مونہہ اُتے پچھپاوی؟ اک شخص جس داناں میں لے سکداں، اوہ راجہ تجمل حسین سی اوہنے سچ سچ نور جہاں نوں پچھیا سی۔

”گجھ سچ نیں اتے گجھ جھوٹھ“۔ نور جہاں نے جواب دتا سی۔

چلو جھوٹھ سچ ای سُنیے۔“ تجمل نے ٹوہیا سی۔

اگوں اوہ وی کھلھے موڈ وچ سن اتے کیہا، ”ٹھیک اے۔“ پھر اپنے کمال دے چیتے وچوں پھرول پھرول کے دس لگے پئے۔ گجھ منھاں بعد، اوہناں تجمل نوں پچھیا:

”ایہہ کنے ہوئے؟“۔

”ہن تک کوئی سولھاں“۔ تجمل نے بنا کسے ہاسے مخول دے دیا۔

اگوں پنجابی وچ اوہناں اک خاص نور جہانی جملہ آکھیا، ”اوہ، ہائے اللہ! ناںہہ ناںہہ کردیاں وی سولھاں ہو گئے نیں!“

نور جہاں نے حسین حقانی نوں آکھیا سی، ”حُسن پرست ہوں میں، مگر بدر کردار نہیں۔“ حسین حقانی نور جہاں دے اخیر دناں وچ اکثر اوہناں نیڑے ہندے سن، کیونکہ نور جہاں کہندی سی کہ اوہناں نوں حقانی دا ساتھ دل پرچاؤ لگدا اے۔

اک دن اوہناں حسین حقانی نوں کیہا، ”میں تہا نوں او دوں کیوں نہ ملی جدوں جوان ساں، ہُن، ہڈھے وارے تسیں مینوں ملے او۔ ایس لئی ہُن تہا نوں اپنا پتر ہی بنا سکدی آں۔“

اک دن حقانی نے پچھیا، ”کیہ تہانوں زندگی وچ کوئی پچھتاوا دی ہے؟“ اوہناں جواب وچ آکھیا سی۔ ”میں پڑھائی نہ کر سکی تے گھر نہ بنا سکی۔“

اوہناں ہمیشاں اپنیاں تیناں دھیاں، جیہڑیاں اعجاز نال ویاہ توں ہوئیاں۔ جنا، شازیہ اتے نازیہ۔ نوں ایہو نصیحت کیتی، ”زنانی دی اصلی خوشی چنگے ویاہ وچ ہی ہوندی اے۔“ اوہ اپنی سبھ توں نکلی دھی نازیہ دے اداکار شان اُتے مر مٹن ولوں دکھی سن جس نوں اوہ بیٹا لائق نہیں سن سمجھدے اتے نہ ہی شان دی ماں اداکارہ نیلوٹوں۔ اداکارہ نیلوٹوں سات لاکھ دے اک گانے ”چھٹی لے کے آجا بلما“ اُتے نچن دی اداکاری کر کے فلم دی رلیز توں بعد سارے پاکستان وچ مشہور ہو گئی سی۔

اعجاز نال ویاہ وچوں نور جہاں دی سبھ توں وڈی دھی جنا دی آواز چنگی سی پر نور جہاں نہیں سن چاہوندے کہ اوہ اوہدے نقش قدم اُتے چلے۔ اک وار اوہناں حقانی نوں کیہا سی، ”کیہ فیہ، ویکھیا جائے تاں ایہہ کدے نور جہاں نہیں بن سکے گی۔“

اوہ اپنے پتر اں نوں بہت پیار کردے سن، خاص کر اکبرٹوں، اتے ساری عمر اوہناں دی مالی مدد کردے رہے۔ حقانی نے مینوں دسیا کہ منڈیاں دیاں منگاں کدے ملکیاں ای نہیں۔ اوہناں دی لمی بیماری وچ وی نہیں.....

میڈم دے اخیر دی دن تکلیف بھرے سن۔ اوہناں دا دل ول نہیں سی، گردے وی ول نہیں سن اتے ایہناں پاروں اوہناں نوں ہور وی کئی تکلیفاں سن۔ اک وارتاں حیاتی دا دیوالگ بھگ بجھ ای گیا سی پر پھیر زندگی مل گئی۔ اوہناں حقانی نوں کیہا کہ رب نے مینوں بخش دتا اے تانجو میں اپنے جیوندے جی اپنے بچیاں وچ اپنی جائیداد برابر ونڈ سکاں۔ جے میں انج نہ کیتا، تاں میرے رُجان چکھوں لڑائیاں جھگڑے ہون گے جیہناں دی مینوں بہت تکلیف ہووے گی۔ اوہ بے آسے نہ ہوئے۔ لبرٹی چوک گلبرگ، لاہور وچ اوہناں دا وڈا سارا گھر، جس نوں اوہناں بڑی صفائی نال کارپوریشن توں وپارک جائیداد اعلان کروالیا سی، 20 کروڑ روپیاں دا وکیا۔ اوہناں اپنے چھیاں بچیاں اکبر، اصغر، ظلمہ، ہما، جنا، شازیہ اتے نازیہ نوں ڈھائی ڈھائی کروڑ روپے دتے۔ ایس ونڈ بعد نوں نور جہاں نوں بڑا سکھ اتے تسلی ہوئی۔

میڈم اجیہی زنانی سن جیہناں دے راہ وچ کوئی نہ ای آوے تاں اوہدے لئی چنگا اے، خاص کر زنائیاں۔ بہت ورھے پہلاں دی گل اے کہ نور جہاں نے اداکارہ نگہت سلطانی نوں دو دھروی دتیاں سن جیہنے نور جہاں لئی اوہناں دی بوٹھ چکھے پچھل لاؤ، جیہے لفظ ورتے سن جاں پھیر نور

جہاں نوں اوہدے اُتے شک سی کہ اوہ اوہناں دے خاوند نال اکھ مٹکا کر رہی اے۔ اوہوں اہجے اوہناں نوں حالی پرواہ ہے سی اپنے گھر دی۔ اک ہور نویں اٹھدی گایکا جس شیخی ماری سی کہ اوہ نور جہاں توں گھٹ نہیں۔ نور جہاں اوس نوں ڈاڈھے ہتھیں لیا تے اوہدیاں چیرکاں کڈھوا دیتیاں۔ لوکاں نے وچ پے کے بچ بچا کروایا۔

ایہہ لگ بھگ 1994-95 دی گل اے نور جہاں دی طاہرہ سیّد نال وی تُوں تُوں میں میں ہوئی سی۔ طاہرہ نے نور جہاں بارے آکھیا سی، جو نور جہاں دی آواز مینوں اکاؤ جاپدی اے۔ میں اوہناں نوں دو وار توں ودھ نہیں سُن سکدی۔ اوہناں ایہہ وی آکھیا سی، میرے پسندیدہ گایکا تاں نُصرت فتح علی خان تے عطا اللہ عیسیٰ حیلوی نیں۔ میں ایہناں نوں سدا سُن سکدی آں۔ میں کوئی پیشہ ور گاؤن والی نہیں۔ میں تاں بھلائی دے کماں لئی پیسے اکٹھے کرن لئی گاؤنی آں۔

ملا خیرے او تھے ای ٹھپیا جاندا۔ پر نور جہاں دے ایس گل دے جواب مگروں طاہرہ سیّد دی ماں نے آکھیا سبھ نوں پتہ اے اسیں کون آں تے تُوں کتھوں آئی ایں۔ اُلنا نور جہاں نوں اپنی دھی توں معافی منکن دی صلاح وی دتی۔ جھٹ فلمی دُنیا دے لوک اک مُٹھ ہو کے نور جہاں دی حمایت وچ اُٹھ کھلوتے۔ اوہناں ماں دھی دی بند یا کیتی تے اک آواز ہو کے اعلان کیتا، نور جہاں اکو اک اے اوہد کوئی ثانی نہیں۔ پھتی کسن وچ وی نور جہاں دا کوئی ثانی نہیں سی۔ ٹرکاں لاریاں تے ویگناں والیاں دے من بھاؤندے گایک عیسیٰ حیلوی بارے گل کردیاں نور جہاں نے ایس جھیڑے دا انتہا اِنج لایا، عیسیٰ حیلوی جو کجھ وی گاؤندے نیں میرا تے میرے اوس سنگیت دا اوہدے نال کوئی واسطہ نہیں جیہڑا مینوں سکھایا گیا اے۔ اِنجے ایہہ گل آکھنی نور جہاں نوں پھبدی وی اے۔ بڑے غلام علی خان، نور جہاں دے فن نوں مندے سن تے اپنی شاگرد آکھن وچ مان وی کردے سن۔ اُنج وی اپنے اُستادنوں چتر دیاں اوہناں دا آدرودھاؤن لئی نور جہاں دا ایہہ وی اک ڈھنگ سی۔ سچی گل تاں ایہہ اے کہ سنگیت دیاں باریکیاں تے بھیتاں بارے جو کجھ وی جانن دی لوڑ سی، کسے ہور نالوں اوہ بہتر جاندے سن! اچیہا ہور کجھ وی نہیں سی جو کوئی اوہناں نوں سکھاندا۔ جدوں نور جہاں فوت ہوئی تاں اوہناں دی اک دادی پچھھی نے دسیا پئی جدوں نور جہاں جی سی تاں اوہناں دے رون دی آواز سُن کے نور جہاں دی

پُھپھی نے اپنے بھرانوں کیہا، واہ، ایہہ تاں روندی وی سُر وِچ اے۔

1988۔ وِچ میڈم دی مُسرت نذیر نال اک بڑی مشہور جھڑپ ہوئی۔ میڈم نوں ایس دا کوئی چاء چڑھیا تاں نہیں سی آکھیا جاسکد پئی مسرت نذیر نے او میرا لونگ گواچا گا کے جیوندی یاد وِچ سبھ توں ہرمن پیارا گیت گایاں۔ ایہہ اوہی گیت اے جیہدے وِچ، ٹاہلیاں پٹھ دَوڑی آوندی مُنیار دے نک دا کوکا (لونگ) بُوھک کے ڈگ پیندا اے تے اوہ نہیں لبھدا۔ اوہ مُنیار اپنے چُکھے چُکھے آوندے گھڑونوں ونگار پاوندی اے جو اوہ میرا لونگ لیسے۔ ہر اک توں میرا لونگ گواچا دی واہ واہ سُن سُن کے میڈم نکونک آگئے تاں اوہناں وی ایہہ گیت اپنے ڈھنگ نال گاء کے ریکارڈ کروا دتا۔ پر میڈم دے ایسے گائے گیت دی کسے سارای نہ لئی۔ نور جہاں نوں ہور وٹ چڑھ گیا۔ جدوں میں اوہناں نوں پُچھیا کہ تُّساں انج کیوں کیتا اے؟ نور جہاں نے دسیا کہ سارے مینوں آ آ کے کہندے سُن جے میں ایہہ گیت نہ گایا تاں باری سٹوڈیو وِچ قتل ہو جان گے۔ حال دی گھڑی مینوں اوہ وجہ بھل گئی اے۔ پر نور جہاں نے مینوں بڑا گھل کے باری سٹوڈیو وِچ قتل ہو جان دا کارن دسیا سی۔

مینوں چنگا بھلا چیتا اے، میں اوہناں نوں پُچھیا سی، تُّسی مُسرت نذیر دی کامیابی اُتے رشک کر دے او؟ رشک! اوہناں دی آواز وِچ ٹچکری سی۔ میں رشک کراں کسے گاؤن والی اُتے، پھیر اوہ وی مُسرت نذیر.... اوہناں واک ہو او وِچ ای لمکیار ہن دتاسی۔ ایہہ میڈم دا خاص ڈھنگ سی۔

کُجھ سہ بعدوں مینوں مُسرت نذیر توں ٹورانٹو وِچ ایس کہانی بارے پُچھن دا موقع ملیا تاں اوہناں سو نہہ کھا کے مینوں دسیا، جدوں میں لہور وِچ ساں تاں میڈم نور جہاں ولوں مینوں سُنیا ملیا پئی میں پُٹھے پیریں لہوروں او تھے ای پرت جاواں جتھوں میں آئی آں، نہیں تاں چنگا نہیں ہووے گا، ایس پُچھ دس وِچ کالے علم دا ذکر وی ہویا۔ (شوکت حسین رضوی وی ایس گل دی دس پاوندے سن جو نور جہاں لیہدے وِچ ماہر اے)۔

میں پہلی وار 1967 وِچ نور جہاں نوں ملیا جدوں اوہناں دا اعجاز نال طلاق دا جھیرا ٹُریا ہویا سی۔ اوہ اداکار جس وِچ کلا ناں دی خبرے کوئی چیز نہیں سی، سوائے شکل و صورت دے، جیہدے نال نور جہاں کُجھ ورھے پہلاں ویہہ کرایا سی تے جیہدے فلمی گیر یئر بنواؤن وِچ اوہناں

مدد کی تھی سی۔ تن دھیاں تے کئی بے وفائیاں توں بعد ایہہ ویہ مک گیا۔ اوہناں دناں وچ میں نور جہاں نوں کئی وار ملیا۔ نور جہاں دی آواز دا میں بُھدا لئی تاں ہے ای ساں پر اوہناں دی ترکھی اٹکل جھولی عِلّت، لوکاں تے حیاتی بارے دُونگھی بچھ داوی قائل ہو گیا۔ اوہناں اعجاز بارے گلاں کرنیاں۔ کئی وار زہر دا ٹیکالا، تے کئی وار کسے بھرم ٹٹن دے احساس نال۔ اوہناں نوں اوہناں بارے اُتے اوہناں توں دھوکھا ہو یا جا پدا سی۔ اپنے آپ نوں وی دوش دیندے سن اپنی ماڑی چون لئی۔ اوہ تاں کدے وی گُوڑے توں ودھ گجھ نہیں سی، مینوں چیتے ہے اوہناں اعجاز بارے کیہا سی۔

کئی ورہیاں بعدوں، جدوں لندن دے ہوائی اڈے پتھر وُاتے، فلم دیاں ڈبیاں وچ بھر یا ٹیلیاں وستاں پاروں اعجاز نوں چار سال قید دی سزا ہوئی تاں ایہہ نور جہاں ہی سن جو اوہناں دی امداد نوں بچے۔ اوہناں ای مہنگیاں وکیلاں دیاں فیساں تاریاں۔ پر مشہور ایہہ سی جو نور جہاں کجوس اے۔ نور جہاں تاں اوس بندے دی وی اوہدی اُوکھی گھڑی وچ کھلے دل نال مدد کییتی جیہنے اوہناں نال ماڑی کییتی تے تن دھیاں پالن لئی اوہناں دی جھولی وچ سٹ کے نس گیا سی۔ ایہہ وی نور جہاں دا اک کچھ سی جس بارے عام طور اُتے خبر نہیں پتہ۔ اوہ اپنے پیسے نوں بڑے دھیان نال خرچدے سن۔ اوہ اندروں بڑے گولے سن، خاص کر اوہناں لئی جیہناں لئی اوہناں دے دل وچ موہ سی۔

مینوں میڈم نال اپنی پہلی ملاقات کل وانگ چیتے ہے۔ بھاویں پینتی ورہے بیت گئے نیں اوہناں نوں پہلی وار ویکھیاں۔ اودوں میں پاکستان ٹائمز وچ رپورٹرساں تے نور جہاں دے طلاق دے مُدے اُتے لکھ رہیاں ساں۔ فلماں، کلچر تے اچھیاں ہو ررنگینیاں میرے فِے سن۔ اُردو اخبار نور جہاں تے اعجاز دیاں کہانیاں نال بھرے رہندے سن، پر ساڈے اخبار نے اوہدے بارے اک حرف وی نہیں سی لکھیا جیہدا ڈھنڈورا سارا شہر کیہ سارا مُلک پٹ رہیا سی۔ پاکستان ٹائمز ایہناں مالیاں وچ واہوا نک چڑھاسی۔ پھیر وی مینوں یقین سی کہ جے میں نور جہاں نوں مل سکیا تے اوہناں کولوں لکھن لئی کوئی چنگی گل کدھوا سکیا، تاں میں اوہ لازمی چھو الوں گا۔ ساڈے ایڈیٹر خواجہ آصف دی ترکھی اکھ تے لال پینسل دے باوجود۔ مینوں حیرانی ہوئی کہ نور جہاں دا ٹیلی فون ڈائریکٹری وچ درج سی۔ نور جہاں دے ناں اگے ٹیلی فون ڈپارٹمنٹ نے بے

تھو اچھا، فلم اسٹار، لکھیا ہو یا سی۔

میں اوہ نمبر کئی وار گھمایا۔ جاں تاں رُجھا ہو یا لبھدا تے جاں چُپ چان۔ پر میں وی کھہڑا نہ چھڈیا تے اخیر میریاں کوشش شاں نوں بُرپے ای گیا جدوں میڈم نے آپ جواب دتا۔ اوہناں ”ہیلو“ آکھیا ای تاں میں پچھان لیا کہ ایہہ نور جہاں آپ ای اے۔ اوس ہیلو میرے کناں نوں ٹھنڈ پائی۔ میں دسیا کہ میں کون آں تے کیوں فون کیتا اے تاں اوہناں کیہا، ”تُسیں لوک کدے سچ نہیں لکھدے۔“ ”مینوں ازماؤ“ میں جھٹ دینی آکھیا، ”جو گجھ تُسیں آکھو گے، اوسے طرحاں لفظ بالفظ چھپے گا۔“ جدوں اوہناں دے چکھن پاروں میں دسیا، میں کیہڑے اخبار توں آں تاں اوہناں دا بھروسہ گجھ ودھیا لگدا سی۔ پاکستان ٹائمز دا کافی وقار سی، بھاویں نیشنل پریس ٹرسٹ جو مرضی پیا آکھے۔ خیر میں ابے تاں کھجور اُتے ہی لکھیا ہو یا ساں کیونجے اگلی ہی گل اوہناں ایہہ آکھی، ”پر اوہ تاں انگریزی دا اخبار اے تے میں انٹرویو تہا نوں انگریزی وچ نہیں دے سکدی۔“ پھیر اوہ ہسے، اک چھیڑدا، اکھ مٹکا کر داہاسا، عین نور جہانی۔ ”پر تہا نوں پتہ اے اُن پڑھ وی نہیں آں میں، گٹ مٹ کرای لینی آں۔“ اوہناں ایہہ وی کیہا کہ میری آواز توں ایمانداری چھلکدی اے۔ اوہناں مینوں کچھیا توں اج ای دوپہرے آسکنا ایں تے کیہ تینوں میرے گھر دا پتہ اے۔ ”جی میڈم، بلکل پتہ اے۔ ایہہ تاں ساری دُنیا جاندی اے تُسی کتھے رہندے او۔ یونائیٹڈ کرسچین ہسپتال دے ٹھاہ ساہمنے، وڈی ساری چٹی کوٹھی، کالا لوہے دا گیٹ۔“ (لبرٹی مارکیٹ دا تاں کوئی ناں نشان وی نہیں سی ابے۔)

مینوں اندر لی چھوٹی پر بڑی سوہنی سجائی ہوئی بیٹھک وچ لجا یا گیا جتھے میڈم دے انعام شیشے دی الماری وچ سجے ہوئے سن۔ پہلاں چاء آئی۔ اک چھیلی رئیس چاندی دی ٹرے وچ۔ گجھ پلاں کچھوں میڈم آجے۔ چٹی ساڑی وچ اوہ غضب ڈھاء رہے سن۔

اُنکلاں وچ ہیرے جڑیاں مند ریاں تے وینیاں وچ سونے دے کڑے کھن کھن کر دے جدوں اوہناں میرے لئی چاء دا کپ بنایا۔ میں اوہناں نوں کچھیا کیہہ تُسی ہمیشہ چٹا لباس ہی پہندے او۔ اوہناں آکھیا ”جدوں میں پُرانے پنجولی سٹوڈیو لاہور پہلی وار آئی ساں تاں بہت چھوٹی ساں تے میرا آپ بھروسہ وی ابے ڈانواں ڈول ای سی۔“ سیٹ اُتے پہلے جاں دوجے دن میں اک لمی چھمک ورگی ٹھاٹھ باٹھ والی نار ڈٹھی، چم چم کردی چٹی ساڑھی وچ۔ اوسدی سدھی

سادھی چھب اک اثر چھڑ رہی سی۔ اوہ اکثر ای آؤندی تے میں جدوں ویکھنا اوس چٹے کپڑے ای پائے ہوندے۔ اوہنوں میں کدے رنگدار کپڑیاں وچ نہیں ویکھیا سی۔ اوہدی بڑی پھب سی، اپنے آپ وچ مست تے آل دو آ لے نال سگوں سوکھی، کسے نال کوئی لینا دینا نہیں۔“ میں اوہداناں کچھیا پر میڈم نے نہ دسیا۔ مینوں جاپیا کسے پروڈیوسر جاں ڈائریکٹر دی رکھیل ہووے گی۔ میڈم بولدے رہے ”اودوں توں، میں چٹے کپڑے ہی پائے نیں۔ مینوں کپڑے تے گہنے اکٹھے کرن دا بڑا شوق اے تے میرے کول ایہہ دونویں چیزاں اینیاں ڈھیر ساریاں نیں جو کئی وار ورھیاں بدھی اک ساڑھی دی واری نہیں آؤندی۔ کدے کدے پاؤندی آں رنگدار وی پر چٹا ای میری خاص پسند اے۔“ نور جہاں نے اعجاز بارے دسیا، مینوں سچ سچ اوہدے نال پیار ہو گیا سی جدوں اوہدے نال ویاہ کرایا سی۔ اودوں تاں اوہ بس گجرات دا اک مُنڈا جیہا ای سی جس نوں میں اپنے کھنبھاں پٹھ کج لیا سی۔ اوہناں مینوں کچھیا پئی کیہ میں اعجاز دے بھراواں نوں جانناں۔ جدوں میں کیہا نہیں، تاں اوہناں کیہا، ”پھیرتاں تہا نوں ضرور جاننا چاہیدا اے اوہناں نوں کیونجے کوئی وی اک دُوبے نال میل نہیں کھاندا۔“ ”ایہہ کیوں؟“ میں کچھیا۔ ”ایس لئی کہ اوہ سارے ای حرامدے نیں،“ اوہناں جواب دتا، ”وکرے وکرے پیوواں دی اولاد۔“ اوہناں ہس کے پھیر آکھیا، ”میں جدوں چاہواں اُجڈ ہوسکدی آں، اپنی اُجڈ کہ مرداں وی کیہ ہونا اے۔ مینوں اکثر غصہ نہیں آؤندا، پر جدوں آؤندا اے، تہی گھابر جاؤ گے سُن کے پئی میں کیہو جیہا گالھ مند ابول سکنی آں۔“ اگلے گجھ ہفتیاں وچ دو گُو موقعیاں اُتے مینوں ایس دا گجھ ثبوت ملن والا سی۔ اوہناں مینوں اعجاز دے پریار دیاں زنانیاں بارے بھیریاں تے ماڑیاں کہانیاں سناؤندیاں آکھیا، جو جی کردا جے اوہناں بارے لکھ دیو گھلی چھٹی اے تہا نوں۔ ”نہیں، بڑی مہربانی میڈم،“ میں کیہا:

اوہ پھیر ہسے۔ اوہناں ایہہ وی قبولیا جو شوکت رضوی توں بعد گجھ سانجھاں بنیاں سن جیہناں توں کوئی سکھ چین نہیں ملیا۔ جذباتی طور اُتے اوہ اک بن چو دی بیڑی وانگ ای رہے۔ ”کسے مرد لئی ڈاڈھی کھج دی لوھیٹ وچ ہونا ضروری اے میرے لئی، نہیں تاں میں گاہے نہیں سکدی۔ میرا سنگیت مینوں چھڑ جاندا اے۔“ نور جہاں دسیا جو اعجاز دے کیریئر دی گڈی اسماناں اُتے چڑھاؤن وچ میرا وڈا ہتھ سی۔ کامیابی اوہدے سر نوں چڑھ گئی تے اوہ میرے توں دُور ہون لگ پیا۔ اوس اک ادھ واری میرے اُتے ہتھ وی چلکيا سی، پر جس چیز نے اوہناں نوں

توڑیا، اوہ سی فردوس نال اعجاز داسر عام عشق والا مالا۔ فردوس نوں نور جہاں ”گھٹیا“ آ کھدی سی۔ نور جہاں پیش گوئی کیتی کہ اعجاز تے فردوس والے مالے دا بڑا ماڑا اخیر ہووے گا۔ میڈم صحیح سن۔ اینویں ای ہو یا۔

اوہناں آ کھیا، اعجاز ایکسٹرا تے چھوٹیاں موٹیاں ہیر ویناں نال رنگ رلیاں مناؤن لگ پیاسی، اوہناں وچوں بہتیاں ”اوتھوں“ (چکلے) دیاں سن۔ ویلا لنگھدا رہیا، اوہدیاں کرٹوتاں تے بے حیائی وی ودھدی گئی۔ ”اینا تاں مینوں پتہ اے کہ سارے مرد ایدھر اودھر مونہہ مار دے ای ہوندے نیں۔ سیانی بیوی ایس نوں قبول کے گزارہ کردی رہندی اے۔ پر اک حد ہندی اے جیہڑی اصلوں نہیں توڑی جانی چاہیدی۔ جھکھ مارن والا خاوند جو مرضی پیا کرے، پر حیا دا پکا نہ چھڈے۔ اپنا لچر پنا بگاڑا نہ پھرے۔“ بھاویں اعجاز دی فردوس نال عاشقی دا اوہناں نوں پہلاں توں ای علم سی۔ نور جہاں مینوں دسیا اوہناں کتھے آ کے لیک کھج دتی سی ”ہر شام اوس زنانی نوں کار وچ نال بٹھا کے میرے گھرا گوں لنگھنا۔ رتا گوار کھلہارنی تے اک دو وار ہارن مار کے جانا۔ میں اوہنوں کیہا بس، ہُن رُدا ہو۔ سامان چُک تے پُھٹ۔“ میں کچھیا، ”تے بس مُک مُکا ہو گیا۔“ تاں نور جہاں نے آ کھیا، ”میں واجب عورت آں تے اوس دی چنگی بیوی ساں۔ ویاہی ساں تاں ایدھر اودھر یاریاں نہیں سی لاؤندی پھر دی۔ ایہہ وی میں تہا نوں دس دیاں، میری اکھ دی اک ماڑی جیہی سینت نال مرداں دی بھڑلگ جائے۔“

میں اوہناں نوں کچھیا تہا نوں کیہو جیہے مرد پسند نیں؟ کسے اجیہے داناں لین جس اُتے فدا ہوو؟ ”ہاں“، اوہ مُسکرائے، ”اوہ امریکی ایکسٹراے نا فلم بین خُر وچ؟“ ”شارلٹن پکسٹن“، میں کچھیا۔ ”اوہو جیہا مرد مینوں پسند اے“، اوہناں کیہا سی۔ ”مینوں مرداں بارے کجھ ہو ردسو“، میں اوہناں توں منگ کیتی۔ اوہ خُرے نال مُسکرائے، سر کچھانہہ سٹ کے ہسے تے پنجابی وچ کیہا، ”جدوں میں کوئی سوہنا بندہ تکی آں تاں میرے اندر کھد بد شروع ہو جاندی اے۔“

نور جہاں دا طور طریقہ تے ارادہ کمال داسی۔ ایسے موقع اُتے اوہناں مینوں کیہا، ”ایس سماج وچ، زنانی دی وقعت ای کیہ اے؟ کجھ وی نہیں! بس گھر دے فرنیچر ورگی اے۔ ایتھوں گھڑ لیس کے اوتھے رکھ دتا۔ اوہ اپنے مایاں بھراواں، گھر والیاں تے عاشقاں دے رحم و کرم اُتے رہندی اے۔ میں اج جوہاں ایس لئی آں کہ میں جدوجہد کیتی۔ جو کجھ وی میرے کول

ہے میں اپنی ای محنت نال بنایا اے۔“ اوہناں سچ آکھیا سی۔ نور جہاں ایسے لئی نور جہاں اے کیونجے اوہ نور جہاں سی۔ اوہناں ثابت کیتا کہ زنانی ثابت کرسکدی اے کہ اوہ مرد دی مدد پنا فیصلہ کرسکدی اے کہ اوہنے کیویں رہنا اے تے کیہ کرنا اے۔ پرایہہ اوہ تاں ای کرسکدی اے جے اوہ آپ تکڑی ہووے تے ارادے دی پکی۔

مرحوم نصیر انور نے اک وار مینوں نور جہاں بارے اک بڑی پیاری گل دی۔ 1930 دا واقع اے۔ لہور شہر دے اک علاقے دے لوکاں اپنے پر دی خدمت وچ گیتاں قوالیاں۔ نعتاں دی اک شام دا پر بندھ کیتا سی۔ پیشکاری لئی آؤن والیاں وچ اک نکلی جیہی گڑی وی سی جیہنے کجھ نعتاں پڑھیاں۔ پیر ہوراں اوس نوں کیہا، ”پنجابی وچ کجھ گاکے سنا، نکلیے دھیے“ اوس جھٹ اک پنجابی لوک گیت چھوہ دتا جس دے بول کجھ اینویں سن۔ ”ایہناں پنج دریاواں دی دھرتی دی گڈی اسمان چھوہے۔“ اے اوہ ایس گیت دے بول اپنی پوری سودھی ہوئی آواز وچ گای رہی سی کہ پیر ہوراں نوں حال جیہا چڑھ گیا۔ اوہ اپنی تھاؤں اٹھے، جاگڑی دے سر اُتے ہتھ دھریاتے پیش گوئی کیتی، ”جانکیے تیری گڈی وی اک دن اسمان چھوہے گی۔“

پاکستان ویلے نال کنانگھر گیا اے۔ ایہدا تاں مینوں اودوں احساس ہو یا جدوں 1970 دے اخیر وچ لاہور دے اک ملاں نے نور جہاں دے خلاف فتویٰ دے کے، نور جہاں نوں ایس لئی اسلام توں باہر کڈھ دتا سی کہ نور جہاں نے موسیقی نوں عبادت دی ہی اک شکل کیوں آکھیا اے۔

کدے کدے میں نور جہاں نال اپنیاں اخیر مللیاں بارے سوچداں۔ ایہہ 1992 دی لاہور دی گل اے۔ میں ویہاں ورھیاں بعد پاکستان پر تیا ساں۔ وی آنا توں جتھے دس سال رہیا، میں کئی وار اوہناں نال فون اُتے گل کیتی۔ 1980 دے شروع وچ وی لندن وچ اوہناں نال سماں بتایا۔ اک وار جدوں پیرس آئے ہوئے سن تاں مینوں کہے اوہناں دانمبر دتا، میں اوہناں نوں فون کیتا۔ ایہہ اوہ ویلا سی جدوں اوہناں دائسرت نذیر نال بڑا مشہور اٹ کھڑکا ہو یا سی۔ 1976-77 وچ لندن وچ جدوں میں ایمپسی دے پریس کاؤنسلر دی حیثیت نال کم کردا ساں، اودوں نور جہاں او تھے آئے تے اوہناں دا ایلبرٹ ہال وچ اک پروگرام ہو یا سی۔ میں ای اوہناں نوں انٹرویو کرایا سی۔ ایہہ سبھ کجھ چیتے کر کر ہمیشہ لطف لیا اے۔ خیر سردیاں دا

شروع سی تے اوہناں دے گلبرگ والے گھراک دن میرے نال زیندر گمار دلی دے مشہور پہلنگ گھر دے مالک وی سن۔ میرے نال ای ہوائی جہاز وچ دلیوں لہور آئے سن۔ اوہناں میتھوں کچھیا پئی میں لہر عمر دے اپنے پُترنوں وی نال لیا سکتا؟ میں کیہا، ”ضرور۔“ میرا چھوٹا بھرا مسعود ساڈے نال سی۔ اصل وچ اوہو ای گڈی چلا کے سانوں میڈم دی کوٹھی لیا یا سی۔ زیندر میڈم نوں کہندے نیں کہ میں تاں نکے ہون توں ای تہاڈا فین آں۔ ”پھیرتاں میں بڑھی ہوئی،“ نور جہاں آکھیا۔ ”نہیں،“ زیندر نے جواب دتا، ”تسی وی تاں اودوں نکے جیسے ہی سو۔“ اسیں سارے ہس پئے۔

میں ایس نظارے بارے اکثر سوچداں۔ اوہ لشکارے چھڈ دے میڈم بیٹھے نیں، ہلکی گلابی ساڑھی وچ، سونے دے بھارے کڑے تے ہیرے دیاں مندریاں پائی۔ پر مینوں تاں اوہناں دی آواز دی چاندی کیلیدی پئی اے، ہمیشہ وانگ ای۔ زیندر کہندے نیں کہ اوہ اوہناں دی پوری حیاتی بارے کتاب چھاپنا چاہوندے نیں۔ انگریزی، ہندی تے اُردو وچ چھاپنی چاہوندے نیں۔ نویں دلی، لکھنؤ، بمبئی تے لہور وچ وڈے وڈے اکٹھاں وچ ایس کتاب دی گھنڈ چُکائی کرن گے۔ دلی دے اکھلئی بھارت دے پردھان منتری نوں وی لیاواں گا۔ میڈم خوش ہوئے نیں۔ اوہ میرے ول ویکھدے نیں تے میرا خیال اے کہ اوہناں نوں وی چیتے ہے۔ کوئی چووی سال پہلاں اوہناں چاہیا سی کہ میں اوہناں دی حیاتی بارے لکھاں۔ بے روک، انجھک۔ ایہہ کدے نہ واپریا۔ پراج پھیراوتھے ای بیٹھاں میں، کھولے سیکے وانگوں مُڑ کے آیا ہویا۔ میڈم بھلے نہیں سن، تے نہ ای میں۔ میں ایسے کمرے وچ پہلاں وی آیاں، چاء پیندا، جیویں اج پی رہیاں تے اک کمال دی عورت نوں ویکھداتے اوہناں دی آواز سُندا۔

”خالد لکھن گے،“ زیندر کہندے نیں۔ اوہ بڑے جوش وچ نیں۔ اوہناں دا جوش ہوراں اُتے وی چھارہیا جا پدا اے۔

میڈم نوں وی چاء چڑھ رہیا اے۔ ”ہور کون بی؟“ اوہ کہندے نیں، پھیر میرے ول ویکھدے نیں تے کم نیڑ وڈھنگ نال کچھدے نیں، ”تے ایہہ لکھی کیویں جائیگی؟“

”اوہ تاں،“ میں آکھیا، ”ٹیپ ریکارڈر لے کے کئی کئی گھنٹے لگا تار تہاڈے نال رہواں گا۔ کوئی ویہہ تیہہ گھنٹے۔ اگلے گھمپنے ایہدے اُتے لاواں گے۔ تسی بس بولی جانا۔ میں لکھت

وچ لے آواں گاتے پھیر اکھیاں اوس اُتے نظر مار لوں گے تے گجھ مہینیاں وچ اک نویں کتاب بن جائیگی۔“ اوہ ہاں وچ سر پلانڈے نیں تے چانچک کاروباری عورت وانگ زیندر ول ویکھدے نیں۔ پر کہندے گجھ نہیں۔ نہ ای اگوں زیندر، جو، میرے خیال وچ، اک غلطی ہے۔ مینوں ایہہ وی پتہ ہے کہ میں کدے وی اوہناں توں اوہ سار او پلا سچی مچی نہیں لے سکاں گا۔ اوہ اک بڑی تکلویں زنائی نیں۔ مینوں پتہ ہے، کیہ ہووے گا۔ اوہ مینوں کہن گے دس وچ آجا تے دس وچ مینوں نہیں ملن گے، نہ گیاراں، نہ بارہاں وچے ای۔ اوہناں دی زندگی کئی گھل داراے۔ ہر پاسے اُچھلاں ای اُچھلاں اک دوجی نال کھہندیاں۔ پروار، ریکارڈنگ، سٹوڈیو، ملن والے، جائیداداں، رائلٹیاں، وکیل، بچے، کچھلا خاوند، نویاں عاشقیاں۔ اچھاں میں اوہناں دے گھل دیاں لازمی تندیاں ای گنوائیاں نیں۔

میں اوہناں ول ویکھداں تاں حیران ہوناں، اوہ جیہڑی حیاتی ہنڈار ہے نیں تے اچھاں ہور ہنڈاؤنی اے۔ میں ہوا کا بھر داں کیونجے میں ڈھڈوں ایہہ کتاب لکھنی چاہوناں تے میڈم وی چاہوندے نیں کہ میں ایہہ کتاب لکھاں تے زیندر، جیہڑا اپنیاں اکھاں اوہناں ولوں بھواں نہیں سکدے، اوہ وی چاہوندے نیں کہ میں ایہہ کتاب لکھاں۔ پر میں جاندان کہ اسیں ایہہ کم کدے وی نہیں کر سکاں گے۔ چانچک زیندر میڈم نوں کہندے نیں، ”میں تہا تھوں اپنے پتر دی خاطر اک منگ کرنی چاہوناں تاں جے اوس نوں ایہہ گھڑیاں ساری عمر چیتے رہن۔ میں چاہوندان اوہنوں ورھیاں بدھی وی لاہور دی ایہہ اک خاص سویر چیتے رہوے جگ جانو نور جہاں نال اکو کمرے وچ بیٹھاتے اوہناں نوں گاؤندیاں سُلیا۔ کیہ تسی گجھ گاؤ گے؟

میں اپنا ساہ ڈک لیا اے کیونجے ایہو تاں اوہ اک کم اے جیہڑا اوہ کسے اُچھے ویلے توں اڈ آ کدیں نہیں کردے۔ مینوں پکا چیتا اے اک وار میں وی اوہناں توں ایہو ای گاؤن دی منگ کیتی سی جدوں اسیں اوہناں دی کوٹھی دے اگلے لان وچ گُریاں اُتے بیٹھے ساں۔ گرمیاں دی گجھ نرم جیہی دوپہر سی۔ میں اوہناں توں منگ کرداں اوس گانے دی جیہڑا مینوں اوہنیں دینیں پسند سی تے ہُن وی پسند اے، اوس وچوں بھورا گواہی سُنادیوں۔ جدوں ہولی جیہی لینا اسیں میراناں، میں تھان مرجانی آں۔ جدوں میں لوکاں نوں دسداں پئی نور جہاں نے میرے لئی گایاں سی، اوہ میرا یقین نہیں کردے۔ جیہڑے نور جہاں نوں بڑی چنگی طرحاں جاندے سن اوہناں وچوں اک دو

جئیاں اک خاص تکتی نال میرے ول تکتیاں آ کھیا، ”اوہ تینوں بڑا ای پسند کردے ہوں گے۔“
 ”اوہیں نہیں،“ میں آ کھوں، ”ایہو جیہی کوئی گل نہیں۔ ساڈی بس آپے وچ سُر بڑی
 ملدی اے۔ ایہہ تاں کیمسٹری ہوندی اے، میں سمجھا نہیں سکدا۔“

اوہناں زیندر ول ویکھیا، پھیر اوہناں دے پتر ول تے اخیر اپنے عمر بھر دے اُستاد
 غلام محمد جاں گامے خان ول۔ اوہ بیٹ بزرگ سن۔ میڈم اوہناں دا بیٹ ادب کردے نیں۔ جتھے
 جان اوہ لازمی نال ہوندے نیں۔ ”ذرا و اجا تے منگوانا،“ نور جہاں اوہناں نوں کہندے نیں۔
 اک مُنڈا، جیہڑا کسے وی حکم دی اڈیک وچ نیڑے ای کھلوتا سی، نال دے کمرے وچوں و اجا
 لیا وندا اے۔ ایس ناں نال ای ہارمونیم نوں سدیا جاندا اے۔ ایس نوں پیٹی وی کیکھا جاندا اے۔
 اُستاد گامے خان اک سُر اُتے اُنگل رکھدے نیں، پھیر دوسری اُتے، پھیر کسے ہور اُتے تے نور
 جہاں ول ویکھدے نیں۔ میڈم اک عارضی تان لا وندے نیں تے کہندے نیں، ”اوہ اُتے والا
 ’سا‘ لوو۔“ اوہ اینویں ای کردے نیں تے اوس سُر اُتے اُنگل رکھدے نیں۔

”کیہ گواں؟“ میڈم زیندر نوں انچ پُچھدے نیں جیویں اوہ ساڈے توں نہیں اپنے
 آپ توں کُچھ رہے ہوں۔
 ”کوئی پُرانا گیت۔“

”پُرانا گیت،“ جواب آ وندا اے۔ ”اوہ تاں کئی نیں۔ کیہڑا؟“ اوہ پُچھدے نیں۔
 زیندر نوں کُچھ نہیں اُڑ رہیا۔ اوہ بیٹ تلبے ہوئے تے بڑے پلے ہوئے نیں۔

”بدنام محبت کون کرے گاؤ، دوست دا۔“ میں آ کھیا۔ کیونجے مینوں چیتا اے۔ میڈم
 نے اک وار مینوں دسیا سی جو اوہناں نوں ایہہ گیت سدیا بہار پسند اے۔ اوہناں دامنکھ کھڑا اُٹھدا
 اے۔ ”اوہ ہاں، سجاد صاحب دا، میں ایہہ ورھیاں توں نہیں گایاں۔“ اوہناں کُچھ عارضی جیہی
 شروعات کیتی تے جدوں پک ہو گیا کہ ایہو ای اے، تاں پورا مَنکھڑا گایاں۔ پہلے انترے دے
 وچالے ہی رُک کے کہندے نیں، ”تُہناں نوں پتہ اے زیندر صاحب، ایس مُلک وچ چنگا ہارمونیم
 نہیں لبھدا۔ صرف کلکتے ہی ملدا اے۔ تُہناں نوں پتہ اے دُنیا دا سبھ توں اعلیٰ و اجا کیہڑا اے؟ داس
 دا و اجا۔ اوہ اتھے نہیں ملدا۔ ایہہ سارے لوک، غلام علی تے ہور، انڈیا جان دے نیں تاں و اجے
 لے آ وندے نیں تے آ کے مینوں دسن گے۔ پُرٹ پنے میرے لئی نہیں لیا وُن گے۔“

”میں بھیجاں گا تھانوں“، زیندر نے آکھیا۔

پر میرا نہیں خیال اوہناں بھچیا ہووے گا۔

میڈم گاؤن لگ پئے نیں۔ اوہ اک لائن بھلدے نیں تاں میں ایس پکھوں اوہناں دی مدد کرنا۔ پھیر اوہناں گیت مکا لیا۔ اسیں ہوو چاء پیندے آں۔ بڑی نزاکت نال کیک کٹ کے میڈم سانوں ورتاؤندے نیں۔

بس پھیر اسیں اوہناں توں اجازت منگدے آں۔ اوہ سانوں بُو ہے تاں چھڈن آؤندے نیں۔ چہرے اُتے بڑی پیاری مسکان نال ہتھ ہلا کے وداع کردے نیں۔ سانوں ساریاں نوں اک خوشی اپنیاں رگاں وچ دوڑ دی محسوس ہوندی اے۔ ایہہ اے جو نور جہاں لوکاں اُتے دھوڑ دیندے نیں، ایسے لئی تاں اوہ ملکہ نیں، میں اپنے آپ نوں کہنداں، اک اجیہے مُلک وچ، جتھے خوشی کئی گھٹ اے۔ ہاں، تے جدوں اے اسیں اوہ تھے ای ساں، اوہناں دی اک دھی اندر لنگھ آؤندی اے تے ساڈی اوس نال جان پچھان کرائی جاندی اے۔ اوہ مٹیواراے تے ویکھن نوں بڑی سوہنی۔ پر اوہ نور جہاں تاں نہیں، جیہڑے مینوں اگلی شام اوہناں نوں فون کرن نوں کہندے نیں۔ میں فون کرناں پر اوہ گھر نہیں ہیگے۔ اگلے دن وی ایہو حال۔

اک پُرانی ملاقات چیتے آؤندی اے جدوں اوہناں مینوں قصور وچ بیٹے بچپن بارے دیسی۔ اوہناں دسیا کہ اوہناں نوں اُستاد غلام محمد نے کلاسیکی سنگیت سکھایا سی۔ اوہی جنہاں نوں اسیں ہنر ملے آں، تے ”فلم لائن“ دے اوہناں دے اُستاد سن ماسٹر غلام حیدر۔ اوہناں دیسی کہ ایہناں ہی نور جہاں نوں مائیکروفون دے سامنے کھڑا کیتا تے محبت جیسے لفظ آکھنا تے گاؤندیاں ساہ لینا سکھایا سی۔ ”سانوں بڑے لاڈاں ملہاراں نال پالیا گیا سی۔ ساڈے ماپے ساڈے اُتوں چند واردے سن تے اوہناں سانوں آکھیا ہو یا سی کہ دُنیا وچ بھاویں جتھے وی جاؤ، اصلی خوشی تہاڈے اپنے ہی دل وچ وسدی اے تے ہمیشہ تہاڈے نال تری پھر دی اے۔ کوئی تہانوں خوشی نہیں دے سکدا جے تہاڈے اپنے دل وچ نہیں۔“ اوہناں کیہا اوہناں دیاں مایاں دیاں آکھیاں کئی گلاں اوہناں نوں زندگی بھر راہ وکھایا۔ ”میرے والد کہندے ہوندے سن کہ جے تئیں کسے دی مدد نہیں کر سکدے تے نقصان تاں نہ کرو۔ میں ایہہ ہمیشہ چیتے رکھیا اے۔ اوہ کبیر دا لکھیا وی سناؤندے ہوندے سن۔

ایہہ کبیر تیری جھونپڑی جل کٹیوں کے پاس

جو کریں گے سو بھریں گے توں کیوں بھاپو اُداس

”اپنے مایاں کر کے اسیں ایمان دار تے محنتی بنے، کدے لالچ نہیں کردے ساں۔ نہ اوہناں نال رلیں جنہاں کول ودھیر اسی۔ اسیں او سے نال خوش ساں جو ساڈے کول سی۔ اسیں اپنے ماڑے حالات توں شرمندہ نہیں ساں۔ جدوں میں بچی ساں، اک دُعا ہمیشاں کردی، ”یا رب، سوائے اک اپنی ربی مہر دے، مینوں کسے داحتاج نہ کریں۔ اپنیاں دھیاں نوں وی میں ایہو سکھایا اے۔“

نور جہاں نوں 1942 وچ فلم خاندان لئی چُپا گیا تاں اوہناں دے لگا تار کئی پنجابی گانے ہٹ ہو چکے ہوئے سن۔ اوہناں دی اک ہور ہٹ اُرڈو فلم زینت، 1945 وچ بنی سی۔ پہلی وار زمانہ آوازاں وچ ریکارڈ ہوئی اوہ مشہور قوالی اج وی ہر کسے نوں یاد ہووے گی، ”جیہدے وچ نور جہاں دی آواز باقیوں ساریاں آوازاں توں اتانہہ اٹھدی اے۔ زوہرا بائی انبالے والی تے امیر کرناٹکی دیاں آوازاں دے ساویں۔ جیویں کوئی بھانبر اٹھیا ہووے۔ بول نغشب دے سن۔“ آپہں نہ بھریں شکوے نہ کیے، بمبئی وچ اوہناں دیاں ہور وی ہٹ فلماں سن۔ بڑی ماں، دوست، لال حویلی تے گاؤں کی گوری دے گیت، جنہاں وچوں اخیر لی داہیر ولہور جمیا اداکار نذیر سی، جنہاں دابعد وچ ”رتن“ ناں دی موسیقی ولوں سارے ریکارڈ توڑن والی فلم دی ہیر وٹن سورن لتا نال ویاہ ہو یا سی۔ انڈیا وچ نور جہاں دیاں اخیر لیاں فلماں وچوں اک فلم ”جگنو“ سی جیہڑی 1947 وچ بنی۔ جیہدے نال دو ہستیاں ”دلپ گمار“ تے ”محمد رفیع“ دے کیریئر دا پندھ شروع ہو یا۔ فیروز نظامی ولوں دتی موسیقی ہر پاسے چھا گئی سی، ”آج کی رات“ تے ”یہاں بدلہ وفا کا بے وفائی“ کے سوا کیا ہے۔ اک ہور خاص گل ایس فلم دی ایہہ سی، ایہدے وچ نور جہاں نے اک کالج دی گڑی دار کردار نبھایا سی جیہڑی ٹی. بی. دی مریض اے تے اک پاسٹر پیار کر کے مر جاندی اے۔ ملکہ موسیقی روشن آرا بیگم جیہی اول درجے دی گائیکا نے وی گیت گایا سی ”دیس کی پر کیف رنگیں سی فضاؤں میں کہیں“۔ ایس فلم نال شوکت حسین رضوی دا کیریئر اپنی ”سکھرا“ تے جابجا، جنہاں نوں کدے پھیرا جیہی کامیابی حاصل نہیں سی ہوئی۔

نور جہاں بڑی عقل والی تے حاضر جواب زنانی سی۔ 1965 دی جنگ ویلے صوفی

غلام مصطفیٰ تبسم نے ہوراں وانگ نور جہاں لئی اک خاص گیت لکھیا اوہناں دے سوہنے شہر قصور دی شان وچ۔ اک دن صوفی ہوراں آکھیا ”آپاں دوویں قصوروں پھیرا پا کے آئیے۔“ نور جہاں نے صوفی صاحب نوں جیہڑا جواب دتا اوہ اچ تائیں نور جہانی کلاسیک منیا جاندا اے، ”صوفی صاحب، او تھے ہوائی حملہ ہو گیا تے دوجے دن میں تے تئسی دوویں ملے تھلیوں دے ہوئے لبھے، تاں میں کسے نوں مونہہ دکھان جوگی نہیں رہواں گی۔“ اوہناں دی حاضر جوابی داتے اوہناں نوں پھر دیاں گلاں دا جواب نہیں سی۔

اک وار اوہ پی. آئی. اے. دے ہوائی جہاز وچ بیٹھے سن جو اپنے انجن گیر داپتر وانگ پیا کنبدا سی، پراڈن لئی دوڑ نہیں سی رہیا۔ اوہناں کولوں لنگھدے اک کرندے نوں آکھیا، ”پتر، ایہہ ہوائی جہاز میری گو عمر دا لگدا اے، کیہ خیال اے، کراچی لے جائے گا؟“

اک وار جدوں لہور کسے پریڈیوسر اوہناں نوں پچھیا کہ اوہ اوہدی فلم وچ ہیر وکین دی حیثیت نال کم کرن گے جیہڑی اوہ انارکلی دی زندگی بارے بنا رہیا اے۔ نور جہاں جواب دتا، ”پھیر تہا نوں تے فلم نوں پُرانی انارکلی سدنا پئے گا۔“ پُرانی انارکلی اوس مُنیا دے ناں پاروں سدی جاندی لہور دی اک بستی اے جس مُنیا رنال بادشاہ بن والے مُغل شہزادے سلیم نوں عشق ہو گیا سی تے مُنیا رنوں شہزادے دے پیو، اکبر بادشاہ نے بہت ای کرڑی سزا دتی سی۔

1971 وچ پاکستان دے دو ٹوٹے ہون توں اک دم بعد نور جہاں دے خلاف ٹھکویں اک لہر ٹوری گئی کہ اوہناں دا جنرل یحییٰ خاں نال عاشقانہ سبندھ سی۔ بھاریں ایہہ صحیح اے کہ یحییٰ خان نور جہاں دا ساتھ پسند کردے سن، پر اصل وچ اوہناں دے سبندھ بارے پیاں لچر کہانیاں دی کوئی بنیاد نہیں۔ یحییٰ چنگے ساتھ داشوقی سی تے میڈم توں چنگا ساتھ کبھی اسی۔ میڈم اوہناں نوں سرکار کہہ کے سد دے سن، اک وار اوہناں مینوں دسیا سی۔ اک گیت یحییٰ نوں بڑا پسند سی جیہڑا میڈم اوہناں نوں سُنایا کردے سن، ”سیو نی میرا ماہی میرے بھاگ جگاؤن آ گیا۔“ اک وار یحییٰ خان نے اپنے مَتر تے شاماں دے ساتھی جنرل حمید نوں آکھیا، ”جے میں نوری نوں چیف آف سٹاف بنادیاں، میں کہناں، اوہ تہاڈے ساریاں دے رل کے کیستے ہوئے کماں توں بہتر کم کرن۔ ویکھ لینا۔“ میں نور جہاں نوں یحییٰ بارے کچھیا تے اوہناں کیہا، ”اوہ بھلا مانس، رحمہ دل، خوش مزاج انسان اے۔ میں اوہناں دی بہت عزت کردی ساں۔ میں اوہناں دے پتر علی دے

ویاہ اُتے گایاں سی۔ اوس ویاہ دیاں تصویراں بارے، جنہاں وچ یچی خان دا پر یوار حاضر سی، ایدھر اودھر ایہو جیہیاں بڑیاں گلاں کیتیاں گئیاں، ویکھو یچی خان دی بد چلنی تے نور جہاں دا اوس نال بڑا گھناؤنا سبند ھائے۔

ذوالفقار علی بھٹو دے حکومت سنبھالنے دے جھبڈے ای، پاکستان پیپلز پارٹی دے اخبار ’مساوات‘ نے نور جہاں دی یچی خان نال نیڑتا تے بدنامی والے سبند ھ بارے کئی وار چھاپیا۔ اوہ بہت سڑے بلے ہوئے سن۔ پریس نوں دتے بیان وچ اوہناں آکھیا کہ جے میں سچ مچ ایہو جیہی زانی آں جیہو جیہی تئیں دس رہے او، تاں میں پاکستان نوں چلی جاواں گی تے مُزکدیں نہ پرتاں گی۔ اوہناں بھٹو تائیں وی اپڑن دے جتن کیئے۔ پر بھٹو کول ملن لئی ویلا ای نہیں سی۔ اک دو وار نور جہاں مینوں وی فون کیتا۔ میں تسلی دتی کہ اپنے وس موب جووی ہو سکيا لازمی کراں گا۔

نور محمد مغل جاں نورا، بھٹو دا ذاتی سیوک سی تے اوہ آدمی سی جس نوں ان گولیاں کر کے ٹسی آپ ای اپنے نال دشمنی سہیز دے اوہ۔ نور میڈم دا بہت وڈا شدا آئی سی۔ اک دن اوس مساوات دی اک کاپی جیہدے وچ میڈم بارے گلاں لکھیاں ہوئیاں سن بھٹو نوں دکھاؤندیاں آکھیا، ”صاحب، ایہہ حنیف رامے، میڈم دے کھپڑے کیوں پیا ہو یا اے؟ اوہناں لیہدا کیہ وگاڑیا اے؟“ بھٹو نے رامے نوں آکھیا کہ اوہ نور جہاں نوں تنگ کرنا بند کرے۔

میڈم اپنے راہ لھلھندے سن۔ اوہناں دے شدا آئی ہر تھاں بھرے پئے نیں۔

ٹہانوں اپنے گیتاں وچوں کیہڑا گیت سبھتوں ودھ عزیزاے؟

”ایہہ میرے بچیاں وانگ نیں۔ ایہناں وچوں کیویں دساں؟“ اوہناں کیہا سی پر

میرے زور دین اُتے اوہناں بڑا سوچ کے جواب دتا، ”بدنام محبت کون کرے، 1947 توں پہلاں دی فلم دوست دا۔“ اوہناں کیہا، ”اوس نخرے باز سجاد نے ایس دی دھن بنائی سی۔“ اوہناں ایہہ وی دسیا، ”سجاد نے کدے کوئی سدھی دھن نہیں سی بنائی۔ ایہہ حقّی گل اے تے جے ٹسی نہیں مندے، تاں سجاد دی بنائی کوئی وی دھن گنگنا کے دیکھ لو، جیویں، درشن پیاسی آئی داسی جاں آج میرے نصیب نے مجھ کو رُلا رُلا دیا۔“

میرے دوست ایم رفیق نے میڈم بارے آکھیا سی، ”ایہہ رضوی، اعجاز تے باقی دے

سبھتاں اک شینہنی دے ساہمنے بونے سن۔ میڈم تاں عام زندگی نالوں کتے وڈے سن۔ نور جہاں

ورگا بندہ تاں جمد اے، تَنفَس، وانگ، اک مہا کال وِچ اکو واری، بس۔ اک ’کلپ‘ وِچ اکو واری۔ زندگی لئی اوہناں دی اُچھ پیاس اجیہی سی جیہدے لئی مرداں دے امدادی ہتھ اینویں کڈھے تے بے تھوے سن۔ قدراں تے مُلاں پکھوں اوہناں بارے عام جیہا سِدھ پدھر حساب جوڑیاں سہ غلط نکل آوے گا۔ میرا نہیں خیال کہ بندے دی اٹکل اجیہا ماپو لہسکی اے جیہڑا اوہناں دے حوالے نوں پڑھ سکے۔

میں اوہناں نوں صرف اکو وار دیکھیا اے، میزدے اوس پار پٹھیاں۔ پرنسپل دے دفتر وِچ چیفس کالج لہور، جدوں اوہ اپنا پتر داخل کرواؤن آئے سن۔ اپنے اُتے پئے ایس اثر دا چراں بعد مینوں بڑی شدت نال احساس ہویا۔

کہیاں لوکاں پچھیا اے کہ نور جہاں لہور کیوں نہیں دفنائے گئے، جس شہر لئی اوہ جہا چر کراچی بیمار پئے رہے، ترلو مچھی ہوندے رہے۔ حسین حقانی موجب۔ اوہناں دا آکھنا اے، ’میڈم دی دھی جنا، جس نوں اپنی ماں وانگ دو ٹوک فیصلہ کرنا تے پکا ارادہ ور تے وِچ ملیا ہے، نے فیصلہ کیتا۔ کیونجے میڈم شب قدر نوں فوت ہوئے نیں، جیہڑی رات سارے مسلمان سبھ توں پاک تے مقدس مندے نیں تے اوہناں بہشت وِچ جانا اے۔ ایس لئی ایس رات دے دین توں پہلاں اوہناں نوں دفنانا لازمی اے۔ جے ایس لہور لے کے گئے تاں چر ہو جائے گا۔ جدوں اصغر تے ظل ہُمانے اپنی ماں نوں دفنان لئی لہور لیجنا چاہیا تاں جناٹس توں مس نہ ہوئی۔ اوہنے آکھیا، ”تسیں نہیں چاہوندے ایہہ بہشت جان؟“ ایس کہانی بارے جیہڑی گل مینوں اُداس کردی اے۔ جیہڑی سچی وی اے۔ حقانی نے مینوں پک نال دسیا۔ اوہ ایہہ اے کہ جنا نوں کیوں شک سی اپنی ماں دے بہشتیں جان بارے۔ بھائیں اوس دی ماں کسے وی ویلے فوت ہوندی تے جتھے وی دفنائی جاندی، تقریباً سٹھ سال دُنیا بھر دے کروڑاں لوکاں نوں خوشیاں وِٹن پاروں اوہناں بہشتیں تاں جانا ای جانا سی۔ ہور کیہڑا پاسپورٹ چاہیدا سی میڈم نوں بہشت لئی! فرشتیاں جیہی اوہناں دی آواز سی۔ ایہدے وِچ وی کوئی شُبہ نہیں کہ فرشتے ہی اوہناں نوں بہشتیں اڈالے گئے۔

میڈم نور جہاں اک مُمتاز تربیت سن تے اک مُمتاز فنکارہ۔ تے ہُن دیوتیاں اوہناں نوں امر بنادتا اے، اوہناں دے سنگیت وانگ ہی۔ اوہ بھارت دی لاڈلی سن جدوں پاکستان تے

اوہناں پاکستان آؤنا چُپیا کیونجے اتھے ای تاں سی اوہناں دادِل۔ اوہ زکا جیہا شہر
 قصور جتھے اوہ جمے ہمیشہ اوہناں نوں عزیز رہیا، تے لاہور اوہ شہر سی جس نال اوہناں نوں عشق
 سی۔ پراوتھوں دی مٹی اوہناں دے نصیباں وِچ نہیں سی۔ آکھیا جاند اے کہ اوہناں قصور دفنائے
 جان دی اچھا ظاہر کیتی سی پرایہ وی نہیں سی ہونا۔ ملکہ ترنم نور جہاں، کیہ موت تے کیہ زندگی وِچ
 اوہ سے طرحاں دے اوہ سے طرحاں نہیں۔ کروڑاں لوکاں دے چیتے وِچ تے پیار نال چیتے کیتے
 جاندے۔ سچ مُچ اوہناں اُتے رب دی بڑی مہر سی کیونجے جیہڑی عقیدت لوک اوہناں لئی محسوس
 کردے نیں اوہ جیہی رب کسے وِر لے وِر لے نوں ای دیندا اے۔
 آواز دے کہاں ہے.....

خالی

تماہی سانجھ بارے لکھیاں لکھتاں

خالی

دولی سانجھ

(سانجھ. انک پہلا. لہریل. 2007ء ص 114؛ ممل: 15 روپے. ایڈیٹر: سفیر رامہ، منوشر ماسوئل، جگتار دھیمان، جاوید بونا آتے امت کور۔)

ورجینیا امریکہ رہندے سفیر رامہ ہوراں دی ہمت نال گور مکھی اتے فارسی لپی وچ نکلے وکھرے وکھرے تماہی پرچے سانجھ (اپریل۔ جون 2007ء) دی پٹھ تے ایہہ دا نیا چھپا ہے: ”شاہ مکھی تے گور مکھی دوہاں لپیاں وچ اکو جیہا چھپیا ایہہ تماہی رسالہ سانجھ، جیہڑا لاہور وں شاہ مکھی وچ تے لدھیانویں گور مکھی وچ چھپ رہیا اے، سارے پنجابیاں دی سانجھ نوں اگے ودھاؤن دا جتن اے۔ تاں جے پنجابی دیاں دوو کھ وکھ لپیاں ہوون دے کارن لفظی دے ودھ رہے وکھریوں نوں ڈکا لگے۔ پنجابی دیاں دوہاں لپیاں دے لکھاریاں، سوجھواناں اتے پڑھنہاراں وچ سرت تے وچاراں دی سانجھ ودھے تے پنجابی کلچر تے بولی دی سانجھ سنبھال تے ودھائی پکی پیڈی سانجھ بنے۔ ایہہ رسالہ تنناں پنجاباں (لہندے، چڑھدے تے باہر لے پنجاب) دے لکھاریاں دی سوچ دا نمائندہ اے تے دنیا دے ہر اوس ملک وچ وڈیا جاندا اے، جتھے پنجابی وسدے نیں۔

پرچے دے شروع وچ ہی امریکہ دی پینسلوینیا یونیورسٹی دی ودوان اتے بھارت دا ڈونگھا مطالعہ کرن والے سینٹر (سینٹر فار دایڈوانسڈ سٹڈی آف انڈیا) دی ڈپٹی ڈائریکٹر ڈاکٹر الیسا آرز دادوناں پنجاباں دی پرانی سانجھ دی گل کردا لیکھ ہے۔ پچھلے کجھ ورہیاں توں واشنگٹن دی اسلام آباد دی دتی ہری جھنڈی نال پنجاب دی سانجھ دی جواچا نک گل چلن لگی اے، اوہدا خلاصہ کیتا ہویا اے اتے ایہہ وی انکشاف کیتا اے کہ اس آدم دا خرچ امریکہ والی فورڈ فاؤنڈیشن وی کر

رہی اے۔

ایسا آرزو دے لیکھ وچ دوو ڈیاں غلط بیانیاں ہن: پہلی ایہہ کہ شہید اودھم سنگھ نے سن ۱۹۷۰ وچ لنڈن وچ چلے مقدّمے وچ ہیر وارث دی کتاب تے ہتھ رکھ کے عدالت وچ سوئہ کھاہدی سی اتے دوجی ایہہ کہ اوہ اپنا ناں رام محمد سنگھ آزاد لکھدا سی۔ اودھم سنگھ نے اپنی بیروانی کرن والے نوں جیل چوں چٹھی لکھ کے ہیر منگوائی ضرور سی اتے اوہ اپنا ناں محمد سنگھ آزاد لکھدا ہندا سی۔ ایہہ رام پتہ نہیں کیسے کدوں تے کیوں جوڑ لیا؟ عدالت وچ ہیر وارث دی سوئہ کھان والی گل وی من گھڑت ہے۔ انگلینڈ وچ تاں کیہ، پنجاب وچ وی کسے عدالت دا جج ملزم نوں ہیر وارث دی سوئہ کھان نہیں دیوے گا۔

اودھم سنگھ دے دستخط: محمد سنگھ آزاد

کجھ کہانیاں کجھ نظماں تے غزلاں رباعیاں دا جو پکیا سو پروں نالوں لکھاریاں نوں موضوع دے کے لکھواؤنا کوئی سوکھا کم نہیں اتے رامہ ہوراں اتوں سال دے چار شمارے کڈھن دا ڈھول گل وچ پالیا اے۔ ایہہ آپ تے ایہناں دے نال دے بڑے ہمتی نیں۔ آس اے، ڈھول سرتال وچ وجدار ہے گا۔

سانجھ دیاں ایہناں لکھتاں نے مینوں ٹنبیا اے: پورے ہو گئے تن کویاں منیر نیازی بارے مسعود مٹورا، شریف گنجابی بارے اظہر محمود چودھری دا اتے جاوید ذکی بارے جمشید اُپل دا لیکھ۔ مٹورا دے منیر نیازی بارے لکھے لیکھ وچ اوہناں دی لکھت دی گل گھٹ ہے، پر شراب دی ودھیرے۔ ظاہر اے، نظریہ پاکستان دا سبھ توں ودھ سواد سوجھواناں لکھاریاں نے چکھیا اے اتے ایہناں وچ اس نظریے دے خلاف اک لفظ تک بولن دی ہمت نہیں؛ شاعری کرن دی گل تاں بڑی اگانہہ دی اے۔

جاوید ذکی پاکستان دی ماؤ وادی مزدور کسان پارٹی دا کارکن رہیا اتے مگروں امریکہ دی مٹی گن یونیورسٹی وچ سماجی سائنس دی ڈاکٹری کیتی۔ ایہدیاں سچیاں نظماں سانجھ وچ چھپیاں ہن، جس وچ گورونانک جی والی نظم پڑھن مانن والی ہے۔ ایہدا آخری بند اے:

آونج ماہی اندروس چا

لوں لوں دے وچ رس چا

من تھیوے چاہریا بھریا
 کدھروں نما نما ہس چا
 پریم دی رنگی جوت جگادے
 دُنیا تھئے سکھالی.....
 میں اوگن میرا سینہ بھر چا
 اندر نوری کر چا
 مک جاوَن سبھ رو لے گو لے
 روح نوں امرت کر چا
 توں پنجاب داسر جن تارہ
 پنج ندیاں دا والی.....


کسے سدھو صاحب دا لکھیا لہندے پنجاب دا سفر نامہ پڑھدیاں مینوں اشفاق احمد
 ہوراں دا پیتی چاہی سال پہلوں لکھیا چین دا سفر نامہ چیتے آ گیا۔ نکے نکے چست فقرے،
 پولیاں پولیاں پتے دیاں گلاں۔ سدھو صاحب موٹر کاراں تے موٹر سائیکلاں دا علم بیان کردا کردا
 نال ہی گردھاماں دے کیتے درشناں دی گل وی کری جاندا اے۔

میں پوری واہ لا کے لکھداں کہ میری لکھت لاہور بیٹھے نوں اوپری نہ لگے۔ پر جد لاہور
 دے میرے ناشر نے میری لیکھاں دی کتاب چھاپنوں پہلاں اوکھے لفظاں دی لسٹ بنا کے
 مینوں گھلی، تاں مینوں بڑی ہانج آئی سی۔

دولپیاں دے نال ہن تاں دو پنجابیاں وی ہو چکیاں ہن۔ اپنی کرتوتیں اسیں اپنیاں
 باہواں آپ ہی وڈھی بیٹھے ہاں۔ ماں بولی پنجابی نال سبھ توں وڈا دھرو پنجابی مسلماناں نے کمایا
 ہے۔ سفیر رامہ، نجم حسینیہ ہوراں ورگے لچال تاں ورلے ٹاویں نیں، جنہاں نوں اسلامی جمہوریہ
 پاکستان وچ کوئی نہیں کچھدا۔

اُمید ہے کہ سانجھ نال نویں اُبھر دے لکھاریاں نوں ٹھیٹھ پنجابی دی رتا کو سُر ت
 آوے گی، جد کہ چڑھدے پنجاب دے ساڈھے تن ہزار پی ایچ ڈیاں دی دھاڑا تے پنجابی ٹیلی
 ویژناں اتے روزانہ اخباراں دے خبرچی پورے زور نال ٹھیٹھ پنجابی محاورے نوں پیریں رولدیاں

انگریزی تے ہندی دی ریسی غلط ملت پنجابی لکھ لکھ ماں بولی دی عزت لٹی چاندے ہن۔
 سانجھ دے سرورق تے چھپی پنج پیراں جاں ناتھ جوگیاں نوں وکھلی سناؤندے رانجھے
 دی تصویر اکمال صابر نذر دا اے۔ اس ورگی تصویر پہلاں کسے پنجابی چتر کار نے نہیں بنائی سی۔
 کہندے ہندے ہندے نیں کہ سمندر وچ ڈگی اک بوند سارکھی وی موتی بن جاندی ہندی
 ہے۔ شالا، سانجھ ایسا موتی بنے۔



تماہی ”سانجھ“ وچ چھپیاں لکھتاں دی بیلوگرافی

(اپریل 2007ء تا دسمبر 2010ء)

حصہ نثر	نمبر شمار	لیکھک
مضمون (عنوان)		
شمارہ 1۔ اپریل، مئی، جون 2007ء		
1۔ دو پنجاب: جنوبی ایشیا وچ امن دا ثقافتی راہ		الیسہ اررز / ڈاکٹر ظفر اقبال محسن
2۔ کینیڈا دا پنجابی ادب (اک جہات)		سادیو
بنگ / یاسر جواد		
3۔ قطر وچ سبناں نال ملاقات		راجا محمد احمد
4۔ مٹسکندر ہاریا		سندھی لوک ادب / محمد آصف رضا

- 5- پاکستان یا ترا
سدھو صاحب / ثناء اللہ گوندل
6- کد کسے جگراتے کٹنے

ڈاکٹر اظہر محمود چودھری
7- مرن داشوقین
مسعود منور

- 8- جاوید ذکی دی یاد وِچ
جمشید اُپل

شمارہ 2۔ جولائی، اگست، ستمبر 2007ء

- 9- کتھا اک چوری دی
احمد سلیم

10- درد رویشی
مسعود خالد

- 11- لہور تے اوہدے آل دوال دا اک جذباتی سفر
چمن لال / ثناء اللہ گوندل

12- بولیاں دے وٹاندرے: پنجابی راہیں
فاخرہ ریاض / محمد افضل شاہد

- 13- بہارِ بادِ سلطان۔ شوکار
پریم کمار

14- ادبی سفر۔ اردو ادب توں پنجابی ساہت تک
پروفیسر زنجن سنگھ تنسیم

- 15- کیما ملکی
سکھ دیو ماد پوری

شماره 3- اکتوبر، نومبر، دسمبر 2007ء

17- پروین ملک نال گل بات

شاہدہ دلاور شاہ

18- پنجابی بولی دے لہجے

ہرجپ سنگھ او جلا / ثناء اللہ گوندل

19- سٹھاں ورھیاں بعد مڑ وطنی پھیرا

اکمل علیہی / نرندر جیت کور

20- بھگت سنگھ دا انقلابی ورثہ

چمن

لال / وسیم ابرار

21- ایہناں نوں بزرگ نہ سمجھنا

کنہیا لال کپور

22- بن گئے اسیں وی لیکھک

ڈاکٹر فقیر چند شکلا

23- موہن سنگھ دی شاعری وچ دھمیاں دا ویسی رنگ ظفر علی راجا

شماره 4- جنوری، فروری، مارچ 2008ء

24- پنجابی بولی کدی نہیں مرے گی

جنمبیا سنگھ جوبل

25- کتھا بریڈ لاہال تے اوہدے وسنیکاں دی

احمد سلیم

26- کشمیر آتے پنجاب دی یا ترا-1

چارلز روان ہیوگل / نرندر جیت کور

27- محبت داسفر نامہ-1

سلیم پاشا

28- سکھ یو ماد پوری نال گل بات

منوشر ماسوہل

29- کدے نہ مٹ سکے والی دلاں دی سانجھ

این۔ ایس۔ نندا

30- وچھڑے جتن نیڑیوں تکیاں، پروفیسر سردار سوز

درشن سنگھ آشت

31- ایہو جیہا سی لال سنگھ دل

بیبا کلونت

32- سنٹرل جیل لہور دا پرانا راجسٹر

اکمل علی

33- تن پنجاباں دی ادبی رہتلی سانجھ

ایس پرمندر جیت سنگھ

شمارہ 5- اپریل، مئی، جون 2008ء

34- پنجاب دامہارتن شناس موڈھی سنگیت کار

ہرجاپ سنگھ اوچلا

35- وسرہیاں نیں سانجھے پنجاب دیاں بال کھیڈاں درشن سنگھ

آشت

36- رب تے بندہ

انور چودھری

37- کشمیر آتے پنجاب دی یا ترا-2

چارلز وان ہیوگل / نرندر جیت کور

38- گیت گلزار دانشگار: نندلال نور پوری

گردیو سنگھ پندوہل

39- پنجابی بولی نوں پیش چنوتیاں

نرنجن تسنیم

40- سدھیانا

پریتم سنگھ گریوال

41- محبت داسفرنامہ-2

سلیم پاشا

شمارہ 6-7- جولائی تا دسمبر 2008ء

42- درگاہ پیر حضرت علی ہجویریؒ

غافر شہزاد

43- کتھاسر دارو مصلن اَتے اک گواچے پنڈ دی

احمد سلیم

44- استاد شاعر برکت رام یمن

سُبھاش شرما

45- ستیہ نند سیوک نال گل بات

منوشر ماسوہل

46- کشمیر اَتے پنجاب یا ترا-3

چارلز وان ہیوگل / نرندر جیت کور

47- ہر بھجن ڈھلوں: کاوگن اَتے کامیا بیاں

ڈاکٹر سردارن سیوک

48- پڑھیے نجم دی بانی

صدیق ارشد (مرحوم)

49- باہر دابینڈ

گر ندر مکنا

50- کینیڈا توں آیا لیکھک دوست

ڈاکٹر فقیر چند شکلا

51- ”سانجھ“ لئی اک دلی ہوکا

ہر بھجن سدھو مانسا

شمارہ 8- جنوری، فروری، مارچ 2009ء

52- اک ہو رپاکستان

چمن لال / زبیر احمد

53- کتھا چاچے غلام لہار دی

احمد سلیم

54- کشمیر آتے پنجاب یا ترا-4

چارلز وان ہیوگل / نرندر جیت کور

55- بوہتا پیار نہ کریں نہیں تے رُل جاویں گا

ہرنیک سنگھ گھڑاؤں

56- سانجھ

گردت سنگھ کانگ

57- پیار

اجیت سنگھ چندن

58- دربار داتا گنج بخش

اکمل علی

شمارہ 9- اپریل، مئی، جون 2009ء

59- سکھی دور دیاں ہیراں

عامر غفار گورسی

60- کتھا چاچے غلام لہاردی

احمد سلیم

61- استاد غزل گو: چمن لال سکھی

سُبھاش شرما

62- لوک سنگیت دابادشاہ: کلدیپ مانک

علی محمد راجپوریا

63- مراکھ

اقبال قیصر

64- کافی بلھے شاہ دی۔ (پہلی لڑی)

زبیر احمد

شمارہ 10۔ جولائی، اگست، ستمبر 2009ء

65- خانقاہ بابا فریدؒ

عافرشہزاد

66- نرنجن تننیم نال گل بات

منوشر ماسوہل

67- نور جہاں

خالد حسن / پونم سنگھ

68- سانجھ پال

اظہر محمود چودھری

69- ننکانہ صاحب

اقبال قیصر

70- کافی بکھے شاہ دی۔ (دوجی لڑی)

زبیر احمد

شمارہ 11-12۔ اکتوبر 2009ء تا مارچ 2010ء

71- امروز: محبت دالوک گیت

سلیم پاشا

72- نور جہاں

خالد حسن / پونم سنگھ

73- ٹر گیا مارا ڈاری سا ڈا حسن پوری

گر بھجن گل

74- پنجابی ڈھولے دابا دشاہ: میاں راجا

محمد اظہر ورک

75- کافی بکھے شاہ دی۔ (تیجی لڑی)

زبیر احمد

76- رام سروپ آنکھی 1932-2010

امر جیت چندن / زبیر احمد

77- سننٹو کھ سنگھ دھیر 1920-2010

امر جیت چندن / زبیر احمد

شمارہ 13-15۔ اپریل تا دسمبر 2010ء

78- لوک کہانی: راجا پورس دیاں نینہاں تے سبھا

سعید بھٹا

79- میتھوں میرا برہاوڈا

پریم کمار

80- بہار و مشین

رانا زاہد

81۔ پنجابی زبان تے لہجیاں واسلاٹر ہاؤس

فاروق ندیم

82۔ کافی بکھے شاہ دی۔ (چوتھی لڑی)

زبیر احمد

83۔ وارث شاہ دی ہیر

محمد افضل شاہد

84۔ کالیاں گھٹاواں

سر جندر سنگھ

انگریزی لکھتاں

شمارہ 2۔ جولائی، اگست، ستمبر 2007ء

85. Punjabi In Biscrptic/ Dr. Jaspal Singh

86. Common Thread at the cross roads:

Reconciling/Minna Zutshi

87. In Twin Punjabi Scripts / Prof. N.S Tasneem

88. A Promissing Cultural Stirring /Atamjit

89. What is Common Between Two Punjabs/STM

کہانی

نمبر شمار

کہانیکار

عنوان

شماره 1۔ اپریل، مئی، جون 2007ء

- 90۔ بٹ صاحب اعجاز
سید / نرندر جیت کور
- 91۔ پورا پورا زبیر احمد
- 92۔ جیون زہر پیالا امر جلیل
- 93۔ اپنا خون ڈاکٹر فقیر
چند شکر
- 94۔ مٹی داموہ پر مجیت
کور بھیر

شماره 2۔ جولائی، اگست، ستمبر 2007ء

- 95۔ گر مگھ سنگھ دی وصیت سعادت
حسن منٹو / فالکن
- 96۔ وینس مسز اندر
جیت بھندر
- 97۔ وڈا دین تارن
گجرال
- 98۔ رام دین موہن
کلپنا / محمد آصف رضا
- 99۔ باغچی بھوتنیاں پروفیسر
س۔ سوز
- 100۔ رحمدل تھانیدارنی پروفیسر

شمارہ 3۔ اکتوبر، نومبر، دسمبر 2007ء

101۔ تویت راجا محمد انور

102۔ گڑتن میر تنہا یوسفی

103۔ آ لھنیوں ڈگا بوٹ امرجیت

ناز

104۔ پُریاں دی دھی اُتے پُریاں دی نونہہ کیلاش

پوری

شمارہ 4۔ جنوری، فروری، مارچ 2008ء

105۔ اک ہوکا گرچرن

کور تھند

106۔ پنڈت دانکاح بی۔ ایس

بیر

107۔ مُردہ تاری زبیر احمد

108۔ اک شرط محمد افضل

شاہد

شمارہ 5۔ اپریل، مئی، جون 2008ء

109۔ پرسنل اکاؤنٹ فہمیدہ

ریاض / رنجیت سنگھ تمبر

110- ایہہ کیوں اے تیرے نال؟ راجا محمد احمد

111- دو مسافر گُر نام گل

112- میلہ لٹن والی عذرا وقار

113- پرایا دھن منجیت کور
دھیمان

شمارہ 6-7۔ جولائی تا دسمبر 2008ء

114- بہادر سنگھنی امرجیت سنگھ ہمیر

115- دس قدماں دے وچکائے داسمندر ہمدرد ویر
نوشہروی

116- نگلا فضل احمد
خسرو

117- گڑی جمیکا
کنکیڈ / عرفان ملک

118- کگھ داسودا گُر چرن کور تھند

شمارہ 8۔ جنوری، فروری، مارچ 2009ء

119- تندور اختر شمار

120- یاترا پریم بھوشن
گوئل

121- کیہڑی رُتیں آئے بی۔ ایس

-بیر

122- انھا کبوتر زیر احمد

شمارہ 9- اپریل، مئی، جون 2009ء

123- معجزہ سعیدہ مختار

یونس

124- ریت اُتے اُکرے سُننے اشونی

باگڑیاں

125- رواج افضل

راجپوت

126- پٹھا چرخہ فضل احمد

خسرو

شمارہ 10- جولائی، اگست، ستمبر 2009ء

127- لہراں تے پرچھاویں سُریندر

رامپوری

128- پُل بی۔ ایس۔

بیر

129- بھیڑی عورت عذرا پروین

130- کہانی وِچ کہان اعجاز علی

اعجاز

شماره 11-12 - اکتوبر 2009ء تا مارچ 2010ء

- 131- نیلے سوٹ والی گڑی منو شرما
سویل
- 132- اُر وار غلام حسین
ساجد
- 133- نچھ انتون
چیخوف / طارق مقبول
- 134- اک جام لہور دے نام رام
لال / مہندر بیدی جیتو
- 135- ہوئے کیوں نہ غرق دریا شفیع مہدی / مہندر
بیدی جیتو
- 136- برکتے سکھدیو
سدھو

شماره 13-15 - اپریل تا دسمبر 2010ء

- 137- گجری مردی نہیں اقبال
راموالیا
- 138- بُیان اُمینش اگنی
ہوتری / جاوید بوٹا
- 139- کفن دفن سعیدہ یونس
- 140- میراناواں چنچل سنگھ
بل
- 141- ٹٹے پلاں دی داستان گر شرن

سنگھ کمار

- 142- کون اپنے کون پر اے
بل
چنچل سنگھ

حصہ شاعری

نظم

نمبر شمار

عنوان

شاعر

شمارہ 1- اپریل، مئی، جون 2007ء

- 143- پنج پیر نجم حسین

سید

- 144- نظم (جیہناں جانا ہا وہ تے ٹر گئے.....) نجم حسین

سید

- 145- لگی والیاں نجم حسین

سید

- 146- اَلکھ نجم حسین

سید

- 147- شکار دی سیاست تے اک ویب سائٹ چوں نجم حسین

سید

- 148- اپولو مندر ڈڈم امر جیت

چندن

- 149- رب دیاں گھڑیاں دا عجائب گھر امر جیت

چندن

- 150- توں ایدھر، میں اودھردا ہرش کمار
ہرش
- 151- نظم (ساڈی اکھدے ڈورے کڈھو) سلیم شہزاد
- 152- نظم (خبرے ہونی کیاے) ثروت محی الدین
- 153- نظم (سُنجیاں گلیاں.....) ثروت محی الدین
- 154- آپ بیتی مسعود منور
- 155- مکے داماجرا مسعود منور
- 156- ذکر مسعود منور
- 157- سی حرفیاں محمد افضل شاہد
- 158- کافی محمد افضل شاہد
- 159- حیاتی دی اخیر لی رات شمیمہ اسماء
- 160- قبریں دی مٹی سلطان کھاروی
- 161- پانی داسرناواں سلطان کھاروی
- 162- قطعہ افضل ساحر
- 163- جیون کیہڑے کار افضل ساحر
- 164- پتر اجیت اولکھ
- 165- گورونانک جی جاوید کی
- 166- نابرتے نروار جاوید کی

- 167- انکار جاوید ذکی
- 168- رتیاں سُجھاں جاوید ذکی
- 169- ساندل باردی سبک جاوید ذکی
- 170- کرڑی رُت داوین جاوید ذکی
- 171- 1983ء جاوید ذکی
- 172- دُلے بھٹی دی وار جاوید ذکی
- 173- نابرسک جاوید ذکی
- 174- لگی رُت دا گاؤں جاوید ذکی
- 175- اکھیں بند کرو نہ لو کو جاوید ذکی
- 176- مزدور اں دے عالمی دن دے حوالے نال جاوید ذکی
- 177- بسنت بہار جاوید ذکی

شمارہ 2- جولائی، اگست، ستمبر 2007ء

- 178- نہیں چاہوندے ایہہ سڑک پارا میں کریئے نجم حسین سید
- 179- گاؤں نجم حسین سید
- 180- اک گوی سی لکیر جیہی پریم کمار
- 181- تھڑا محمد افضل شاہد
- 182- میری کیہ مجال افضل راز
- 183- رُکھ سؤرن
- جیت سوی
- 184- نانی سؤرن

- 185- ہُنے ہُنے --- سلیم پاشا
 186- دھیاں بابا نجمی
 187- آدرش تاج بلوچ /
 محمد آصف رضا
 188- مزاحمت تاج بلوچ /
 محمد آصف رضا
 189- اسیں جے سچ بول پئے طارق گوجر
 190- محبت دا گیت گر چرن
 کور تھند
 191- رائے حسن نواز خان صاحب دے ناں گر بھجن
 گل

شمارہ 3- اکتوبر، نومبر، دسمبر 2007ء

- 192- وائی نجم حسین
 سید
 193- اپنے آپ نوں غلام حسین
 ساجد
 194- ساوئی غلام حسین
 ساجد
 195- چیت و ساکھ وی مٹی و چوں غلام حسین
 ساجد
 196- وے توں نہ گھبرائیں پورنا گر شرن
 سنگھ نرولا

- 197- پُھٹ پئے نے توت
کابلوں
سُرنِدر
- 198- باپو ہرش کمار
ہرش
- 199- بالاں دے خلاف اک نظم
رشید ندیم
- 200- ویلے دے ہر پل۔۔۔
محمد افضل
شاہد
- 201- توں تے میں
سُرنِدر
جیت کور
- 202- اک پہیلی دے ناں
محمد ندیم
بھابھہ
- 203- ان سمجھ
محمد ندیم
بھابھہ
- 204- مچھلی شوہر دیادی
مسز پال کور
- 205- تیتا تیتا
مسز پال کور
- 206- بوہڑ دے پنڈے توں
پریم جیت
سویل
- 207- آکاش دیکھدا اے
شمیل
- 208- چھپالے دل وچ
شمیل
- 209- مورتی پوجک
شمیل
- 210- ساوے پتر
پروفیسر
موہن سنگھ
- 211- رب
پروفیسر
موہن سنگھ

- 212- کھوہ دی گادھی اُتے پروفیسر
موہن سنگھ
- 213- چھتو دی پیری پروفیسر
موہن سنگھ
- 214- ماں پروفیسر
موہن سنگھ
- 215- میں نہیں رہتا تیرے گراں پروفیسر
موہن سنگھ
- 216- چپ پروفیسر
موہن سنگھ
- 217- انبی دا بوٹا پروفیسر
موہن سنگھ
- 218- سہاں دی کندھی پروفیسر
موہن سنگھ

شمارہ 4۔ جنوری، فروری، مارچ 2008ء

- 219- پُلس والے دی راہ جاندی مائی بھوگی نال گل نجم حسین
سید
- 220- کافی محسن
مگھیانا
- 221- پانی پت دے کول سمجھو تہ اکیسپریس وِچ دھماکہ شمیمہ اسماء
- 222- خاب دی شراب غفور شاہ
قاسم
- 223- سیال دی اک شام آصف ڈار

- 224- اک مراٹھی بچے دی گل
نجم حسین
سید
- 225- مارکیٹ
احمد سلیم
- 226- نظم (دل درداں والی واٹ تے.....)
زاہد حسن
- 227- اسیں برہوں جائے
زاہد حسن
- 228- اے اکھ سفنیاں وچ رہن دیو
زاہد حسن
- 229- تینوں خط
انکار
- پریت
- 230- پیار
انکار
- پریت
- 231- ہاسیاں رنگی
رافعہ ضیاء
- 232- چانن وچ سویر
رافعہ ضیاء
- 233- دل دے شہر
فوزیہ رفیق
- 234- جگنو
فوزیہ رفیق
- 235- سدا
فوزیہ رفیق
- 236- راوی نوں.....
امریک
- سنگھ پونی
- 237- ماں دی ٹیوشن
ہر بھجن سدھو
- مانسا
- 238- پیڑھی دی اسیس
ہر بھجن سدھو
- مانسا

- 239- کدے کدائیں _____ منجیت پٹی
- شمارہ 6-7- جولائی تا دسمبر 2008ء
- 240- نظم (وقت کیہ ہو یائے.....) نجم حسین
- سید
- 241- ہوادی حمد جینفر
- باربر / عرفان ملک
- 242- لہور ہمدرد ویر
- نوشہروی
- 243- اک سمندر میرے اندر ہمدرد ویر
- نوشہروی
- 244- بخش رہندی رہو! ہرش کمار
- ہرش
- 245- پہلا آپ ہرش کمار
- ہرش
- 246- پُرا ہرش کمار
- ہرش
- 247- ایتھاس تے متھہاس شوناتھ
- 248- نکے ہوندیاں دی یاد ظہور احمد
- 249- نوں توں پنج دے چکرو چوں نکل آئے ظہور احمد
- 250- نظم (بے وساء ہی جنڈری رنگ کون بھرے) شمینہ اسماء
- 251- مینڈی اُنگی اوس مُندری پائی کنول نین
- کپور
- 252- پارے داڑکھ جمایا کنول نین

- کپور
253- دھارا کنول نین
- کپور
254- آوے مترا کنول نین
- کپور
255- توں آپنی رُت سہاگن آپے لہے زیر احمد
- 256- پردیسی انور کنیر
-
- شمارہ 8۔ جنوری، فروری، مارچ 2009ء
-
- 257- موبائل ازم نجم حسین سید
- 258- کردارنگ سلیم شہزاد
- 259- اک دازہر سلیم شہزاد
- 260- ہون دا کال زاہد نواز
- 261- پھکی لو زاہد نواز
- 262- پانڈی لیکھ اساڈے اخلاق
- عاطف
- 263- عمروں لمیاں چُپاں اخلاق
- عاطف
- 264- امن دے بوٹے افضل راز
- 265- نظم (میں تیرے ورھیاں نوں چک پاسکئی آں) عائشہ اسلم
- 266- نظم (اک سگندھسی پیاردی) عائشہ اسلم
- 267- پرانی کہانی سلطان
- کھاروی
- 268- وعدہ معاف گواہ گرمیت

- برار
269- بخشش گرمیت
- برار
270- تیرے وصل دی یاد گرمیت
- برار
271- آپنا خیال رکھیں گرمیت
- برار
272- روبرو کنول نین
- کپور
273- سائیں ڈاڈھا کرتب کیتا کنول نین
- کپور
274- عشقے دا پاسہ پاکملیے کنول نین
- کپور
275- فی پھڑ لے سدھی لکیر کنول نین

شمارہ 9- اپریل، مئی، جون 2009ء

- 276- پڑھت نجم حسین
- سید
277- اک دی دھونی سلیم شہزاد
- 278- اک نظم دیپ دے ناں اقبال قیصر
- 279- رات آؤندی اے۔۔۔ سلیم پاشا
- 280- سانوں جیہڑیاں کہانیاں یاد نیں اظہر منیر
- 281- ہڑپے دی شیل لکھ مجید

- 282۔ نویں گل اعجاز علی
- اعجاز
- 283۔ اعتبار د ایشیہ اعجاز علی
- اعجاز
- 284۔ اکھیاں وچ تریل اعجاز علی
- اعجاز
- 285۔ ہر پاسے دھماں تیریاں اعجاز علی اعجاز
- 286۔ سدھر اعجاز علی
- اعجاز
- 287۔ ویلے دا ٹھوسا اخلاق
- عاطف
- 288۔ نموشی مرزا شاہد
- بیگ
- 289۔ میرے نیناں جھلے ہوئے عائشہ سلیم
- 290۔ اک نظم (ایس توں پہلاں) عائشہ سلیم
- 291۔ باقی ساڈا کم زرندر ڈانسوالیا
- 292۔ البیلڑا میں ونود گھڑانا
- 293۔ پاک کوتا ونود گھڑانا
- 294۔ نظم (تاریاں نوں.....) منجیت پٹی
-
- شمارہ 10۔ جولائی، اگست، ستمبر 2009ء
-
- 295۔ مسکت نجم حسین
- سید

- 296- نظم (رج روون نے.....) سلیم شہزاد
- 297- ٹونا سلیم شہزاد
- 298- نظم-1 (اوس رات دی گڈی) آفتاب
- نوید
- 299- نظم-2 (گل کھلر دی کیوں نہیں) آفتاب
- نوید
- 300- نظم-3 (اجیہا جیون جا لڑنا) آفتاب
- نوید
- 301- نظم-4 (ککرمیرا ہانی سی) آفتاب
- نوید
- 302- نظم-5 (سفنے اندر مورتاں بنن) آفتاب
- نوید
- 303- نظم (پچھن لگی.....) افضل
- راجپوت
- 304- حُوری نورانی افضل
- راجپوت
- 305- نظم (ورھیاں دی سار لوہی) شمینہ اسماء
- 306- وچولا شمینہ اسماء
- 307- ساڈے ہتھ تگھے ملوک سن زیر احمد
- 308- میں جدوں وی اٹھائی قلم دوستو گنگن
- دیپ سنگھ دیپ
- 309- بچی دی پکار منجندر
- دھنوا

- 310- نظم (لکھناڑ کھدے پٹھ میں بیٹھا) نجم حسین سید
- 311- نویں بھارت غلام حسین
ساجد
- 312- گرین ہاؤس وچ پک خیال غلام حسین
ساجد
- 313- بھکھ تے بھانڈے غلام حسین
ساجد
- 314- گوڑ محمد افضل
شاہد
- 315- متا انور کنیر
- 316- اکھ داتارا انور کنیر
- 317- رشم دے وداع ہون تے انور کنیر
- 318- نظم (ہوانے ہولی جیہی.....) آفتاب
نوید
- 319- مشورہ فرخ
ہمایوں
- 320- نواں دلدر فرخ
ہمایوں
- 321- ہمت مرداں مدد خدا فرخ
ہمایوں
- 322- من بیتی فرخ
ہمایوں

- 323- روزنویں اک دُنیا اندر خالد حسین
تھتھال
- 324- کدے بُھلی و سِری کوئی یادِ اِنج آؤندی خالد حسین
تھتھال
- 325- اُردو کلامِ اقبال ترجمہ پنجابی خواجا امید
محی الدین
- 326- جیون دو دھر بی۔ ایس۔
بیر
- 327- اک خط سرجیت
گلّسی
- 328- بے آواز عورتاں سرجیت
گلّسی
- 329- سولی روئدر روی
-
- شمارہ 13-15- اپریل تا دسمبر 2010ء
-
- 330- کدیں پھیرا پا کھنا عاشق
رحیل
- 331- سانوں روگ اولھڑے گجھے عاشق
رحیل
- 332- رات پوے راشد حسن
رانا
- 333- کالے راشد حسن
رانا
- 334- بے چہرہ لوک راشد حسن

رانا

335- خلاء راشد حسن

رانا

346- دل راشد حسن

رانا

337- ہڑھ حیاتی منگدااے

شمینہ اسماء

338- اک گل کرنو چیتے رہ گئی

شمینہ اسماء

339- ہاؤس سپیروز

سنیل نیل

340- مڑھی دے بول

سنیل نیل

341- ہتھ

کے سادھو سنگھ

342- ونگاں

کے سادھو سنگھ

343- اکیس ہم بارک

کے سادھو سنگھ

غزل

نمبر شمار

پہلا مصرعہ

شاعر داناں

- 344- اکھاں دی رکھوالی رکھ
محمد علی مضطر
- 345- ٹردا جاویں سدھے ہتھ
محمد علی مضطر
- 346- چناں وے تیری چاننی، تاریا وے تیری لو
محمد علی مضطر
- 347- پیامل نہیں میرا تے کیہ ہویا، قدر اوس دی کیوں نہ پائی لوکاں
تنویر بخاری
- 348- حسن اکھیاں وچ پیا ہضم کرناں، ہویا سُن میں حیرت دے
نال نہیں جی۔ تنویر بخاری
- 349- میں خاک ہاں، ہوا ہاں، پانی ہاں، نار ہاں
طفیل خلش
- 350- پک نال چیراں ست سمندر، ہتھ پتال نوں لاواں
طفیل خلش
- 351- چٹے پھل کنیراں لے کے
سلیم کاشر
- 352- اوہناں اگے بھرے پیالے پئے ہوئے نیں
عبدالکریم قدسی
- 353- چانن دا بھریا تھاں اُلٹ دے سائیں
عبدالکریم قدسی
- 354- جیہڑے گھر دے گھڑے ترپڑے جان دے نیں
عبدالکریم قدسی

- 355- کنڈیاں نوں گلاب کیہ لکھنا
عبدالکریم قدسی
- 356- بارش وچ بارش سی سننی اوس دِن دی بارش توں بعد
شگفتہ نازلی
- 357- پیڑاں مکیاں ساریاں راہواں
رُوجی کنجاہی
- 358- نویں زخم وکھاواں جی کردا اے
صفدر حسین برق
- 359- غزل (کچھ تدبیراں چلیاں نہ)
جاوید ذکی

شمارہ 2۔ جولائی، اگست، ستمبر 2007ء

- 360- ظلمی کہن بلاواں ہندیاں
ترلوچن لوچی
- 361- رشتیاں وچ تازگی وی ہے اے
جسونت ہانس

شمارہ 4۔ جنوری، فروری، مارچ 2008ء

- 362- موسم ویکھ، نظارے ویکھ
رمضان شاہ
- 363- میں جدوں اپنے آپ نوں اِس جُے اندر ویکھناں
زاہد نواز
- 364- آؤندے نہیں پر آؤن دا کہہ جان دے نہیں
عاشق رحیل
- 365- دُکھیاں ہمشیر دی گل اے

حکیم ارشد شہزاد

366- ٹٹی ڈھانی وانگوں جندڑی مکدی جاوے

ونسٹ پیس عسیم صلیبی

367- سوچ رہیاواں گل دے کچھے تینوں وی میں تار دیاں

صابر چودھری

368- خشبورنگ ہواتے چانن لبھناواں

عادل صدیقی

369- یاداں دے میں تھلے ورقے

مدثر اقبال بٹ

شمارہ 5- اپریل، مئی، جون 2008ء

370- نال تیرے رابطہ بنیا رہے

ترلوچن لوچی

شمارہ 6-7- جولائی تا دسمبر 2008ء

371- جدھر نہیں سی جانا او دھر جان دے رہے

محمد افضل شاہد

372- کدھرے دھوا نکھے چہرے، کدھرے دھوا نکھے درنیں

منجند ردھنوا

373- میری عبادت دوستیاں

ترلوچن لوچی

شمارہ 8- جنوری، فروری، مارچ 2009ء

374- کوٹھے اُپر منجاڈاہ کے عرش چ جگدے تارے ویکھ

گر بھجن گل

375- ورہدے مینہہ وچ اڈن کھٹولا اڈیا جانداوا ہوداہ!

گر بھجن گل

376- ندی طوفانی اچھلی سی ہُن ٹک کے بہہ گئی اے

گر بھجن گل

377- ایٹم داونج کردے گھگھیاں اڑارہے نیں

گر بھجن گل

شمارہ 9- اپریل، مئی، جون 2009ء

378- پیار کسے نال پا کے ویکھ

ڈاکٹر نثار ترابی

379- اُجڑے باغ دادوش لگاؤندے لوک بہاراں اُتے

بوٹا سنگھ چوہان

380- وفانوں پالنا ہی زندگی ہے

بوٹا سنگھ چوہان

381- میرا ہر ساہ میرا ہر پل تیرے ناں

بوٹا سنگھ چوہان

382- ایہہ لوکاں داراج ہے، بھرم رہیا اے ٹُٹ

جسوندر مہرم

383- میرے سنگ تاں ہمیشہ ہی اجیہا حادثا ہویا

جسوندر مہرم

384- آپنا گلہ، اوس دی خطا، بھل جان دی کوشش کریں

جسوندر مہرم

385- رکھ حوصلہ منزل دے ول ودھدا جائیں ہولی ہولی

جاگیر پریت

386- ایہہ کس نے لیک ماری ہے ایں ایدھر تیں اودھر

گر چرن کور کو چر

شمارہ 10- جولائی، اگست، ستمبر 2009ء

387- ہونیاں نے آکیتی بندگی شماں ڈھلے

اجیت پیاسا

388- خودی نوں ہوش ہے آئی، میں نوں میتھوں جُدا کر کئے

اجیت پیاسا

389- ساڈی چُپ دے بُو ہے دہ کوئی الکھ جگا آ کے

اجیت پیاسا

390- چُم کے متھائر ہا جیکر دیوے گیت بنا مینوں

اجیت پیاسا

391- ہزاراں حادثے اک حادثے اندر نکل آئے

جگتار

392- نشانی رکھ کے پر موراں دے کیہ ملیا کتاب اندر

جگتار

393- شام دی کھڑکی کھول کے رکھیا دیو اتیرے نام دا

جگتار

394- رشناں ور گے حرف اُگاواں

گگن دیپ سنگھ دیپ

395- رنگ نہ ہی روپ نہ اوہ دل رہیا

منجندر دھنوا

شمارہ 11-12- اکتوبر 2009ء تا مارچ 2010ء

396- اکھاں اُتوں پٹی لاہ کے ہن تے بندیا جاگ

397- تپدے تن تے گھڑاڈ ولھ اوہ جدا نگرانی بھردی ہے
گر بھجن گل

398- جھیل بلوری نیناں اندر سُپنے تر دے ویکھ رہیا ہاں گر بھجن
گل

399- ویہہ گیا پانی پلاں دے پیٹھ مڑ آؤ نہ نہیں
گر بھجن گل

400- سیاستدان جتن گے توں ویکھیں لوک ہارن گے
گر بھجن گل

401- غماں دی رات ہووے تاں ستارے کون ویہندا ہے
گر چرن کو چر

402- جدوی ویکھدی ہاں میں کسے کچنار دا چہرہ
گر چرن کو چر

شمارہ 15-13- اپریل تا دسمبر 2010ء

403- سُنیاں ون سونیاں گلاں عاشق

رحیل

404- موسم او بھڑ پکیاں تھاواں

احسان رانا

405- فجرے اُس نوں چیتے آگئی چیتر دی مہکار

احسان رانا

406- چُونڈ چُونڈ کھارہیاں نیں ماس میرے جسم دا

سُنیل نیل

407- شعراں دے وچ کرے گل محبت دی

سُنیل نیل

408- ہر قدم دتا سہارا یا رنے

روپ نما نا

409- رب توں سہارا کیہ لواں، میرا سہارا توں ہی ہے روپ نما نا

گیت

نمبر شمار پہلا مصرعہ

شاعر داناں

شمارہ 1- اپریل، مئی، جون 2007ء

410- بولیاں

کلیم شہزاد

411- تیرے نال چا اکھیاں لائیاں

جاوید ذکی

شمارہ 2- جولائی، اگست، ستمبر 2007ء

412- میرا ماہی گھر آیا گھڑی و صلاں دی آئی

مسز منجیت دھیمان

شمارہ 3- اکتوبر، نومبر، دسمبر 2007ء

413- بولیاں

محمد ندیم بھابھہ

414- روپ دیئے رائیے توں دھرتی داماں نی

سُہندر بیر

شمارہ 5- اپریل، مئی، جون 2008ء

415- گیت (پھلاں نال لدی لدی.....)

شمارہ 7-6۔ جولائی تا دسمبر 2008ء

416۔ آہتھیاراں نوں اگاں لائیے

اندر جیت حسن پوری

417۔ سانوں عشقے داروگ جیہالا کے

اندر جیت حسن پوری

418۔ پھڑنہ توں ڈوراڈ دی پتنگ دی

اندر جیت حسن پوری

419۔ چناں آجا کتوں آجا

اندر جیت حسن پوری

420۔ بولیاں

امین بابر

421۔ میری رنگاں بھری پھلکاری نی مائے

منجند ردھنوا

شمارہ 8۔ جنوری، فروری، مارچ 2009ء

422۔ جندے نی اسیں ہوئے وی ان ہوئے

ہری سنگھ موہی

423۔ ساہاں نے اک گیت بنایا پوناں گودکھڈایا

ہری سنگھ موہی

شمارہ 9۔ اپریل، مئی، جون 2009ء

424۔ ماہیے

اظہر منیر

اشاریہ مصنف (Author Index)

الف

اتم جیت:	نثر - 88
اجیت اولکھ:	نظم - 164
اجیت پیاسا:	نظم - 387, 388, 389, 390
اجیت سنگھ چندن:	نثر - 57
احسان رانا:	نظم - 404, 405
احمد سلیم:	نظم - 225
	نثر - 09, 25, 43, 53, 60
اختر شمار:	نثر - 119
اخلاق عاطف:	نظم - 262, 263, 287
اشونی باگریاں:	نثر - 124
اظہر منیر:	نظم - 280, 281, 424
اعجاز سید:	نثر - 90

اعجاز علی اعجاز: نظم - 282, 283, 284, 285, 286

نثر - 130

افضل راجپوت: نثر - 125

نظم - 303, 304

افضل راز: نظم - 182, 264

افضل ساحر: نظم - 162, 163

اقبال را موالیا: نثر - 137

اقبال قیصر: نظم - 278

نثر - 63, 69

اکمل علیمی: نثر - 19, 32, 58

الیسہ ارز: نثر - 01

امر جلیل: نثر - 92

امر جیت چندن: نظم - 148, 149

نثر - 16, 76, 77

امر جیت سنگھ ہینر: نثر - 114

امر جیت ناز: نثر - 103

امریک سنگھ پونی: نظم - 236

امین بابر: نظم - 420

انتون چیخوف: نثر - 133

انور چودھری: نثر - 36

انور کنیر: نظم - 256, 315, 316, 317

الیں پرمندرجیت سنگھ: نثر - 33

این۔ الیں۔ مندا: نثر - 29

اندرجیت حسن پوری: نظم - 416, 417, 418, 419

اُمینش اگنی ہوتری: نثر - 138

انکار پریت: نظم - 229, 230, 415

آ

آصف ڈار: نظم - 223

آفتاب نوید: نظم - 298, 299, 300, 301, 302, 318

ب

بابا منجمی: نظم - 186

بوٹا سنگھ چوہان: نظم - 379, 380, 381

بیبا کلونت: نثر - 31

بی۔ ایس۔ بیر: نثر - 106, 121, 128

نظم - 326

پ

پرم جیت سوبل: نظم - 206

پر جیت کورنجر: نثر - 94

پروفیسر سوز: نثر - 99

پروفیسر کلونت جگراؤں: نثر - 100

پروفیسر موہن سنگھ: نظم - 210, 211, 212, 213, 214, 215, 216, 217, 218

پروفیسر زرنجن سنگھ تسنیم: نثر - 14, 39, 87

پریم سنگھ گریوال: نثر - 40

پریم بھوشن گوئل: نثر - 120

پریم کمار: نثر - 13, 79

نظم - 180

پونم سنگھ: نثر - 67, 72

ت

تاج بلوچ: نظم - 187, 188

تارن گجرال: نثر - 197

ترلوچن لوچی: نظم - 360, 370, 373

تنویر بخاری: نظم - 347, 348

ث

ثروت محی الدین: نظم - 152, 153

ثمنینہ اسماء: نظم - 159, 221, 250, 305, 306, 337, 338

ثناء اللہ گوندل: نثر - 05, 11, 18

ج

جاگیر پریت: نظم - 385

جاوید یوٹا: نثر - 138

جاوید ذکی: نظم - 165, 166, 167, 168, 169, 170, 171, 172, 173, 174, 175, 176, 177, 359, 411

جسونت ہانس: نظم - 361

جسوندر مہرم: نظم - 382, 383, 384

جگتار: نظم - 391, 392, 393

جہشید اُپل: نثر - 08

جیکا کنکلیڈ: نثر - 117

جسمیجا سنگھ جوہل: نثر - 24

جینیفر باربر: نظم - 241

چ

چارلز وان ہیوگل: نثر - 26, 37, 46, 54

چمن لال: نثر - 11, 20, 52

چنیل سنگھ بل: نثر - 140, 142

ح

حکیم ارشد شہزاد: نظم - 365

خ

خالد حسن: نثر - 67, 72

خالد حسین تھتھال: نظم - 323, 324

خولجہ امید محی الدین: نظم - 325

و

درشن سنگھ آشت: نثر - 30, 35

ڈ

ڈاکٹر اظہر محمود چودھری: نثر - 06, 68

ڈاکٹر جہاں سنگھ: نثر - 85

ڈاکٹر سردار نسیوک: نثر - 47

ڈاکٹر ظفر اقبال محسن: نثر - 01

ڈاکٹر فقیر چند شکلا: نثر - 22, 50, 93

ڈاکٹر ثار تریابی: نظم - 378

ر

راجا محمد احمد: نثر - 03, 110

راجا محمد انور: نثر - 101

راشد حسن رانا: نظم - 332, 333, 334, 335, 336

رافع ضیاء: نظم - 231, 232

رام لال: نثر - 134

رانا زاہد: نثر - 80

رشید ندیم: نظم - 199

رمضان شاہ کر: نظم - 362

رنجیت سنگھ تمہر: نثر - 109

روپ نما نا: نظم - 408, 409

روندر روی: نظم - 329

رُوحی کجای: نظم - 357

ز

زاہد حسن: نظم - 226, 227, 228

زاہد نواز: نظم - 260, 261, 363

زبیر احمد: نثر - 52, 64, 70, 75, 76, 77, 82, 91, 107, 122

نظم - 255, 307

س

سادھو بنگ: نثر - 02

نثر - 05	سدهو صاحب:
نثر - 84	سرجندر سنگھ:
نثر - 95	سعادت حسن منٹو:
نثر - 78	سعید بھٹا:
نثر - 123, 139	سعیدہ مختار یونس:
نظم - 160, 161, 267	سلطان کھاروی:
نثر - 27, 41, 71	سلیم پاشا:
نظم - 185, 279	
نظم - 151, 258, 259, 277, 396, 397	سلیم شہزاد:
نظم - 351	سلیم کاشر:
نظم - 183, 184	سورن جیت سَوی:
نثر - 44, 61	سُبھاش شرما:
نظم - 327, 328	سُر جیت کلسی:
نظم - 201	سُرندر جیت کور:
نظم - 197	سُریندر کابلون:

سُریندر رامپوری: نثر - 127

سُکھ دیو مادپوری: نثر - 15

سُکھ دیو سدھو: نثر - 136

سُنیل نیل: نظم - 339, 340, 406, 407

سُہندریہ: نظم - 414

ش

شاہدہ دلاور شاہ: نثر - 17

شفقت تنویر مرزا: نثر - 89

شفیع مہدی: نثر - 135

شگفتہ نازلی: نظم - 356

شمیل: نظم - 207, 208, 209

شوناتھ: نظم - 247

ص

صابر چودھری: نظم - 367

صدیق ارشد: نثر - 48

صغیر تبسم: نظم - 396

صفدر حسین برق: نظم - 358

ط

طارق گوجر: نظم - 189

طارق مقبول: نثر - 133

طفیل خلش: نظم - 349, 350

ظ

ظفر علی راجا: نثر - 23

ظہور احمد: نظم - 248, 249

ع

عادل صدیقی: نظم - 368

عاشق رحیل: نظم - 330, 331, 364, 403

عامر غفار گوری: نثر - 59

عائشہ اسلم: نظم - 265, 266

عائشہ سلیم: نظم - 289, 290

عبدالکریم قدسی: نظم - 352, 353, 354, 355

عذرا وقار: نثر - 112

عذرا پروین: نثر - 129

عرفان ملک: نثر - 117، نظم - 241

علی محمد راجپوریا: نثر - 62

غ

عافرشہزاد: نثر - 42, 65

غفور شاہ قاسم: نظم - 222

غلام حسین ساجد: نثر - 132

نظم - 193, 194, 195, 311, 312, 313

ف

فاخرہ ریاض: نثر - 12

فاروق ندیم: نثر - 81

فالکن: نثر - 95

فرخ ہمایوں: نظم - 319, 320, 321, 322

فضل احمد خسرو: نثر - 116, 126

فوزیر فیت: نظم - 233, 234, 235

فہیدہ ریاض: نثر - 109

ک

کلیم شہزاد: نظم - 410

کنول نین پور: نظم - 251, 252, 253, 254, 272, 273, 274, 275

کنہیا پور لال: نثر - 21

کیلاش پوری: نثر - 104

کے سادھو سنگھ: نظم - 341, 342, 343

گ

گنگن دیپ سنگھ دیپ: نظم - 308, 394

گربھجن گل: نثر - 73 نظم - 191, 374, 375, 376, 377, 397, 398, 399, 400

گرچن کور تھند: نثر - 105, 118، نظم - 190

گرچن کور کوچر: نظم - 386, 401, 402

گردت سنگھ کانگ: نثر - 56